



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

2606

2607

2608

2609

2610

2611.

9147.925)

t-40

ՀԱԿԱՎԵԼՈՒ ՄԱՏԵՆԱԴՐԻՑ

100

ԵՂԻՇՔԻ
ՊԱՏՄՈՒԹԻՒՆ
ՎԱՐԴԱՆԱՑ

Հ Ս Տ

ԱՆՁԵՒԱՑԵԱՑՆ ՕՐԻՆԱԿԻ

Printed in Turkey



Տ Փ Խ Ի Ս

Արագատիպ Մն. Մարտիրոսեանցի, Պուշկինեան փողոց, 12.

1904.

9(47.925)

5-40

Վ.

ՀԱՐԿԱՅԵՑ ՄԱՏԵՆԱԴՐԵՐԻ



ԵՂԻՇՔԻ

ՊԱՏՄՈՒԹԻՒՆ

ՎԱՐԴԱՆԱՆՑ

1010
408889
4

Հ Ս

ԱՆՁԵՒԱՑԵՍՅԱՆ ՕՐԻՆԱԿԻ

Տ Փ Խ Ի Ս

Արագածիպ Մն. Մարտիրոսիանցի, Պուշկինեան փողոց, 12.

1904.

" 2004

12781

Дозволено цензурою. 27 Апрѣля 1904 г. Тифлисъ.

2012

4005

~~740~~

170

Ի ՅԱՀԵՐԺԱԿԱՆ ՅԻՇԱՏԱԿ

Ա Ր Ե Տ Տ Ի Ք Ա Յ Ֆ Ա Լ Ա Յ Ե Տ Ա Ն

ՀՈՒԿԱՍԵԱՆՑ

Quetzal

Եղիշէի սրբոյ Վարդապետին մերոյ չնաշխարհին Պատմութիւնն առաջարկութեան Վարդանանց ի վերայ մերոյս ազգի և եկեղեցւոյ՝ մի է ի հոյակապ հնութեանցն նշխարելոց մեզ ի հինգերորդ դարէ նախնեացն մատենագրութեան:

Այս երկասիրութիւն ականատես պատմագրին՝ իւրով հոգելից յօրինուածով, գեղեցկահիւս ոճով, յստակ հայկարանութեամբ և եռանդուն աշխուժիւք, ոգեպարար իմն ճարակ է մտաց և սրտի ամենայն առն Հայոյ աստուածասիրի և հայրենասիրի, և մանկաւոյն մերոյ դաստիարակութեանն մնունդ ախորժանամ և յոյժ ցանկալի: Այսր իսկ աղագաւ իրաւամբ համեմատեալ գտանի սա յոմաց Քսենոփոնտեայ հելենացւոյ քաղցրաբանութեանն զուգահաւասար, յայլոց Յուլեայ կեսարու հովմայեցւոյ կորովաբան պատմագրութեանն, և յայլոց ևս Ֆենելոնի գաղղիացւոյ յստակախօսութեան նմանատիպ: Որում քաջ խելամտեալ մերոցն բանասիրաց՝ իրը ի հարիւրոց ամաց հետէ և այսր բազում անգամ ի բազում տեղիս հատարակեալ են զսա տպագրութեամբ, ի Բիւզանդիոն ասեմն ի Պետերբուրգ, ի Վենետիկ և ի Թէոդոսիա:

ԳԱ.ԲՐԻԵԼ Ա.ՐՔԵՊԻՍԿՈՊՈՍ ԱՅՎԱԶՅԱՆ



170-2014

Խ 169

A. DEVEJIAN LIBRARY
NEW YORK
Ա. ՏԵՎԵՋՅԱՆԻ ԳՐԱԴՈՒՆ

Վ. Ս. Ս. Ն.

ՎԱՐԴԱՆԱՑ

Ե. Ի.

ՀԱՅՈՑ ՊԱՏԵՐԱԶՄԻՆ

ԳՐԻԹԻ ԵԲԻՑՈՒ ՄԵՄԻԿԱՆԻ ՀԱՅՈՅԸ

Բանն զոր պատուիլեցեր՝ արարի,
ով քաջ. վասն Հայոց պատերազմին
հրամայեցեր, յորում բազումք առաքինացան
քան զսակաւու:

Ահա նշանագրեցի յայսմ եւթն յեղա-
նակիս,

Առաջին՝ զժամանակսն:
Երկրորդ՝ զիրացն պատահումն յիշեա-
նէն արեւելից:
Երրորդ՝ զՄիաբանութիւն ուխտին եկե-
ղեցւոյ:

Չորրորդ՝ զԵրկպառակութիւն ոմանց բա-
ժանելոց ի նմին ուխտէ:

Հինգերորդ՝ զՅարձակումն արեւելեաց:
Վեցերորդ՝ զԸնդդիմանալն Հայոց պա-
տերազմաւ:

Եւթներորդ՝ զՅերկարումն իրացն խը-
ռովութեան:

Յայսմ յեւթն գլուխս կարգագրեալ և
եղեալ ծայրալիր պարապմամբ զսկիզբն և
զսիջոցն և զկատարածն, զի հանսապազորդ
ընթեռնուցուս, լսելով զառաքինեացն զքա-
ջութիւն, և զյետո կացելոցն զվատթարու-
թիւն. ոչ յանձին կարօսութիւն երկրաւոր
առաստ զիտութեանդ լրման, այլ յայցելու-
թիւն երկնաւոր տնտեսութեանն՝ որ մա-
տակարարէ յառաջզիտութեամբ զհատուց-
մունս երկոցունց կողմանցն, որ երեւելեօքս
զաներեւոյթսն գուշակէ:

Այլ դու, ով մեծ ի զիտութեանն Աս-
տուծոյ, առ ինչ արդեւք հրամայեսցես քան
եթէ հրամայիցիս լաւագունացն: Որպէս
երեի ինձ և այնոցիկ որ գեգերեցին յիմաս-
տասիրութիւն՝ երկնաւոր սիրոյ է ի քեզ
այս նշանակ, և ոչ երկրաւոր փառասիրու-
թեան. քանզի և ասացին իսկ ոմանք ի քաջ
պատմագրացն. «Զուգութիւն է մայր բա-
րեաց, անզուգութիւն ծնող չարեաց»:

Որպէս և մեր իսկ հայեցեալ ի սուրբ

ոէր քոյոյ հրամանիդ՝ ոչ ինչ զանդաղեալ
վեհերեցաք հայելով ի մեր տղիտութիւնս:
Քանզի բազում ինչ է սրբութիւն՝ սատար
լինել անօսրութեան, որպէս աղօթք՝ գիտու-
թեան, և ոէր սուրբ՝ միաբան օգտից:

Զոր և մեր ընդ հրամանին քում ընկա-
լեալ՝ յօժարութեամբ ձեռնարկեցաք զայս
ինչ, որ է միսիթարութիւն սիրելեաց և յոյս
յուսացելոց, քաջալերութիւն քաջաց, կա-
մակարութեամբ յարձակեալ ի վերայ մա-
հուան, առաջոյ տեսանելով զզօրագլուխն
յաղթութեան, որ ոչ ումեք ոտնհար լինի
թշնամութեամբ, այլ ամենեցուն ցուցանէ
զիւր անպարտելի զօրութիւնն: Եւ անա ո
ոք կամեսցի՝ ընդունի իբրև զնահատակ ա-
ռաքինի: Եւ քանզի բազմադիմի է նահատա-
կութեանդ անուն, և նա բազմագիմի շնորհա
բաշխեաց ամենեցուն. զոր և մեծ իսկ քան
զամենայն՝ զսէր սուրբ յաննենդ մտաց զի-
տեմբ:

Այս պարզութիւն զվերնոյն բերէ զնմա-
նութիւն. զոր և մեր ի քեզ տեսեալ, մոռա-
ցաք զմեր ընութիւնս: Եւ անա վերաբերմք
ընդ քեզ ճախրելով, և իբրև բարձրաթոփչս
եղեալ՝ զամենայն վասակար մըրկածին օ-
դովքդ անցանիցեմք, ծծելով փոքր ի շատէ

յանապական վերին օդոցն՝ առնուցումք ըգ-
զիսութիւն ի վրկութիւն անձանց և ի փառս
ամենայաղթ եկեղեցւոյ։ Ուստի և բազում
սուրբ պաշտօնեայքն զուարթութեամք կա-
տարեսցեն զսպաս վիճակին իւրեանց, ի փառս
Հօրն բոլորեցուն. ուր ընդ նմին սուրբ Եր-
բորդութիւն ցնծացեալ բերկրիցի յանտրտ-
մական յիւրում էութեանն։

Printed in Turkey

ԱՌԱՋԻՆ ՅԵՎԱՆԵՍՔ

ԺԱՄԱՆԱԿԲՆ

Արդ որովհետեւ ընկալաք գհրաման
պատուիրանի յաննախանձ քոյոց
բարուց բնութեանդ, սկըսցուք ուստի ար-
ժան է սկսանել. թէպէտ և ոչ յօժարիցեմք
զթշուառութիւն մերոյ ազգիս ողբալ։ Ահա
ոչ ըստ կամաց արտօնրալիբ ողբովք ճա-
ռագրեմք զբազում հարուածոն՝ յորում պա-
տահեցաք և մեք իսկ ականատեսք լինելով։

Քանզի ի բառնալ ազգին Արշակունեաց,
տիրեցին աշխարհիս Հայոց ազգն Սասանայ
պարսկի, որ վարէր զիւր իշխանութիւնն
օրինօք մոզուցն. և բազում անգամ մարտըն-
չէր ընդ այնոսիկ՝ որ ոչ ընդ նովին օրինօքն
մտանէին, սկիզբն արարեալ յամաց Արշա-
կայ արքայի որդւոյն Տիրանայ, և կոռւէր

մինչև յամն վեցերորդ Արտաշիսի արքայի հայոց, որդւոյն Վռամշապհոյ: Եւ իբրև զնա ևս մերժեաց ի թագաւորութենէն, ի նախարարսն Հայոց անկանէր թագաւորութիւնն. զի թէպէտ և գանձն յարքունիս Պարսկաց երթայր, սակայն այրուծին Հայոց բովանդակ ի ձեռն նախարարացն առաջնորդէր ի պատերազմի: Վասն որոյ և աստուածպաշտութիւնն բարձրագոււխ կամակարութեամբ երեւլի լինէր յաշխարհին Հայոց, ի սկզբանց տէրութեանն Շապհոյ արքայից արքայի մինչև ցամն երկրորդ Յազկերտի արքայից արքայի՝ որդւոյ Վռամայ՝ զոր Եղիտ սատանայ իւր գործակից, և զամենայն մթերեալ թոյնան թափեաց ի բաց, և ելից զնա իբրև զպատկանդարան դեղեալ նետիւք: Եւ սկսաւ Եղջեւը ածել անօրէնութեամբ, զոռոզանայր, և զոռալով հող համէր ընդ չորս կողմանս երկրի, և թշնամի և հակառակորդ երեւցուցանէր իւր գհաւատացեալքս ի Քրիստոս, և նեղեալ տագնապէր անխաղաղառէր կենօք:

Քանզի յոյժ սիրելի էր նմա խոռվութիւն, արիւնհեղութիւն, վասն այնորիկ յանձն իւր տարաբերէր, եթէ յո՞ թափեցից զդառնութիւն թիւնից, կամ ուր բացատրեցից զբազմութիւն նետիցն: Եւ առ յոյժ յիմարութեանն

իբրև զզազան մի կատաղի յարձակեցաւ ի վերայ աշխարհին Յունաց. Եհար մինչ ի քաղաքն Մծբին, և բազում զաւառս Հոռոմոց աւերեաց ասպատակաւ, և զամենայն եկեղեցիս հրձիգ արար. կուտեաց զաւար և զգերի, և ահաբեկ արար զամենայն զօրս աշխարհին:

Իսկ երանելին Թէոդոս կայսր՝ քանզի խաղաղասէր էր ի Քրիստոս, ոչ կամեցաւ ելանել ընդ առաջ պատերազմաւ. այլ այր մի Անատոլ անուն, որ էր նորա սպարապետ արևելից, առաքեաց առ նա բազում զանձիւք: Եւ արք պարսիկք, որք փախուցեալ էին վասն քրիստոնէութեան և էին ի քաղաքի կայսեր, կալաւ և ետ ի ձեռս նորա: Եւ զամենայն զոր ինչ ասաց ի ժամանակին՝ կատարեաց ըստ կամաց նորա, և արգել զնա ի բազում բարկութենէն, և դարձոյց անդրէն յիւր քաղաքն Տիգբոն:

Եւ իբրև ետես անօրէն իշխանն եթէ յաջողեցաւ չարութիւնն նորա, սկսաւ այլ ևս խորհուրդ յաւելու, իբր ոք զի ի հուր բորբոքեալ յաւելով բազում նիւթս փայտից: Քանզի ուստի սակաւ մի կասկածուն էր՝ անտի աներկիւդ հաստատեցաւ. վասն այնորիկ զբգուցոյց զբազումս ի սուրբ ուխ-

տէն քրիստոնէից, էր՝ զոր բանիւք սպառ-
նալիօք, էր՝ զոր կապանօք և տանջանօք,
և էր՝ զոր չարաչար մահուամբ վախճանէր:
Յափշակութիւն առնէր ընչից և արարոց,
և մեծաւ անարդանօք տանջէր գամինեսեան:
Եւ իբրև ետես՝ եթէ վայրատեալ ցրուեցան
ի բաղում կողմանս, ի խորհուրդ կոչէր ըշ-
պաշտօնեայս ձախակողմանն՝ որք կապեալ
էին ի կռապաշտութեան անլուծանելի հան-
գուցիւք, վառեալք և ջեռեալք իբրև զնոց
առ այրել զուխտ սուրբ եկեղեցւոյ:

Քանզի էին իսկ այնպիսիքն բնակեալ ի
կեանս իւրեանց իբրև ի թանձրամած խա-
ւարի, և ոգիքն արգելեալք ի մարմիի իբրև
զկենդանի ի զերեզմանի, յորս ամենեին չը-
ծագէ նշոյլ սուրբ լուսոյն Քրիստոսի: Նա
և արջք օրհասականք ընդ վախճանել շնչոյն
հզօրագոյնս կռուին. յորոց և խմաստունքն
տեղի տուեալ վախչին ի նոցանէ: Այսպիսի
իմն եկեալ հասեալ է վախճան. տէրութեանն.
Եթէ հարկանին՝ չզգան, և եթէ հարկանեն՝
չիմանան. և իբրև ոչ գտանի արտաքին թրշ-
նամի, ընդ անձինս իւրեանց մարտ եղեալ
կռուին: Իդէպ իսկ ելանէ բան մարգարէին
ի վերայ նոցա. «Այր, ասէ, առ քաղցի՝ իւ-
րում շրջեսցի և կերիցէ զկէս անձին իւրոյ»:

Նման սմին և Տէրն ինքնին ասէ. «Ամենայն
տուն և թագաւորութիւն՝ որ յանձն իւր
բաժանի, ոչ կարէ կալ հաստատուն»:

Արդ զի՞ կոծիս, զի՞ մրցիս, զի՞ այրիս,
զի՞ բորբոքիս, զի՞ ոչ շիջանիս. զի՞ կոշես
ի խորհուրդ զայնոսիկ՝ որոց զոգիսն ձեր ի
ձէնջ քաղեալ՝ հանեալ է զանապականդ յա-
պականութիւն, և գաղականելի մարմինդ գէ-
շաքարշ արարեալ իբրև զազիր մեռելոտի
ի բաց ընկեցեալ: Ապաքէն զայդ կամիս՝ զի
ծածկեսցի խորհուրդն ամբարշտութեան.
տեսջիր յորժամ յայտնեսցի, ապա գիտա-
ցես զելս կատարածի դորա:

Ասեն մողքն. «Արքայ քաջ, աստուածքն
ետուն քեզ զտէրութիւնդ և զյաղթութիւն.
և ոչ ինչ կարօտին նորա մարմնաւոր մե-
ծութեան. բայց եթէ ի մի օրէնս դարձու-
ցանես զամենայն ազգս և ազինս՝ որ են ի
տէրութեան քում. յայնժամ և աշխարհն Յու-
նաց հնագանդեալ մատէ ընդ օրինօք քովք:
Արդ զբանս զայսոսիկ վազվազակի կատարեա-
դու, արքայ. զօր զումարեա և զունդ կազ-
մեա, խաղա գնա գու յաշխարհն Քուշանաց.
և զամենայն ազգս ժողովեա և անցո ըստ
Պահ գուռն ի ներքս. և դու անդէն արա քեզ
ընակութիւն: Յորժամ արգելուս և փակես

զամենեսեան ի հեռաւոր օտարութեան, կատարին խորհուրդք կամաց քոյ. և որպէս երեխս մեղ ի գենիս մերում՝ տիրես դու և երկրին Քուշանաց, և Յոյնք իսկ ոչ ելանեն ընդ քո իշխանութիւնդ։ Բայց միայն զադանդ քրիստոնէից բարձ ի միջոյ»։

Հաճոյ թուեցաւ խորհուրդն թագաւորին և մեծամեծացն, որ էին ի նմին բանի. հրովարտակս գրէր, պնդագեսպանս արձակէր յամենայն տեղիս տէրութեան իւրոյ։ Եւ այս է պատճէն հրովարտակին.

«Առ ամենայն ազգու տէրութեան իմոյ Արեաց և անարեաց, բազմասցի ի ձեզ ողջոյն մարդասիրութեան մերոյ. դուք ողջ լերուք, և մեք մեղէն ողջ եմք դիցն օգնականութեամբ։

«Առանց զձեզ ինչ աշխատ առնելոյ խաղացաք գնացաք յերկիրն Յունաց, և առանց գործոյ պատերազմի՝ սիրով մարդասիրութեամբ նուածեցաք զամենայն երկիրն մեղ ի ծառայութիւն։ Դուք զբարի զմտաւ ածէք, և անսպառ լերուք յուրախութեան. բայց բան զայս կատարեցէք վաղվաղակի, զոր ասեմքս։

«Մեք ի մտի եղաք անվրէպ խորհրդովք

խաղալ գնալ յաշխարհն արկելից, աստուածոցն օգնականութեամբ դարձուցանել ի մեզ զտէրութիւնն Քուշանաց. դուք իբրև զհրովարտակս զայս տեսանէք՝ անխափան վաղվաղակի այրեձի գումարեցէք առաջի քան զիս, յանդիման լերուք ինձ յԱպար աշխարհին»։

Ըստ այսմ պատճենի հրովարտակ եհաս յաշխարհն Հայոց, ի Վրաց և յԱղուանից և ի Լիքնաց, ի Ծաւղէից և ի Կորդուաց, յԱղձնեաց և բազում այլ տեղեաց հեռաւորաց, որոց ոչ էին օրէնք երթալ զայն ճանապարհ յառաջ ժամանակաւ։ Գունդ կազմէր ի Հայոց մեծաց զազատ և զազատորդի, և յարքունի տանէ զոստանիկ մարդիկ. ըստ նմին օրինակի ի Վրաց և յԱղուանից և յաշխարհէն լիքնաց, և որ այլ ևս ի կողմանց կողմանց հարաւոյ մերձ ի սահմանս Տաճկաստանի և ի Հոռոմոց աշխարհն և ի Կորդուաց և ի Գդացն և ի Ծաւղէիցն և յԱրզնարզիւն, որք էին ամենէքեան հաւատացեալք ի մի կաթողիկէ առաքելական եկեղեցի։

Եւ անմեղութեամբ ոչ զիտացեալ զերկովիմի միտս թագաւորին՝ խաղացին գնացին յիւրաքանչիւր աշխարհաց լրջմտութեամբ և



անտրառում խնդութեամբ և ափրասէր խորհրդովք, կատարեալ զսպաս զինուորութեան աներկըայ վաստակովք։ Բարձին ևս ընդ իւրեանս սուրբ կտակարանս բազում պաշտօնէիւք և բազմագոյն քահանայիւք։ Բայց հրաման տուեալ աշխարհի՝ ոչ իբրև յակնելալութիւն կենաց, այլ իբրև ի վճարումն վախճանի, յանձն առնելով միմեանց զոգիս և զմարմինս։ Զի թէպէտ և խորհուրդ թագաւորին չէր յայտնեալ նոցա, սակայն կարծիք իմափի էին ամենեցուն. մանաւանդ իբրև բեկեալ տեսին զզօրութիւնն Յունաց առաջի նորա՝ յոյժ հարեալ խոցեցան ի խորհուրդը իւրեանց։

Բայց քանզի պատուիրանապահք էին սուրբ կտակարանացն Աստուծոյ, հանսապազ յիշէին զպատուիրեալսն ի Պաւղոսէ, եթէ «Ծառայք, հնազանդ լերուք տերանց ձերոց մարմնաւորաց. մի սուտակասպաս և առ աչս աչսուելով. այլ սրտի մտօք ծառայել իբրև Աստուծոյ և մի իբրև մարդկան. քանզի ի Տետոնէ է հատուցումն վաստակոց ձերոց»։

Եւ ամենայնիւ այսու բարեմտութեամբ յուղարկեալք յաշխարհէ և յանձն եղեալք սուրբ Հոգւոյն, յանդիման լինէին փութով կատարեալ զհրամանն, և զամենայն արա-

բեալ ըստ կամաց նորա։ Յոյժ ուրախ լինէր թագաւորն, իբր այն եթէ կատարեցան կամք կարծեաց նորա. և ահա առնէր ընդ նոսա զայն ինչ զոր պաշտօնեացքն ամբարշտութեան նորա խրատեցին։

Արդ իբրև ետես թագաւորն զամենայն կազմութիւն և զբազմութիւն զնդի բարբարոսաց, որք սրտի մտօք եկեալ էին ի վաստակ արքունի, առաւելապէս ուրախ եղի առաջի մեծամեծացն և ամենայն բազմութեան զօրաց իւրոց։ Ի վերին երեսս թաքուցանէր զկամս մտացն իւրոց, և ակամայ առաւելապէս պարզեց զնոսա։ Խաղաց զընաց միանդամայն ի վերայ տէրութեանն Հոնաց աշխարհին, զոր Քուշանս անուանեն, և զերկեամ մի կոռւեալ՝ ոչ ինչ կարաց ազդել նոցա։ Ապա արձակեաց զմարզիկսն յիւրաքանչիւր տեղիս, և զայլսն ինոցա տեղիս փոխանակ առ իւր կոչեաց նովին պատրաստութեամբ։ Եւ այսպէս ամ յամէ սովորութիւն կարգեաց, և իւր անդէն քաղաք ընակութեան շինեաց. սկսեալ ի չորրորդ (ամէտէրութեանն իւրոց մինչև յամն մետասաներորդ թագաւորութեանն։

Եւ իբրև ետես եթէ հաստատուն կացին Հոռոմք յուխտին իւրեանց զոր եղին ընդ

նմա, և դադարեցին Խայլնդուրք Ելանել ընդպահակն ձորայ, և յամենայն կողմանց խաղաղութեամբ բնակեաց աշխարհ նորա, և ի նեղ ևս էարկ զթագաւորն Հռնաց, քանզի աւերեաց զբազում գաւառս նորա, աւետաւորս առաքեաց ընդ ամենայն ատրուշանս աշխարհին իւրոյ. ցլուք սպիտակօք և զիսաւոր նոխազօք առատացոյց զզոհս կրակի, և խիստ թանձրացոյց անդադարութեամբ զպաշտօն պղծութեանն իւրոյ. պասկօք և պատուվիք մեծարեաց զբազումն ի մոգաց և զբազմագոյնս ի մոգակետաց: Ետ և հրաման յափշտակել զքրիստոնէից զինչս և զստացուածս, որք էին ի մէջ Պարսկաց աշխարհին:

Եւ այսպէս հպարտացաւ բարձրացաւ ի միտս իւր, ի վեր քան զմարդկային բնութիւն ընդգկեալ ապարասանէր, ոչ միայն յիրս մարմնական պատերազմացն, այլ մեծ ոմն զինքն կարծէր քան զբնութիւն հայրենի կարգին. վասն այնորիկ կեղծաւորութեամբ թագուցանէր զինքն ըստ կարծեացն, և որպէս երեէր իմաստնոցն՝ յանմահից իմն կարգի դնէր զինքն: Եւ յոյժ էր ցասուցեալ ընդանունն Քրիստոսի, յորժամ լոէր թէ տանջեցաւ, խաչեցաւ, մեռաւ և թաղեցաւ:

Եւ իբրև այսպէս օր ըստ օրէ ի սոյն միտս ցնորեալ դանդաչէր, մի ոմն մանկագոյն ի նախարարացն Հայոց ընդդէմ բանս եղ և ասէ. «Արքայ քաջ, դու ուստի գիտես պայդպիսի բանս խօսել զՏեառնէ»: Ետ պատասխանի թագաւորն և ասէ. «Իմ իսկ առաջի ընթերցան զգիրս մոլորութեանն ձեռոյ»: Ետ պատասխանի անդրէն պատանին և ասէ. «Ընդէր, արքայ, ցայդ վայր միայն ետուր ընթեռնուր. այլ յառաջ ևս մատո զկարդացումն, և լսես անդ զյարութիւնն, զյայտնութիւնն առ բազումս, զվերացումն յերկինս, զնստելն ընդ աջմէ Հօր, զիսուտումն երկրորդ գալստեան՝ զհրաշակերտյարութիւնն առնելով բոլորեցունց. զհամառօտ հատուցմունս արդար դատաստանին»: Իբրև լուաւ զայս թագաւորն, ի խոր խոցեալ վեր ի վերոյ ծիծաղեցաւ և ասէ. «Ամենայն այդ խարէութիւն է»: Ետ պատասխանի զինուորն Քրիստոսի և ասէ. «Եթէ հաւատարիմ են քեզ մարմնաւոր չարչարանք նորա, հաւատարմագնյն ևս լիցի քեզ Երկրորդ ահաւոր գալուստն նորա»:

Եւ զայս լսելով թագաւորին՝ բորբոքեցաւ իբրև զհուր հնոցին ի Բաբիլոնի, մինչ

և իւրքն իսկ անդէն գեռ ևս իբրև զՔաղ-
դէացիսն այրեցեալ լինէին:

Յայնժամ զբոլոր բարկութիւն սրտմտու-
թեանն եհեղ յայրն երանելի՝ որում անուն
էր Գարեղին: Կապեալ ոտիւք և կապեալ
ձեռօք զերկեամ մի տուաւ ի չարչարանս,
և հանեալ ի բաց զտէրութիւնն ի նմանէ՝
ընդունէր զվճիռ մահու:

ԵՐԿՐՈՒԴ ՅԵՎԱՆԱԿ

ԻՐՍՅՆ ՊԱՏԱՀՈՒՄՆ

ՅԻՇԽԱՆԵՆ ԱՐԵՒԵԼԻՑ

Որոց ողիքն թուլացեալ են յերկնա-
ւոր առաքինութենէն՝ յոյժ լնդ ահիւ
անկեալ է բնութիւն մարմնոյ. յամենայն
հողմոյ շարժի և յամենայն բանէ խոռվի, և
յամենայն իրաց գողայ. երազագէտ է այն-
պիսին ի կեանս իւրում, և յանգիւտ կո-
րուստն յուղարկի ի մահուան իւրում: Որ-
պէս և ասաց ոմն ի հնոցն, մահ ոչ իմացեալ՝
մահ է, մահ իմացեալ՝ անմահութիւն է: Որ
զմահ ոչ գիտէ՝ երկնչի ի մահուանէ. իսկ որ
գիտէ զմահ՝ ոչ երկնչի ի նմանէ:

Եւ այս ամենայն չարիք մտանեն ի միտս
մարդոյ յանուսումնութենէ: Կոյր զրկի ի
ձառագայթից արեգական, և տգիտութիւն
զրկի ի կատարեալ կենաց: Լաւ է կոյր աչօք

քան կոյր մտօք: Որպէս մեծ է հոգի քան զմարմին՝ այսպէս մեծ է տեսաւորութիւն մտաց քան զմարմնոց:

Եթէ ոք կարի առաւելեալ իցէ աշխարհական մեծութեամբ, և մտօքն աղքատագոյն, այնպիսին ողորմելի է քան զբագումն. որպէս և տեսանեմք իսկ՝ ոչ միայն ի չափաւոր մարդիկ՝ այլ և յոր մեծն է քան զամենայն: Թագաւոր եթէ ոչ ունի զիմաստութիւն աթուակից իւր, ոչ կարէ ի վիճակին իւրուժ վայելուչ գոլ: Իսկ եթէ առ մարմնաւորս այսպէս, որչափ ևս առաւել առ հոգեսրսն:

Բոլոր մարմնոյս հոգի է կենդանութիւն, իսկ մարմնոյ և հոգւոյ միտք են կառավար. և որպէս առ մի մարդ՝ այսպէս առ բոլոր աշխարհն: Թագաւոր ոչ զիւր միայն տացէ պարտիս, այլ և որոց եղեւ պատճառք ի կորուստ:

Բայց մեք թէպէտ և ոչ ունիմք հրաման բամբասել զիշխանն, բայց և ոչ գովոզք կարեմք լինել այնմիկ՝ որ աստուածամարտն լինիցի: Այլ զանցս իրացն պատմեմք որ ի նմանէ ընդ սուրբ եկեղեցիսն էանց, և ոչ գանդաղիմ. ոչ բամբասասէր մտօք, այլ ճշշմարտութեամբ զելս իրացն ասելով ոչ լուցից: Ոչ ի կարծ ընդուստուցեալ, և ոչ ի լուր

զարթուցեալ. այլ ես ինքնին անձամբ անդէն ի տեղւոջն պատահեցի և տեսի և լուայ զձայն բարբառոյ յանդզնաբար խօսելով. իբրև զհողմ սաստիկ՝ զի բախսիցէ զծով մեծ, այնպէս շարժէր և տատանէր զամենայն բազմութիւն զօրացն իւրոց: Եւ հանդէս առնէր ամենայն ուսմանց, և անդամէր զմոգութիւն և զքաւդէութիւն և զամենայն ուսմունս աշխարհին իւրոյ: Արկանէր ի ներքս և զքրիտոնէութիւն կեղծաւորութեամբ, և ասէր զայրացեալ մտօք. «Հարցէք, քննեցէք, տեսէք. թող որ լաւն է ընտրեալ կալցուք»: Եւ փութայր որ ինչ իմտին էր՝ զի վաղվագակի կատարեսցի:

Իսկ ի կողմանց կողմանց քրիստոնեալքն որ ի զօրուն էին՝ իմացան զխորհուրդն որ ծածուկ վառեալ բորբոքէր, և կամէր հրդեհել զլերինս և զդաշտս առնասարակ: Զեռան և նոքա անծախական հրով, և սաստկապէս պատրաստեցան առ փորձութիւն գաղտնի մեքենայիցն:

Սկսան այնուհետև բարձր բարբառով, սաղմոսիւք և երգովք հոգեսրօք և մեծապայծառ վարդապետութեամբ յայտ յանդիման մեծի բանակին զպաշտօնն ցուցանել, և աներկիւդ առանց զանդիտելոյ՝ ո ոք և երթայր

առ նոսա ուսուցանէին կամակար: Եւ Տէր
յաջողէր նոցա նշանօք և արուեստիւք: Քան-
դի բազում հիւանդք ընդունէին զբժշկու-
թիւն ի հեթանոսական զօրուն:

Իսկ անօրէն իշխանն իբրև գիտաց եթէ
յայտնեցաւ խորամանկութիւն խորհրդոյն,
և պատրաստեալ հուրն՝ մինչչ ուրուք ի նա
փչեալ՝ վառումն նորա յայտնի իմացաւ եր-
կիւղածացն Աստուծոյ, սկսաւ ծածուկ նե-
տիւք խոցոտել զմիտս իւրոյ չարութեանն.
և անբժշկական վէրս յոգիս և ի մարմինս
տեսանէր:

Մերթ շանթէր գալարէր իբրև զօձ թու-
նաւոր, մերթ պարզէր զոչէր իբրև զառիւծ
զայրացեալ. գելոյը և տապալէր երկդիմի
մտօք. զիորհուրդս կամացն կամէր կատա-
րէլ: Քանզի ձեռն արկանել և ունել ոչ կա-
րէր,—վասն զի ոչ էին համագունդ ի միում
վայրի առ նմա,—սկսաւ այնուհետեւ յառաջ
կոչել զկրտաերս յաւագաց և զանարգս ի պա-
տուականաց և զտղէտս ի զիտնոց և զանա-
րիս ի քաջ արանց. և զի՞ մի մի թուիցեմ,
այլ զամենայն արժանաւորսն յետս տանէր.
մինչ և զհայր և զորդի քակէր ի միմեանց:

Եւ թէպէտ ընդամենայն ազգս առնէր
զանկարգութիւնս զայս, առաւել ընդ Հայոց

աշխարհին մարտնչէր. քանզի տեսանէր ըդ-
նոսա ջերմագոյնս յաստուածպաշտութեան.
մանաւանդ որք էին յազգէ նախարարացն
Հայոց, և անմեղութեամբ ունէին զսուրբ
քարոզութիւն առաքելոցն և զմարգարէից:
Պատրէր զոմանս ի նոցանէ ոսկւով և ար-
ծաթով, և զբազումն այլով ևս առատ պար-
գևօք. իսկ զոմանս ազարակօք և մեծամեծ
գեղօք, զոմանս պատուովք և իշխանու-
թեամբք մեծամեծօք: Եւ այլ ևս մնոտի յոյս
ոգւոց առաջի զնէր. և այսպէս հրապուրէր
և յորգորէր հանապազ. «Եթէ միայն, ասէ,
զօրէնս մոզութեան յանձին կալջիք»; և զձեր
մոլորութիւնդ սրտի մտօք դարձուցանիցէք
ի ճշմարտութիւն երկելի մերոց դիւցազնա-
կան օրինացս, ի մեծութիւնս և յաւագու-
թիւնս հասուցից հաւասար իմոյ սիրելի նա-
խարարացս, նա առաւել ևս զանցուցից»: Եւ
այսպէս կեղծաւորութեամբ խոնարհեցուցա-
նէր զինքն առ ամենեսեան, խօսելով ընդ
նոսա ի պատճառս սիրոց, զի խորամանկու-
թեամբ որսալ մարթասցէ զնոսա ըստ առա-
ջին խորհրդականացն խրատուց: Եւ զայս
առնէր սկսեալ ի չորրորդ ամէն մինչև ի
մետասաներորդ ամն իւրոյ տէրութեան:

Եւ իբրև ետես եթէ ոչինչ յարգեցաւ

ծածուկ հնարագիտութիւնն, այլ ընդդէմքն յողովագոյն գործէին—քանզի տեսանէր ըգրիստոնէութիւն՝ որ օր քան զօր յորդեալ տարածանէր ընդ ամենայն կողմանս հեռաւոր ճանապարհին ընդ որ ինքն անցանէր,—սկսաւ հաշել և մաշել և հառաջերով յոգւոց հանել։ Յայտնեաց ակամայ զծածուկ խորհուրդն. ետ հրաման բարձր բարբառով և ասէ. «Ամենայն ազգ և լեզուք՝ որ են ընդ իմով իշխանութեամբ՝ դադարեսցին յիւրաքանչիւր մոլոր օրինաց, և միայնոյ եկեսցեն յերկրպագութիւն արեգական, զոհս մատուցանելով և աստուած անուանելով, և սպաս ունելով կրակի. և ի վերայ այսր ամենայնի և զմոցութեան օրէնս կատարելով, մի՛ ինչ ամենկին պակաս առնիցեն»։

Զայս ասելով քարոզ կարդայը ի մեծի կարաւանին, և պատուէր սաստիւ ի վերայ դնէր ամենեցուն. և դեսպանս ստիպաւ արձակէր յամենայն ազգս հեռաւորս, զդոյն պատուէր հրամանի առ ամենեսեան արկանէր.

Արդ ի սկզբան երկոտասաներորդ ամի թագաւորութեան իւրոյ՝ գունդ գումարէր անհամար բազմութեամբ, յարձակեալ հասանէր յերկիրն թիտաղական։

Զայս տեսեալ թագաւորին Քուշանաց՝ ոչ հանդուրժէր ընդ առաջ ելանել նորա պատերազմաւ. այլ խոյս տուեալ ի կողմանս ամուր անապատին, թագստեամբ ապրէր հանդերձ ամենայն զօրօքն իւրովք։ Իսկ սա ասպատակ արձակէր գաւառաց, տեղեաց, վայրաց. առնոյր զբազում բերդս և զբազաքս, և կուտէր զգերին, զառ և զապուռ և զաւար, ածէր հասուցանէր յերկիր իւրոյ տէրութեանն։ Եւ անդ այնուհետեւ յընդունայն եղեալ ի նոյն խորհուրդս՝ հաստատէր ի կարծիս մոլորութեան, ասելով ցալաշտօնեայս ամբարշտութեանն. «Զի՞նչ հատուցուք մեք աստուածոցն փոխարէնս այս մեծի յաղթութեանս՝ որ ոչ ոք կարաց ելանել ընդդէմ մեր պատերազմաւ»։

Յայնմ ժամանակի առ հասարակ մոգք և քարգեայք բարձին զձայնս իւրեանց միաբան և ասեն. «Աստուածքն որ ետուն քեզ զտէրութիւն և զյաղթութիւն ի վերայ թըշնամեաց քոց, ոչ ինչ կարօտ են ինդքել ի քէն յերկելի պատուականացս, այլ զի բարձես զամենայն ուսմունս մոլորութեան մարդկան, և ի մի դարձուցես օրէնս զբագաշտական պատուիրանին»։

Հաճոյ թուէր բանն առաջի թագաւորին

և ամենայն մեծամեծացն, մանաւանդ որ էին առաջակայք օրինացն։ Խորհուրդ ի մէջ առեալ յաղթէր խրատն։

Անդէն ի ներքոյ Պահ դրանն արգելոյր զբազմութիւն այլուժիոյն Հայոց և զՎրաց և զԱղուանից, և զամենեցուն՝ որ էին հաւատացեալ ի սուրբ աւետարանն Քրիստոսի։ Եւ հրաման սաստիւ դռնապահնացն առնէին, եթէ որ յարեելս առ մեզ գայցէ՝ թողեն, իսկ յարեելից յարեմուտս անանց լիցի ճանապարհ։

Եւ իբրև արգել և փակեաց զնոսա յամուր և յանել գառագիղն, — և յիրաւի ասացի ամուր և անել, քանզի չիք անդ տեղի փախստի և թաքստի, վասն զի շուրջանակի թշնամիք են բնակեալ, — յայնմ ժամանակի ձեռն արկանէր ի նոսա, մեծաւ չարչարանօք և պէսպէս տանջանօք վատթարէր զբազումս ի նոցանէ, և ստիպէր ուրանալ զծշմարիտն Աստուած, և խոստովանել զերեելի տարերս։ Իսկ զօրականքն առ հասարակ գեղեցիկ խորհրդով, քաջապէս զօրութեամբ միաբան աղաղակէին և առէին։ «Վկայ են մեզ երկինք և երկիր, ոչներըէք հեղացեալ եմք յարքունի վաստակո, և չոչ խառնեալ վատութիւն

ընդ արութիւն քաջութեան. ի զուր և անողորմ են հարուածքս ի վերայ մեր»։

Եւ բազմանայր գոչումն աղաղակի նոցա, մինչև ինքնին թագաւորն ականատես լինէր իրացն յանդիմանութեան, և անդէն վաղվաղակի երգմամբ հաստատէր և ասէր. «Ոչ թողացուցից ձեզ, մինչև կատարեսջիք զամենայն կամս հրամանաց իմոց»։

Եւ ահա իշխանութիւն առեալ չարաչար սպասաւորացն, զչորս զինուորմն ի բուն աւագացն մատուցին ի փորձութիւնս տանջանաց։ Եւ զառաջեաւ դատեալ բազում հարուածովք, նովին կապանօք անցուցին ի տեղիս արգելանին։ Իսկ այլոցն խարէութեամբ առ ժամանակ մի թողութիւն արարեալ, և զամենայն վնասուն պատճառս արկանէր զկապելովքն. և զայս առնէր սատանայական խրատուն։

Իսկ յետ երկոտասան աւուր հրաման տայր ընթրիս գործել առատութեամբ և աւելի քան զաւուրց սովորութիւն, և կոչէր զբազումս ի զինուորական քրիստոնէիցն։ Եւ ի ժամ զահու պատրաստութեան զիւրաքանչիւր տեղի շնորհէր նոցա զբազմականին. և սիրով խոնարհութեամբ խօսէր ընդ նոսաըստ առաջնում կարգին, զի թերեւս հաւա-

նեսցին ուտել զմիս զոհեալ, որը ոչ էր երբէք օրէն ուտել քրիստոնէից: Իբրև ոչ կալան յանձին՝ ամենեքին, ոչ ինչ կարի ստիպեաց, այլ հրամայեաց մատուցանել նոցա զսովորական կերակուրն, և առաւել գինեօքն յաւելոյր ի տաճարին զիսրախութիւն:

Եւ անտի իբրև ի դուրս ելին ի սրահն արքունի, արգելին զոմանս ի նոցանէ ձեռս յեսս կապելով, և զխոնջանունսն կնքելով. և զգուշութեամբ պահէին՝ էր որ զերկուս աւուրս, և էր որ զերիս: Բազում և այլ ևս յանարժան հարուածս չարշտրէին, զոր ոչ ընդ գրով իսկ արժանի համարեցաք արկանել: Եւ զոմանս ի նոցանէ ընդ քարշ վարէին յօտարութիւն յազնուական պատույն անարգեալ:

Եւ գունդս գունդս դարձեալ զումարէին ի նոցանէ յերկիր հեռաստան՝ յամուրս անապատին՝ ի մարտ պատերազմի թշնամեացն արքայի. և բազմաց իսկ անդէն հասանէր վախճան մահու սրով: Եւ զամենեցունց զկարգեալ թոշակսն նուազեցուցանէին, և քաղցիւ և ծարաւով տառապեցուցանէին զնոսա, և ձմերոցի տեղիս զդժնեայ վայրսն հրամայէին նոցա. և անարգս և վատթարս յաչս ամենեցուն զնոսա ցուցանէին:

Իսկ նոքա առ սէրն Քրիստոսի յոյժ խընդութեամբ ընդունէին զամենայն չարչարանսն վասն մեծի յուսոյն որ առաջոյ պատրաստեալն կայ պատուիրանապահ համբերուղցն: Որչափ չարութեամբ զանարգութիւնն բազմացուցանէր, նոքա ևս քան զևս զօրանային ի սէրն Քրիստոսի. մանաւանդ զի բազումք ի նոցանէ զգիրս սուրբս ուսեալ էին ի մանկութենէ, այնու զանձինս մխիթարէին և զընկերսն քաջալերէին, և աշկարայ զպաշտօնն ունէին և բազմացուցանէին:

Վասն որոյ և բազումք ի հեթանոսաց որոց հեշտ և ցանկալի ձայնքն թուէին, քաջալերէին զնոսա, և ասէին բանս մխիթարութեան, իբրև եթէ լսւ իցէ մարդոյ մահու չափ ճգնել՝ քան յայգպիսի օրինաց ուրանալ:

Բայց սակայն թէպէտ և նոքա առ սէրն Քրիստոսի յոյժ զուարթութեամբ խնդային ըստ ներքին մարդոյն, արտաքին տեսիլն կարի ողորմ էր յօտարութեանն: Այսպիսի պատուական զինուորութիւն հասեալ էր ի չարաշուք անարգութիւն, և հայրենի ազատութիւնն չարաչար կայր ի ծառայութեան մարդախոշոշ բռնաւորին, որ և ըստ հեթանոսաց օրէնս անցանէր արիւնհեղութեամբ,

և ամենեին չկարծէր՝ թէ գուցէ այսը ամենայնի վրէժխնդիր յերկնից։

Նա և ոչ զերկրաւոր վաստակս ուրուք յիշէր. և որ մեծն քան զամենայն է ըստ մարմնաւոր կարգի, քանզի գոյին ոմանք ի նախարարացն Հայոց՝ որոց զեղբարս նորա մնուցեալ էր մայրենի կաթամբն իւրեանց, առաւել քան զամենեսեան զնոսա դատէր։

Եւ յայսը ամենայնի վերայ այլ ևս չարութիւն խորամանկեաց։ Զմի ոմն ի հաւատարիմ ծառայիցն իւրոց ի գործ առաքէր յերկիրն Հայոց՝ որում անունն էր Դենշապուհ. որ եկեալ հասեալ հրամանաւ արքունի, զողջոյն բերեալ զմեծ թագաւորին, և խաղաղասէր կեղծաւութեամբ աշխարհազիր առնելով ամենայն երկիրն Հայոց ի թողութիւն հարկաց և ի թեթևութիւն ծանրութեան այրեձիոյն։ Թէպէտ և ի վերին երեսս կեղծաւորէր, այլ ի ներքոյ խորհուրդք չարագոյն ցուցանէին։

Առաջին, զազատութիւն եկեղեցւոյ արկանէր ի ծառայութիւն։

Երկրորդ, միայնակեաց քրիստոնեայք որ բնակեալ էին ի վանորայս, ընդ նովին աշխարհազրով էարկ։

Երրորդ, զհարկ աշխարհին առաւել ծանրացոյց։

Չորրորդ, զնախարարեանն բանսարկութեամբ արկ ընդ միմեանս, և յամենայն տան արար խոռվութիւն։

Եւ զայս ամենայն առնէր՝ զի թերես զմիաբանութիւնն քակտեսցէ, և զուխտն եկեղեցւոյն ցըռւեսցէ, և զմիայնակեացն փախուցցէ, և զշինականն վատնեսցէ. և առյոյժ աղքատութեանն՝ ակամայ դիմեսցեն յօրէնս մոգուց։

Եւ եւս չարագոյն հինգերորդն. քանզի որ հազարապետն էր աշխարհին՝ իբրև զհայը վերակացու համարեալ էր աշխարհականացն քրիստոնէից. զրգուեաց յարոյց զամբաստանութիւն ի վերայ նորա, և հանեալ զնա ի գործոյն՝ փոխանակ նորա պարսիկ ած յաշխարհն, և մեւս ևս մոգպետ դատաւոր աշխարհին, զի զեկեղեցւոյ փառս աղաւաղեսցեն։

Բայց սակայն թէպէտ և ամենայն գործքըս այս դժնեայ էին, չև էր ուրուք ձեռն արկեալ յայտնի յեկեղեցին. վասն այնորիկ և ոչ ոք ընդգիմացաւ նմա, թէպէտ և էր ծանրութիւն հարկացն։ Քանզի ուստի արժան էր առնուլ հարիւր դահեկան, նոյնչափ

կրկնէին և առնուին. սոյնպէս և եպիսկոպոսաց և երիցանց գնէին, ոչ միայն շինաց՝ այլ և աւերակաց: Նա ընաւ ով իսկ կարէ պատմել վասն ծանրութեան մտից և սակից, բաժից և հասից, լերանց և դաշտաց և մայրեաց: Ոչ ըստ արքունի արժանաւորութեանն առնուին, այլ հինաբար յափշտակելով, մինչեւ ինքեանք իսկ մեծապէս զարմանային՝ թէ ուստի այս ամենայն գանձ ելանէ՝ զիարդ շէն կայցէ աշխարհն Հայաստանեայց:

Եւ իբրև տեսին՝ թէ այսու ամենայնիւ չկարացաք ձանձրացուցանել, յայնժամ յայտնապէս հրաման ետուն մողաց և մողպետաց նամակ մի գրել ըստ ձախողակի գենին իւրեանց: Եւ է պատճէն նամակին այս.

«ՄԻՀՐՆԵՐՍԵՎ ՎՃՈՒԲԿ, հրամանատար Երան եւ Աներան, Հայոց մեծաց ողջոյն շատ».

«Դուք զիտասաջիք, ամենայն մարդ՝ որ բնակեալ է ի ներքոյ Երկնի, և ոչ ունի զօրէնս գենի մազգեզն, նա խուլ է և կոյր, և գիւաց Հարամանոյ խաբեալ:

«Քանզի մինչ չկ էին երկինք և երկիր, Զրուան մեծն աստուած յաշտ առնէր զհագար ամ՝ և ասէր. «ԹԵՐԱ լիցի իմ որդի

Որմիզդ անուն, արասցէ զերկին և զերկիր»: Եւ յզացաւ երկուս յորովայնի. մի վասն յաշտ առնելոյ՝ և զմեւմն ևս ի թերեան տաելոյ: Իբրև զիտաց, եթէ երկու են յորովայնիս, «Որ վաղ եկեցէ, ասէ, նմա տաց զթագաւորութիւնս»:

«Իսկ որ էր ի թերահաւատութենէն յրդացեալ՝ պատառեաց զորովայնն և ել ի գուրս: Ասէ ցնա Զրուան. «Ո՞վ ես դու»: Ասէ. «Որդին քո եմ Որմիզդ»: Ասէ ցնա Զրուան. «Իմ որդին լուսաւոր է և անուշահոտ, դու խաւարային ես և չարասէր»: Եւ իբրև կարի զառնապէս ելաց, ետ ցնա զթագաւորութիւնն հազար ամ:

«Իբրև ծնաւ զմեւս ևս որդի, անուանեաց ցնա Որմիզդ. Եհան զթագաւորութիւն յԱրհմինէ, և ետ ցՈրմիզդն, և ասէ ցնա. «Յայժմ ես քեզ յաշտ արարի, արդ դու ինձ արա»: Եւ Որմիզդ արար զերկինս և զերկիր. իսկ Արհմն ընդդէմ չար գործեաց:

«Եւ այսպէս բաժանին արարածքս. հըրեշտակը՝ Որմզդի են, իսկ գեքն Արհմնոյն. և ամենայն բարիք որ յերկնից և այսր լինին՝ Որմզդի են, և ամենայն վնասք որ անտի և այսր գործին՝ զայն Արհմն արար: Սոյնպէս յերկինս որ ինչ բարի է՝ զայն Որմիզդն ա-

րար, և որ ոչն է բարի՝ զայն Արհմա արար. որպէս զմարդ՝ Որմիզդ արար. և զախտու և զհիւանգութիւնս և զմահ՝ Արհմա արար: Եւ ամենայն թշուառութիւնք և պատահարք որ լինին, և պատերազմունք դառնութեան, չարին մասին արարածք են. իսկ յաջողութիւն և տէրութիւնք և փառք և պատիւք և առողջութիւնք մարմնոց, գեղեցկութիւնք դիմաց և ճարտարութիւնք բանից և երկայնակեցութիւնք ամաց, այդ ի բարւոյն առնուն զգոյացութիւն. և ամենայն որ ոչ այդպէս է՝ ի նա չարի մասն խառնեալ է:

«Եւ ամենայն մարդիկ մոլորեալ են որ ասեն՝ եթէ «Զմահ Աստուած արար, և չար և բարի ի նմանէ լինին»: Մանաւանդ որպէս քրիստոնեայք ասեն՝ թէ «Աստուած նախանձոտ է. վասն թզի միոյ ուտելոյ ի ծառոյն՝ Աստուած զմահ արար, և զմարդն արկ ընդ այնու պատուհասիւ»: Զայդպիսի նախանձ և ոչ մարդ առ մարդ ունի, թնդ թէ Աստուած առ մարդիկ. զի որ զայս ասէ՝ նա խուլ է և կոյր, և ի գիւաց Հարամանոյ խարեալ:

«Դարձեալ մեւս ևս այլ մոլորութիւն. «Աստուած որ զերկինս և զերկիր արար՝ եկն, ասեն, և ի կնոջէ ումեմնէ ծնաւ՝ որում անուն էր Մարիամ, և առն նորա Յովսէփ».

այլ ճշմարտութեամբ՝ Բանթուրակայ ուրումն եղեալ նա որդի յանկարդ խառնակութենէ: Եւ զհետ այսպիսի մարդոյ մոլորեալ են բազումք.

«Եթէ աշխարհն Հոռոմոց առ յոյժ յիմարութեան տղիտաբար մոլորեալ են և զրկեալ ի կատարեալ գենէս մերմէ, յանձանց պայմանեն զվասան իւրեանց. դուք ևս ընդէրդինա նոցա մոլորութեանն ցնորիք: Այլ զոր օրէնս տէրս ձեր ունի՝ զնոյն և դուք կալարուք. մանաւանդ զի և առաջի Աստուծոյ վասն ձեր համարս ունիմք տալ:

«Մի հաւատայք առաջնորդացն ձերոց՝ զոր նածրացիսդ անուանէք. քանզի յոյժ են խարեբայք. զոր բանիւք ուսուցանեն՝ գործովք ոչ առնուն յանձն: «Միս ուտել, ասեն, ոչ են մեղք», և ինքեանք ուտել ոչ կամին. «Կին առնել արժան է», բայց ինքեանք և հայել ի նա ոչ կամին. «Կարասի որ ժողովէ, ասեն, մեղք են յոյժ», բայց զաղքատութիւն առաւել քան զյոյժ գովեն: Յարգեն զթշուառութիւն, և պարսաւեն զյաջողուածս. ծաղր առնեն զանուն բախտի, և զփառաւորութիւն յոյժ այլանեն. սիրեն զանշըութիւն հանդերձից, և յարգեն զանարգս քան զպատուակնս. գովեն զմահ՝ և պարսաւեն զկեանս.

անարդեն զծնունդս մարդոյ, և գովեն զանորդութիւն։ Եւ եթէ լսէք դոցա և ի կանայս ոչ մերձենայք, աշխարհիդ վախճան վաղվաղակի հասանէ։

«Այլ ես ոչ կամեցայ զամենայն ըստ մասսանց ընդ գրով արկանել առ ձեզ. զի բազում այլ ինչ է զոր խօսին դոքա։ Որ չարագին ևս է քան զոր գրեցաքդ, զԱստուած ի խաչ ելեալ ի մարդկանէ քարոզեն, և զոյն մեռեալ և թաղեալ, և ապա յարուցեալ և վերացեալ յերկինս։ Ո՞չ ահա ձեզէն իսկ արժան էր անոդէն դատաստան առնել վասն այդպիսի անարժան ուսմանց։ Դեւք որ չարք են՝ ոչ ըմբռնին և տանջին ի մարդկանէ, թող թէ Աստուած արարիչ ամենայն արարածոց. զոր ձեզ ամօթ է առել, և մեզ կարի անհաւատալի բանք։

«Արդ երկու իրք կան առաջի ձեր. կամ արարէք բան առ բան նամակիս պատասխանի, և կամ արիք ի Դուռն եկայք, և յանդիման լերուք մեծի հրազդակին»։

ԱՆՈՒԱՆՔ ԵՊԻՍԿՈՊՈՍԱՅՆ

որք պատասխանեցին նամակին.

ՅՈՎԱԿԻՓ եպիսկոպոս Այրարատայ.
ՍԱՀԱԿ եպիսկոպոս Տարօնոյ.

ՄԵԼԻՏԵ եպիսկոպոս Մանաղկերտոյ.

ԵԶՆԻԿ եպիսկոպոս Բաղրեանդայ.

ԱՌԻՄՄԱԿ եպիսկոպոս Բգնունեաց.

ՏԱՇԱՏ եպիսկոպոս Տայոց.

ԹԱԹԻԿ եպիսկոպոս Բասենոյ.

ՔԱՍՈՒԻՆ եպիսկոպոս Տուրուբերանոյ.

ԵՐԵՄԻԱ եպիսկոպոս Մարգաստանի.

ԵՒԼԱԼԻ եպիսկոպոս Մարդոյ աղւոյ.

ԱՆԱՆԻԱ եպիսկոպոս Սիւնեաց.

ՄՈՒՇԵ եպիսկոպոս Արծրունեաց.

ՍԱՀԱԿ եպիսկոպոս Ուշտունեաց.

ԲԱՍԻԼ եպիսկոպոս Մոկաց.

ԳԱԴԻ եպիսկոպոս Վանանդայ.

ԵՂԻՇԵ եպիսկոպոս Ամատունեաց.

ԵՂԲԱՅՐ եպիսկոպոս Անձեացեաց.

ԵՐԵՄԻԱ եպիսկոպոս Ապահունեաց։

Այս ամենայն եպիսկոպոսք և բազում քորեպիսկոպոսք և պատուական երիցունք ի տեղեաց տեղեաց հանուերձ սուրբ ուխտիւ եկեղեցւոյ՝ միաբանք և միահաւանք, միահամուռ ժողովեալք ի թագաւորանիստ քաղաքն յԱրտաշատ, հաւանութեամբ մեծամեծ նախարարացն և ամենայն բազմութեամբ աշխարհին արարին նամակին պատասխանի։

«ՅՈՎՍԵՓ ԵՊԻՍԿՈՊՈՍ»

«Հանդերձ ամենայն միաբանելովքս ի մեծամեծաց մինչեւ ցփոքունս, Միհրներսէի մեծի հազարապետիդ Արեաց եւ Անարեաց՝ բազում խաղաղասէր մտօք բազմացի ողջոյն առ քեզ եւ ամենայն մեծի սպահիդ Արեաց.

«Ի նախնեաց ունիմք սովորութիւն առառածատուր պատուիրանաւ՝ աղօթս առնել ի վերայ կենաց թագաւորի, և անձանձրոյթ խնդրել յԱստուծոյ վասն երկայն ժամանակաց դորա, զի խաղաղութեամբ վարեսցէ զտիեղերական իշխանութիւնդ զոր աւանդեալ է զմա յԱստուծոյ. զի ի դորա յերկար խաղաղութեանն և մեք առողջութեամբ և աստուածպաշտութեամբ կատարեսցուք զկեանս մեր:

Վասն նամակին զոր քո ի մեր աշխարհս տուեալ էր, յառաջ ժամանակաւ մի ոմն ի մոգակետաց, որ կատարելագոյն էր ի գենիդ ձերում, և դուք առաւել քան զբնութիւն մարդկան ի վեր համարէիք զնա, հաւատաց նա յԱստուած կենդանի յարարիչն երկնի և երկրի, և քան առ քան ելոյծ և իմացոյց ձեզ զօրէնս ձեր: Եւ իբրև ոչ կարացին բանիւ զդէմ ունել նորա, քարկոծեալ մեռաւ

յՈրմզդէ արքայէ: Եւ եթէ հաւատարիմ համարիցիս զմեր բանս լսել ի բազում տեղիս այդր աշխարհիդ ձերոյ գտանին գիրք նորա. ընթերցիր, այտի տեղեկանաս:

«Այլ վասն օրինացս մերոց, ոչ ինչ աներեոյթ են, և ոչ յանկեան ուրեք աշխարհի քարոզի. այլ համատարած ընդ ամենայն երկիր, ընդ ծով և ընդ ցամաք և ընդ կղզիս. ոչ միայն ընդ արևմուտս, այլ և ընդ արևելս, այլ և ընդ հիւսիս և ընդ հարաւ և ի միջոցս լի է հոծութեամբ: Ոչ ի մարդ ապաստան՝ եթէ վերակացուաւ տարածեսցի ընդ աշխարհս. այլ ինքն յինքենէ ունի զհաստառութիւն: Ոչ առ այլովք վատթարօքն վեհ երեի, այլ ի վերուսաւ յերկնուստ ունի զանոսւտ օրէնսդրութիւնն. ոչ միջնորդաւ, զի մի է Աստուած, և չիք այլ ոք բաց ի նմանէ, ոչ երիցագոյն և ոչ կրտսերագոյն:

«Ոչ ոկիզբն առեալ յումեքէ լինել Աստուած, այլ ինքն ինքեամբ մշանջենաւոր. ոչ ի տեղւոջ ուրեք, այլ ինքն ինքեան տեղի. ոչ ի ժամանակի իմիք, այլ ժամանակի ինմանէ զոյացան. ոչ միայն քան զերկինս երիցագոյն, այլ և քան զկարծիս մտաց մարդկան և հրեշտակաց: Ոչ ձեանայ ի տեսսիլ տարրեղէն, և ոչ անկանի ընդ տես-

լեամբ ական. և ոչ միայն ձեռին չզննի, այլ և ոչ ընդ միտս ուրուք հարկանի, ոչ միայն ընդ մարմնականացն՝ այլ և ընդ անմարմին հրեշտակացն. բայց եթէ ինքն կամի, իւրոց արժանաւորացն մտաց իմանի, այլ ոչ աչաց տեսանի, և մտաց՝ ոչ երկրաւորացս, այլ որ Աստուած են հաւատացեալ ճշմարտիւ:

«Եւ անուն նորա Արարիչ երկնի և երկրի. իսկ յառաջ քան զերկին և զերկիր, որպէս ինքնազոյ՝ ինքնանուն է: Ինքն անժամանակ է, իսկ արարածոցս յորժամ կամեցաւ՝ սկիզբն արար լինելոյ, ոչ յընչէ՝ այլ յոչընչէ. զի ինչ՝ նա միայն է, և այլս ամենայն ինմանէ ընչացաւ: Ոչ եթէ իբրև յետոյ իմացաւ և արար, այլ մինչ չեւ արարեալ էր նորա՝ ի կանուխ գիտութեանն իւրում տեսանէր զարարածս. որպէս և այժմ մինչ չեւ է գործեալ մարդոյ բարի ինչ կամ չար, Աստուծոյ յայտնի է անդործք մարդկան: Սոյնպէս և յայնժամ մինչ չեւ, ոչ խառն ի խուռն ինչ ճանաչէր զանեղմն, այլ կարգեալ և յարմարեալ կային առաջի նորա իւրաքանչիւր մասանցն տեսակք. իսկ մարդկան և հրեշտակաց՝ և տեսակքն և որ ի տեսակին լինելոց էին:

«Եւ քանզի արարող զօրութիւն է, ոչ

կարէր խափանել զնորա բարերարութիւնն՝ մեր չարութիւնս. որպէս և եղե իսկ, և ունիմք դատաւոր զաջն արարիչ: Զեռք որ զերկինս և զերկիր հաստատեցին՝ նոյն և տախտակս քարեղէնս փորագրեցին եւ ետուն մեզ դպրութիւն՝ որ ունի զօրէնս խաղաղականս եւ փրկականս. զի գիտացուք զմի Աստուած արարիչ երեւելեաց եւ աներեւութից. ոչ այլ եւ այլ, իբր թէ ոմն բարի եւ ոմն չար, այլ մի եւ նոյն համակ բարի:

«Բայց եթէ թուիցի քեզ չար ինչ զոյ յարարածս Աստուծոյ, ասս համարձակ, զի թերևս ուսցին զՃշմարիան բարի: Զդես չար ասացեր. զոն և դեք բարի՝ զոր և զուք և մեք Հրեշտակս անուանեմք. եթէ կամին՝ և դեք բարի լինին, և եթէ կամին՝ և հրեշտակը չար լինին: Այդ և ի մարդիկ երեկի, և առաւել ի միոյ հօր որդիս. է որ հնագանդ և հպատակ է հօրն, և է որ չարագոյն քան զսատանայ: Նա և ինքն իսկ մարդն առանձին յերկուս բաժանեալ տեսանի, երբեմն չար՝ և երբեմն բարի. և որ բարին էր՝ նոյն և չարացաւ, դէպ եղե զի զարձեալ անդրէն ի բարին շրջեցաւ, և ընութիւն մի է:

«Բայց այն որ ասեսն, եթէ վասն թը-

զոյ միոյ մահ արար Աստուած, վատթարագոյն է պատառ մի մագաղաթ քան ըգթուզ. ապա եթէ քան թագաւորին նկարի ի նմա՝ ո պատառէ զնա՝ մահու ընդունի զպատուհաս: Իսկ արդ չար արժան է ասել թագաւորին. քաւ, ես ոչ ասեմ, այլ խրատ ի գործ արկեալ և զայլս ուսուցանեմ: Յայնժամ էր Աստուած նախանձոտ՝ թէ չէր պատուիրեալ չուտել ի ծառոյ անտի. ապա եթէ յառաջագոյն զգուշացաւ, զգութ ընական սիրոյն իւրոյ յայտնեաց ի նմա: Իսկ արհամարհելով մարդ՝ ընկալաւ զպատիժս մահուն:

«Բայց այն զոր ասացեր՝ եթէ Աստուած ի կնոջէ ծնաւ, յայդմ չէր արժան քեզ խորշել և փախչել. զի ահաւասիկ Արհմն և Որմիզդ ի հօրէ ծնան և ոչ ի մօրէ. որում եթէ քաջ միտ դնես, և ոչ դու յանձն առնուս: Եւ մեւս ևս այլ ծանրագոյն քան զայդ, Միհր աստուած ի կնոջէ ծնաւ, եթէ ոք ընդ իւրում ծնողին անկցի:

«Այլ սակաւիկ մի եթէ ի բաց թողացուցանէիր զփքումն տէրութեանդ, և ընկերաբար գայիր ի պայքար, գիտեմ զի իբրև այլովդ ամենայնիւ յոյժ իմաստուն ես, և վասն ծննդեան Տեառն մերոյ ի սուրբ կու-

սէն՝ ոչ աւելաբանութիւնն համարէիր, այլ առաւել քան զարարչութիւնն յոչընչէ զաշխարհն՝ մեծագոյն զվերջին փրկութիւնն իմանայիր, ազատութեան մարդոյն զյանցաւորութիւնն դնէիր, և բարերարութեանն Աստուծոյ՝ զպատութիւնն ի ծառայութենէ:

«Բանզի յորժամ լսես եթէ յոչընչէ արար Աստուած զամենայն աշխարհն, բանիւ ծնունդ իմասջիր զարարածս: Իսկ քանզի Աստուած որ զայս մեծ մարմին առանց չարչարանաց ծնաւ, ապաքէն իբրև զհայր գութ ունի ընդ սմա: Զի որ ինքն անապական է՝ և զարարածս առանց ապականութեան ծնաւ. իսկ սա կամօք գլորեալ ապականեցաւ, և անձամբ ևս ոչ կարէր կանգնել կալ ի վերայ ոտից: Վասն զի էր ի հողոյ, անձամբ անձին արարեալ՝ անդրէն ի նոյն բնութիւն դարձաւ. և իբրև ոչ եթէ յօտար զօրութենէ չարի ինչ ընկալաւ ուրուք զպատիժս պատուհասին, այլ ի յիւրմէ հեղգութենէն չլսել բարերար պատուիրանին, խրատեցաւ ծառայական մասնն մահուամբ զոր կրեաց յանձն իւր:

«Արդ եթէ զմահ չար աստուածն արար, զինչ գոյացութիւնն երկի մահու ի միջի. և ոչ ինչ:—Բայց զբարի Աստուծոյ զարա-

բածոն խանգարեաց: — Եթէ այդ այդպէս է՝ նմա և բարի իսկ ասել ոչ մարթի, այլ կիսազործ ապականացու: Եւ որոյ աստուծոյ արարածքն ապականելիք են և եղծանելիք՝ նմա անեղծ Աստուած չմարթի ասել: Տի օն անդր թողէք զյիմարութեան բարբանջմունսդ:

«Միոյ աշխարհի երկու գեհապետք ոչ լինին, և ոչ միոյ արարածոյ երկու աստուածք: Եթէ ժպրհեսցին և լինիցին երկու թագաւորք միոյ աշխարհի, աշխարհն եղծանի և թագաւորութիւնքն խանգարին:

«Աշխարհո նիւթեղէն է, և նիւթքո որիշ որիշ են և ընդ միմեանս հակառակ. մի է արարիչ հակառակորդացս՝ որ ածէ զսոսա ի սիրելութիւն հաւանութեամբ. որպէս մալեալ կակլէ զջերմութիւն հրոյն՝ օդոյս հովութեամբ, և զապառումն բրտութիւն օդոյն՝ հրոյն եռանդմամբ. սոյնպէս և զմանքամաղ փոշիացեալ հողու՝ ջրոյն խոնաւութեամբ զանգանէ, իսկ զ'իվայր ծորելի բնութիւն ջրոյն՝ սալայատակ տրամացուցեալ հողոյն կափմամբ:

«Զի եթէ միաբանէին տարերքո, գուցէ ոք ի կարճամտաց և Աստուած անապական զսոսա կարծէր, և թողեալ զարարիչն՝ ա-

բարածոյս զերկլապագութիւն մասուցանէր. վասն այնորիկ որ արար զսա՝ զգուշացաւ յառաջագոյն, զի հայեցեալ մարդիկ ի յանդիմանութիւն ապականացու տարերացս՝ անապական միայն զկառավար սորա իմասցին, զմի և ոչ զերկուս. զնոյն արարիչ չորեքին նիւթոյս՝ յորմէ ամենայնքս ծննդագործին հրամանաւ արարողին իւրեանց:

«Եւ շրջագայութեամբք չորեք յեղանակք կատարեալ գործեն զտարեոր սպասաւորութիւնն. և չորեքեան հային կամաց ակնարկելոյ արարչին իւրեանց, և անզգայութեամբ լծեալ են ի գործ հարկաւորութեանն, չյափշտակելով զկարդ պատուոյն ի միմեանց:

«Եւ ահա պարզաբան լուսաւորութիւն՝ դիւրատար ի յականջս ամենեցուն:

«Զի այն որ հուրն է՝ գոյացութեամբ և զօրութեամբ խառնեալ է յերին ևս մասունս. իբրև զի գտանի ջերմութիւնն յոլովագոյն ի քարինս և յերկաթս, և սակաւագոյն ի յօդ և ի ջուր, և ինքն առանձին ուրեք ոչ երկի: Իսկ ջրոյ բնութիւն գոյ առանձինն, գոյ և ի խառնուածն երից ևս մասանց, յոլովագոյն ի հողաբոյս և սակաւագոյն ի յօդ և ի հուր: Իսկ օդն թափանցանց է ընդ հուրն և ընդ

ջուր, և ի ձեռն ջրոյն ընդ կերակուրս աճեցականս:

«Եւ այսպէս խառնեալ են տարերքս այս, և գոյացեալ իբրև զմի մարմին, և ոչ կորուսեալ զիւրաքանչիւր բնութիւնս, և ոչ երբէք զկայան առեալ հակառակութեամբ, հայելով ի մի իշխանն յանխառնն՝ որ ըզխառնուածսն յարմարեալ կազմէ առ ի բնակութիւն կենդանեաց ամենեցուն, և տեռդութիւն յարակայութեան բոլոր աշխարհիս:

«Իսկ եթէ առ անբան աշխարհս այսպէս հոգ տանի Աստուած, որչափ ևս առաւել առ բանաւոր աշխարհս՝ մարդն:

«Զոր և ձեր ոմն քաջ յիմաստնոյն ասաց, եթէ Միհրն աստուած մայրածին էր ի մարդկանէ, և թագաւոր աստուածագաւակ է, և համհարզ քաջ եւթներորդաց աստուածոց: Եւ եթէ հաւատալ արժան է առասպելաբանութեանդ—զոր դուք և գործովք իսկ կատարեալ ցուցանէք ի զենիդ ձերում—մեք ոչ ևս առասպելացն հաւատամք, այլ աշակերտք եմք մեծին Մովսիսի մարդարէին՝ ընդ որում Աստուած խօսեցաւ ի մորենւոյն և ի Սինէ, և դէմ յանդիման օրէնս զրեաց և ետ ցնա. և ծանոյց զնիւթեղէն աշխարհս իբրև զարարածս, և զիւր աննիւթ էութիւնն՝

արարիչ նիւթոցս յոչընչէ. և զերկիրս երկրաւորօքս և զերկինս երկնաւորօք եցոյց նմա՝ զի գործք ձեռաց նորա են: Բնակիչք երկնի՝ հրեշտակք, և բնակիչք երկրի՝ մարդիկ. բանաւոր՝ մարդ և հրեշտակ միայն, և Աստուած ի վեր քան զերկինս և զերկիր:

«Եւ ամենայն արարածք անբանութեամբ կատարեն զնրամանս պատուիրանի նորա, և ոչ երբէք անցանեն ըստ եղեալ սահմանն իւրեանց. բայց մարդ և հրեշտակ ազատ թողեալ ի կամս անձին, քանզի մտաւորք են, եթէ կայցեն ի հրամանի նորա, անմահք են և որդիք Աստուծոյ: Զբոլոր արարածս տուեալ է ի ծառայութիւն, զերկիրս՝ մարդկան, և զերկինս՝ հրեշտակաց. ապա եթէ ստունգանիցեն և անցանիցեն զպատուիրանաւ, զընդդէմսն գործեսցեն Աստուծոյ, յիւրաքանչիւր պատուոցն զանարգանս ընկալցին. զի երկեսցի աէրութիւնն անբամբաս, և յանցաւորք յանցանացն ամօթալից:

«Իսկ եթէ դու ի տգիտութեան վրիպեալ իցես, ես որ հաստատունս գիտեմ՝ ոչ կարեմ գալ զկնի քո մոլորութեանդ: Եթէ աշակերտիմ անուսումնութեանդ՝ երկոքինս յանգիւտ կորուստն մատնիմք, թերևս ես չարագոյն քան զքեզ, քանզի վկայ ունիմ ինձ

զինքնասաց ձայնն Աստուծոյ. «Ծառայ, ասէ, որ ոչ գիտէ զկամս տեառն իւրոյ, և արժանի գանի ինչ գործ գործէ, ըմպել ըմպէ զան, այլ սակաւագոյն. իսկ որ տեղեկագոյն է կամաց թագաւորին, և յանցանէ ինչ առաջի նորա, առանց բարեխօսի բազմապատիկ տանջի»:

«Արդ աղաչեմ՝ զքեղ և զամենեսեան որ ընդ քոյով իշխանութեամբ են. մի՛ զու ընդ իս բազմապատիկ տանջիր, և ոչ ես ընդ քեղ սակաւագոյն. այլ ես և զու և ամենայն բազմութիւնդ հանդերձ արի թագաւորաւդ այնպէս աշակերտեսցուք աստուածային զըրոց՝ զի ի տանջանացն ապրեսցուք, և զդըժոխս առ ոտն կոխեսցուք, և յանշէջ հրոյն զերծանիցիմք, և զարբայութիւնն ժառանգիցեմք, և անցաւոր կենօք զանանց մեծութիւնն անվախճան ունիցիմք»:

«Բայց յորմէ դուդ զարհուրեալ ես՝ դիւրահաւան լեր, և վաղվաղակի աշակերտիս ճշմարտութեանն»:

«Ո՞մ ի հրեշտակաց յանմահիցն գնդէն ստամբակեալ ի բաց գնաց յերկնից, և ի մեր աշխարհս եկեալ՝ պատիր բանիւք և ոռւտ խոստմամբ զանլինելի յոյսն առաջի դնէր՝ իբրև տղայ մանկան՝ անփորձ և անկիրթ

նորաթեք մարդոյն, ի վեր հայեցուցանելով զմիտս նորա, ուտել ի պաղոյ ծառոյն—յոր հուպն չհրամայեաց երթալ—զի լիցի աստուած։ իսկ նորա մոռացեալ զպատուիրանն Աստուծոյ, խաբեցաւ զկնի մոլար խարէութեանն, կորոյս զոր ունէր զփառս անմահութեանն, և չեհաս երազայոյս կարծեացն։ Վասն որոյ և մերժեալ ի կենաց տեղւոյն, ընկեցաւ յապականելի աշխարհս՝ յորում և դուք էք բնակեալ այժմ, և ցնորեալ մոլորիք զկնի նորին խրատառուի. ոչ ես ուտելով ի պատուիրեալ ծառոյն, այլ զարարածս աստուած ասելով, և անխօս տարերցս երկիր պագանելով, և անորովայն դիւաց կերակուր մատուցանելով, և յարարչէն բոլորեցունց ի բաց մերժելով։

«Ոչ յագի չար խրատառն, այլ կամի զի քան զինքն չարագոյնս արասցէ։ Քանզի դեւքն ոչ եթէ բռնաբար վարեն զոք ի կուրուստ, այլ զմեղս քաղցրացուցանեն ի կամս մարդոյն, և ողոքանօք որսան զանուսմունս ի խարէութիւն, որպէս բազում մարդիկ զընկերս իւրեանց ի գողութիւն և յաւազակութիւն. իբր ոչ եթէ բռնի ինչ վարելով, այլ պատիր խարէութեամբ տան գործել բազում չարիս, զոմանս ի կախարդութիւն,

և զոմանս ի պոռնկութիւն, և զոմանս յանթիւ ի բազում յայլ իրս աղտեղութեան։ Եւ արդար դատաւորք վրէժ առնուն մահու չափ. իբր ոչ եթէ բարի Աստուծոյ դատաւորք իցեն բարեգործ, և չարին չարագործ. զի բազում անգամ է զի ի բարի մարդկանէ չարք լինին, և յետոյ ի չարագունից անտի կատարելագոյն բարիք։

«Եւ դատաւորք ստոյգ՝ որք դատին ըզ-չարագործս, ոչ եթէ չարք անուանին և չարչարիչք, այլ յոյժ բարիք և բարեգործք. և բնութիւն մի է, և ոչ երկու. իսկ ի միոջէ անտի գործք երկութիւն երկին. ոմանց սատակիչք, և ոմանց պարգևատուք։ Եւ եթէ առ մարդիկ այս պաշտի, ի ձեռն թագւարական վիճակին խրատուն խնամ տանել իւրում իշխանութեանն, ո՞րչափ ևս առաւել Աստուծոյ բոլոր աշխարհս, որ ընդ ամենեցուն կեանս կամի և ոչ զմահ։ Եւ ահա ուր բազմացաւ յանցաւորութիւն՝ տանջեաց զամենեսեան մահուամբ. իսկ ուր եղեւ ունկնդրութիւն հսազանդութեան՝ շնորհեաց պարգևս անմահութեան։

«Այն է ճշմարիտ Աստուած՝ բոլորեցունց մեր արարիչ, զոր դու աներասանակ արձակ բերանով՝ անահ աներկիւդ համարձակ հայ-

հոյես։ Թողեալ զՅիսուս Քրիստոս զփրկական անունն՝ Բանթուրակայ որդի անուանես, և մարդ մոլորեցուցիչ կարծես. և զերկնաւոր փրկութիւնն աղաւաղես և անարգես ի կորուստ անձին և բոլոր աշխարհիդ։ Զոր տալոց և հատուցանելոց ես գանանցական վրէժ տանջանացն յանշէջ հուրն սպառնացեալ գեհենին, հանդերձ ամենայն գործակցօք քյովք, առաջնովք և միջնովք և վերջնովք։

«Այլ մեք այսպէս գիտեմք զԱսոուած, և ի սոյն հաւատամք ի յաներկբայս։

«Եւ որ արար զաշխարհս՝ նոյն եկն և ծնաւ ի սուբբ կուսէն Մարիամայ, յառաջագոյն նկատելով մարգարէիցն, առանց իրիք պատճառանաց մարմնաւոր կարգի։ Որպէս յոչընշէ արար զայս մեծամարմին աշխարհս, սոյնպէս առանց իրիք մարմնական միջնորդի առ զմարմինն յանփորձ կուսէն ճշմարտիւ, և ոչ ստուերագիր երկամմբ։ Եր Աստուած ճշմարտիւ, և եղեւ մարդ ճշմարտիւ. ոչ ի լինելն մարդ՝ կորոյս զաստուածութիւնն, և ոչ ի կալ մնալն Աստուած՝ աղաւաղեաց զմարդկութիւնն, այլ նոյն և մի։

«Այլ քանզի ոչ կարէաք տեսանել զանտեսանելին և մերձենալ յանմերձենալին, եկն եմուտ ընդ մերով մարդկութեամբս,

զի և մեք մտցուք ընդ նորա աստուածութեամբն։ Ոչ անարդս ինչ համարեցաւ զգենուլ զիւր ստեղծուած մարմինս, այլ մեծարեաց իբրև աստուածաստեղծ զիւր գործ։ Ոչ առ սակաւ սակաւ շնորհեաց ինչ սմա զանմահութեան պատիւն՝ իբրև զանմարմին հրեշտակաց, այլ միանդամայն զբոլոր բնութիւնն մարմնով՝ շնչով և հոգւով զգեցաւ, և միաբանեաց ընդ աստուածութեանն. միութիւն, և ոչ երկուութիւն. և այսուհետեւ մի զիտեմք զաստուածութիւնն, որ յառաջ էր քան զաշխարհս, նոյն և այսօր և յաւիտեան։

«Այս Յիսուս Քրիստոս՝ որ յիւր մարմինս փրկեաց զբոլոր աշխարհս, սա եկն կամօք ի մահ. և որպէս ինքն աստուածութիւնն զիտէ՝ թանձրացաւ յանարատ կուսէն, և ծնաւ և պատեցաւ ի խանձարուրս և եղաւ ի մսուր, և շարժեաց ած զմոգն յարևելից կողմանցս յերկրպագութիւն. մնաւ իբրև զտղայ կաթամբ, աճեաց և մեծացաւ ամս երեսուն, մկրտեցաւ ի Յովհաննէ ի յամլորդւոյն ի Յորդանան գետ։ Արար նըշանս մեծամեծս և արուեստս ի մէջ Հրէիցն. մատնեցաւ ի քահանայից, դատապարտեցաւ ի Պիղատոսէ պոնտացւոյ։ Խաչեցաւ, մեռաւ, թաղեցաւ, յարեաւ յաւուր երրորդի. երե-

ւեցաւ երկոտասան աշակերտացն և այլոց բազմաց աւելի քան զինդ հարիւրոցն։ Եւ շրջելով ընդ նոսա զաւուրս քառասուն՝ վերացաւ յերկինս ի լեռնէն Զիթենեաց յանդիման իւրոց աշակերտացն, ել և նստաւ ի հայրենի աթոռն։ Խոստացաւ երկրորդ մնդամ գալ ահաւոր զօրութեամբ յարուցանել զմեռեալս, նորոգել զբոլոր աշխարհս, առնել դատաստան արդար ի մէջ արդարոց և մեղաւորաց, տալ պարզեմ արժանաւորաց, և հատուցանել պատիժս չարազործաց՝ որ այսմ ամենայնի բարերարութեանց ոչ հաւատան։

«Յայսմ հաւատոց զմեղ ոչ ոք կարէ խախտել, ոչ հրեշտակք և ոչ մարդիկ, ոչ սուր և ոչ հուր, ոչ ջուր, ոչ ամենայն զինչ և են դառն հարուածք։

«Ամենայն ինչք և ստացուածք մեր ի ձեռս քո, և մարմինք մեր առաջի քո կան. ըստ կամաց քոց արա զինչ և կամիս։ Եթէ սովին հաւատովք թողուս, ոչ յերկրի այլ տէր փոխանակեմք ընդ քեզ, և ոչ յերկինս այլ Աստուած փոխանակեմք ընդ Յիսուսի Քրիստոսի, որ չիք այլ Աստուած բաց ի նմանէ։

«Ապա Եթէ յետ այսր մեծի վկայութեան

այլ ինչ հարցանես, աւասիկ կամք, զբոլոր մարմին տուեալ ի ձեռս քո. վաղվաղակի արա զինչ և կամիս: Ի քէն տանջանք և ի մէնջ յանձնառութիւնք. սուր քո՝ և պարաւնոցը մեր: Զեմք ինչ լաւ մեք քան զառաջինսն որ յայսր վկայութեան վերայ եղին զինչս և զատացուածս և զմարմինս իւրեանց:

«Զի եթէ անմահք խակ էաք, և մարթ էր մեզ մեռանել վասն սիրոյն Քրիստոսի՝ արժան էր. քանզի և նա անմահ էր, և այնչափ սիրեաց զմեզ՝ մինչև մահ ի յանձն էառ, զի և մեք նորա մահուամբն յաւիտենական մահուանէն ասլրեսցուք: Եւ եթէ նա յիւր անմահութիւնն ոչ ինայեաց, մեք զի կամօք եղաք մահկանացուք, կամօք մեռցուք վասն սիրոյ նորա, զի կամօք յանձն առցէ զմեզ յիւր յանմահութիւնն. մեռցուք իբրև զմահկանացուս. զի ընկալցի զմեք մահն իբրև զանմահից:

«Այլ դու յայսր ամենայնի այլ զմեզ մի հարցաներ. զի ոչ եթէ ընդ մարդոյ է ուխտ հաւատոց մերոց, եթէ պատրիցիմք իբրև զաղայս. այլ անլուծութեամբ ընդ Աստուծոյ՝ որում չիք հսար քակտել և ի բաց ելանել, ոչ այժմ և ոչ յապա, և ոչ յաւիտեանս, և ոչ յաւիտենից յաւիտեանս»:

Ի սմին մեծի հաւանութեան ամենայն բազմութիւնն միաբանեաց ի մեծամեծաց մինչև ցփոքունս. անսուտ երդմամբ եղին վկայութիւն՝ կենօք և մահու ինմին կալ հաստատուն:

Եւ իբրև եհաս նամակն յարքունիս՝ և ընթերցան ի մեծի խոնաստանի յանդիման ամենայն բազմութեան կարաւանին, բազումք այնոքիկ էին որ իբրև լսէին՝ գովէին զպատասխանիսն: Թէպէտ և երկնչէին յահէտէրութեանն՝ սակայն ի ծածուկ առ միմեանս զնոյն վկայութիւնս գովութեանց տային. առաւել քան ընդ ճարտարաբանութիւնն՝ ընդ համարձակութիւն աներկիւղութեանն զարմանային: Եւ բազումք յահարեկելոց սկսան զրահել պնդապէս, և զնոյն շնջիւն լսէին յամենայն շրթանց:

Խակ չարասէր մողպետն հանդերձ մեծ հազարապետաւն շնչեաց չարախօսութիւն, և բորբոքեաց զթագաւորն իբրև զնուր անշիջանելի: Եւ սկսաւ կրծտել զատամունն իբրև զօրհասական վիրաւոր. և յայտ յանդիման ձայն արկեալ ի մեծ հրապարակին, և ասէ. «Գիտեմ ես զշարութիւն բազմու-

թեան մարդկանս՝ որ թերահաւատեն ի մերոց օրինացս, և զինի կախարդութեան մոլորեալ են անդարձութեամբ։ Եւ իմ եղեալ է իմտի՝ թէ ոչ ումեք թողացուցից ի մեծամեծ հարուածոցն՝ մինչեւ ակամայ ի բաց կացցեն յայնպիսի վրիպական օրինաց. եթէ ոք կարի ի մերձաւորաց իցէ, գնոյն անցս և ընդ նոսա անցուցից»։

Յայնժամ ծերն դառնացեալ բանս ի ներքս ընկէց, և ասէ ցթագաւորն. «Առ ինչ է քո այդ մեծ արտամութիւնդ. զի եթէ կայսր չելանէ ըստ քո հրաման, և Հոնք կան քեզ ի ծառայութեան, որ մարդ է յերկրի՝ եթէ կարող է ընդդէմ դառնալ քում հրամանիդ։ Տիրաբար հրաման տուր իներքս, և ամենայն որ ինչ և ասես՝ վաղվաղակի կատարի»։

Եւ անդէն թագաւորն իներքս կոչեալ զգպրապետն, հրամայէր գրել հրովարտակ. և ոչ ևս ըստ սովորութեանն, այլ բանս զայրագինս իրը առ ատելիս և անպիտանս, չյիշելով ամենակին զմեծամեծ վաստակս ախրասէր մարդկանն. այլ միայն կոչոյ հրաման տուեալ յականէ, յանուանէ զարս զոր ինքն ճանաչէր։ Եւ այս անուանք են նախարարացն. ի տոհմէն Սիւնեաց ՎԱՍՍԿ անուն։

Ի տոհմէն Արծրունեաց ՆԵՐՇԱՊՈՒՀ անուն։
Ի տոհմէն ՌԵՇՄՈՒՆԵԱՑ ԱՐՏԱԿ անուն։
Ի տոհմէն ԽՈՐԽՈՎՈՒՆԵԱՑ ԳԱՂԻՇՈՅ անուն։
Ի տոհմէն ՄԱՄԻԿՈՆԷԼԻՑ ՎԱՐԴԱՆ անուն։
Ի տոհմէն ՄՈՂԱՑ ԱՐՏԱԿ անուն։
Ի տոհմէն Ապահունեաց ՄԱՆԷՋ անուն։
Ի տոհմէն Ամատունեաց ՎԱՀԱՆ անուն։
Ի տոհմէն Վահեկունեաց ԳԻՒԾ անուն։
Ի տոհմէն ՍԱՆՃԵԿԵԱՑ ՇՄԱԿՈՆ անուն։

Զայս նախարարքս յականէ յանուանէ կոչեցին ի գոււն արքունի. և կէսքն առ նմա իսկ էին ի կարաւանին, և այլքն ի կողմանց հիւսիսոյ ի Հոնաց պահակին. թողեալ էր զումանս ի նախարարացն անդէն յաշխարհին Հայոց։

Արդ թէպէտ և ոչ համագունդ ի միոջ վայրի գիպեցան ամենեքեան, սակայն յառաջագոյն զիտացեալ զիսորհուրդս չարաբարոյ բռնաւորին, և զիեռաւորան ևս իբրեւ զմերձաւորսն ի միոջ վայրի առ միմեանս համարէին։

Եւ ի ձեռն Յովսեփու մեծի եպիսկոպոսի նովին ուխտիւ հաստատեալ՝ խաղացին գընացին յիւրաքանչիւր տեղեաց ի գոււն արքունի։ Եւ յոյժ փութային վասն եղբարց և որդեաց և սիրելի գայեկասնունդ բարեկա-

մացն՝ որ չարաշար կային ի մեծի նեղութեանն; Վասն որոյ և նոքա զանձինս ի մահ մատնեցին՝ ոչ ինչ զանգիտելով իբրև զանարի վատասիրտս. այլ յոյժ քաջութեամբ պնդէին զանձինս, զի թերեւ կարացեն փրկել զնոսա ի մեծամեծ հարուածոցն:

Եւ իբրեւ հասին ի դուռն արքունի, ի մեծի շաբաթու Զատկին յանդիման լինէին թագաւորին: Բայց թէպէտ եւ տեսանէին զեղբարս իւրեանց ի մեծամեծ վիշտս տառապանաց՝ որ վասն անուանն Քրիստոսի ճգնեալք էին պնդապէս, ոչ ինչ տրտում եւ տխուր գերեսս ցուցանէին հրապարակին: Եւ որչափ նոքա գուարթագին երևէին ամենեցուն՝ առաւել զարմանային չարասէրքն:

Եւ զի օրէնք էին յառաջ ժամանակաւ, յորժամ ի Հայոց այրուձի ի դուռն երթայր, ի ձեռն պատուաւորի զօրագլխի ուրուք, այր ընդ առաջ յղէր, եւ հարցանէր զողջոյն եւ զիսազազութիւն Հայոց աշխարհին, և երկիցս եւ երիցս անզամ զնոյն առնէր. և զհանդէս զնդին ինքնին տեսանէր թագաւորն եւ յառաջ քան զգործ պատերազմին հասանել զգան իսկ առ նա՝ մեծի շնորհակալութեան համարէր, եւ առաջի աթոռակցացն իւրոց եւ ամենայն մեծամեծացն՝ գովութիւն մա-

տուցանէր ամենեցուն, եւ յիշէր զնախնեացն զվատակս, եւ զառն առն քաջութիւն պատմէր նոցա:

Իսկ այն օր ոչ մի ինչ յայցանէ ամենեւին ինչ ոչ յիշեաց. այլ իբրև զչարագեւ մի՝ ոչ զագարէր յուղել եւ շարժել զբուք ձմերայնոց: Որպէս և նմանեալ իսկ էր ծովածուփ ալէկոծ խոռվութեան, ոչ դուզնաքեայ վեր ի վերոյ, այլ անզատին յանդնդոց բարձրանայր փրփրեալ կուտակեալ, եւ վիշապաձայն որոտալով, զազանաբար գոչելով առ հասարակ գողացուցանէր զտիեզերական իշխանութիւնն, որպէս թէ փլեալ տարածանիցի համատարած ամենայն ի վերայ լերանց, խորոց և ձորոց՝ ապականել միանդամայն զլայնութիւն դաշտացն վայելչութեան:

Մոնչելով բարբառ արձակեալ և ասէ. «Երգուեալ իմ յարեզակն, ի մեծն աստուած — որ ճառագայթիւքն իւրովք լուսաւորէ զամենայն տիեզերս, եւ չերմութեամբն կենդանածնէ զամենայն գոյացեալսն — եթէ ոչ վաղիւ ընդ առաւօսն, ընդ երեւումն սքանչելոյն; ընդ իս զիւրաքանչիւր ծունը նմա ոչ կրկնեսջիք՝ խոստովանելով զնապատուած, ոչ ինչ թողացուցից ձեզ՝ զամե-

Նայն նեղութիւնս չարչարանացն ի վերայ ածելով, մինչեւ ակամայ կատարիցէք զկամս հրամանաց իմոց»։

Իսկ հաւատացեալքն հաստատեալք ի Քրիստոս՝ ոչ ի սառնամանեաց ձմերայն- ւոյն հովանային, և ոչ ի տապոյ խորշակին ջեռնուին, և ոչ յահագին ձայնէն սարսէին, և ոչ ի սպառնալեաց տանջանացն զանգի- տէին. այլ ի վեր հայեցեալք զզօրութիւնն Քրիստոսի յօդնութիւն եկեալ տեսանէին. և զուարթագին դիմօք և համեստ բանիւք յա- ռաջ մատուցեալ՝ տային պատասխանի թա- գաւորին.

«Խնդրեմք ի քէն, արքայ քաջ, ունկն դիր սակաւ բանից մերոց, և քաղցրութեամբ լուիցես զոր ասելոցս եմք։

«Քանզի յիշեցուցանեմք քեզ զժամանակն Շապհոյ արքայից արքայի, որ էր հայր հա- ւուն քո Յազկերտի. և ետ նմա Աստուած զերկիրն Հայոց ի ժառանգութիւն սովին օրինօք որով և մեք իսկ վարիմք այժմ, և հարքն մեր և հաւաք հարցն մերոց կացին նմա ի ծառայութեան վաստակս, և սիրով կատարէին զամենայն հրաման բանի նորա, և բազում անգամ ի նմանէ մեծապարգեք ելանէին։ Եւ յայնց ժամանակաց մինչեւ ի

քո հայրենի աթոռող՝ և մեք զնոյն ծառա- յութիւն ծառայեցաք. բայց թերես քեզ լա- ւագոյն քան զառաջնոցն»։

Զայս ասելով ցուցանէին զքաջութիւն արութեանցն լաւագոյն քան զառաջնոցն ըստ զինուորութեան կարգի։ Իսկ զմափց և զսակից, և որ այլ ևս էին հարկ աշխարհին, բազմագոյն քան առ հարքն նորա երթայր յարքունիս։

«Նա և ի սուրբ եկեղեցւոյն, որ էր ա- զատ ի Քրիստոս ըստ կարգի նախնեացն մերոց ի սկզբանէ, և գու ընդ հարկաւ եղիր. և մեք առ սէր քոյոյ տէրութեանդ ոչ ինչ ընդդիմացաք քեզ։ Արդ վասն էր յուզեալ իցէ ցասումնս այս ի վերայ մեր. առա գու մեզ զպատճառս վնասուն. եթէ օրէնքն մեր պատճառք իցեն անվաստակ լինելոյ առաջի քո»։

Իսկ չարադեն լի ամենայն նենգութեամք՝ զերեսս ի մի կոյս գարձուցեալ և ասէ. «Վնասն համարիմ ընդունել ի զանձ արքունի գհարկս աշխարհին ձերոյ, և անօգուտ ըզ- քաջութիւն արութեան ձերոյ. քանզի տղի- տաբար մոլորեալ էք ի ձշմարիտ օրինացս մերոց, և զաստուածս անարգէք և զկրակ սպանանէք և զջուրս պղծէք, և զմեռեալս

ի հող թաղելով զերկիր ապականէք, և քըրտիկար չառնելով ոյժ տայք չարամանոյ. և որ մեծ քան զամենայն՝ զի հանապազ ի կանայս ոչ մերձենայք. և մեծապէս լինի դիւաց խնդութիւն, չիրատելով ձեր և չըպահելով զամենայն կարգս մոդաց: Տեսանեմ զձեզ իբրև զիսաշինս ցրուեալս և վայրատեալս յանապատի, և յոյժ զեղջ է մոտաց իմոց՝ թէ գուցէ աստուածքն բարկացեալ վասն ձեր՝ ի մէնջ վրէժու առնուցուն: Այլ գուշ եթէ կամիք կեալ և կեցուցանել զանձինս ձեր, և մեծարանօք անդրէն յուղարկիլ, զոր ասացի՝ վաղիւ վաղվաղակի կատարեցէք»:

Յայնժամ երանելի նախարարքն առ հասարակ զձայնս իւրեանց բարձին և ասեն յանդիման ամենեցուն. «Մի գու, արքայ, և մի զայդ այլ ևս առ մեզ ասեր. քանզի ոչ է եկեղեցի շինուած մարդոյ, և ոչ տուրք արեգական, որպէս գուտ այլ ընդ այլոյ կարծես՝ թէ աստուած իցէ. ոչ միայն զի աստուած չէ, այլ և կենդանի չէ: Այլ եկեղեցիք ոչ են պարզեք թագաւորաց, և ոչ արուեստ ճարտարութեանց, և ոչ զիւտք իմաստնոց, և ոչ աւար քաջութեան զինուորաց, և ոչ պատիր խաբէութիւնք դիւաց. ևս և բնաւ իսկ ամենեկին զինչ և ասացես

յերկրաւորացս, կամ ի վեհից կամ ի վատթարաց, բնաւ ուրեք եկեղեցի ի նոցանէ ոչ գացի: Այլ շնորհք են մեծին Աստուծոյ, ոչ միում ումեք ի մարդկանէ տուեալ, այլ ամենայն բանաւոր աղքաց որք վիճակեալք են ի բնակութիւն ի ներքոյ արեգականս: Հիմունք նորա եղեալ են ի վերայ հաստատուն վիմի. ոչ ներքինք շարժել կարեն, և ոչ վերինք զրդուեցուցանել: Եւ զոր երկինք և երկիր ոչ գողացուցանէ՝ մի՛ ոք ի մարդկանէ խրոխտացի յաղթել նմա: Հապա, որով օրինակաւ զինչ կամիս առնել՝ կատարեալ. պատրաստ եմք ամենեքեան առ ամենայն մեքենայս հարուածոցն տանջանաց զոր ըսպառնացար. ոչ միայն ի չարչարել՝ այլ և ի մեռանել: Եւ եթէ դարձեալ ևս զնոյն բանս հարցանես՝ ի միոջէ միոջէ լուիցես առաւել քան զդոյն պատասխանի»:

Յայնժամ դառնացեալ քան զեղի թագաւորն՝ վլուզանէը անդէն ի փորին զծով կամաւոր մաղձոյն իւրոյ. և ընդ քիթսն և ընդ բերանն առ հասարակ գոլոշի ջերմախան ելանէր, իբրև ի սաստիկ հնոցէ ծուխ թանձրացեալ: Եւ առ չնանդուրժել սրտին իւրոյ՝ կոտորէը զգօրութիւնս մարմնոյն, և ծակոտէր զբազմամթեր աման խորհրդոցն,

ցրուէր և վասնէր զամենայն խորհումն նենգութեան։ Եւ զոր ոչ երբէք կամէր իւրոց սիրելեացն յայտնել՝ ակամայ առաջի ծառայիցն Քրիստոսի մերկանայր և դնէր զամենայն կարգաւ։

Երեքինէր և չորեքինէր զանսուտ երդումն յարեգակն, և ասէր այսպէս. «Ոչ կարէք աւերել զանխար ամուրս իմ, և ոչ որում ցանկացեալր էք՝ վաղվաղակի տամ գտանել ձեզ. այլ զամենեսեան զձեզ և որ ի գնդիս են՝ չարաչար կապանօք ի Սագաստան տամ անցուցանել ընդ անձանապարհ տեղիս, որ և բազումք ի ձէնջ ի խորշակէ յերթալն սատակիցին, և մնացեալքն անկցին ի բերդս ամուրս և ի բանդս անելս։ Եւ ի ձեր աշխարհն առաքեցից զօրս անթիւս հանգերձ փղօք, և զկին և զորդիս ի Խուժաստան տամ խաղացուցանել. և զեկեղեցիս, և զոր անուանէք վկայարանս՝ քակեցից, քանդեցից և յապականութիւն դարձուցից. և եթէ ոք ընդդէմ դարձեալ զոցի՝ կոխան եղեալ զագանաց անողորմ մեռանիցի։ Եւ զամենայն ասացեալս արարից և կատարեցից առ մնացորդս աշխարհին»։

Եւ վաղվաղակի հրամայէր զպատուական նախարարսն հանել մեծաւ անարդանօք յե-

րեսաց իւրոց. և զգուշութեամբ հրաման տուեալ դահճապետին՝ առանց կապանաց յիւրաքանչիւր վանս պահել, և ինքն զառածեալ անդրէն դառնայր պնմխիթար տրտմութեամբ յօթեանսն անկաննէր։

Իսկ հաւատացեալքն ճշմարտութեամբ ի Քրիստոս՝ ոչ ինչ երկմտութեամբ թերահաւատէին յառաջին խրատուէ սուրբ վարդապետացն իւրեանց. այլ տակաւին ինտրէին հնարս իրացն, թէ որպէս զանձինս և զսիրելիս հանցեն ի մեծ նեղութենէն։ Եւ բազում անգամ ջանալով, և մեծամեծացն որ օգնականք էին նոցա ի Դրանն արքունի՝ խոստմունս մեծամեծս առաջի դնէին առ ի յոյս կարաւոյ, և ոչ սակաւ զանձս առ ժամայն ծախէին նոցա։

Եւ իբրև յամենայն կողմանց եկն փակեցաւ անել արգելան նոցա, յայնժամ զխորհուրդն Աքրահամու ի մէջ առեալ՝ աղաղակէին և ասէին ի սիրտս իւրեանց. «Ամենեցուն մեր նուիրեալ և եղեալ զեղբարս և զորդիս և զամենայն սիրելիս ընդ կապանօք իբրև զՍահակ ի վերայ սուրբ սեղանոյն, ընկալ, Տէր, զկամաւոր պատարացս մեր, և մի՛ տար զեկեղեցի քո յայն կատականաց անօրէն իշխանիս այսորիկ»։

Մի ոմն ներքինի ի խորհրդակցացն արքայի ի ծածուկ ունէր զանքակ սէրն ի Քըրիստոս—քանզի մկրտեալ իսկ էր յաւազանն կենդանի—և մեծապէս հոգ տանէր հնարից կենաց վշտացելոցն։ Եւ իբրև ստուգեաց ճշմարտիւ, եթէ զոր բազում սպառնացաւ թագաւորն չարիս՝ զամենայն կամի անցուցանել ընդ աշխարհն Հայոց, թէպէտ և ոչ ամենեցուն՝ այլ սակաւուց ի նոցանէ խրատ ետ և ուսոյց ելս հնարից, զի առ անգամ մի ի նեղութենէ անտի զանձինս ապրեցուացեն։

Եւ մինչզեռ գունդ կազմէին՝ որ գնոսա շկօթակ արասցեն յանդարձ օտարութիւն—որպէս զբազում նախարարսն ի Վրաց աշխարհէն արարին—ի նմին ժամանակի գուժկան հասանէր ի կողմանցն Քուշանաց՝ եթէ գունդ հատաւ ի թշնամեացն, որ ելին աւերեցին զգաւառս բազումս արքունի։ Եւ այս լինէր մեծ օգնականութիւն նոցա յերկնից եւ անօրէնն ճեպեալ տագնապէր զայրուծին յառաջ արձակեալ, և ինքն փութայր ստիպաւ զհետ երթալ. և ի խոր խոցեալ ի խորհուրդն՝ ցըռէր զառաջին հաստատուն երդումն։

Իսկ երկիւզածացն Տեառն զայս տեսեալ՝ մեծաւ յուսով աղօթելով ասէին միաբան. «Դու Տէր ամենայնի, որ գիտես զծածկեալ

սրտից մարդկան, և յայտնի են առաջի քո ամենայն աներկոյթք խորհրդոց, և ոչ ինչ խնդրես վկայութիւն յերկելեաց. որպէս զի և զսնգործս մեր տեսին աչք քո. արդ առաջի քո հեղումք զիսնդրուածս մեր: Ընկալ, Տէր, զծածկութիւն աղօթից մերոց, և կատարեա զմեզ ի հաճոյս պատուիրանաց քոց, զի ամաչեսցէ չարն որ խրոխտացեալ մարտնչի ընդ մեզ իշխանութեամբ անօրինին: Շարժեա, Տէր, զկամակոր խորհուրդս նենզաւորին, և խափանեցո զկամս ամբարշտութեան նորա, և գարծո զմեզ խաղաղութեամբ խորհրդոցն անդրէն ի սուրբ եկեղեցին. զի մի յանկարծակի յափշտակեալ աւերեսցի չարաչար ի թշնամեաց»։

Եւ անձամբք իւրեանց զայս ուխտ եղեալ անքակութեամբ ընդ Աստուծոյ, զի հաստատուն կացցեն ըստ առաջին խորհրդոցն, պատգամ ի ներքս յղէին զնոյն խրատառուն իւրեանց, իբր թէ կատարեսցին կամք անօրէնութեան նորա:

Զայն իբրև լուսաւ թագաւորն՝ յոյժ ցընծացեալ բերկրեցաւ, կարծեցեալ զդիմն հասանել նմա յօգնականութիւն, շրջեալ և աւերեալ զհաստատուն խորհուրդս ծառայիցն Աստուծոյ. զի ահա մատուցանեն երկրպա-

դութիւն արեգական, պատուեալ զնա դութիւք և ամենայն օրինօք մոգութեանն:

Եւ զայն ոչ կարաց իմանալ ցնորեալն՝ եթէ անստուեր լոյսն արեգականն արդարութեան սպառէ՛ և աղջէր զխաւարային խորհուրդս նորա, և եղծեալ ապականէին ամենայն խեղաթիւը կամք նորա: Եւ կուրացեալ ի ճշմարտին յայտնութենէ՝ ոչ ինչ իմացաւ զպատրանս խարէութեանն որով վրիպեացն: Հեղոյր արկանէր առաջի նոցազպարգևս երկրաւորս, և վերստին ամենեցուն զպատիւս և զգահնա նորոգէր, յառաջ մատուցանելով և երկելի առնելով ընդ ամենայն տիեզերական իշխանութիւնն: Եւ անբաւ առատութեամք ագարակս և աւանս միում միում նոցա յարքունուստ շնորհէր. սիրելիս և բարեկամս կարդայր զնոսա, և առհպարտ յանդզնութեան մտացն կամակորութեան՝ կարծէր եթէ փոխանակիցի ճշմարտութիւնն ընդ ստութեան:

Եւ զայս արարեալ, բազում այրուձի գումարէր ընդ նոսա, և ի մոգուցն ոչ սակաւս, աւելի քան զեւթն հարիւր վարդապետս յղէր ընդ նոսա, և զմեծ ոմն իշխան մոգպետ կացուցանէր ի վերայ նոցա: Խոնարհէր և աղաչէր պատուիրելով, թէ մինչ

ես ի պատերազմէս դարձեալ դայցեմ խաղաղութեամք, ձեր արարեալ և կատարեալ իցէ զամենայն ըստ կամաց իմոց: Եւ այսպէս շրով և պատուով առաջնորդէր նոցազերկայնութիւն ճանապարհին անդրէն յերկիրն հայոց: Եւ ինքն աւետիս խնդալիս առաքէր յատրուշանս բազումն, գրէր և ցուցանէր մոգաց և մոգպետաց և ամենայն մեծամեծաց կողմանց կողմանց աշխարհաց՝ նրապէս դիցն օգնականութեամք զգործ քաջութեան իմոյ յառաջ մատուցեալ:

Իսկ խոներականքն այնուհետև յարուցեալ յիւրաքանչիւր խաւարային դարանաց՝ իղձ մինէին վազվազակի գնրամանն կատարել. ձայն արարեալ յաշխարհս հեռաւորս՝ միանգամայն խաղալ գնալ յերկիրն արևմտից: Եւ մինչ չե հասեալ էին ի մեծ յաշխարհն հայոց, փայտ ընկենութիւն և վիճակս արկանէին, թէ որ լեզու որնւմ դասու հասցէ յաշակերտութիւն: Զի առհասարակ հրաման առեալ էր յարքունուստ, որպէս հայոց աշխարհին՝ նոյնպէս և վրաց և Աղուանից և Լինաց, Աղձնեաց և Կորդուաց և Ծօդէից և Դարսան և որ այլ ևո ուրեք ուրեք ի ծածուկ յիշխանութեանն Պարսից ունէին զքրիստոնէութիւն:

Եւ անզգայ յարձակմամբ յաւարի առնուլ փութային զգանձս սուրբ եկեղեցեացն. և իբրև զգեստ այնուհետեւ առ միմեանս հասանէին: Եւ լինէր գունդ զօրաց բազմաց, և չարասէրն սատանայ իբրև զօրավար ի մէջ նոցա երկէր, և անզադար յորդորելով զամենեսեան ձեպեալ փութացուցանէր: Կէտեգեալ զժամանակն՝ զամիսն վեցերորդ, տագնապէին և ստիպէին արքունի հրամանաւ:

«Մինչև ի նաւասարդէ ի նաւասարդ, տսէ, յամենայն տեղիս՝ որ իցեն ընդ իշխանութեամբ թագաւորին մեծի, բարձին կարգք եկեղեցւոյ, փակեսցին և կնքեսցին դրունք սուրբ տաճարացն, գրով համարով առցին նուիրեալ սպասքն յարքունիս, լրսեսցեն ձայնք սաղմոսացն և դադարեսցեն ընթերցուածք անսուտ մարգարէիցն: Քահանայք մի իշխեսցեն ի տունս իւրեանց ուսուցանել զժողովուրդս, և հաւատացեալքն ի Քրիստոս՝ արք և կահայք, որ բնակեալ են յիւրաքանչիւր մենանոցս, փոխեսցեն գհանդերձս իւրեանց ըստ աշխարհական կարգաց:

«Դարձեալ և կահայք նախարարացն կալցին զուսումն վարդապետութեան մոզացն:

Ուստերք և դստերք ազատաց և շինականաց՝ կրթեսցին ի հրապարակս նոցուն մողաց: Կարձեսցին և արգելցին օրէնք սուրբ ամուսնութեան զոր ունէին ի նախնեաց ըստ կարգի քրիստոնէութեանն. այլ փոխանակ ընդ կնոջ միոյ՝ բազում կանայս արացեն. զի աճեցեալ բազմասցին ազգք Հայոց: Դըտերք՝ հարանց լինիցին, և քորք՝ եղբարց. մարք մի ելցեն յորդւոց, այլ և թոռունք ելցեն յանկողինս հաւուց:

«Պատրուճակք մի մեոցին անյազ, եթէ յօդեաց իցէ և եթէ յայծեաց և եթէ յարջառաց և եթէ ի հաւուց և եթէ ի խոզաց: Հայսք առանց փանդամի սի զանգցին. ծիրտք և քակորք ի կրակ մի եկեսցեն. ձեռք առանց գումիզոյ մի լուասցին. շնչրիք և աղուէսք և նապաստակք մի մեոցին: Օձք և մողէսք, գորտք և մրջմունք, և որ այլ ևս խառնավնդոր բազմաճճիք են՝ մի կացցեն. այլ վաղ թուով համարով ի մէջ բերցին ըստ արքունի չափոյն: Եւ որ այլ ևս ինչ սպասք իցեն, կամ զոհից կամ սպանդից, ըստ տօնական կարգին՝ տարեոր թուականին, և ըստ կապճաթիւ մոխրաչափ կարգին:

«Զայս ամենայն որ ասացաք՝ առ ժամանակ մի մինչև ի գլուխ տարւոյ կատա-

րեսցեն ամենեքեան, և զայլն ամենայն առ
յապա պատրաստեսցեն»:


Իսկ զայս ամենայն հրաման պատուի-
րանաց առեալ մոգացն և մողպետաց, զտիւ
և դդիշեր փութային հասանել յաշխարհն
Հայոց. և առ յոյժ խնդութեանն ոչ երբէք
յագէին երկայնութեամբ ճանապարհին:



ԵՐՐՈՐԴ ՅԵՂԱՆԵԿ

ԳԵՄՆ ՄԻԾՅԱՌԻԹԵԵՆ

ՍՈՒՐՅԱ ՈՒԽՈՑԻԾ ԵԿԵՂԵՑԻՈՅ



Ուշպէտ և ոչ իցեմք բաւական ա-
սել զամենայն չարիսն որ անցին
անդէն ի կարաւանին ընդ գունդն Հայոց,
սակայն և ոչ լոել կամիմք ծածկելով զվիշտու
նեղութեանն. այլ ասասցուք փոքր ի շատէ,
զի ձայնակիցք լիցուք այնոցիկ որք դառնա-
պէս զմեզն ողբային. զի և գու իբրև լուի-
ցես՝ ոչ սակաւ արտասուս հեղուցուս ի վե-
րայ ազգին թշուառութեան:

Զի ահա անդէն ի մեծ բանակին Պարսից՝
յազգաց ազգաց որք են հաւտացեալ ի սուրբ
աւետարանն Քրիստոսի, իբրև տեսին զչար
յանձնառութիւնն Հայոց, յոյժ հարան ի միտու

իւրեանց, և կործանեցան անկան ի վերայ դիմաց իւրեանց։ Բազումք ի նոցանէ թաղծեալ ի սուգ ծանրութեան, հարեալ յոգիս և դառնացեալ յարտասառւ, եկին և յանդիմանեցին զնախարարեանն, և յոյժ դսրովեցին զուխտ քահանայութեանն։

Զզուէին զամենեսեան և ասէին. «Զի առնիցէք զսուրբ կտակարանսդ, և կամ յոտանիցիք զապաս տէրունեան սեղանոյն, մոռանայցէք արդեւք զհոգեոր օրհնութիւնսդ, և կամ լուեալ դադարիցէք ի մարդարէական ձայնիցդ։ Կափուցէք զաչս յընթերցուածոց, և խցէք զականջս ի լսելոյ. միթէ զմտացդ անմոռացութիւն ոչ յիշիցէք։ Զինչ առնիցէք զպատուիրեալն ի Տեառնէ. «Որ ուրասցի զիս առաջի մարդկան՝ յուրաստ եղէց և ես առաջի Հօր իմոյ որ յերկինս է, և հրեշտակաց սրբոց»։

«Վարդապետք էիք առաքելական քարոզութեանցն. արդ աշակերտք լինիցիք մոլար խարէութեամնն։ Ուսուցիչք էիք ճշմարտութեանն, արդ ուսուցանիցէք զպատիր խարէութիւն մոզաց։ Քարոզք էիք արարչական զօրութեանն, արդ զտարերս աստուածս խոստովանիք։ Յանդիմանիչք էիք ստութեան, արդ և քան զսուան ստագմինք լինիցիք։ Ի

հուր և ի հոգի էիք մկրտեալք, արդ ի մոխիր և յաճիւն թաթաւիցիք. կենդանի մարմնով և անմահ արեամբ էիք մնեալ, արդ ի ձենձեր զոհից և ի շարաւս աղտեղիս մրձոտիցիք։ Տաճար էիք Հոգւոյն սրբոյ, արդ զոհարան դիւաց լինիցիք. քրիստոսազգեացք էիք ի մանկութենէ, արդ մերկացեալք ի փառացն՝ դիւաբար արեգակմն կաքաւիցէք։

«Ժառանդ էիք արքայութեանն, արդ անձամբ զանձինս արարէք ժառանդ զեհենին։ Նոցան է սպառնացեալ հուրն անշէջ, ընդէր դուք ընդ նոսա այրեցեալ տոչորիցիք. Նոցանպարի որդին անմահ, իսկ արդ դուք պարարիցէք զմարմինս ձեր նմա ի կերակուր. խաւարն արտաքին նոցան թանձրացեալ պահի, դուք լուսազգեստք՝ ընդէր» յուղարկեցայք ընդ նոսա ի նոյն խաւար։ Նոցան էր փորեալ զիսորխորատն, դուք ընդէր լցէք յառաջագոյն. նոքա ի վաղնջուց հետէ էին իսկ կուրացեալք, դուք զիմբրդ զկնի կուրացն կուրացարուք։ Ե՞րբ ուսանիցիք զբազմաթիւ անուանս աստուածոցն նոցա, այն որ չիք ուրեք ի միջի և ոչ մի։ Թեթևացեալք ի ծանր բեռանց՝ անձամբ անձին առէք բեռն ծանրութեան. աղատեալք ի մանկութենէ՝

Հարաչար մտէք յանազատելի ծառայութիւնն:

«Եթէ գիտէիք և երկէր ձեղ յայտնի, սուդ առին երկինք ի վերայ ձեր, և թաղծեցաւ երկիրս ի ներքոյ ոտից ձերոց: Հրեշտակք ի վերուստ են ձեղ բարկացեալք, և ի յերկրէս մարտիրոսքն են ձեղ ցասուցեալք: Ողորմի՞մ ողորմի՞մ սիրելեաց ձերոց, և բազում անզամ ողորմի՞մ անձանց ձերոց: Զի թէ մարդոյ փրկեալ էր զձեղ ի ծառայութենէ, և դուք անձամք զանձինս այլում ի ծառայութիւն արկանէիք, ի մեծ բարկութիւն բրդէիք զառաջին տէրն ձեր. իսկ արդ զի՞նչ առնիցէք զասուածաստ հրամանն. «Ես եմ Աստուած, և չիք այլ ոք բաց յինէն, և ոչ զկնի իմ այլ ոք լիցի Աստուած. Աստուած նախանձու եմ ես, հատուցանեմ զմեղս հարց յորդիս մինչև յեւթն դար»: Իսկ եթէ որդիքն արդարք՝ վասն հարցն մեղաց ընդունին ըզսատակումն, իսկ յորժամ ինքեանք որդիքն իսկ մեղիցեն, ոչ ահա միանգամայն զանձանց և զհարց տայցեն ի միասին:

«Դուք էիք մեր ամուր պարիսպ ապաստանի. յորժամ աստի վտանգ հասանէք՝ առ ձեղ յանդորր ելանէաք. արդ մեծ ամուրդ այդ հիմն ի վեր տապալեցաւ: Դուք էիք

մեր պարծանս առ թշնամիսն ճշմարտութեան, արդ գուք էք մեր նախատինք առ նոյն թշնամիս: Յայժմ վասն ձերոյ ճշմարիտ հաւատոցն և ի մեզ փոքր ի շատէ ինայէին. և արդ ի պատճառս ձեր և զմեզ անողորմ դատին: Ոչ միայն զանձանց դատաստան տալոց էք առաջի ահեղ ատենին Աստուծոյ, այլ և բազմաց ամենեցուն՝ որ ի ձեր պատճառս և զնոսա ևս չարչարեցեն»:

Զայս և առաւել քան զսոյն խօսեցանք ընդ մեծամեծս աւագանւոյն, և յաւելին ցաւս ի վերայ ցաւոց: Յայտնել և ցուցանել նոցա զխորհուրդն ոչ կամէին, լուել և չառնել պատասխանի անհնար էր. հեղձամեծուկ եղեալ մեծապէս յարտասուս հարկանէին: Ընդ նուին դառնացեալ լսողք և տեսողք յանմիիթար սուդ լինէին ամենեքեան:

Յայնմ ժամանակի քահանայքն որ անդէն ի զօրուն էին, առ չժուժալ սրտիցն բարկութեան՝ քակեալ որոշեցան ի նախարարացն և յամենայն բազմութենէն. և զմի ոմն գեսպան ձիով առաքեցին փութապէս յաշխարհն Հայոց: Գոյժ ի բերան առեալ և զօձիս պատառեալ, հասեալ ի ժողովս եպիսկոպոսացն, մեծապէս յարտասուս հարեալ, կայր և պատմէր զամենայն անցս չարչա-

րանացն. այլ ոչ յայտնէր նոցա զծածկութիւն խորհրդոցն:

Յայնմ ժամանակի սփռեցան եպիսկոպոսն յիւրաքանչիւր իշխանութիւնս, և առաքեցին զբորեպիսկոպոսս ի գեօդս և յագարակս և ի բազում ամուրս լեռնացին դաւառացն: Դրդեցին ժողովեցին զբազմութիւն արանց և կանանց, շինականաց և ազատաց, զբանանայից և զմենակեցաց. խրատ եղին, պնդեցին և արարին զամենեսեան զինուորս Քրիստոսի:

Եւ յառաջին բան խորհրդին այս հաստատեցաւ. «Ձեռն եղբօր հարազատի ի մերձաւոր իւր լիցի՝ որ անցեալ իցէ ըստ ուխտ պատուիրանին Աստուծոյ. և մի խնայեսցէ հայր յորդի, և մի ակն առնուցու որդի հօր պատուոյն: Կին կոռւեսցի ընդ առն ամուսնոյ, և ծառայ դարձցի ընդդէմ տեառն իւրոյ: Օրէնք աստուածային կացցեն թագաւոր ի վերայ ամենայնի, և ի նմին օրինաց ընկալցին յանցաւորք զպատիժս դատապարտութեան»:

Եւ իբրև այս այսպէս հաստատեցաւ կազմեցաւ, երևեցան ամենեքեան զինեալք և սաղաւարտեալք, սուր ընդ մէջ և վահան

ի ձեռին՝ ոչ միայն արանց քաջաց, այլ և կանանց առնականանց:

Իսկ գունդն Հայոց ամենայն օգնականօքն հանդերձ և մոգացն բազմութեամբ՝ յամսեանն չորրորդի եկին հասին յաշխարհն Հայոց, ի գիւղաքաղաք մի մեծ՝ որում անուն էր Անզգ: Բանակեցան, բոլորեցան, զետեղեցան, և յամենայն կողմանց անզք ժողովեցան, և էին անթիւ բազմութիւն:

Եւ եղի յետ աւուրց քսան և հնգից, մոգպետն ինքնին մոգօքն հանդերձ հասանէր մեծաւ զօրութեամբ՝ քակել զդրուն եկեղեցւոյն յաւուր միաշաբաթուն. զփորձ առնուլ կամէր զառաջարկութեան զործոյն: Իսկ սուրբն Դեռնդ երէց միաբանութեամբ առաջին խորհրդակցօքն և բազում ուխտիւ ի տեղով անդ պատրաստական դիպեցաւ, ոչ ետ թոյլ: Թէպէտ և ոչ էր տեղեկագոյն մտաց ամենեցուն նախարարացն, և ոչ զօրութեան ուժոյ մոգպետին, ոչ ինչ եկաց մնաց ամենայն եպիսկոպոսացն, և ոչ առսակաւ մի համբեր անօրէն իշխանին թողացուցանել. այլ բազում աղմուկ աղաղակի զօրացն և մոգաց հասուցանէր: Քանզի վիրաւ ի ձեռն առեալ՝ զկառափունս մոգացն և մոգպետին ջարդեցին. փախստական յիւ-

ըաքանչիւր վանս արկանէին, և ինքեանք զպաշտօնն բարձրացուցեալ յեկեղեցւոջն՝ զտէրունական կանոնն կատարէին, մինչեւ յերեկոյն միաշաբաթին անդադար լինելով։

Եւ յետ այսր տագնաապի խոռովութեան՝ յամենայն կողմանց յաշխարհէն Հայոց բազմութիւն արանց և կանանց ի տեղին հասանէին։ Եւ անդ էր տեսանել զմեծ աղետ տարակուսին։ ոմանք զգերարտօսր արձակելով իբր յաղբերականց հոսէին յաշաց իւրեանց։ այլք բարձրաճիչ աղադակաւ՝ իբր այն թէ զերկինս դողացուցանէին, իսկ կէսքն խիզախելով և ի զէնս ընթանալով՝ զման քան զկեանս ընտրէին։ իսկ ոմանք ի սուրբ ուխտէ եկեղեցւոյն՝ զաւետարանն ի ձեռն առեալ, աղօթիւք առ Աստուած կարդային։ և այլք ըղձանային զպատառումն երկրին՝ զի անձանց լիցի զերեզման։ Եւ այսպէս շտապ տագնաապի ի վերայ մոգութիւն հասուցանէին։ Բազում անգամ աղաչէր զօգնականն իւր, զի ի մահուանէ կարացեն զնա ապրեցուցանել, և ողջանդամ անդէն յարքունիս հասուցանել։

Այլ վասն գործոյն յոր եկեալն էր՝ ըստիպէր զնոսա և ասէր. «Թող զըեմ և ցուցանեմ մեծ թագաւորին, զի ի բաց թողա-

ցուցանէ զայսպիսի իրաց առաջարկութիւն. զի եթէ և ինքեանք աստուածքն եկեսցեն յօդութիւն, չէ հնար օրինացս մոգութեան ի Հայս առնուլ զհաստատութիւն. որպէս զփորձ առի զմիաբանութեան ուխտին եկեղեցւոյ։ Զի թէ էին զօրք աշխարհիս մոգք, ոչ ինչ ինայէին սոքա ի նոսա սատակմամբ՝ ոչ միայն զարտաքինսն, այլ և յեղբարս և յորդիս և յամենայն մերձաւորս իւրեանց, նաև ոչ յանձինս իւրեանց։ Մարդք որ ոչ ի կապանաց զանգիտեն, և ոչ ի տանջանաց երկնչին, և ոչ ի ստացուածոց պատկառին, և որ յետին չար է քան զամենայն չարիս՝ զման քան զկեանս ընտրեն, ով է որ կարէ նոցա դիմակաց լինել։

«Լուեալ իսկ իմ էր ի նախնեաց մերոց, եթէ յաւուրս Շապհոյ արքայից արքայի, իբրև սկսաւ ուսումնդ այդ աճել և բազմանալ և լուու զամենայն երկիրն Պարսից, և ևս անդը յարեելս հասանել, որ վարդապետքն էին օրինացն մերոց՝ յորդորեցին զթագաւորն, զի մի ընաւ ամենսին բարձցին օրէնք մոգութեան յաշխարհէն. Ետ հրաման սաստիկ զի լուեալ դադարեացէ քրիստոնէութիւն։ Եւ որչափ նա կամեցաւ արգելու, ևս քան զևս աճեցին և բազմացան, և հա-

սին մինչև յաշխարհն Քուշանաց, և անտի ի հարաւակողմն մինչև ի Հնդիկս տարածեցաւ:

«Եւ այնպէս աներկեւդ և համարձակք էին յաշխարհին Պարսից, մինչև յամենայն քաղաքս աշխարհին եկեղեցի շինեցին՝ որ զանցուցանէր պայծառութեամբ զթագաւորաբնակ արքունեօքն: Շինէին և վկայարանս իմն անուանեալս, և զնոյն զարդ եկեղեցեաց զարդարէին, և յամենայն տեղիս՝ յապատս և յանապատս միայնանոցս շինէին: Եւ իբրև ոչ ինչ երկէր յայսնի օգնութիւն ուստեք, աճելով աճէին և բազմանալով բազմանային, և մարմնաւոր մեծութեամբք մեծանային: Զպատճառս հարստութեանն մեք ինչ ոչ զիտէաք. բայց այսչափ ինչ ճշգրտիւ իմանայաք՝ զի տիեզերք ամենայն զկնի ուսմանց նոցա զնային:

«Թէպէտ և արկ ի նոսա թագաւորն զձեռն իւր խստութեամբ, և զբազումս կաշւաւ և չարչարեաց ի նոցանէ, և զես բազումս մահուամբ սատակեաց, դառնացաւ և ձանձրացաւ յանձն իւր, և զնոսա ոչ կարաց նուազեցուցանել ի բազմութենէն: Դարձեալ թէպէտ փակեաց և կնքեաց զգրունս եկեղեցեացն ընդ ամենայն աշխարհն Պարսից, նոքա զամենայն տուն եկեղեցի արարին, և

յամենայն տեղւոջ զիւրեանց օրէնսն կատարէին: Եւ զանձինս իւրաքանչիւր վկայարանս համարէին, և լաւագոյն զշնուածս մարդկեղէնս քան զհողեղէնան հաշուէին: Սուրբ սպանողացն թթեցան. և նոցա պարանոցքն ոչ ձանձրացան. աւարառուք ստացուածոց նոցա աշխատեցան, և աւարն օր քան զօր տճեցեալ բազմացաւ: Սրամեալ էր թագաւորն, և յոյժ գառնացեալ դահիճքն բարկութեան. իսկ նոքա արթունք և զուարթունք, և խնդալից ընդունէին զամենայն հարուածս տանջանացն, և սիրով տանէին զամենայն յափշտակութիւն ընչից իւրեանց:

«Իբրև ետես թագաւորն եթէ գոռն տուեալ զիմեցին ի մահ իբրև խաշինք սուրբք յաղն երկնաւոր, արգել և կարձեաց ի նոցանէ զհարուածս տանջանացն. և հրաման ետ մոգաց և մոգմետացն, զի մի ամենեին որ խուեսցէ զնոսա, այլ հաստատեալ կայցեն աներկիւլութեամբ յիւրաքանչիւր ուսմունս, մոզն և զանդիկն և հրեայն և քրիստոնեայն, և որ այլ բազում կեշտք են ի կողմանս կողմանս աշխարհին Պարսից. Եւ ապա առ երկիրն զիսաղաղութիւն հաստատութեամբ, և լուեալ դադարեցին ամենայն խոզովութիւնք յուզմանց: Քանզի ընդ մերոյ

աշխարհին շարժման՝ և արևմուտք ևս մեծապէս շարժեցան, և ամենայն տաճկաստանընդ նոսին խռովեցան:

«Զայն ահա ի լսելոյ գիտեմք. բայց այս որ ես ինձէն աչօք տեսի, թուի ինձ՝ թէ մեծագոյն ևս լինի քան զառաջինն: Արդ դու որ մարդպանդ ես աշխարհիս, պարա է քեզ փոյթ յանձին ունել զրել և ցուցանել յարքունիս զմիաբանութիւն բոնութեանս, որպէս աներկիւղութեամբ առ ոչինչ համարեցան զհրամանս արքունի: Եւ եթէ չէր մեր աճապարեալ և ի փախուստ դարձեալ, միում ի մէնջ ոչ տային ապրել: Եւ եթէ անդէն մարդիկ այդպէս բոնացան, եթէ յանկարծ զինուորս ևս ընդ ինքեանս միաբանեցուցանեն, ո կարիցէ կալ առաջի դոցա յանդուզն յարձակմանդ:

«Ես ահա անտեղեակ էի անքակ ուխտի եկեղեցւոյդ ի միմեանց. զի այլ է զոր լսէ մարդ, և այլ է զոր տեսանէ հաստատուն իւրովք աչօք: Դու որ ի մանկութենէ յայդմ օրէնս մնեալ էիր, և ճշմարտեալ գիտէիր զպնդութիւն մարդկանդ, եթէ առանց բազում արիւն հեղոյ դոքա մեզ ոչ տան ձեռն արկանել յեկեղեցիսդ, ընդէ՞ր ոչ զայդ ամենայն հաւասարեաւ յանդիման չասացեր թա-

գաւորին: Քանզի ամենայն նախարարացն աւագ դու էիր, և զբոլոր աշխարհս քեզ յանձն արարեալ էր մարդպանութեամբ. ընդէ՞ր ոչ մեծապէս հոգ տարար յանձն քո: Զի յայլ ժամս իմաստուն էիր՝ և ես զիտէի. զայս ոչ իմաստութեամբ գործեցեր: Ապա թէ ոչ, յայտ է եթէ և դու ի նոցա բանի ես, և քոյով խորհրդով անցուցից զայս անցս ընդ իս և ընդ զօրս:

«Արդ եթէ այդ այդպէս է, և քեզ կամք չէ ունել զմոգութիւն, մի՛ ինչ պատկառեր դու երկիւղիւ յարքայէ. ես զրեմ և ցուցանեմ ի դուռն մովզետան մովզետի և գերանդարձապետի և մեծ հազարապետին, զի ածցէն զարքայ ի հաւանութիւն, որպէս զի ի բաց թողացուցէ ըստ առաջին հրամանին, և ի կամս մարդկան ապաստան արասցեն, զի առ սակաւ սակաւ ընդելցին ընդ օրէնո մոգութեան. զի որք կալցին՝ սիրով երկեսցին կատարեալ զհրամանս արքունի: Քանզի մարդ է աշխարհս, գուցէ յորժամ վնաս ինչ նոցա առնիցեն, և ինքեանք ցըռուեալ վատնեսցին յօտարութիւն: Իսկ յորժամ աշխարհս թափուր լինիցի ի մարդկանէս, յայնժամ և քեզ զլիսովին մեծապէս վնաս հասանէ յարքունուստ»:

Ետ պատասխանի մարզպանն մոգղետին, և ասէ. «Ամենայն բանք խրատուդ զոր ասացեր՝ ճշմարիտ են. բայց զառաջինն զոր չխմացաք՝ տեսեր, և մեծապէս զղջացաք այժմ: Բայց դու արդ զոր ասեմս արա, և բարիոք թուեսցի քեզ. սակաւիկ մի երկայնամիտ լեր և զսորհուրդս քո արգել ի բազմաց. բայց արանց՝ որոց ես ասեմ՝ նոցա յայտնեա, մինչեւ ես ինձ ոյժ ժողովեցից՝ զօր ի թիւկունս ածելոյ, և զուխտ եկեղեցւոյդ թերես կարացից երկիցեղել: Եւ եթէ զայդ այդպէս արարից, զիտեմ ապա թէ և զհրամանն արքունի կարող եմ կատարել»:

Եւ անդէն հրոս հանեալ ի Սիւնեաց աշխարհէն, զիւր գունդն ստուարացոյց ի թիւկունս օգնականութեան մոգաց և մոգղետին: Եւ ապա սկսաւ ասել. «Աղէ դու անգամ մի հրովարտակ ի դուռն տուր վասն այրուծիոյն որ յԱղուանսն է տասն հազար, զի ի ձմերոց ի Հայսս եկեսցեն. և յորժամ զնոսա ի ձեռին ունիցիմք՝ չիք ոք որ եղծանել կարէ զհրամանն արքունի»:

Պատասխանի ետ մոգղետն և ասէ ցմարզպանն. «Եյդ խորհուրդ դարձեալ իմոց բանիցս ընդդէմ է. քանզի մեք յորժամ բռնութեամբ կոռւեսցուք ընդ աշխարհիս, աշխարհու

ի բաց քանդի, և մեք ի պատուհասէ չապրիմք, անձանց վկաս, և արքունի մեծապէս զեան»:

Եւ ոչ ինչ կամեցաւ ամենեին ունկն գնել նմա մարզպանն, զի սրտի մտօք կալեալ էր զպարսկական օրէնսն: Սկսաւ այնունետեւ պատրել զոմանս կարասեաւ և զոմանս ողոքական բանիւք. զուամիկն ամենայն՝ ահեղ բանիւք սպառնացեալ սրտաթափ առնէր: Հանապազորդ առատացոյց զուոմիկսն տաճարին. և յերկարէր զնուագմն ուրախութեան, մաշելով զերկայնութիւն զիշերացն յերգս արբեցութեան և ի կաքաւս լկտութեան. քաղցրացուցանէր ոմանց զկարգս երաժշտական և զերգս հեթանոսականս. մեծապէս գովութիւն մատուցանէր օրինաց թագաւորին: Բերեալ էր և յարքունուստ բազմութիւն կարասւոյ, և միում միում կաշառ գաղտ խթէր ի պատճառս պարգեի և պատուոյ. և բազում նենգութեամբ զանմեղ մարդիկ հրապուրէր և յինքն արկանէր:

Իսկ զայս ամենայն իբրև տեսին սուրբ եպիսկոպոսունքն, ևս քաջ դրդեալ յորդորեցան ի նոյն միաբանութիւն. և ննարագէտ իմաստութեամբ ընդ երկուս բաժանեցին զբանակն: Մանաւանդ իբրև հաստատեալ

գիտացին ի միտու իւրեանց՝ եթէ անօրէն իշխանն Սիւնեաց զօրհասական վէրան ի յուգիսն ընկալեալ էր, խորշեցան մերժեցան և ի բաց փախեան ի նմանէ:

Խորհուրդ արարեալ ի գիշերի միում ամենայն ուխտին բազմութեամբ, կոչեցին և զսպարապեան զօրաց ի խորհուրդն. հարցին և քննեցին և ի վերայ հասին մտացն անշարժութեան, որոյ ոչ և առ սակաւ մի թերացեալ էր ի սիրոյն Քրիստոսի: Եւ միաբան աղօթս արարեալ ի վերայ նորա, վերստին ընկալան զնա յառաքինութիւն: Եւ նովաւ որսացեալ զբազումս ի նոյն միաբանութիւն՝ որք ոչ էին քակեալ յառաջին միաբանութենէն, եկին և ժողովեցան գունդ զօրաց բազմաց: Եւ ևս առաւել հեռագոյն զատան ի մոգացն և ի մոգպետէն և յանօրինէն Վասակայ:

Իսկ նա այնչափ յիմարեցոյց և ափշեցոյց զմիտու մոգպետին, մինչև չետ նմա իմանալ զելս իրացն: Ակսաւ բաշխել մոզս ի տունս նախարարացն և մեծամեծ ոռճիկս կարգել, զոհել պատրուճակս, և բռնաբար կնքաւոր մարդկանն տալ ուտել միս յազածոյ, և երկիր պագանել արեգականն: Իբրև սկսաւ բազմանալ ընդ ամենայն աշխարհն

այնպիսի պղծագործ խառնակութիւն, յանդգնեցան և ևս կանայք փշտիպանացն յաւուր կիւրակէի անցուցանել զճրագունս եկեղեցւոյն և պատառել զհանգերծս հաւատաւոր կանանցն:

Զայս գուժկան աղմկի իբրև տեսին միաբան սուրբ եպիսկոպոսունքն, զաւետարանն ի ձեռն առեալ հասին և անկան առանց հարցանելոյ, ի վանս սպարապետին, ուր ժողովեալ էին զօրքն Հայոց:

Համբարձին զձայնս իւրեանց և առեն. «Աղաչեմք զձեզ զամենեսեան սուրբ աւետարանաւո. Եթէ ձերով խորհրդիւ գործէ զայն անօրէնութեան չարիս մարզպանն և մողպետն, նախ զմեր պարանոցս հատէք, և ապա յեկեղեցին ձեռնարկեցէք: Ապա թէ առանց ձեր կամաց նոքա զայն չարն գործեն, այսօր ինգրեսցի վրէժդ այդ ինոցանէ»:

Իսկ որք էին ի ներքս ի վանս սպարապետին՝ յոտն կացին, միաբան համբարձին զձայնս իւրեանց առ Աստուած և ասեն.

«Դու Տէր սրտագէտ ամենեցուն, ոչ ինչ պիտի քեզ վկայութիւն ի մարդկանէ. Եթէ խոտորեալ իցեմք ի քէն սրտի մտօք, զայն դու ինքնին քաջ զիտես. այսօր իսկ գաւեա զմեզ ըստ մեղաց մերոց. ապա եթէ

հաստատուն կամք յուխափ սուրբ աւետարանիս, դու Տէր լեր մեր օգնական այսօր, և սուր զթշնամիսն ձշմարտութեան ի ձեռս մեր, զի արասցուք ընդ նոսա ըստ կամաց քոյ սրբոց»։

Զայս իբրև ասացին, ամենեքեան զզլուխ զգեսնի հարկանէին, և ողջունեցան յաւետարանէն և յեպիսկոպոսացն։

Իսկ մի ոմն ի նախարարացն որ անդր դիպեցաւ, էր ի նոցա խորհրդի, և ոչ միաւ բանեաց ընդ նոսա ի մեծ վկայութիւնն. և անդէն առ ժամայն ի նոցունց ի տեղողն քարկոծեցաւ, և ահ մեծ անկաւ ի վերայ ամենեցուն։

Յայնժամ ամենեքեան ի նախանձ բարկութեան բրդեցան, մինչև ամենայն տեսողացն երիկամունքն դողային, որք առ ոչ ինչ համարեցան զպարզես արքունի, և առ ոտն հարին զհրամանս ահազինս։ Ընթացան վաղվաղակի ի զէնս իւրեանց, վառեցան կազմեցան զգիշերն ամենայն, և ընդ ծագել արեգականն զգունդն յերիս մասունս բաժանեալ ի բանակն արկանէին։ Գունդն առաջին յարեւլից կուտէ, և գունդն երկրորդ յարեւմտից կողմանէ, և գունդն երրորդ ի հիւսիսոյ կողմանէ, շուրջանակի ի մէջ

առեալ վակեցին զբազմութիւն բանակին. և զբազումն կոսորեցին, և զիս բազմագոյնս կապեցին զերեւելի մարդիկ, և արկին ի բերդս ամուրս ընդ իւրեանց իշխանութեամբ։ Եւ զառ և զալպուռ զաւար բանակին ի մի վայր ժողովեալ պահէին իբր հրամանաւ արքունի։

Իսկ զմարզպանն ձերբակալ արարեալ, և միաբանէր ընդ նոսա երդմամբ՝ հաստատուն կալ յուխափին, զզջանայր զառաջին քակումն ի նոցանէ։ Անկանէր ապաշխարութեամբ յոսս սուրբ եպիսկոպոսացն, և աղաչէր խաղաղատելով՝ զի մի մերժեալ ընկեսցի առ ի նոցանէ։ Կրկնէր և երեքկնէր զանսուտ երդումն առաջի բազմութեանն ի սուրբ աւետարանն, զբէր և կնքէր զերդումն և կապէր զաւետարանէն. և աղաչէր՝ զի յԱստուծոյ խնդրեսցի վրէժինդրութիւնն, և մի նորա մարդկաբար սատակեսցեն զնաւ։

Իսկ նորա թէպէտ և հաստատեալ գիտէին զնենգութիւն կեղծաւորութեանն նորա, և եթէ խարէութեամբ դառնայ անդրէն ի հին մոլորութիւնն, ոչ ինչ փոյթ առնէին ձեռն արկանել ի նա վասն առաջին յանցանացն, այլ սուրբ աւետարանին թողին ի գատապարտութիւն։

իսկ որք եկեալ էին յաւարի առնուլ զսուրբ գանձն եկեղեցւոյն, ակամայ եղին զանձինս և զաւար իւրեանց առաջի սուրբ եպիսկոպոսացն և ամենայն զօրացն. և եղծեալ ապականեցաւ հրաման թագաւորին: Եւ յաջողեալք զօրութեամբն Աստուծոյ՝ աղաղակէին և ասէին զոհանալով արք և կանայք և ամենայն ռամիկ բազմութիւնն. «Պատրաստ եմք ի հալածանս և ի մահ և յամենայն նեղութիւնս և ի չարչարանս վասն սուրբ եկեղեցեաց զոր աւանդեցին հարքն մեր առաջինք՝ զօրութեամբ գալստեան Տեառն մերոյ Յիսուսի Քրիստոսի, որով վերստին ծնաք ի մի յոյս հաւատոցն մկրտութեամբ ի Քրիստոս Յիսուս, ըստ նմին նմանութեան կամիմք չարչարանօք և արեամբ նորոգել զանձինս: Քանզի հայր մեր զսուրբ աւետարանն զիտեմք, և մայր՝ զառաքելական եկեղեցի կաթողիկէ. մի ոք չար անջրպետ ի մէջ անկեալ՝ զմեզ քակեցէ ի ամանէ»:

Ոչ երեւը այնուհետեւ առաւել տէրն քան զծառայ, և ոչ ազատ փափկացեալ քան զգեղջուկ վշտացեալ, և ոչ ոք քան զոք նուազեալ յարութենէ: Մի սիրտ յօժարութեան ամենեցուն արանց և կանանց, ծերոց

և տղայոց և ամենայն միաբանելոց ի Քրիստոս: Քանզի առ հասարակ զմի զինուորութիւն զինուորեցան, և զմի ազան զրահս հաւատոց պատուիրանին Քրիստոսի. միով գօտեաւ ճշմարտութեան պնդեցին զմէջս արք և կանայք:

Ընկեցեալ կայր այնուհետեւ ոսկի, և ոչ ոք առնոյր իւր առանձինն արծաթ, և արհամարհեալ առանց ազահութեան, անարգեալ պատուական հանդերձք առ ի զարդս մեծարանաց: Նա՝ իւրաքանչիւր ստացուածք ոչ ինչ համարէին յաչս իւրեանց ստացողին: Տեսանէին զանձինս իւրեանց իբրև զմեռեալ դիակունս, և զիւրաքանչիւր գերեզմանս ինքեանք փորէին, և կեանք իւրեանց ի մահ համարեալ էին, և մահ իւրեանց անշուշտ կեանք:

Բայց այս բարբառ ստէպ ստէպ ընթանայր. «Քաջութեամբ միայն մեռցուք, զանուն և զոգիս ևեթ ժառանգեացուք, զի կենդանի իցէ ի մեզ Քրիստոս, որում դիւրին է միւսանգամ նորոգել զմեզ ի հողոյ և զամենայն զյառաջագոյն զննջեցեալն, և հասուցանել իւրաքանչիւր ըստ գործս իւրեանց»:

Զայս և առաւել քան զսոյնս խօսելով,

և միսիթարելով զանձինս և զմիմեանս, դարձեալ միւսանգամ զինուորքն պատրաստեցին զզէնս իւրեանց, և աղօթականքն անդադար լինէին յաղօթսն իւրեանց, և պահողքն ճըդնէին ի պահս իւրեանց։ Զայնք պաշտօնէիցն ի տուէ և ի գիշերի անհատ էին ի սուրբ սաղմոսսն. ընթերցուածք աստուածային կտակարանացն ոչ երբէք առնուին դադարումն յամենայն ժամ. սոյնպէս, և մեկնիչքն ի միսիթարութիւն երկնաւոր վարդապետութեանն։

Յայնմ ժամանակի դարձեալ յարձակեցան ի վերայ բերդիցն և աւանաց, զոր ունէին Պարսիկքն ի տեղիս տեղիս, յամրոցս աշխարհին. տապալէին քանդէին զբնակութիւնս նոցա։ Առաջին զմեծն Արտաշատ հանդերձ աւանօք իւրովք. և առնուին զանմատոյց ամուրսն, զԳառնի քաղաքն, զԱնին, զԱրտագերս, և զաւանս իւրեանց. զԵրկայնորդսն և զԱրհնին, և զաւանս իւրեանց. զԲարձրաբուզն, զԽորանիստն, զԾխանիստն, զանկասկածելի Ողականն; և ընդ նոսա և զաւանս իւրեանց. զԱրփանեալն, զՎանն աւանս, ընդ նմին և զաւանսն իւր. զԳուեալն և զԿապոյսն, զՈրոսն և զՎասակաշատն։

Զամենեսին զայս իւրաքանչիւր գեղիւք

և ազարակօք, զօրօք և զօրագլխօք ի նմին ամի առեալ տապալեցին, և ի գերութիւն վարեցին զարս և զկանայս ընչիւք և ստացուածովք, հանդերձ պատուական զանձիւք և նոցին սպասուք։ Տապալէին քանդէին զշինուածս նոցա, և այրէին կիզուին զտունըս պաշտօնարկի և պաշտաման կրակի։ Սրբէին զպղծութիւն կուապաշտութեանցն, և առնուին զկահ և զկազմածս ատրուշանցն, բերէին և դնէին ի սուրբ եկեղեցւոչն, և ի ձեռն սուրբ քահանայիցն նուիրէին ի սպաս տէրունական սեղանոյն։ Եւ փոխանակ մնոտի պաշտամանցն, զոր տապալեցին յամենայն տեղիս հեթանոսացն, զփրկական խաչն Քրիստոսի կանգնէին. զամենասուրբ սեղանն ուղղէին, և զկենդանարար խորհուրդն կատարէին սրբութեամբ. պաշտօնեայս և քահանայս ի տեղւոջն կացուցանէին։ Յուսով հաստատեալ ինդայր ամենայն երկիրն առ հասարակ։

Եւ մինչդեռ յայսմ մեծի առաքինութեան կատարեալ գործէին զգործ նահատակութեանն, երկէր իմն ի վերայ ամենեցուն աստուածային շնորհք. քանզի առանց հրամանի ի զօրացն Հայոց, յարեւելից կողմանէ աշխարհին, յարձակեցան ումանք յԱտրպա-

տական աշխարհն, և ի տեղիս տեղիս բազում վնաս արարին՝ առնլով և աւերելով և քանդելով զբագում ատրուշանս:

Իսկ որ ի մեծ ամուրան անկանէին՝ խաչանշան արարեալ՝ ի վերայ զօրուն յարձակէին. որ և երկու մեծամեծ բերդացն պարիսպն առանց ուրուք մերձենալոյ անկեալ կործանեցան. մինչև ամենայն բնակչաց երկրին զահի հարեալ ի մեծ նշանէն, ինքեանք ինքեանց ձեռօք զկրակատունս այրէին. ուրանալով զօրէնս մոգութեանն՝ խոստովանէին ի սուրբ աւետարանն:

Եւ այլ մեծամեծ աջողութիւնք կատարէին ի ձեռն զօրականին. քանզի ուր ոչ էր ակնկալութիւն եթէ զանուն Աստուծոյ ոք յիշեցէ՝ արհաւիրք մեծ անկանէին ի վերայ նոցա, և ամենայն մարդ պատմէր ընկերի իւրում տեսիլս նորս և զարմանալիս. Սոյնպէս և աստեղք ի յերկինս երևէին յոյժ լուսալիր պայծառացեալ, զոր ոչ ունէին յառաջին բնութեանն: Եւ ամենայն տղայք աշխարհին իբրև զարս պատերազմողս խիզախէին:

Եւ ահա յետ աւուրց բազմաց եկն եհաս հազարապետն Աղուանից սուրբ եպիսկոպոսաւ աշխարհին, մեծաւ տագնապաւ փու-

թացուցանէր զզօրսն ասելով. «Գունդն Պարսից որ էր ի կողմանս աշխարհին Հոնաց՝ դարձաւ այսրէն, եկն եմուտ յաշխարհս մեր. և բազում ևս և այլ այրուծի որ ի դրանէ եկն: Եւ թող զայս ամենայն, այլ և երեք հարեւը մոգ վարդապետ ածեալ ընդ իւրեանըս, պառակտեցին զաշխարհն, եւ զոմանս ոմանս յինքեանս արկին, և կամէին յեկեղեցին ձեռն արկանել. և հրամանաւ թագաւորին ստիպէին զամենեսեան և ասէին. «Եթէ կամօք յանձն առնուք զօրէնսն, պարզես և պատիւս գտանէք ինմանէ, և թողութիւն հարկացն յարքունուստ լիցի ձեզ. ապա թէ կամօք չառնէք, հրաման ունիմք ի գեօղս և ի քաղաքս շինել ատրուշանս, և զվարական կրակն ի ներքս դնել, և կացուցանել մոգս և մոգպետս օրէնսդիր ամենայն աշխարհիդ: Եւ եթէ ստամբակեալ ոք ընդդէմ դարձցի, ինքն մահու պատուհաս ընդունի, և կին և որդիք այնպիսւոյն անաշխարհիկ եղեալ՝ յարքունիս երթիցեն»:

Իսկ գունդն Հայոց իբրև լուաւ զայս գոյժ դառնութեան, ոչ ինչ թուլացեալ լքան ի քաջութենէն. այլ դարձեալ համագունդ ժողով լինէր ամենայն աշխարհին վասն գուժաբեր հրեշտակացն որ հասին առ

նոսա: Եւ միաբան քաջալերս տուեալ՝ արձակեցին զնոսա, զի առ ժամանակ մի պատիր խաբէութեամբ զնոսա կալցեն, զի խափանեսցին ի չար կամացն՝ չձեռնարկել ի սուրբ ուխտ եկեղեցւոյն իւրեանց. և զօրութեամբն Աստուծոյ խորհուրդ ի մէջ առեալ՝ իրացն հնարիւք ելս խնդրէին:

Յայնմ ժամանակի զմի ոմն ի մէծ նախարարացն ի տոհմէն Գնունեաց՝ Ատոմ, ձեպով առաքեցին յերկիրն արևմտից, ցուցանել զայս ամենայն խորհուրդ զչարիմաց թագաւորին արևելից, միանդամայն և պատմել զիւրեանց քաջութիւն արութեանցն—զոր զործովք կատարեցին՝ առ ոտն հարկանելով զնրամանն ահեղ, և մէծապէս սատակումն ի վերայ մոգացն հասուցանելով—խնդրել ի նմանէ օգնականութիւն սատարութեան, և եթէ նա կամեսցի՝ նմա խկ մտանել ի ծառայութիւն:

Եւ այս է պատճէն հրովարտակին զոր գրեցին առ Թէոդոս կայսր.

«ՅՈՎԱՆԻ Եպիսկոպոս բազում Եպիսկոպոսակցօք իմովք և ամենայն զօրօք Հայոց, Վասակ մարզպան և Ներշապուհ Ռմբոսեան հանդերձ Սպարապետաւս Վարդանաւ և ա-

մենայն մէծամէծ նախարարօքս, առ մէծանունդ Թէոդոս կայսր, բազմացի ողջոյն մեր առ քեզ և ամենայն զօրաց քոց, որ խաղաղասէր մարդասիրութեամբ ձերով տիրէք ծովու և ցամաքի, և չիք ոք յերկրաւուրացս՝ որ ձերում անարզել տէրութեանդ ընդդէմ զառնայցէ:

«Որպէս մէք խկ ունիմք զանսուտ յիշատակարանսն զառաքինի նախնեացն ձերոց, ունելով զեւրոպէ՝ անցին և տիրեցին և Ասիացւոց կողմանցն ի սահմանացն Սերայ մինչև ի կողմանս Գագերովնի, և ոչ ոք գըտաւ ստամբակեալ և ելանել ըստ ձեռն նոցա:

«Եւ յայնչափ մէծ իշխանութեան՝ Գաստակերտ մէծ և սիրելի զչայոց աշխարհս անուանէին: Վասն որոյ և նախնին մէք Տրդատիոս յիշելով զառաջին սէրն ձեր, որ ի տղայութեան փախուցեալ ի հայրասպան մարդախողխող հօրեղբարցն իւրոց՝ ապրեալ սնաւ յերկրիդ Յունաց, և ի ձէնջ թագաւորեալ տիրէը հայրենի աշխարհիո, սոյնպէս և զնաւատան որ ի Քրիստոս՝ ընկալեալ ի սուրբ Եպիսկոպոսէն Հոռվմայ, լուսաւորեաց զխաւարային կողմանս հիւսիսոց. զոր և այժմ կամին ի մէնջ կորզել հանել խաւարապէր որդիքն արևելից:

«Եւ մեք ի ձեր քաջութիւն արութեանըդ խիզախեալ, էր ինչ որ ընդդէմ դարձաք նոցա հրամանացն, և բազում այն է որ արդ առաջի պատրաստեալ եմք: Ընտրեցաք զմահ ասսուածպաշտութեամբ քան զկեանս ուրացութեամբ. եթէ դուք ևս ի ձեռն առջիք զմեզ, ահա կրկին կենաց դիպեցաք, և ոչ մի անգամ մահու: Եւ եթէ սակաւիկ մի հեղդայք, դուցէ բազում և այլ աշխարհաց հասանիցէ տապ բոցոյ սորա»:

Եւ իբրև յանդիման եղեն մեծի թագաւորին, և ընթերցան զգիր պաղատանաց Հայոց աշխարհին և զյիշատակարանս նախնեացն, բազում մատեանք ի մէջ եկեալ ընթերցան՝ որ զնոյն ուխտ հաստատութեան ի ներքս գտանէին:

Եւ մինչդեռ երանելին թէոդոս հարցանէր զամենայն սինկղիտոսն, և հնարս իրացն կամէր գտանել խաղաղութեամբ, և հոգ տանէր մեծաւ յօժարութեամբ՝ զի մի՛ եկեղեցիքն արևելից յափշտակեսցին յանօրէն հեթանոսացն, ի նմին ժամանակի անդէն վաղվաղակի հասանէր վախճան կատարածի կենաց նորա, և կարի չար խափանումն լինէր գործոյն օգնականութեան: Եւ թագաւորէ փոխանակ նորա Մար-

կիանոս կայսր, և ի ձեռն վատթար արանց խրատտուացն իւրոց ծառայից, Անատոլեայ՝ որ սպարապետն էր, և Փղորենափոս ասորի, երկորեան անարդք և վատթար արանց, միանգամայն և անաստուածք, ի նոցա բանս ելեալ թագաւորն, ոչ կամէր անսալ միաբան ուխտին Հայոց, որ ամենայն ուժովն իւրեանց ընդդէմ կացեալ էին չարութեանն հեթանոսաց: Իսկ անարիս այս լաւ համարէր պահել զուխտն հեթանոսաց վասն մարմնական խաղաղութեան՝ քան պատերազմակից լինել ուխտին քրիստոնէութեան: Վասն այսորիկ փութացաւ արձակեաց դեսպանս առ թագաւորն Պարսից զնոյն Փղորենափոսն, և եմուտ ընդ նմա յուխտ հաստատութեան՝ ձեռնթափ լինել ի զօրացն Հայոց զօրու և զինու և ամենայն օգնականութեամբ:

Եւ իբրև այսպէս հաստատեցաւ, և հատաւ օգնականութիւն յուսոյ նոցա ի մարդկանէ, դարձեալ սուրբ եպիսկոպոսքն քաջալերել սկսան զանձինս և զօրսն Հայոց: Թէպէտ և հայէին յիւրեանց սակաւութիւնն և յերկոցունց թագաւորացն միաբանութիւն, ոչ ինչ վատասրտեալ գողային, այլ ըստ առաջին ուխտին խիզախէին և առէին. «Պատրաստ եմք ի սպանանել և ի մեռանել.

դիւրին է Աստուծոյ սակաւուք զբազմաց գործ գործել, և անարդօք զմեծամեծ իրա կատարել:

Թէպէտ և ոչ ունէին թագաւոր առաջնորդ, և ոչ արտաքուստ օգնական զոք յօտարաց, սակայն անձանց առաքինութեամբ և սուրբ վարդապետացն մխիթարութեամբ՝ համագունդ ամենայն նախարարքն զօրօքն իւրեանց յիւրաքանչիւր տանէ ի մի վայր գային հասանէին վաղվաղակի. բազում և այլ այրուծի՝ որ յարքունի տանէ անտի էր:

Եւ զամենայն զօրսն յերիս գունդս բաժանեցին:

Զգունդն առաջին տային ցներշապուհ Ռըմբոսեան, և գումարէին զնա պահապան աշխարհին, մերձ ի սահմանս Աստրապատական աշխարհին:

Եւ զգունդն երկրորդ տային ի ձեռն վարդանայ զօրավարին Հայոց՝ անցանել ընդ սահմանս Վրաց ի վերայ մարզպանին Ճռըայ, որ եկեալ էր աւերել զեկեղեցին Աղուանից:

Իսկ զգունդն երրորդ տային ի ձեռն վասակայ իշխանին Սիւնեաց, որ ոչ ի բաց կացեալ էր յուխտէն հեթանոսաց ըստ ներքին խորհրդոցն իւրոց:

Բնարեաց և առ նա ընդ իւր՝ զորոց գիտէր զթուլութիւն հաւատոց նոցա.

Զիշխանն Բագրատունեաց զօրօք իւրովք: Զիշխանն Խորխոսունեաց զօրօք իւրովք: Զիշխանն Ապահունեաց զօրօք իւրովք: Զիշխանն Վահեւունեաց զօրօքն իւրովք: Զիշխանն Պալունեաց զօրօքն իւրովք: Զիշխանն Գաբեղենից զօրօք իւրովք: Զիշխանն Ուրծայ զօրօքն իւրովք:

Եւ զայլ բազում զօրս յարքունի տանէն արկ յինքն, և զսեպուհս ոմանս յայլմէ տոհմէ: Եւ խորամանկ խաթէութեամբ դարանամուտ լինէր յամուրս իւրոյ աշխարհին, ի պատճառս կեղծաւորութեան՝ եթէ ընդ ձապուկ անդր անցանէ ի վերայ գնդին Պարսից՝ հալածականս առնել յաշխարհէն Աղուանից:

Իսկ նա յամբածածուկ հաւալոցէն ձեպով դեսպանս արձակէր առ գունդն Պարսից. «Ահա աւաղիկ քակեցի զմիարանութիւն ուխտին Հայոց, և ընդ երիս կողմանս գունդս գունդս քակեալ բաժանեցի: Զգունդն առաջին հեռացուցի ի կողմանս Հերայ և Զարկեանդայ. և գունդս երկրորդ ընդ իմով ձեռամբ է, որոց ոչ ինչ տամ վնաս առնել զօրաց արքունի: Եւ զայլ ամենայն որ այր

կոռուոյ յաշխարհի աստ գտանէր՝ ցանեցի ցրուեցի ընդ ամենայն միջոցս աշխարհիս։ Բայց զգունդն երրորդ արարի ընդ Վարդանայ յԱղուանս՝ սակաւածեռն և ոչ բազմաթիւ։ Ե՛լ համարձակ ընդ առաջ նորա, և մի՛ զանգիտեր ամենին տալ պատերազմ։ Գիտեմ զի ի պարտութիւն մատնին առաջի քոյոյ մեծի զօրութեանդ»։

Զայս զրեաց և եցոյց մարզպանին՝ որում անունն էր Սեբուխտ։ Իսկ նա իբրև լոււաւ զայս ամենայն զքաջալերս ի Վասակայ, և ստուգեալ հաստատեաց ի միտս իւր՝ եթէ սակաւածեռն զնդաւ զայ սպարապետն Հայոց ի վերայ նորա, ոչ եկաց մնաց ի կողմանս Ճորայ. այլ կուտեաց զամենայն բազմութիւն զօրու իւրոյ, և փութանակի անցանէր ընդ մեծ գետն կուր անուն. և պատահէր նմա մերձ ի սահմանս վրաց հանդէպ Խաղխաղ քաղաքի, որ Ճմերոց էր թագաւորացն Աղուանից։ Անցանէր բաւանդակէր ամենայն զօրօք իւրովք. ուազմ արարեալ զբոլոր մեծութիւն դաշտին ի ներքս փակէր. զինեալք և վառեալք ամենայն պատրաստութեամբ ի մարտ պատերազմի ընդդէմ զնդին Հայոց։

Իսկ քաջն Վարդան և ամենայն զօրքն

որ ընդ նմա էին՝ իբրև տեսին զբազմութիւն պատրաստութեան գնդին հեթանոսաց, հայեցան և յիւրեանց սակաւութիւնն. թէպէտ և կարի յոյժ նուազունք էին քան զնոսա, ոչ ինչ զանգիտեցին առ ի յոյժ բազմութենէն, այլ հասարակ միաբան համբարձին յերկինս զձեռս իւրեանց, աղաղակէին և ասէին.

«Դատեա, Տէր, զայնոսիկ ոյք գատին զմեզ. մարտիր ընդ այնոսիկ որ մարտընչինս ընդ մեզ. զինու և ասպարաւ քով օգնեա մեզ։ Շարժեա և դողացո զգունդագունդ բազմութիւն անօրինացս. ցրուեա և վատնեա զչար միաբանութիւն թշնամեաց քոց առաջի քոյոյ փրկական մեծի նշանիս, և տուր ի ձեռն սակաւուցս զքաջութիւն յաղթութեան ի վերայ անհնարին բազմութեանս։ Ոչ ի պարձանս մնոտի վառասիրութեան անօգուտ վաստակոց ինչ աղաչեմք, կամ յագահութիւն ընչափրութեան զանցաւոր մեծութիւն կապտելոյ, այլ զի ծանիցեն և գիտասցեն ամենեքեան այնոքիկ որ ոչն հնազանդին սուրբ աւետարանին քարոզութեան, եթէ դու ես Տէր կենաց և մահու, և ի ձեռն քո է յաղթութիւն և պարտութիւն։ զւ մեք պատրաստ եմք ի մեռանել վասն քու

սիրոյդ, և եթէ սպանանել ևս հասանէ զնուս, ոչ եթէ մեզ ինչ, այլ ճշմարտութեանն եղիցուք վրէժինդիրք»:

Եւ զայս ասելով՝ խումբ արարեալ յարձակէին, և զաջ թեն բեկեալ՝ զծախոյ կողմամբն արկեալ, սրոյ ճարակ զամենեսեան տային ընդ երեսս դաշտին, և փախստական առնէին մինչև յամուր տեղիս մայրեացն առ խորագոյն դարիւքն Լոփնաս գետոյ։ Ուր ընդդէմ դարձեալ թագաւորագանց ոմանց Բաղասական արքայի, ընկեցին. զոմն ի ձիոյ ի նախարարացն Հայոց. ի դնդէն Դիմաքսենից զՄուշ սպանին, և զԳազրիկ վիրաւորեցին։

Յայնմ տեղւոյ դէտ ակն ի վեր ամբառնայր Արշաւիր Արշարունի, գոչէր առիւծաբար և յարձակէր վարազաբար, հարկանէր և սատակէր զՎուրկն քաջ զեղբայր թագաւորին Լոփնաց, և զբազում համհարզս նորին ընդ նմին սատակէր։ Եւ այնպէս ամենեքեան առհասարակ այր զախոյեան իւր յերկիր կործանէր։ Եւ առ յոյժ յանդուզն յարձակմանն յոլովագոյն այն էր զոր գետամոյնս առնէին քան զանկեալս սրոյ ի ցամաքի։ Եւ ի բազմութենէ դիականցն անկերց՝ յստակ ջուրք գետոյն յարիւն դառնային,

և ոչ գտանէր ոք ամեննկին ի նոցանէ ապրեալ և թագուցեալ յանտառախիտ մայրիս դաշտացն։ Բայց մի ոմն ի զօրականէ թշնամեացն՝ զինու հանդերձ ելեալ ի նիւս երիվարին անցանէր ընդ մեծ գետն, մազապուր պրծեալ ի պատերազմէն՝ գոյժ տանէր ի մնացեալ բուն բանակն, որք փախստական անկանէին ի մեծ շահաստանն։

Յայնմ ժամանակի զօրքն Հայոց կատարելով զմեծ գործ պատերազմէն՝ ի դիակապուտս դառնային, ժողովէին զբազում աւարբանակին, և կողոսպտէին զանկեալ դիակունսըն. և կուտէին բազում արծաթ և ոսկի, զգէնս և զզարդս զարի արանց և զքաջ երիվարաց։

Դարձեալ յարձակէին ոչ սակաւ քաջութեամբ ի վերայ բերդիցն և քաղաքաց զորունէին Պարսիկն յաշխարհին Աղուանից, հզօրապէս մարտնչելով և այրելով զամուրն արգելանաց նոցա, և զերամս երամս մոզացն—զոր պատրաստական ածեալ աշխարհին զայթակղութիւն—ուր և գտանէին յամուրս ամուրս վայրացն, սրոյ ճարակ տուեալ՝ դնէին գէշ թոչնոց երկնից և զազանաց երկրի։ Սրբէին զտեղիսն յամենայն

պղծագործ զոհիցն, և փրկեալ աղատէին
գեկեղեցիսն յանհնարին նեղութենէն:

Եւ բագումք ի նախարարացն Աղուանից
և յամենայն շինականացն, որք վասն ա-
նուանն Աստուծոյ ցրուեալ և վատնեալ էին
յամուրս լերանց Կապկոհի, իբրև տեսին
զաջողութիւն գործոյն զոր կատարէր Աս-
տուած ի ձեռն գնդին Հայոց, զային ժողո-
վէին և նոքա, և խառնէին ի զօրս նոցա. և
միաբանք և հաւասարք կցորդք լինէին գոր-
ծոյն նահատակութեան: Խաղային գնային
այնուհետև ի վերայ պահակին Հոնաց, զոր
ունէին բոնութեամք Պարսիկքն. առնուին
քանդէին զպահակն, և կոտորէին զզօրսն որ
ի ներքս բնակեալ էին, և զգուռնն տային
ի ձեռն Վահանայ՝ որ էը յազգէ թագաւորա-
ցըն Աղուանից: Եւ յայսր ամենայն քաջու-
թեան վերայ ոչ ոք անկեալ վիրաւորեցաւ
ամենեին ի նոցանէ, բայց ի միոյ երանելոյ
որ կատարեցաւն նահատակութեամք ի մեծ
պատերազմին:

Եւ անդէն ի նմին տեղւոջ զայրն որում
զգուռնն յանձն արարին՝ զնոյն դեսպան
արձակեցին յաշխարհն Հոնաց, և ի բագում
յայլ ազգս բարբարոսաց որ համագործքն
էին Հոնաց աշխարհին, բանս դնել ընդ նո-

սա և ուխտ հաստատել՝ անքակութեամբ
ունել զմիաբանութիւնն: Իսկ նոքա իբրև
զայն ամենայն լուան, փութապէս վաղ-
վաղակի հասանէին ի տեղին, և ականատեսք
լինէին գործոյն յաղթութեան: Եւ ոչ ինչ
յապաղեցին երգմամք յուխտ մտանել ըստ
կարգի իւրեանց օրինաց. յանձն առին և
զերդումն քրիստոնէից՝ պահել ընդ նոսա
հաստատութեամք զմիաբանութիւն:

Իսկ իբրև զայս կատարեցին և արարին
իւրեանց մեծապէս հաստատութիւն, և դեռ
անդէն ի տեղւոջն զետեղեալ էին խաղաղու-
թեամբ, գուժկան հասանէր յաշխարհէն Հա-
յոց, զճակատ հարեալ և զօծիս պատառեալ
վասն ապստամբին վասակայ. «յետս կացեալ
յուխտէն քրիստոնէութեան և աւերեալ զբա-
զում տեղիս Հայոց աշխարհին, մանաւանդ
զձմերոցս արքունի, որ կայանք զօրացն էին,
զԳառնին և զերամայիս և զԹրասխանա-
կերտն՝ զմեծ Դաստակերտն, զՎարդանաշատն
և զամուրն Օշական, զՓառախոտն, զՍար-
գեանսն, զՑոլակերտն աւան և զբերդն Ար-
մաւրի, զԿուաշն աւան, զԱրուձն, զԱշնակն
և զամենայն ոտն Արագածու, և զնահանգն
Արտաշատու և զԱրտաշատն ինքնին զլիսո-
վին, և զամենայն գեւզս և զաւանս որ

շուրջ զնովաւ էին, առեալ աւերեալ և հըրձիդ արարեալ, և զամենեցուն ձեր զընտանիս փախուցեալ մերժեալ յիւրաքանչիւր բնակութենէ: Զեռն արկեալ և ի սուրբ եկեղեցիսն, տարեալ և զսուրբ սպաս եկեղեցւոյն սեղանոյ. գերի վարեալ զընտանիս քահանայից, և զնոսին կապեալ և եղեալ ի բանդի. և ինքն սփուեալ տարածեալ տապատակաւ աւերէ զերկիրն ամենայն: Եւ զունդըն որ էր ի կողմանս Ատրալատականի՝ ոչ ժամանեաց ձեռն տալ ի միջոց աշխարհին: Եւ զօրքն որ անդ մնացեալ էին՝ իսոյս տուեալ յանօրինէն մերժեցան յեզր աշխարհին, և դեռ պահեն ընդ ձեզ զուխտ միաբանութեան սիրոյն Քրիստոսի: Բայց այն որ ընդ նմայն էին՝ են ոմանք որ փախեան յիւրաքանչիւր տեղիս, և բազումք այն են որ զհետ մոլորեցաննորա ամբարշտութեանն»:

Զու արարեալ ի տեղւոջէ անդի՝ դառնալ անդրէն յաշխարհն Հայոց մեծաւ ստիպով և բազում աւարաւ և անչափ մեծութեամբ, և անտրտում ուրախութեամբ երգս ի բերան առեալ և ասէին ձայնիւ. «Խոստովան եղերուք Տեառն, զի բարի է, զի յաւիտեան է ողորմութիւն նորա. ո եհար զազգս մեծամեծս և սպան զիշխանս հզօրս,

զի բարի է, զի յաւիտեան է ողորմութիւն նորա»: Եւ զայս սաղմոս երգելով մինչև ՚ի վախճան կատարեալ աղօթիւք փառատրութիւն սուրբ երրորդութեանն մատուցանէին: Անդ յանձանձէր ածէր զօրավարն զկաց և զմնաց զօրականին առաջապահօք և վերջապահօք, կողմապահօք ողջ և առողջ հասուցեալ յաւուրս երեսուն մերձ ի սահմանս հայրենի աշխարհին:

Ազդ եղեւ ուրացեալն Վասակայ և իշխանացն որ ընդ նմա էին՝ քաջութիւն նահատակութեան զնդին Վարդանայ յաշխարհին Աղուանից, և միաբանութիւնն ևս Հոնաց: Մինչև յանդիման եղեալ էին միմեանց, զգիշեր մի օգնական գտեալ նորա՝ փախըստեայ անկանէր յամուրս իւրոյ աշխարհին, և այնպէս տագնապաւ մերժեցաւ. զգերի և զաւարն զոր առեալ էր յԱլրարատ գաւառէ, ակամայ զիւրն ևս ի վերայ եթող և փախեաւ:

Եւ քանդի ժամանակ ձմերայնւոյ հասեալ էր, և զոռմիկս՝ թշնամեաց զնդին հարեալ էր, ոչ կարէր զմիով տեղեաւ համագունդ զօրմն դարմանել. այլ սփոէր տարածանէր ընդ գաւառս գաւառս աշխարհին առ ի հանգիստ ձմերոցի: Պատուէր հրամանի տայր պատրաստական լինել կազմութեամբ առ

ժամանակ գարնայնոյն։ Եւ զսակաւս ի զընդէն յաւագ նախարարացն զործակից իւր թողեալ, բռնանայր ի վերայ՝ ունելով զժագաւորանիստ տեղիսն։

Եւ զունդս զունդս արձակէր յաշխարհն Սիւնեաց, առնոյր և աւերէր զբազում գաւառս. և այնպէս ի նեղ արկանէր զնա և զամենայն զօրսն որ ընդ նմա էին, զի զէշս և զձիս մեռելոտի առ սովոյն վտանգի անխտիր ուտէին։ Եւ բազում հարուածս հասուցանէին ի վերայ ուրացելոցն. մինչեւ ժողով սուրբ եպիսկոպոսացն և ամենայն ուխտ քահանայութեանն դառնապէս արտասուս իջուցանէին ի վերայ չարաչար վշտացելոցն, որ բոկ և հետի վարէին զարս և զկանայս փափկասունս, և բազում տղայք զքարի հարեալ ընկեցան յանցս ճանապարհաց։

Իրեւ այս ամենայն աջողութիւն լինէր երկիւղածացն Աստուծոյ, ամենայն եպիսկոպոսունք և երիցունք պատուէր հրամանի տուեալ աշխարհին, զողջոյն ամիսն Քաղոց պահօք և աղօթիւք առնել ինսդրուածս առ Աստուած, և զտօն պատերազմացն յաղթութեան խառնել ի սուրբ տօն յայտնութեանն Քրիստոսի, զի անխափան կացցէ մեծ յի-

շատակարանս այս ընդ աստուածային անանց տօնին։

Եւ զսոյն զայս ամենայն այցելութիւնս Աստուծոյ որ ի վերայ աշխարհին Հայոց մեծապէս երկեցաւ՝ զրեցին սուրբ եպիսկոպոսունքն և ետուն տանել յաշխարհն Յունաց ի մեծ քաղաքն առ սուրբ ուխտ եկեղեցւոյն. զի և նոքա աղօթս առնելով ինսդրեսցեն յԱստուծոյ, որպէս սկսաքս՝ ի նմին և կատարեսցուք։

Եւ զոմն յառաջին կապելոցն Պարսկաց լուծեալ և ածեալ զառաջեաւ նախարարացն, խօսէին ընդ նմա և ցուցանէին զամենայն վսամն որ եղև, կամ աշխարհացն աւերել, կամ զօրացն արքունի հարկանել, և կամ որ այլ իրք առաջոյ լինելոց էին։ Եւ իբրև զայս ամենայն բովանդակ ցուցին նմա, միաբան լինէր ամբաստանութիւն երկոցունց կողմանցն՝ առաքինեացն և յետս կացելոց. որպէս զուր և տարապարտուց նեղեցան ի հայրենի օրինացն յետս կալ, և զխարէութիւն ապստամբին Վասակայ, որպէս Հայոց բանիւ խաբեաց զթագաւորն, յանձն առնուլ զմոգութիւն. իբրև չէր ուրուք ընդ նմա բանս եղեալ, նա յանձնէ սուտակասալաւ լինէր։

Իրեն լիով զայս ամենայն իմացուցին, արձակեցին զնա հրեշտակութեամբ յաղերս ասպարանութեան և ի ննարս հայթայթանաց, թերևս կարասցեն գեղբարս իւրեանց ի նեղութենէն գողանալ:

Այլ առ նա՝ անօրէնն վասակայ դուժկանքն յառաջագոյն հասեալ էին, պատմել զաղէտս տարակուսանայն զոր անցուցեալ էր ընդ զօրսն արքունի. և ամենայն ամբաստանութիւնն ի սուրբ ուխտ եկեղեցւոյն կրթեալ էր: Քանզի այն իսկ կամք էին անօրինին՝ եթէ զմիաբանութիւն եպիսկոպոսացն քակեսցէ ի նախարարացն. և զայս ոչ էր տեղեկացեալ տակաւին, եթէ հոգի և մարմին բաժանիցին առ ժամանակ մի՝ գոյ տեսանել ի ընութեանս, այլ որ սիրովն Աստուծոյ յուխտ մտեալ է՝ այսմ անհնար է լինել:

Արդ երթեալ այրն ի տեղի ձմերոցին, պատմեաց զայս ամենայն յականջս թագաւորին, շարժեալ գողացոյց, որ և յամենայն զօրութենէն պակասեալ գտաւ. մանաւանդ զի յարեելից պատերազմէն կորակոր և ոչ բարձրագլուխ էր գարձեալ: Իրեն ստուգեալ հաստատեաց ի վերջին հրեշտակէն որ ենաս առ նա, զամենայն վնասս զիւր գործոցն

զիորհրդակցօքն արկանէր: Եւ անդէն շիջանէր ի բազմաբոց բորբոքմանէն. քանզի իրցաւ բերան չար խրատուցն որ անդադար յորդորէին զնա ի գործ դառնութեան: Խոնարհեցաւ ի բարձր հպարտութենէն, և զվայրենացեալ սիրտն գարձոյց ի մարդկային ընութիւն. հայեցաւ և ետես զինքն լի տկարութեամբ. զիտաց եթէ զամենայն զոր կամի առնել՝ ոչ կարէ կատարել. վասն այնորիկ և դադարեաց յանդուգն յարձակմանէն, և լուցոյց զմոլեզնոտաբար գոչումնն:

Եւ որ մեծաձայն բարբառով որոտայր, և ևս ահազին հրամանօքն զհեռաւորու և զմերձաւորս գողացուցանէր, սկսաւ քաղցր և աղերս բանիւք խօսել ընդ ամենենեան և ասել. «Զինչ ինչ վնաս գործեալ է իմ, և կամ զոր յանցս յանցուցեալ կամ՝ առ ազգս կամ առ լեզուս կամ առ անձն իւրաքանչիւր: Ո՞չ ահա բազում ուսմունք են յաշխարհիս Արեաց, և իւրաքանչիւր պաշտամունք յայտնի են. ո երբէք նեղեաց պնդեաց գարձուցանել ի մի օրէնս մոգութեան. մանաւանդ վասն օրինաց քրիստոնէութեանն, որպէս հաստատուն և ճշմարիտ կացեալ են յիւրեանց դենին, նոյնպէս և առ մեզ լաւագոյն քան զամենայն կեշտան նոքա երեեալն

են: Եւ բիծ իսկ ոչ կարէ ոք դնել ընտրեալ օրինաց նոցա. այլ զոյգ և հաւասար համարիմ դենիս մազդեզանց, որպէս և յարդեալ իսկ էին նոքա առ նախնեօքն մերովք, զոր ես ինձէն իսկ յիշեմ առ հարբն իմով՝ որ նստէր ի մեծ գահոյս յայսմ:

«Յորժամ սկսաւ անդամել և քննել զամենայն ուսմունս և հաստատութեամբ ի վերայ եհաս, առաւել վեհ գտանէր զօրէնս քրիստոնէից քան զամենեցուն. վասն այսուրիկ մեծարեալք ելանէին ի Դրան արքունի, և առատաձեռն պարզեօք երահք լինէին ի նմանէ, և համարձակութեամբ շրջէին ընդ ամենայն երկիր: Նա և որ գլխաւորքն էին քրիստոնէից, զոր և եղիսկոպոս անուանեն, ընծայից և պատարագաց արժանիս առնէր զնոսա՝ իբր հաւատարիմ ոստիկանս: Յանձն առնէր նոցա զհեռաւոր մարզսն, և ոչ երբէք սխալ լինէր ի մեծամեծ իրացն արքունի:

«Եւ դուք զմի զայն երբէք ոչ յիշեցէք, այլ հանսապազօր ձանձրացուցէք զլսելիս իմ, խօսելով զնոցանէ զամենայն չարութիւն: Տեսէք զի ետուք գործել ինձ զոր ինչ ոչ կամէի, և եղեն վսարք մեծամեծք ի սահմանսն ի մէջ երկուց անհաշտ թշնամեաց: Եւ մէք դեռ ի հեռաւոր ճանապարհի, և ոչ

մի ինչ գործ ի պատերազմիս ի գլուխ երթեալ, և դուք աստէն յիմում տանս յարուցէք ի վերայ պատերազմ՝ որոյ չարագոյն ևս լինելոց է կատարածն իւր քան զարտարին թշնամեացն»:

Զայս ամենայն և առաւել քան զսոյն խօսէր ընդ ամենայն աւագանին, և զմասս յանցանացն արկանէր զմոգպետաւն և զմոգօքն: Եւ ամենայն վզուրկքն և պատուական նախարարք—որ նստէին յատենին և ունկն դնէին յեղյեղուկ լեզուի նորա—ամաչեցեալ կորանոցին և ընդ երկիր պըշնուին, և զգլուխ ի վեր ոչ կարէին համբառնալ:

Բայց սակաւք ի նոցանէ զմիտս հաճելով՝ ասէին զայս. «Այո, արքայ քաջ, արքայից արքայ, այդ այդպէս է որպէս աստցերդ, և արդ կարես զամենայն ուղղութեամբ նուաճել. չիք ինչ այն որ ըստ քո կամադ արտաքս կարէ ելանէլ. զի տուեալ է քեզ աստուածոցն, զի զամենայն զոր և կամիս՝ կարես առնել: Մի նեղեալ տաղնապիր յանձն քո և հարկաներ զմիտս մեր ամենեցուն. թերես և դիւր իցեն հնարք իրացն կատարածի: Երկայնամիտ լեր, և համբերութեամբ թողացո մարդկանդ ան-

դրէն գքրիստոնէութիւն, և դոքօք զստամբակն ածցես ի հաւանութիւն»:

Հաճոյ թուեցան բանքն առաջի թագաւորին, և անդէն վաղվաղակի կոչէր զառաջեաւ յամենայն ազգացն որ ունէին գքրիստոնէութիւնն, որ ի զօրու նորա էին, և բռնաբար արգելեալ էր զնոսա, զի մի՛ ոք իշխան լիցի յանդիման պաշտել զԱստուած: Քանզի որ ընդդէմ կացին՝ չարչարեաց և արգել ի նոցանէ զյայտնի պաշտօնն, և ումանց ոմանց ակամայ երկիր ետ պատանել արեգական, և նսառց ի սուգ տրտմութեան զամենայն զօրականնն. իսկ այն օր հրամայէր անդրէն համարձակութեամբ ըստ առաջին կարգին հաստատուն կալ յօրէնս քրիստոնէութեանն: Իսկ որք յանցաւորքն էին՝ ոչ կամէին վաղվաղակի առանց մեծի ապաշխարութեանն գալ և խառնել ի կարգ քրիստոնէութեան, հրամայէր թագաւորն՝ զի բռնի կալցին և տարցեն յեկեղեցին իւրեանց: Եւ երիցանցն համարձակէր, որպէս զիարդ և գիտիցէն՝ ըստ կարգին իւրեանց արացեն: Եւ զհատեալ ոռմիկն կարգէր անդրէն իւրաքանչիւր, և զարգելեալ բազմականնն ի նոցանէ՝ ի տեղի հրամայէր մատուցանել, և հանապազորդ յարքունիս մտանել ոչ արգե-

լոյր զնոսա. և զամենայն որ զիարդ և կարգեալ էին յառաջագոյն՝ անդրէն յօրինէր: Խոնարհէր և խօսէր ընդ նոսա սիրով ըստ առաջին սովորութեանն:

Եւ իբրև զայս ամենայն արար և կարգեաց, յանդիման նոցա թողութեան հրովարտակս առաքէր ընդ ամենայն երկիր իշխանութեան տէրութեան իւրոյ վասն քրիստոնէից:

«Եթէ ի կապանս ոք կայցէ, արքունի հըրամանաւ արձակեալ լիցի, և եթէ ինչքուրուք յափշտակեալ լիցեն, դարձցին անդրէն: Սյնպէս և երկիրք, եթէ հայրենիք, եթէ պարգեականնք և եթէ քսակագինք, և հանեալ ուրուք լիցէ, հրամայեցաք զի դարձցին»:

Եւ իբրև այսմ ամենայնի զնոսա տեղեակ առնէր, ինչպէր ի նոցանէ վկայութիւն հաւատարմութեան յերկիրն Հայոց, և երդմամբ յուխտ մտանէր առաջի նոցա՝ հաստատութեամբ ամենայն մեծամեծաց իւրոց, եթէ «Ոչ ինչ յիշեցից ամենեկին զքէն վրիժուցն ինդրելոյ: Որպէս ունէիք յառաջ ձշմարտութեամբ զօրէնս ձեր, այսուհետեւ առաւել կալարուք. բայց միայն ի ծառայութենէ մերմէ մի՛ ելանէք»:

Զայս ամենայն զքէր և ցուցանէր յեր-

կրին Հայոց և ի բաղում յայլ աշխարհս՝ որ
ունէին զօրէնս քրիստոնէութեան. և ինքն
գաղտ խորամանկեալ փութացեալ գեսպանս
առաքէր առ Մարկիանոս կայսր: Եւ իբրև
ստուգեալ ճշմարտեաց՝ եթէ Հոռոմք ի բաց
կացին ձեռնոու լինել քրիստոնէութեանն
ոչ զօրու օգնականութեամք և ոչ այլ իրօք,
դարձեալ անդրէն ի նոյն յառաջին կարծիս
մոլորութեանն շըջեցաւ: Զանյաջողութիւն
իրացն ի ձեռն իւրոց պաշտօնէիցն համարէր.
և այնպէս ածէր զմտաւ՝ եթէ ըստ առաջին
կարծեացն կատարեցից զամենայն:

Իսկ Հայք թէպէտ և ընկալան զգիրն
խաբերայ ողոքանաց թագաւորին, որ ի վե-
րոյ ունէր զաւետիս կենաց և ի ներքոյ ըզ-
դառնութիւն մահու, զարմացեալ էին ընդ
թերի խորհուրդն. ասէին ցմիմեանս. «Քա-
նի լիրը է խորամանկ խարէութիւն նորա,
զի երկիցս և երիցս զփորձ առեալ կշտամ-
բեցաւ և ոչ ամաչէ: Եւ տեղեալ եղեալ
մերոյ անքակ միաբանութեանս, տակաւին
լրբի և լինի. զհետ մտեալ՝ կամի զմեզ
լքուցանել:

«Իսկ հաւատասցուք անհաստատ հրամանի
նորա. զ՞ը բարեգործութիւն տեսաք առ
ամենայն եկեղեցիս որ են յաշխարհին Պար-

սից: Զի որ ինքն իւր չար է, այլում բարի
ոչ կարէ լինել. և որ ինքն ընդ խաւար
գնայ, այլում ոչ առաջնորդէ ճշմարտու-
թեան լուսով: Որպէս զի չիք յանիրաւու-
թենէ արդարութիւն, այսպէս և ոչ ի ստու-
թենէ ճշմարտութիւն, սոյնովէս և ի խոռվա-
սէր մտաց՝ ակնկալութիւն խաղաղութեան:

«Այլ մեք ապրեալքս զօրութեամբն Աս-
տուծոյ, և հաստատեալք հաւատովքն ի յոյն
Քրիստոսի, որ եկն և էառ ի սուրբ Կուսէն
զմարմին մերոյ բնութեանս և միացեալ
անքաժաննելի աստուածութեամբն՝ ընկալաւ
զչարչարանս մերոյ մեղաց ի յիւր մարմինն,
և նովին խաչեցաւ և թաղեցաւ և յարուցեալ
երկեցաւ բազմաց, և վերացաւ յանդիման
աշակերտացն առ Հայր իւր, և նստաւ ընդ
աջմէ զօրութեանն, զսյն հաւատամք Աս-
տուած ճշմարիտ, և նմին ակն ունիմք, որ
փառօք Հօր և զօրութեամք գայ յարուցանել
զամենայն ննջեցեալս, և նորոգել զնութիւն
արարածոց, առնել համառօտս յաւիտենից
ի մէջ արդարոց և մեղաւորաց:

«Ոչ պատրիմք իբրև զտղայ, և ոչ մո-
լորիմք իբրև զանտեղեակս, և ոչ խարիմք
իբրև զտղէտս, այլ պատրաստ եմք ամենայն
փորձութեանց: Եւ աղաչեմք զԱստուած, և

անդադար խնդրեմք ի բազում ողորմութենէ
նորա, զի յորում սկսաք՝ ի նմին և կատա-
րեցուք քաջութեամք, և ոչ վատութեամք:
Զի արդ արևելք և արևմուտք գիտացին
զծեր աստուածամարտդ լինել, և զմեզ ի
զուր սոլանանել ի վերայ ամենայն վաստա-
կոցն մերոց: Վկայեն մեզ երկինք երկնաւո-
րօք և երկիր երկրաւորօք, եթէ չեմք ինչ
մեզուցեալ ի միտս մեր անդամ. և ի վերայ
պարզեաց և բարիս առնելոյ մեզ՝ զճշմարիս
կեանս կամիք հանել ի մէնջ, որում չիք
հնար, և այլ մի՛ լիցի:

«Իսկ արդ հաւատասցուք անարժան բե-
րանոյ նորա, որ ստիպէր չարաչար յուրա-
ցութիւն, և այսօր առանց մի ինչ բարիս
գործելոյ լինիցի՞նա քարոզիչ աւետեաց: Եւ
որ հայհոյէրն զՔրիստոս, և ուրացուցանէր
ի նմանէ զհաւատացեալս, այսօր ակամայ
խոստովանութեանն ոչ կարեմք վաղվաղակի
յանձն առնուկ: Եւ որ երդնոյրն ի սնոսի
պաշտամունս իւրոյ մոլորութեանն՝ անցու-
ցանել զամենայն չարչարանս ընդ պաշտօ-
նեայս եկեղեցւոյ, արդ եկեալ գողանալով
գոհութիւն մատուցանէ, և այնու կամի
զամենայն չարութիւն իւր ի մեզ հեղուլ:

Ոչ այդմ հաւատամք, և ոչ զսուտ հրամանդ
յանձն առնումք»:

Իսկ նա իբրև զիտաց՝ եթէ ոչ կարեմ
քակել զհաստատութիւն միաբանելոցն, յայն-
ժամ քակեաց յինքենէ զծերն լի դառնու-
թեամք, յորում հանդուցեալ էր սատանայ
գօրութեամք իւրով, և բազում գործեալ էր
նորա նախմիրս. որոյ կերակուր կամաց
իւրոց էր ի մանկութենէ անարատ մարմին
սրբոց, և ըմպելի անյագութեան նորին՝
արիւն անմեղացն: Յաւելոյր ևս ի վերայ չա-
րութեան նորա և զիւր մահաբեր հրամանն՝
գունդս գունդս յամենայն աշխարհացն գու-
մարէր ընդ նմա, և բազում երամակս փղաց
յղէր ընդ նմա:

Հասեալ մերձ ի սահմանս Հայոց՝ մտա-
նէր ի քաղաքն Փայտակարան, և զգօրսն
ամենայն սփոէր տարածանէր շուրջ զքա-
զաքաւն առ ի զգուշութիւն պատրաստու-
թեան իւրոյ չարահնար խորհրդոցն: Եւ յա-
մուր որջն մտեալ հին վիշապն չարաթոյն,
և բազում կեղծաւորութեամք զինքն թա-
քուցանելով յաներկիւղութիւն, հեռաւորացն
ահազին ձայնիւ սաստէր, և ի մերձաւորսն
իբրև զօձ սողալով փչէր: Սա էր իշխան և
հրամանատար ամենայն տէրութեանն Պար-

սից, որում անուն էր Միհրներսեհ. և չէր
ոք ամենեին՝ որ իշխէր ըստ ձեռն նորա
ելանել։ Եւ ոչ միայն մեծամեծք և փոքրունք,
այլ և ինքն թագաւորն հրամանի բերանոյ
նորա անսայր. որոյ և ձախող իրացն իսկ
բուռն հարեալ էր նորա։

ՉՈՐՖՈՐՔ ՅԵՎԱՆԵՍ

ԵՐԿՊԱՌԱԿՈՒԹԻՒՆ, ԲԱԺԱՆԵԼՈՅՆ

Ի ՍՈՒՐԲ ՈՒԽ ՏԷՆ

Յինչև ցայս վայր ոչ ինչ կարի զան-
գիտէի պատմել զհարուածս աղ-
դիս մերոյ՝ որ յարտաքին թշնամեացն ճշշ-
մարտութեան չարաչար յարեան ի վերայ
մեր. որք սակաւագոյնք հարին զմեզ, և յու-
լովագոյնք հարեալ գտան ի մէնջ, քանզի
դեռ ևս միաբանք և հաւասարք էաք։ Թէ-
պէտ և ոմանք ի ծածուկ ունէին զերկմառ-
թիւն նենգութեանն, սակայն յաչս արտաք-
նոցն ահաւոր երկէր միաբանութիւնն. որ-
պէտ յերկուս և յերիս տեղիս ոչ կարացին
կալ առաջի։

Արդ յայսմ հետէ և անդք, ուր սպրդեալ
անկանի երկպառակութիւն ի ներքս, ընդ
քակել միաբանութեանն՝ և երկնաւոր առա-

քինութիւնն, հեռանայ. և անձնընտիրք լինելով՝ յոյժ բազմանայ լալումն ողբոյս: Քանզի հատեալ անկան անդամքն՝ որ յառաջագոյն սորուն սուրբ մարմնոյս էին, վասն որոյ դառնայ մարդ յարտասուս առաջի մերձակայ դիականն. եւս առաւել լուր դառնութեամբ ի վերայ այնորիկ որ յոգի և մարմին առ հասարակ դիակնանայ: Եւ եթէ ի վերայ միոյ անձին այսպէս, որչափ ևս առաւել ի վերայ ողջոյն ազգի միոջ:

Այլ յայսմ տեղուջ ոչ միայն ի վերայ միոյ ազգի է ողբումնս մեր, այլ ի վերայ ազգաց և աշխարհաց. զոր և յառաջ մատուցեալ ասացից ըստ կարգի, թէպէտ և ոչ խնդութեան մտօք: Ահա ակամայ նշանազրեմ զբազումս որ կորեան ի ճշմարիտ կենացն իւրեանց, և պատճառք եղեն և այլոց բազմաց կորստեանն, ոմանց՝ երկելեացս միայն, և այլոց՝ երկելեաց և աներնութից: Եւ այն՝ եւս չար է քան գամենայն. դուռն՝ զոր բացին կորստեան՝ Աստուծոյ միայն կարողութիւն է փակել զնա. այլ ըստ մարդկան սահման՝ ահա անցեալ է հնար:

Այս անօրէն Միհրներսեն, քանզի յառաջագոյն ստուգեալ գիտէր զամբարշտութիւնն վասակայ, և յայնմ ժամանակի ևս յղէր և

կոչէր զնա առ ինքն: Որպէս նորա իսկ յառաջագոյն զատեալ և որոշեալ էր ի միաբանութենէն Հայոց, եկն և յանդիման եղե. և ստուգէր զիւր հաւատարմութիւնն և զՀայոց անիրաւ ազստամբութիւնն: Ցաւել և պատմեաց ևս առաւելաբանութեամբ զոր ինչ ոչ էր գործեալ Հայոց, և կամէր ընտանեքար ընդ միտ մտանել անօրինին:

Բայց նա թէպէտ և ի ներքոյ յոյժ դրսրովէր զնա, այլ արտաքին դիմօք մեծարեաց, և եղ առաջի նորա զմեծամեծ պարգևս երկրաւորս: Եւ խոստացաւ նմա իշխանութիւն աւելի քան զոր ունէրն, և հայեցոյց զնա ի կարծիս սնուտիս՝ որ ի վերէր քան զիւր տէրութիւնն. իբր թէ անկ իցէ նմա հասանել մինչ ի թագաւորական վիճակն. բայց միայն հնարս իրացն խընդրեսցէ, թէ նրպէս քակտեսցի միաբանութիւն ուխտին Հայոց, և թագաւորին կամքն կատարեսցին յաշխարհին:

Եւ իբրև յանձն էառ զամենայն ինչ՝ երթալ զկնի կամաց նորա, զիտաց և ծերն դառնացեալ եթէ թմրեալ և ցնորեալ և քակեալ է ի հաստատութենէ միաբանելոցն. յոյժ միսիթարեցաւ ի միտս իւր արտմեալս, և ած զմտաւ՝ թէ և զամենեսեան այսպէս

կարիցեմք որսալ յանգիւտ կորուսան։ Եւ իւրոյ հնարագիւռութեանն տայր զանիմառտութիւն առնն. և այնմ ոչ էր տեղեակ՝ թէ նա իւրովի զիւր անձն դատեալ և որոշեալ է ի սուրբ եկեղեցւոյն, հեռացեալ և օտարացեալ ի սիրոյն Քրիստոսի։

Քանզի մոռացօնք եղեն նմա գալուստ Որդւոյն Աստուծոյ, և ոչ յիշեաց զքարուզութիւն սուրբ աւետարանին. և ոչ ի սպառնալեացն զանգիտեաց, և ոչ յաւետիսն միխթարեցաւ։ Ուրացաւ զաւազանն որ յըղացաւ զնա, և ոչ յիշեաց զընկալուչ սուրբ Հոգին որ ծնաւ զնա։ Մնարգեաց զմարմինն սպառուական՝ որով սրբեցաւն, և առ ոտն ենար զարիւնն կենդանի՝ որով և քաւեցաւն ի մեզաց։ Զնշեաց զգիր որդէզգրութեանն, և իւրովք ձեռօք խորտակեաց զհաստատուն կնիք մատանւոյն։ Ել ի թուոյ երանելեացն, և ապստամբեցոյց ընդ իւր զբազում։

Ձեռն արկ կամակորութեամբ և եմուտ յորդէզգրութիւն զիւապաշտութեանն, և եղեաման չարին, և ելից զնա սասանայ ամենայն խորամանկութեամբ։ Ի ձեռն էառ իբրև զվահան, և ագաւ զնա իբրև զզրան, և եղեւ իբր զինուոր կատարեալ կամաց նորա։ Մարտեաւ հնարիւք ընդ իմաստունս,

և յոյժ խորագիտութեամբ ընդ զիտունս, յայտնի ընդ անսմեղս, և ի ծածուկ ընդ խորհրդականս. ձեռն էարկ և ենան զբազումս ի գնդէն Քրիստոսի, և խառնեաց ի գունդս դիւաց։ Եւ ի բազում յայլ տեղիս գողաբար սողեցաւ և եմուտ իբրև զօձ ի մէջ ամրացելոցն. և իրամ հատեալ յափշտակեաց և էառ և ենան յայտնութեամբ զբազումս յազատաց և զբազմագոյնս ի շինականաց, և զայլ ոմանս յանուանեալ քահանայից։

Որոց անուանքն են այս՝ գործակցաց նորա.

Իշխանն Ուրշտունեաց՝ Արտակ անուն.

Իշխանն Խորխոռունեաց՝ Գաղիշոյ անուն.

Իշխանն Վահեւունեաց՝ Գիւտ անուն.

Իշխանն Բագրատունեաց՝ Տիրոց անուն.

Իշխանն Ապահունեաց՝ Մանէճ անուն.

Իշխանն Գաբեղենից՝ Արտէն անուն.

Իշխանն Ակէոյ՝ Ընջուղ անուն.

Իշխանն Ուրծայ՝ Ներսէն անուն.

Իշխանն մեւս ևս Պալունեաց՝ Վարագապուհ անուն.

Սեպուհ մի Ամաստունեաց Մանէն անուն.

Բազում և այլ ագատ մարգիկ, որ Աստանիկն անուանեն՝ յարքունի տանէ։

Եւ բովանդակ զիւր բոլոր աշխարհն

ապստամբեցով յուրացութիւն, ոչ միայն ըստ աշխարհիկ բազմութեանն, այլ և զրագումս յուխտէ եկեղեցւոյն. մանաւանդ սուստ երիցամբքն՝ որով գործէր զչարիսն. երէց մի Զանգակ անուն, երէց մի Պետրոս անուն, սարկաւագ մի Սահակ անուն. զորս յղէր առ անմեղ մարդիկ, խարէր և պատրէր. սուրբ աւետարանաւն երդնուին և ասէին, եթէ «Ի թագաւորէն չնորհեսցի ամենեցունց քրիստոնէութիւնդ»: Եւ այսպէս խորամանկութեամբ համեշին զբազումս ի սուրբ միաբանութենէն, ածէին և խառնէին ի գունդս ուրացողացն:

Եւ ժողովեաց զամենայն գայթակղութիւն, և արար գունդ զօրագ բաղմաց. զըրեաց և եցոյց զբազումս ի նոցանէ յականէ յանուանէ մեծ հազարապետին, և զիւր քաջութիւն արութեանն, մեծապէս պարծելով՝ որպէս աշակերտեաց ի մոլորութիւն խարէութեան, և բաժանեալու և երկցեղու երկեցոյց զօրսն Հայոց:

Եւ իբրև այս ամենայն չարիք յաջուղեցան նմա, քակեաց և զմիաբանութիւն աշխարհին Վրաց ի Հայոց, և Աղուանիցն ոչ ետ յառաջ խաղալ. և զաշխարհն Աղձնեաց ըստ նմին իսկ օրինակի յետո կալաւ:

Գրեաց հրովարտակ և աշխարհին Յունաց, ցուցանելով նոցա այլ ընդ այլոյ ստութեամբ, առ այր մի, որոյ Վասակ անուն էր, յայնց Մամիկոնենից՝ որ կան ի ծառայութեան Յունաց: Եւ ի թշուառութեան ժամանակին այրն այն սպարապետ էր ստորին Հայոց, և հաւատարիմ զօրացն Հոռովմոց ի սահմանին Պարսից, և արտաքոյ էր օրինացն Աստուծոյ գործովք իւրովք: Եփիտ այս Վասակ զայն Վասակ իւր գործակից ի մեծամեծ չարիսն՝ յոր միաբանեցին երկորեանն:

Գրէր նա և ցուցանէր հանապազորդ, իբր թէ ամենայն Հայք զկնի իւր միաբանեցին. Եւ զնոյն զիր մեծաւ զգուշութեամբ ներքին Վասակն տայր տանել ի թագաւորանիստ քաղաքն կայսեր, մինչև զսուրբ եպիսկոպոսացն զմիտու ևս ուծացոյց ի նոցանէ, և զամենայն զօրսն Յունաց յերկբայս արար յուխտէն:

Մանաւանդ զի ի ձեռն սուտ քահանացն պատրէր և խարէր իբրև ճշմարիտ մարդովք. աւետարան հանգերձ խաչիւ տայր տանել, և զիւր զամենայն սատանայական ստութիւնն նոքօք ծածկէր: Դնէր զինքն յաստուածպաշտութեան կարգի, և զամենայն կողմ ուրացելոցն. առաւել զինքն հաւաստէր

հաստատուն քան զամենայն զօրսն Հայոց. Երդնոյր և հաստատէր, ևս և զամենայն հրամանս թողութեան յարքունուստ ցուցանէր:

Այն էին և կամք Յունաց աշխարհին, լսել զայն ախորժութեամբ. այլ ի ձեռն նորա առաւել ևս ինոյն յեղեալ տապալեցան:

Մոյնպէս առնէր և ընդ ամենայն կողմանս ամրականաց աշխարհին, ի Տմորիսն և ի Կորդիսն, յԱրցախ և յԱղուանսն, ի Վիրս և յաշխարհն Խաղտեաց. յդէր պնդէր՝ զի ասպնջականութեան ոք արժանի մի՛ արտացէ։ Եւ ըստ մեծի չարութեան նորա առաւել ևս ժամանակն երեր նմա զյաջողութիւն իրացն. զի ամենսին արտաքուստ օգնական ոք ոչ գտաւ գնդին Հայոց, բաց յայնց Հոնաց՝ որոց բանս եղեալ էր։ Սակայն և վասն նոցա կուտեաց զբազում այրուծին Արեաց, արգել և փակեաց զդրունս ելի նոցա. քանզի ոչ տայր դադար ամենսին թագաւորին Պարսից, այլ յդէր և կոչէր զգունդս բազումս ի պահակն Ճորայ և զՎըրաց աշխարհին բովանդակ գումարէր, զգօրուն Լինաց և զՃզբաց, և զՎատն, զԳաւն և զԳղուարհն և զԽրսանն և զՀեճմատակն, զՓասին և զՓոսին և զՓիւքուան և զա-

մենայն զօրսն Թաւասպարանն, զլեռնայինն և զգաշտայինն, և զամենայն ամրակողմն լերանցն։ Էր զոր կարստեաւ, մեծաւ պարզեօք և առատաձեռն բաշխելով զգանձսն արքունի, և էր զոր հրամանաւ թագաւորին սաստիւ տագնապէր:

Զայս ամենայն իբրև արար և կատարեաց ըստ հրամանի թագաւորին, օր ըստ օրէ զրէր և ցուցանէր մեծ հազարապետին Պարսից, որ զօղեալ և թաքուցեալ էր ի քաղաքն Փայտակարան։ Համարձակեցաւ այնուհետեւ և նա ցուցանել զինքն բազում ազգաց. էր որոց ահ արկանէր, և էր որոց սիրով պարզես բաշխէր. կոչէր առ ինքն զՎասակ, և որք ընդ նմա իշխանքն ամենսիքեան, բազում պարզես շնորհէր նոցա յարքունուստ, և զօրացն որ ինորա բանի էին։ Տարեալ էր զառաջեաւ և զուրացեալ երիցունսն. ցուցանէր, հաստատէր և յայտ ասնէր, եթէ սոքօք որսացայց զնոսա՝ քակտել ի միաբան ուխտէն։ Իսկ հազարապետն իբրև զայն լաէր՝ յոյժ շնորհակալ լինէր երիցանցն, և յոյս առաջի դնէր նոցա. «Եթէ լիցի մեր յաղթութիւնդ զայլոց քահանայից կեանս դոցա շնորհեցից, և զմեծ վաստակ դոցա ցուցից թագաւորին»։

Եւ այսպէս շարժեաց և շփոթեաց զաշխարհն Հայոց, մինչև զբագում եղբարս հարազատս քակեաց ի միմեանց. ոչ եթող միաբան զհայր և զորդի, և ի մէջ խաղաղութեան արար խռովութիւն։

Եւ անդէն իսկ յիւրում աշխարհին եղբօրորդիք երկու էին նորա ի սուրբ ուխտին առաքինութեան. զրեաց և եցոյց վասն նոցայարքունիս, և էառ իշխանութիւն ի վերայ կենաց նոցա, մերժեաց և եհան գնոսա յաշխարհէն, զի մի՛ այլ դարձցին անդրէն։ Հաւածեաց և փախոյց զամենայն միայնակեացս աշխարհին, ոյք հայրոյէին զանդարձ ամբարշտութիւն նորա։ Արար և կատարեաց զամենայն չարիսն ընդդէմ ճշմարտութեանն. և զոր ինչ ոչ գիտէին անօրէն հեթանոսն՝ իմացուցանէր նոցա, և վասն ուխտին քրիստոնէութեան՝ եթէ նրալէս հնարիւք կարասցէ բառնալ յաշխարհէն Հայոց։

Զայս ամենայն չարիս իբրև ետես ի նմա Միհրներսեն, քան յանձն իւր՝ առաւել ի նաէր յուսացեալ։ Հարցանէր և ստուգէր՝ թէ քանի՛ այր կայ ի Հայոց աշխարհին ի գնդին Վարդանայ ընդ ամենայն բազմութիւնն։ Իբրև լուաւ ի նմանէ՝ թէ աւելի քան զվաթսուն հազար են, խնդրէր ևս տեղեկութիւն

վասն իւրաքանչիւր անձին քաջութեան, և կամ քանի՛ այն ոք իցեն որ սպառագէնքն իցեն, և կամ քանի՛ այն ոք իցեն որ մերկ առանց զինու աղեղնաւորք իցեն. սոյնպէս և վասն վահանաւոր հետևակցացն։

Եւ իբրև լուաւ զթիւ համարոյ բազմութեանն, առաւել ևս փութացաւ ուսանել՝ թէ քանիք իցեն պարագլուխք քաջ նահատակցն, զի երիս ընդ միոյ պատրաստեացէ առ մի մի ի նոցանէ. թող զայլն ամենայն։ Այլ և զրօշից անգամ իւրաքանչիւրոց տեղեկանայր ի նմանէ. և թէ քանի գունդ զզօրսն բաժանիցեն, և որ ոք ի նոցանէ սաղարք լինիցին, և որ զօրագլուխ յորմէ՛ կողմանէ յուազմ մտանիցէ, և զինչ անուանք իւրաքանչիւր համհարզացն իցեն, և քանի փողահարք ի մէջ գնդին ձայնիցեն։ Ղակի՞շ գործիցեն արդեւք, եթէ արծակ բանակեսցին. ճակատ առ ճակատ գործիցեն, եթէ համագունդ ընդ մի տեղի դրդիցեն։ Ո՛ ոք ի նոցանէ յերկբայս կայցէ, և կամ ո ոք ի նոցանէ զանձն ի մահ գնելով գուն գործիցէ։

Եւ իբրև զայս ամենայն տեղեկացաւ ի նմանէ, կոչէր զամենայն զօրագլխեանն, պատուէր հրամանի տայր ամենեցուն յանդիման նորա, զի խրատու նորա լուիցեն

ամենեքեան։ Եւ զամենայն զօրսն զօրադըլ-
խօքն հանդերձ յանձն առնէր առն միում
յաւագացն՝ որում անուն էր Մուշկան Նի-
սալաւուրու։

Եւ ինքն խաղայր անդէն դնայր յերկիրն
արևելից. և յանդիման եղեալ մեծի թագա-
ւորին, պատմէր զամենայն անցս իրացն,
զիւր հնարաւոր իմաստութիւնն և զվասա-
կայ խարեբայ պատրանս հայթայթանացն.
որպէս զառաջինն զիւր զամբարշառութիւնն
կամեցաւ ծածկել այնու՝ զի քակեալ երկ-
պառակեաց զգունդն Հայոց։

Իբրև լուաւ զայս ամենայն թագաւորն
ի բերանոյ մեծ հազարապետին, զառնացաւ
յանձն իւր, և ասէ անսուտ երդմամբ. «Եթէ
ապրեսցի անօրէնն այն ի մեծ պատերազմէն,
մեծաւ անարդանօք տամ ըմպել նմա զբա-
ժակն դառնութեան մահու»։

ՀԲԵԳԵՐՈՐԴ ՅԵՎԱՆԱԿ

ՅԱՐՁԱԿՈՒՄՆ ԱՐԵՒԵԼԵԱՅՅ

Մեծ է սէրն Աստուծոյ քան զամե-
նայն մեծութիւն երկրաւոր. և
այսպէս աներկեւզս առնէ զմարդիկ՝ իբրև
զանմարմին զօրս հրեշտակաց. որպէս անդը-
տին ի սկզբանէ, է տեսանել զբագումս բա-
զում անդամ ի բազում տեղիս. Մարդիկ, որ
սիրով Աստուծոյ իբրև զինու վառեալք էին,
ոչ ինչ խնայեցին զանդիտելով իբրև զանարի՝
գոլով վատասիրաք, կամ ի մահ անձանց,
կամ յափշտակութիւն ընչից, կամ ի խող-
խողումն սիրելեաց, կամ ի գերութիւն ըն-
տանեաց, ելանել ի հայրենի երկրէն և ան-
կանել ի սարկութիւն յօտարութեան. առ
ոչինչ համարեցան զայս ամենայն անցս
չարչարանացն, այլ միայն միաբան կալ ընդ
Աստուծոյ, զի ի նմանէ միայն մի՛ գերի ել-
ցեն. և ամենայն երկելի մեծութեանս զնա-

բաւական համարեցան՝ ընտրեալ ի միտո
իւրեանց: Եւ զուրացութիւնն մեռելութիւն
վարկանէին, և զման վասն Աստուծոյ՝ ա-
նանց կենդանութիւն, և ծառայել յերկրի՝
ազատութիւն կենաց իւրեանց, և ընկենուլ
գանձինս յօտարութիւն՝ ընդ Աստուծոյ
դիւտից:

Որպէս յայսմ ժամանակի տեսաք աչօք
մերովք, զի զնոյն նահատակութիւն նահա-
տակեցաւ և աշխարհս Հայոց:

Քանզի իբրև ետես մեծն Վարդան զերկ-
պառակութիւն աշխարհին իւրոյ, ոչ ինչ
թերահաւատութեամբ զանդիտեաց: Թէպէտ
և ստուգեալ գիտաց զբազմաց այլոց ևս
զերկմտութիւն՝ որ դեռ ևս ընդ նմա միա-
բանեալք էին, քաջալերեցաւ յանձն իւր և
քաջալերեաց զզօրսն իւր. քանզի ինքն իսկ
բռնացեալ ունէր զթափաւորանիստ տեղին
միաբանութեամբ նախարարացն, որ ոչ քա-
կեցան ի սուրբ ուխտէն: Հրաման տուեալ
ամենայն զօրացն ժողովել յԱրտաշատ քա-
ղաք, փոխանակ յետս կացելոցն որ ելին
զհետ իշխանին Սիւնեաց, զեղբարս կամ
զորդիս կամ զեղբարցն որդիս ի տեղի նոցա
մատուցանէր, և զիւրաքանչիւր զօրս տայր

նոցա, զի դեռևս ինքն ունէր զամենայն
աշխարհն:

Եւ փութով ամենեքեան ի տեղի պա-
տերագմին եկեալ հասանէին իւրաքանչիւր
զօրօք և ամենայն պատրաստութեամբ, նո-
քա և որ բունքն հաստատուն կացեալ էին
ի տեղւոջն.

Ներշապուհ Արծրունի,

Եւ Խորէն Խորխոռունի,

Եւ ինքն Սպարապետն,

Եւ Արտակ Պալունի,

Եւ Վահան Ամատունի,

Եւ գունդն Վահեունեաց,

Եւ Թաթուլ Դիմաքսեան,

Եւ Արշաւիր Արշարունի,

Եւ Շմաւոն Անձաւացի,

Եւ Տաճատ Գնթունի,

Եւ Ատոմ Գնունի,

Եւ Խոսրով Գաբեղեան,

Եւ Կարէն Սահառունի,

Եւ Հմայեալ Դիմաքսեան,

Եւ մեւս ևս այլ Դիմաքսեան Գազրիկ,

Եւ Ներսէն Քաջբերունի,

Եւ Փարսման Մանդակունի,

Եւ Արսէն Ընձայացի,

Եւ Այրուկ Սլկունի,

Եւ Վրէն Տաշրացի,
Եւ Ապրսամ Արծրունեացն,
Եւ Շահիսոռապետն արքունի,
Եւ Խուրս Սրուանձտեաց,
Եւ Քողեանքն և Ակէացիքն և Տրպասունիքն, և զօրքն Ռըշտունեաց, և ամենայն գործակալքն արքունի իւրաքանչիւր զօրօքն հանդերձ:

Սոքա ամենեքեանն համագունդք հասանէին ի գործ պատերազմին ի դաշտն Արտազու, և լինէր հանդէս համարուն վաթսուն և վեց հազար այր ընդ հեծեալ և ընդ հետևակ:

Եկին ընդ նոսա սուրբքն Յովսէփ և Ղեռնդ երէց, և բազում և այլ քահանայք, և ևս բազմազոյն պաշտօնեայք: Քանդի ոչինչ զանդիտեցին և նոքա զալ ընդ նոսին ի գործ պատերազմին. զի ոչ եթէ մարմնական համարէին զկոկին, այլ հոգեոր առաքինութեան. ցանկային մահակից լինել քաջ նահատակացն:

Ակսաւ սպարապետն խօսել միաբանութեամբ նախարարացն ընդ զօրսն և ասէ.

«Ի բազում պատերազմունս մտեալ է իմ, և ձեր ընդ իս. է ուրեք զի քաջապէս յաղթեցաք թշնամեացն, և է ուրեք զի նոքա

մեղ յաղթեցին. և բազում այն է որ յաղթող գտեալ եմք և ոչ յաղթեալք: Եւ միանգամայն այն ամենայն էին մարմնոյ պարծանք. քանդի հրամանաւ անցաւոր թագաւորին մարտնչէաք: Որ փախչէր՝ վատանուն յաշխարհի երեկը, և անողորմ մահ ի նմանէ գտանէր. իսկ որ քաջութեամբ յառաջ մատչէր՝ քաջ անուն ազդի ժառանդէր, և պարզես մեծամեծս յանցաւոր և ի մահկանացու թագաւորէն ընդունէր: Եւ մեք իսկ աւասիկ յիւրաքանչիւր մարմինս ունիմք վէրս և սպիս բազումս և բազում այն քաջութիւն իցէ՝ վասն որոյ առեալ իցէ և պարզես մեծամեծս: Անարդ և անօգուտ զքաջութիւնսն համարիմ, և առ ոչինչ զպարզեսն բազումս. վասն զի ամենեքեան խափանելոց են:

«Իսկ արդ եթէ վասն մահկանացու հըրամանատուին զայն արութիւնս կատարէաք, որչափ ևս առաւել վասն անուման թագաւորին մերոյ, որ ամէրն է կենդանեաց և մեռելոց, և գտաելոց է զամենայն մարդ ըստ գործոց իւրոց: Ապաքէն եթէ կարի շատ յառաջ մատուցեալ ծերացայց, սակայն ելանելոց եմք ի մարմնոյ աստի, զի մտցուք առ Աստուած կենդանի, որ ոչ ևս ելանիցեմք ի նմանէ:

«Արդարաշեմ զձեղ, ովքաջ նիկակակացք իմ. մանաւանդ զի բազումք ի ձէնջ լաւագոյնք էք քան զիս արութեամբ, և դահու ի վեր ըստ հայրենի պատույն. բայց յորժամ ձերով կամօք և յօժարութեամբ առաջնորդ և զօրագլուխ ձեղ կացուցէք, հեշտ և բաղձալի թուեսցին բանք իմ ի լսելիս մեծամեծաց և ի փոքունց: Մի երկուցեալ զանդիտեսցուք ի բազմութենէ հեթանոսացն, և մի՛ յահազին սրոյ առն մահկանացուի զթիկունս դարձուացուք. զի եթէ տացէ Տէր յաղթութիւն ի ձեռս մեր, սատակեսցուք զզօրութիւն նոցա, զի բարձրացի կողմն ճշմարտութեան. և եթէ հասեալ իցէ ժամանակ կենաց մերոց սուրբ մահուամբ պատերազմիս, ընկալցուք իւրնդութեամբ սրտիւ. բայց միայն յարութիւնս քաջութեան՝ վատութիւն մի՛ խառնեացուք:

«Մանաւանդ զի անմոռաց է ինձ, յիշելով զիմ և զոմանց ի ձէնջ, ի ժամանակին՝ զի զանօրէնն իշխան խարեցաք պատրեցաք իբրև զմանուկ մի տղայ անպիտան. իբր այն եթէ ի վերին երեսս զկամս նորա ամբարըշտութեանն կատարեցաք. բայց ի ծածուկ զխորհուրդս Տէր ինքնին վկայէ մեզ, որպէս անքակ կացեալ եմք ի նմանէ: Զոր և դուք

ինքնին իսկ զիտէք, վասն սիրելեաց մերոց որ ի մեծի նեղութեան էին՝ հնարս ինդրէաք վասն յանդորր համելոյ. զի նոքօք հանդերձ մարտ եղեալ կուռեսցուք ընդ անօրէն իշխանին վասն հայրենի աստուածատուք օրինացն: Եւ իբրև նոցա ոչ ինչ կարացաք օգնել, անհնար լիցի այս՝ եթէ վասն մարմանաւոր սիրոյ զԱստուած ընդ մարդկան փոխանակիցեմք:

«Իսկ արդ յերկուս և յերիս կոփւս Տէր ինքնին մեծաւ զօրութեամբ օգնեաց մեզ, որպէս զի զանուն քաջութեան ժառանգեցաք, և զզօրմ անողորմ սատակեցաք, և զպրծութիւն կոապաշտութեանն ի տեղեաց տեղեաց սրբեցաք, զանօրէն հրաման թագաւորին եղծաք սպականեցաք, զիսովութիւն ծովուն ցածուցաք, լեառնացեալ ալիքն դաշտացան, բարձրագէզ փրփուրն սպառեցաւ, գագանացեալ սրտմտութիւնն դադարեաց: Որ ի վերայ ամալոց որոտայր, նկուն եղեալ քան զսովորական բնութիւնն ի վայր գտաւ՝ ընդ մեզ խօսելով: Որ բանիւ հրամանաւ կամէը կատարել զչարութիւնն իւր ի վերայ սուրբ եկեղեցւոյ, արդ աղեղամբ և նիզակաւ և սրով կոռի: Որ իբրև զհանդերձ

կարծէր ունել մեզ զքրիստոնէութիւնն, արդ
իբրև զգոյն ի մարմոյ՝ չկարէ շրջել, թե-
րես և ոչ այլ կարասցէ մինչև ի կատարած:
Քանզի հիմունք սորա հաստատութեամբ
եղեալ են ի վերայ վիմին անշարժութեան,
ոչ ի վերայ երկրի, այլ ի վեր յերկինս, ուր
ոչ անձրեք իջանեն և ոչ հողմք շնչեն և ոչ
հեղեղս յարուցանեն: Եւ մեք թէպէտ և
մարմնով յերկրի եմք, այլ հաւատով յերկինս
եմք շինեալ, ուր ոչ ոք կարէ հասանել
յանձեռագործ շինուածն Քրիստոսի:

«Հաստատուն կացէք յանշուշտ զօրա-
գլուխն մեր, որ ոչ երբէք մոռասցի զգործու-
նահատակութեան ձերոյ: Ո՞վ քաջք, մեզ
այս մեծապէս է՝ զոր կատարեաց Աստուած
ի ձեռն մերոյ բնութեանս, յորում և զօրու-
թիւնն Աստուծոյ մեծապէս երկի: Զի եթէ
զայլս կոտորելով ի վերայ աստուածային
օրինացն՝ պարծանս անձանց ժառանգեցաք,
և զքաջ անուն ազգատոհմին մերոյ թողաք
եկեղեցւոյ, և վարձուց ակնկալութիւն ի
Տեառնէ է՝ որ պահի իւրաքանչիւր ուսեք
ի մէնջ ըստ սրտին յօժարութեան և ըստ
գործոց առաջարկութեան, որչափ ևս առա-
ւել եթէ մեք մեռանիցիմք ի վերայ մեծի
վկայութեան Տեառն մերոյ Յիսուսի Քրիս-

տոսի, որում և երկնաւորքն են ցանկացեալ,
եթէ գոյր հնար: Եւ զի այս պարզեք ոչ
ամենեցուն է անկ, այլ որում պատրաստի
ի բարերար Տեառնէն, և մեզ այս ոչ եթէ
յարգար գործոց ինչ պատահեաց, այլ յան-
նախանձ պարզեատուէն. որպէս և ասէ իսկ
ի սուրբ կտակարանին. «Ուր առաւել եղեն
մեղքն, անդէն առաւելան շնորհքն Աստուծոյ»:

«Եւ մեզ կարի քաջ ի գէպ ելանէ հրա-
ման պատախանւոյս այսորիկ. որպէս և
առաւելապէս երենցաք մարդկան ամբարըշ-
տեալք, կրկին առաւելապէս երենցուք
արդարացեալք մարդկան և հրեշտակաց և
Հօրն ամենեցուն: Զի որ օր լուսն ապաքէն
զմէնջ մարդիկ ի զործ ամբարշտութեանն,
արտասուս բազում հեղան ի սուրբ եկեղեց-
ւոջն, և ևս բազմագոյն ի մէջ սիրելեացն
մերոց: Նա և ընկերք մեր սրով սրտմտեալ
սպառնային մեզ, և մահ դառնութեան ի
վերայ հասուցանել կամէին. և ծառայքն
մեր սարտուցեալ վախչէին ի մէնջ: Եւ հե-
ռաւորաց, որոց լուեալ էր զանուն քրիս-
տոնէութեան մերոյ, քանզի ոչ էին տեղեակ
խորհրդոցն մերոց, ողբս ի բերան առեալ
անդադար աշխարէին զմեզ, և անդիտու-
թեամբ հայհոյութիւնս բազումս խօսէին

զմէնջ։ Եւ որ մեծն քան զասենայն ասացից-
ոչ միայն մարդիկ յերկրի՝ այլ և հրեշտակը
յերկինս գերեսս իւրեանց դարձուցին ի
մէնջ, զի մի՛ տխուր դիմօք հայեացին ի մեզ։
«Եւ ահա եկն եհաս ժամանակ, զի զա-
մենայն զկեղտ անուն ի մէնջ ի բաց բարձ-
ցուք։ Յայնժամ իրրե զթախծեալ սկաւոր՝
յոգի և մարմին էաք արտմեալք, այսօր
զուարթացեալ և զգաստացեալք յերկոսեան
առ հասարակ եմք լրջացեալք։ Քանզի և
զՏէրն բարերար ընդ մեզ տեսանեմք յա-
ռաջնորդութիւն։ Հէ մեր մարդ զօրավար,
այլ զօրագլուխն ամենայն մարտիրոսաց։
Երկեւդ՝ թերահաւատութեան է նշանակ.
զթերահաւատութիւն մեք ի մէնջ վաղ մեր-
ժեցաք, ընդ նմին և երկեւդն փախիցէ ի
մտաց և ի խորհրդոց մերոց։»

Զայս ամենայն առաքինի զօրավարն խօ-
սեցաւ ընդ ամենայն բազմութեանն. դար-
ձեալ և զմի մի ի նոցանէ քաջալերէր ի
ծածուկ և սրտապնդէր, և զամենայն պա-
կասութիւն աղքատութեան լոյր։ Որոյ ոչ
ինչ գոյր զօրականին՝ յանձնէ և յընկերաց
մատուցանէր. որոյ զէն չէր՝ զէն պատրաս-
տէր, և որում հանդերձ պիտոյ էր՝ հանդերձ

զգեցուցանէր, և որում երիվար՝ երիվար
տայր։ Եւ առատ ոռճկօք ուրախ առնէր
զամենեսեան, և զուարթազին զինքն ցու-
ցանէր ամենեցուն։ Եւ ըստ պատերազմա-
կան կարգին՝ զքաջ արանց զյիշատակարանս
հանապազ երկրորդէր առաջի նոցա. զի և
ինքն իսկ տեղեակ էր ի մանկութենէ իւրմէ
սուրբ կտակարանաց։ Զոր և ի ձեռն առեալ
զքաջ նկարագիրն Մակաբայեցւոց ընթեռ-
նոյր ի լսելիս ամենեցուն, և յորդառատ
բանիւք զելս իրացն իմացուցանէր նոցա,
որպէս մարտուցեալ կոռւեցան ի վերայ աս-
տուածատուր օրինացն ընդդէմ թագաւորին
Անտիքացւոց։ Զի թէպէտ և ի նմին կա-
տարեցան մահուամբ, ոսկայն անուն քա-
ջութեան եկաց մինչև ցայսօր ժամանակի,
ոչ միայն յերկրի՝ այլ և անմոռաց յերկինս։
Նա և զայն յուշ առնէր զօրականին, որպէս
ազգաստհնն Մատաթեայ քակտեալ բաժա-
նեցան ի միութենէ նորա, դարձան ի հրա-
ման թագաւորին, շինեցին մեհեանս, մա-
տուցին զոհս պղծութեան, խոտորեցան
յԱստուծոյ, և ընկալան զպատիժս պատու-
հասի մահուան ի սուրբ միաբանելոցն. իսկ
Մատաթի և որք ընդ նմայն էին՝ ոչ ինչ
լքեալ թուլացան, այլ ևս առաւելապէս

պնդեցան, և ձեռնամուխ եղեն ի գործ պատերազմին բազում ժամանակս։ Զայս ասէր, և անդէն ի դաշտին զտեղի առեալ՝ զզօրսն զետեղէր, և յամենայն կողմանց տակաւ զայրութին կազմէր։

Իսկ յետ ոչ բազում աւուրց զօրավլուխն Պարսից խաղայր գայր ամենայն հեթանոսական բազմութեամբն. և եկեալ հասանէր յաշխարհն չայց ի չեր և ի Զարեւանդ գաւու։ Եւ անդէն զտեղի առեալ նորա ի գաւառին՝ բանակ բոլորէր, փոս հատանէր, պատնէշ կանգնէր, շերտաւոր փակէր, ամրացուցանէր իբրև զբաղաք ամենայն պատրաստութեամբ։ Գունդ բազում հատանէր ի զօրաց նորա, ասպատակաւ արշաւէր, յաւարի առնուլ կամէր զգաւառս բազում։

Զայն իբրև լուան զօրքն չայց, սեպուհ մի յազգէն Ամատունեաց Առանձար անուն ընտրեցին յամենայն զօրականէն՝ լի իմաստութեամբ և քաջութեամբ։ Ել ընդ առաջ նորա հազարօք երկու, հար սատակեաց զբազմութիւն գնդին, և զմնացեալն ի նուցանէ անդրէն փախստական ի բանակն արկանէր։ Եւ ինքն ողջանդամ այսրէն դառնայր, և լինէր տօն ուրախութեան մեծ յաւուրն յայնմիկ զօրացն չայց։

Դարձեալ միւսանգամ ուրացեալն Վասակ անդրէն ի հնարս հայթայթանաց մտանէր ըստ առաջին կեղծաւորութեանն իւրոյ. շրջեցաւ ի ձեռն սուտ երկցանցն՝ զոր յառաջազոյն ասացաք, նոքօք հրամանաւ արքունի ի պատգամաւորութիւն խօսէր, և երդմամբ հաստատէր զքրիստոնէութիւնն անդրէն ունել։

Եւ զայս արարեալ զբազում աւուրս՝ ոչ կարաց զմիաբանութիւնն քակտել, մանաւանդ զսուրբ ուխտ եկեղեցւոյն, որ ոչ էր հեռացեալ ի զօրականէն։

Որպէս երանելի երէցն Նեւոնդ հրաման առեալ ի սուրբ ընկերացն՝ ի մեծէն Յովսէփայ և յամենայն մեծամեծացն, ի քահանայիցն և ի զօրավլիսացն, երաց զբերան իւր և ասէ բարձր բարբառով առաջի հրեշտակացն։

«Յիշեցէք ամենեքեան զհարսն զառաջիսս, որ յառաջ քան զծագումն Որդւոյն Աստուծոյ յիւրաքանչիւր ժամանակս։

«Քանողի իբրև մերժեաց և ընկէց զմեղ չարն յաստուածային տեղւոյն, գտաք մեք անկեալք ընդ անողորմ դատաստանօք ըստ մեղացն յանցաւորութեան, որ ի կամս ա-

զատութեան մերոյ գործեցաք զանարժանս, և զարարչական զօրութիւնն շարժեցաք ի վերայ մեր ի ցասումն բարկութեան, և զողորմած դատաւորն յուզեցաք վրէժ առնուլ անաչառութեամբ յարարածոցս. մինչեւ հրաման տուեալ երկնային ծովուն հեղուլ ի վերայ ցամաքիս, և հաստատուն յատակը երկրիս ծակուեալ՝ ընդէմ զհակառակսն գործեցին: Վերինք և ներքինք եղեն մեզ գործիք աանջանաց՝ առանց բարեխօսի վրէժ առնուլ յանցանաց մերոց:

«Ապաքէն արդարն նոյ միայն գտաւ կատարեալ յազգի մարդկութեանս, որ ցածոյց զսրտմտութիւն բարկութեան տերունեան ցասմանն, և եղեւ սկիզբն առաջարկութեան առ աճումն բազմութեան մարդկային ազգիս: Դարձեալ և Աբրահամ ի փորձութեանն իւրում գտաւ առաքինի, և զընկալեալ պարգևն յԱստուծոյ՝ ինքեան ձեռօք փոխ անդրէն նմին մատուցանէր. վասն այսորիկ և յառակս ընկալաւ զնա Աստուած, զի ի նմա տոլաւորեալ տեսանէր զաներեսյթ գալուստ Որդւոյն Աստուծոյ, և զըմբռնումն անըմբռնելոյն և զգենումն անմահին, որ իւրով մահուամբն խափանեաց զիշխանութիւն մահու: Եւ եթէ մահուամբ մահ մեռանի, մի՛

երկիցուք մահակիցք լինել Քրիստոսի. զի ընդ որում մեք մեռանիմք, ընդ նմին և կենդանանամք:

«Յիշեցէք, առաքինիք, զմեծն Մովսէս, որ մինչչեւ հասեալ էր յարութեան հասակն՝ խորհուրդ սուրբ նահատակութեանն ի տիս տղայութեանն երեկը նմա, և տուն թագաւորին Եգիպտացւոց ի ծառայութիւն մտանէր նմա, և ակամայ գայեկութեամբ մնուցանէր զնա. և ի ժամ փրկելոյ զժողովուրդն ի նեղութեանէն՝ միջնորդ եղեւ երկնի և երկրի, միանդամայն և աստուած անուանեցաւ ի վերայ Եգիպտացւոցն: Քանզի ուր գտաւ սուրբ խորհուրդն զօրացեալ՝ անձամբ իւրով վրէժ առնոյր յԵգիպտացւոցն. իսկ ուր աստուածային յայտնութիւնն ի վերայ նորալինէր, ի ձեռն գաւաղանին գործէր զմեծամեծ սքանչելիսն: Եւ վասն սուրբ նախանձուն զոր ունէր՝ եհար զԵգիպտացին և ընդառաջեաց. վասն որոյ զմեծ անուն դնէր նմա, և առաջնորդ ժողովրդեանն զնա կացուցանէր: Եւ բազում այն է՝ որ հեղմամբ արեամբն արդարացաւ, և անուանեցաւ մեծ քան զամենայն մարգարէս. ոչ միայն զարտաքին թշնամիսն կոտորելով, այլ և զազ-

գատոհման՝ որ փոխանակեցին զԱստուածընդ որթուն յանապատին:

«Եւ եթէ նա ի հեռուստ այնպիսի վրէժինդրէր գալատեան Որդւոյն Աստուծոյ, մեք որ ականատեսք եղաք, և մեծապէս վայելեցաք յերկնաւոր պարզեան շնորհաց նորա, ևս առաւել պարտիմք վրէժինդիր լինել մօտակայ ճշմարտութեանս: Որ եդ մահուամբ զանձն իւր ի վերայ մեղաց մերոց, արդարացոյց զմեզ յանհնարին դատապարտութենէն, դիցուք և մեք զանձինս մեր մահուամբ ի վերայ անմահ զօրութեանն, զի մի՛ նուազք քան զվրէժինդիրսն առաջինս գրտանիցիմք:

«Յիշեցէք զմեծ քահանայն Փենեհէզ, որ սպանմամբ երարձ զպղծութիւնն ի ժամ պատերազմին, և ազգէ յազգ երդմամբ հաստատեաց զքահանայութիւնն: Մի՛ մուանայք և զսուրբ մարգարէն զեղիաս, որ ոչ կարէր հանդարտել հայել ի կուապաշութիւնն Աքաբու. և արդար նախանձուն իւրոյ զութ հարիւրսն ինքեան ձեռօք սատակեաց, և զերկուս յիսունսն անշէջ հրոյն մատուցանէր լուցիս. և զաստուածային վրէժն խնդրելով՝ անըմբանելի և ահագին կառօքն յերկրէ ի յերկինս վերացաւ: Դուք՝ Եւս մեծի մասին

վիճակի հասեալ էք. զի ոչ ևս կառք առաքին ձեզ ի վերացումն, այլ ինքնին Տէրն կառաց և երիվարաց հզօր զօրութեամբ և սրբովք հրեշտակօք ընդ առաջ եկեալ՝ ձեզ իւրաքանչիւր թես բուսուցանէ. զի նորա ուղեկիցք լինիցիք և նմին քաղաքակիցք:

«Եւ այլ զի՞նչ ևս երկրորդեցից առաջի ձերոյ քաջ նահատակութեանդ. զի քան զիս տեղեկագոյնք և հմուտք էք սուրբ կտակարանացն: Դաւիթ ի մանկութեան ժամանակին քարիւ կործանեաց զմեծ բլուրն մսեղէն, և ոչ ինչ զանդիտեաց յահագին սրոյ հսկային. ցրուեաց զգունդս այլազգեացն, և ապրեցոյց զզօրսն ի մահուանէ, և զժողովուրդսն ի գերութենէ. և եղեւ անդրանիկ թագաւորացն Իսրայելի, և անուանեցաւ հայը Որդւոյն Աստուծոյ: Նա անուանեցաւ առ ի պէտս ժամանակին, և դուք ճշմարիտ ծնեալք ի սուրբ Հոգւոյն՝ որդիք էք Աստուծոյ և ժառանգակիցք Քրիստոսի: Մի՛ ոք զձեր բաժինն ի ձէնջ հատանիցէ, և զձեզ օտարախորթս արարեալ՝ տարաբաժին հանիցէ:

«Յիշեցէք զամենայն զօրավարսն զառաջինս Իսրայելի, զՅեսու, զԳեղէովն, զԵփթայեա և զայլս ամենեսեան, որք ճշմարիտ հաւատովք էին, հարին կոտորեցին զզօրսն

հեթանոսաց, և սրբեցին զերկիրն ի պիղծ կռապաշտութենէն: Եւ վասն հաստատուն արդարագործութեանն՝ որ ոչ ինչ երկմտեցին ի խորհուրդս իւրեանց, արեգակն և լուսին առանց ականջաց լուան և կատարեցին զբան հրամանի նոցա. ծով և գետք ճանապարհ գործեցին առաջի նոցա ըստ ոչ սովորութեան: Եւ բարձրացեալ պարիսպք քաղաքին Երիքովի ձայնիւ լոկով անկեալ կործանեցան ի վրէժինդրութիւն օրինացն արդարութեան: Եւ այլքն ամենայն՝ որ ըստ հաւատոց քաջութիւնս կատարեցին ի դարս իւրաքանչիւր, գովեցան ի մարդկանէ և արդարացան յԱստուծոյ:

«Ապաքէն նոյն Տէր է ի սկզբանէ և մինչեւ ցայսօր և առ յապա, և յաւիտենից յաւիտեանս, և անդր քան զամենայն յաւիտեանս: Ոչ նորոգի, զի ոչ հնանայ. ոչ մանկանայ, զի ոչ ծերանայ. ոչ փոփոխի անյեղեղուկ բնութիւնն Աստուծոյ. որպէս և ինքն ասէր բերանով սուրբ մարգարէիցն. «Ես եմ, ես եմ, ես նոյն եմ ի սկզբանէ մինչեւ յաւիտեան. ոչ տամ զփառս իմ այլում, և ոչ զքաջութիւնս իմ դրօշելոց»:

«Զայս գիտելով, եղբարք, մի՛ թուլութեամբ լքանիցիմք, այլ պնդութեամբ սըր-

տիւ և հաստատուն հաւատովք կամակար յարձակեսցուք ի վերայ թշնամեացն՝ որ յարուցեալ գան ի վերայ մեր: Մեր յոյսն մեզ կրկին երկի. եթէ մեռանիմք՝ կեանք, և եթէ մեռուցանեմք՝ մեզ նոյն կեանք առաջի կան: Յիշեսցուք զբանն Առաքելոյ, որ ասէ, թէ «Փոխանակ ուրախութեան որ նմա առաջի կայր՝ յանձն էառ զհամբերութիւն մահու, և մահու խաչի. վասն այսորիկ և Աստուծ զնա առաւել բարձրացոյց, և ետ նմա անուն՝ որ ի վեր է քան զամենայն անուն. զի յանուն Յիսուսի Քրիստոսի ամենայն ծունը կրկնեսցի Երկնաւորաց և Երկրաւորաց և սանդարամետականաց»:

«Եւ քանզի որ ճշմարտութեամբ միացեալ է ընդ Որդւոյն Աստուծոյ, հոգւոյն աչօք տեսանէ զաներեսոյթ յստակ լոյսն ճառագայթից իմանալի արեգակուն, որ յամենայն ժամ և յամենայն օր գեր ի վերոյ ծագեալ երկի ամենեցուն. և սրբատեսիլ և սրբահայեացս անպղսոր յստակութեամբ ձգտեցուցանէ զհայեցուածու, և թափանցանց եղեալ ընդ Երկինս՝ յանմատոյց տեսիլն մերձեցուցանէ, և կորովութեամբ կշռէ զերկրպագութիւն զերից հատուածոցն միարոր զօրութեան: Եւ արդ որ ընդ Աստու-

ծոյ աստիճաննոն ուսնփոխ եղեալ իցէ, և
բարձրութեամք յարքունիսն հասեալ, և զա-
մենայն մեծութիւն բովանդակ տեսեալ, նա
միայն է որ ժառանգէ զանանց ուրախու-
թիւնն և զանարտմական միխթարութիւնն:

«Մի, տեարք իմ պատուականք, մի՛
յետ այսչափ ի բարձունս վերանալոյ՝ այսրէն
յերկիր անկեալ թաւալիցիմք, այլ զտեղի
առեալ անդրէն ի բարձրութեանն հաստա-
տեսցուք: Թէպէտ և հայեսցուք ի ստորին
կողմ երկրիս, տեսանեմք զսա լի ամենայն
ապականութեամք և անսուրբ պղծութեամքք:
Քանզի զի՞նչ աղէտք տարակուսի են
որ ոչ գործին յերկրայինս ախտաբերս.
թշուառութիւնք աղքատաց և անթիւ չար-
չարանք նոցուն, աղցաւոր ծանրութիւնք
հարկահանաց, զզուանք և կոփանք ի բռնա-
ւոր ընկերակցաց, քաղց և ծարաւ ըստ
կարօտութեան բնութեանս: Սառնամանիք
ձմերայնոյ և խորշակք ամարայնոյ, հիւան-
դութիւնք տարաժամք և ախտք մահաբերք
հանապազ տանջեն զմարդիկ. երկեւդ ար-
տաքնոց, արհաւիրք ի ներքնոց անդադար ի
վերայ հասանեն. ցանկան մահու յառաջ քան
զժամանակն, և ոչ գտանեն. և բազումք են
որ փորեն և խնդրեն, և խնդալից լինին

յորժամ գտանեն: իսկ որ թուին մեղ եթէ
յաջողեալ իցեն ի մեծութեան և փափկանան
ուրախութեամք ի պակասելի կեանս, մե-
ծամուեալ հպարտանան յանցաւոր մասունս
աշխարհիս, նոքա են որ կուրացեալ են ի
ճշմարիտ կենացն: իսկ արդ զի՞նչ այն չա-
րիք իցեն որ ի նոսա ոչ գործիցին. ընդ
մեծութիւն խառնեալ է յափշտակութիւնն
ընչից աղքատաց, ընդ սուրբ ամուսնու-
թիւնն զէճ պղծութիւն: Յորս վայելենն
անընարութեամք, նոցուն երկրպագութիւնն
իբրև Աստուծոյ մատուցանեն, մոլորեալք
ի ճշմարիտ կենացն:

«Ո՞չ ահա ամենայն աշխարհա՝ արար-
չին բոլորեցուն է գոյացութիւն. և զոր
նոքայն պաշտեն և պատուեն՝ ապաքէն ի
սմին նիւթոյ է մասն. իսկ արդ մասունքն
մասանց կան ի ծառայութիւն: Զի եթէ
մի մասն աշխարհիս ապականացու է, հարկ
է թէ և ամենայն մասունքն ընդ նմին
ապականին: Նա և ի մասանց անտի՝ պարտ
է թէ և ընարութիւնք երեսցին. իսկ արդ
որ լաւ է՝ յայտնի է ամենեցուն, և որ
գիտեն իմանալ՝ նա է ընտիր ի մասանցն:
Ապա թէ այդ այդպէս է, քան զամենայն
պաշտամունս հեթանոսաց որում երկիր

պագանեն՝ երկրպագուքն են առաւելեալք քան զանբան տարերսն՝ որոց չարաշար կան ի ծառայութեան. և զէն Աստուած որ ի մարդ կերպարանեցաւ՝ չպաշտեն, այլ արարածոց տանին երկրպագութիւն. որոց մեղաց չիք քաւութիւն յարդար ատենին:

«Օ՞ն անդր ի բաց թողցուք զիսաւարային խորհուրդս մոլորելոցն. եղկելիս և ողորմելիս քան զամենայն մարդիկ զնոսա համարեսցուք. մանաւանդ զի կամօք են կուրացեալք և ոչ ի հարկէ, և ոչ երբէք գացեն զճանապարհն ձշմարտութեան. Այլ մեր բացահայեաց աչօք տեսեալ զլոյսն երկնաւոր, մի պատահեսցէ մեզ խաւարն արտաքին. Զի ոյք էին ի խաւարի, եկն առ նոսա լոյսն ձշմարիտ. կուրացեալք վրիպեցան ի կենացն. իսկ որք ընկալայքդ հաւատովք՝ որդիք էք և ոչ օտարախորթք, սիրելիք և ոչ թշնամիք, բաժանորդք և ժառանգորդք վերին իմանալի քաղաքին:

«Անդ է առաջնորդ վրկութեան մերոյ. աստ քաջութեամբ նահատակեցաւ, և զնոյն ուսոյց ամենայն նիզակակից գործակցաց իւրոց Առաքելոց. ընդ որս և դուք էք այսօր կրկին երևեալ, օրհնեալք հաւատովք ընդդէմ աներեւյթ թշնամւոյն, պատենազէն զրա-

հիւր դէմ ընդ դէմ ընկերակից սատանայական գործոյն. Եւ եթէ այսպէս և եթէ այնպէս, զերկոսեան կողմանսն ի պարտութիւն մատնէք, որպէս և Տէրն ինքնին արար աշխարհի. թուեցաւ թէ մեռաւ, այլ նայանժամ տարաւ զկատարեալ նահատակ առաքինութեանն. զախոյեանն ընկէց, զպատերազմն ենար, զթշնամինն ցրուեաց, զաւարն ժողովեաց, զգերիսն գարձոյց, զպարգևն բաշխեաց ամենայն սիրելեաց իւրոց ի ձեռն իւրաքանչիւր առաքինութեանց:

«Գիտէք դուք ամենեքեան. յառաջ ժամանակաւ հասեալ ձեր ի գործ պատերազմի, թէպէտ և էր ձեր սովորութիւն՝ քահանայից հանապազորդել ի մէջ բանակիս, ի ժամ ճակատուցն յանձնեալ ձեզ ի նոցանէ աղօթիւք՝ յամուր տեղուջ ուրեք թողուիք զնոսա. իսկ այսօր եպիսկոպոսք և երիցունք և սարկաւագունք, սաղմոսերգողք և զրակարդացք իւրաքանչիւր կարգեալ կանոնաւ՝ իբր վառեալք զինու և պատրաստեալք ի պատերազմ, կամին ընդ ձեզ յարձակել հարկանել զթշնամիսն ձշմարտութեան. Եւ եթէ մեռանել ևս հասանէ ի նոցանէ, սակայն և յայնմանէ ոչ են զանգիտելոց. քանզի լաւագոյն զմեռանելն կամին քան զմեռուցանելն:

«Որպէս զի կը կի լին աչս ստացեալ ունիցին. հաւասայ աչօք զքարկոծանս մարդարէիցն տեսանեն, և մարմնոյ աչօք զքաջութիւն ձերոյ նահատակութեանդ։ Մանաւանդթէ ի ձեզ զերկուեան իսկ տեսանեմք. քանզի և դուք իսկ տեսանէք զչարչարանս սուրբ առաքելոցն և զսպանմունս զամենայն քաջ մարտիրոսացն, որոց մահուամբն հաստատեցաւ սուրբ եկեղեցի, և հեղումն արեան իւրեանց եղե ի պարծանս վերնոցն և ներքնոց։ Արդ մինչեւ ի գալուստն երկրորդ՝ նոյն նահատակութիւն կատարի չարչարանօք առաքինեացն և ընտրելոց նահատակաց՝ յուրոց միջի և դուք էք համովիսացեալ այսօք, և հրաւիրեալ ի լուսաւորչացն ձեր սրբոց հասանել ի գունդս նոցա և ժառանգորդս խոստացելոցն լինել անանց բարութեանց ի Քրիստոսէ Յիսուսէ, որ է օրհնեալ յաւիտեանս»։

Յայս վայր խօսեցաւ ի գիշերին յայնմիկ սուրբ երէցն Ղետնդ, և փառարելով կատարեաց՝ զԱմէնն ասելով։ Եւ սեղան ուղղեալ՝ զամենասուրբը խորհուրդն կատարեցին. ուղղեցին և աւազան, և եթէ գոյր ոք երախայ ի բազմութեան գօրուն՝ զգիշերն

ամենայն մկրտեցին. և ընդ առաւօտս սուրբ օրինացն հաղորդեցան, և այնպէս լուսազգեստ եղեն։ որպէս ի տերունեան մեծի սուրբ զատկին։

Եւ սեծաւ զուարձութեամբ և յոյժ խնդութեամբ աղաղակեաց ամենայն բազմութիւն զօրացն և ասեն. «Հաւասարեսցէ մահ մեր ընդ մահու արդարոցն, և հեղումն արեան մերոյ ընդ արեան սուրբ մարտիրոսացն. և հաճեսցի Աստուած կամաւոր պատարագաւս, և մի՛ տացէ զեկեղեցի իւր ի ձեռս հեթանոսաց»։

ՎԵՅԵԲՈՐԴ ՅԵՂԱՆԱԿ

Պ Ա Տ Ե Բ Ը Բ Ա Զ Ո Յ

Յետ այսորիկ իբրև ետես զօրավար գնդին Պարսից՝ եթէ հատան պատգամաւորքն ի միջոյ խաբել զնոսա, և բարձաւ յոյս ակնկալութեան իւրոյ ցրուել ըզնոսա յանքակ միաբանութենէն, յայնմ ժամանակի յառաջ կոչէր զանօրէնն վասակ և զամենայն ուրացեալ իշխանսան, որ էին ընդ նմա յաշխարհէն Հայոց. հարցանէր զնոսա, և ուսանէր ի նոցանէ զնարագիտութիւն յաղթութեանն: Եւ իբրև հասեալ տեղեկացաւ զան առն իւրաքանչիւր քաջութիւնն, կոչէր և զբազումս իզօրագլխացն՝ որ էին ընդ իւրով ձեռամբ, և հրամայէր ածել զառաջեաւ զերամակս փղացն, և ի գումար գունդս զգացնան բաժանէր, և առ մի մի փիղ երեք հազար սպառազէնք, թող զայլ զօրս ամենայն:

Խօսէր և ընդ մեծամեծան արքունի հրամանաւ և ասէր. «Յիշեցէք այր իւրաքանչիւր զպատուէր մեծի թագաւորին, և գիք առաջի զանուն քաջութեան. ընտրեցէք զմանքան զկեանս վատութեամբ: Մի մոռանայք զեւդն և զպսակն և զուռան և զառատաձեռն պարզեան՝ որ շնորհի ձեզ յարքունուատ: Տեարք էք իւրաքանչիւր զաւառաց, և ունիք իշխանութիւն բազում. գուրք ձեզէն զիտէք զքաջութիւն աշխարհին Հայոց, և զան առն իւրաքանչիւր նահատակութիւն արութեան զփորձ առեալ ճանաչէք. գուցէ ձեր ի պարտութիւն մատնեալ՝ կենդանեաւ վրիպիցիք ի մեծ կենացն զոր ունիցիք: Յիշեցէք զկին և զորդիս ձեր, յիշեցէք զսիրելի բարեկամս ձեր. գուցէ ուսնհար լինիցիք յարտաքին թշնամնացն և ողբակիցք ի ներքին սիրելեացն»:

Նա և յուշ ևս առնէր նոցա զբազում ընկերակիցս վախուցեալս, որք թէպէտ և ի պատերազմէն ասլրեցան, սրով ընկալան զվճիւ մահուն իւրեանց. ուստերք և դստերք և ամենայն ընտանիք իւրեանց յանաշխարհիկս զրեցան, և ամենայն հայրենի զաւառք հատան ի նոցանէ:

Զայս ասէր, և առաւել քան զսոյն

սաստկացուցանէր գհրամանն արքունի: Կարգէր կազմէր զզօրսն ամենայն, և տարածանէր երկայնէր զճակասն յերկայնութիւն դաշտին մեծի: Եւ իւրաքանչիւր զաղանացն յաջմէ և յահեկէ զերեքհաղարեան սպառապէնսն պատրաստէր, և զընտիր ընտիր նահատակացն շուրջ զիւրեաւ գումարէր. և այսպէս ամրացուցանէր զգունդն Մատեան իբրև զաշտարակ մի հզօր և կամ իբրև զբերդ մի անմատոյց: Նշանս բաշխէր, դըրօշս արձակէր, և ի ձայն մեծի փողոյն պատրաստ հրամայէր լինել: Իսկ զգունդն զԱպարհացի, և զկատշացն և զՀոնաց և զԳեղաց, և զայլս ևս ամենայն զընտիր ընտիր զօրուն մարդիկ ի մի վայր ժողովէր, և հրաման պատուիրանի տայր ընդ աջմէ կողմանէ գնդին իւրոյ պատրաստ լինել ընդդէմ Հայոց զօրավարին:

Իսկ արին վարդան յառաջ մատուցեալ և զաւագանին հարցանէր, և միաբան ամենեցուն խրատու զզօրագլուխսն կարգէր այսպէս:

Զգունդն առաջին տայր ի ձեռն իշխանին Արծրունեաց, և նիզակակից նմա զմեծ իշխանն Մոլաց. և զայն ամենայն նախարարեան համհարզս երկոցունցն, և զամենայն

բազմութիւն գնդին թևս աստի և անտի կազմէր նոցա:

Եւ զգունդն երկրորդ տայր ի ձեռն Խորենայ Խորխոռունեաց, և նիզակակից նմա զինծայինն և զներսեհ Քաջրերունի:

Եւ զգունդն երրորդ մատուցանէր ի ձեռն Թաթլոյ Վանանդեցւոց, և նիզակակից նմա հրամայէր զՃաճատ Գնթունի, և զբազումս ի քաջ արանց աստի և անտի ի թևս նոցա:

Յանձն իւր առնոյր զգունդն չորրորդ, և նիզակակից իւր զքաջն Արշաւիր և ըգհարազատ Եղբայր իւր զՀամազասպեան:

Կարգէր և կազմէր զճակատն յորդորելով ընդ ամենայն երեսս դաշտին դէմ յանդիման Արեաց գնդին, առ ափն Տղմուտ գետոյն:

Եւ իբրև այս այսպէս պատրաստեցան, երկոքեան կողմանքն լի սրտմտութեամբ և մեծաւ բարկութեամբ զայրանային, և գազանացեալ զօրութեամբ յիրեարս յարձակէին երկոքեան. և ամբոխ աղաղակին երկոցունց կողմանց՝ իբրև ի մէջ ամպոց շփոթելոց՝ ճայթմունս գործէր, և հնչումն ձայնից զքարանձաւս լերանցն շարժէր. Ի բազմութենէ սաղաւարտիցն և ի փայլիւն պատենազէն վառելոցն իբրև նշոյլք ճառագայթից արե-

դական հաստանէին։ Նա և ի բազում սուսերացն շողալ, և ի ճօճել բազմախուռն նիզակացն իբրև յերկնուստ ահազին հրաձգութիւնք եռային։ Քանզի ով իսկ է բաւական ասել զմեծամեծ տագնապ ահաւոր ձայնիցն, որպէս կոփիւնք վահանաւորացն և ճայթմունք լարից աղեղանցն զլակլիս ամենեցուն առ հասարակ խլացուցանէին։

Անդ էր տեսանել շտապ մեծի տագնապին և զաղէտա անբաւ տարակուսանացն երկոցունց կողմանցն, առ ի յանդուզն յարձակմանէն զմիմեանս բախելով. քանզի թանձրամիտքն յիմարէին և վատասիրաքն լքանէին, քաջըն խիզախէին և նահատակքն գոչէին։ Եւ խումբ արարեալ ամենայն բազմութեանն՝ զգեստն ի մէջ փակէին, և զանգիտեալ գունդն Պարսից ի գժուարութենէ գետոյն՝ զտեղեաւն զեռալ սկսան։ Իսկ գունդն Հայոց հասեալ անցանէին, ձի ի վերայ տուեալ յարձակէին մեծաւ զօրութեամբ։ Սաստկապէս բախեալք ընդ միմեանս, յերկոցունց կողմանց բազում վիրաւորք յերկիր անկեալ դիաթաւալ խաղային։

Յայնմ մեծ տագնապի ի վեր հայեցաւ քաջն Վարդան, և տեսանէր զընտիր ընտիր քաջ նահատակաց Պարսից զօրուն՝ զի զա-

խակողմն շարժեցին զՀայոց զնդին, մեծաւ ուժով յարձակէր ի տեղին, և զաջ թեւ Պարսից զնդին բեկեալ՝ արկանէր զգազանօքն, և շրջան առեալ կոտորէր մինչև ի նոյն տեղի։ Եւ այնպէս շտապ տագնապի ի վերայ հասուցանէր, մինչև գունդն Մատեան քակեալ բաժանեցան ի մեծամուր պատրաստութենէն, դեռ ևս քաջ քաջ ի փախուստ դառնային։

Ապա դէտ ակն ի վեր համբառնայր Մուշկան Նիսալաւուրտ, քակեալ զոմանս տեսանէր ի զնդէն Հայոց, և զկնի մնացեալ ի հովիտս լերանցն։ Վասն որոյ զաղաղակ բարձեալ՝ քաջալերէր շուրջ զիւրեաւ զզօրս Արեաց, որք զտեղի առեալ կային ընդդէմ զնդին Վարդանայ։ Եւ անդէն ի տեղւոյն երկոքին կողմանքն զպարտութիւն խոստովանէին, և առ յոյժ թանձր անկեալ դիականց իբրև զքարակոյտ գերբկաց երկէին։

Զայն իբրև ետես Մուշկան Նիսալաւուրտ, մնայր գազանացն Արտաշրի, որ ի վերայ նոցա նստէր ի բարձր դիտանոցին իբրև յամուր քաղաքի. և ի ձայն մեծ գալարափողոցն զիւր գունդան ստիպէր, և յառաջամարտիկ զօրօքն զնա ի մէջ փակէր։ Իսկ կորովին Վարդան իւրովք քաջ նի-

զակակցօքն ոչ սակաւ նախմիրս ի տեղւոյն գործեաց, յորում տեղւոյն և ինքն իսկ արժանի եղն առնուլ զկատարեալ նահատակութեանն պսակ:

Եւ յերկարեալ գործոյ պատերազմին՝ օրն տարաժամէր, և մօտ առ երեկու կարճատէր. բազմաց օրահասք մահու հասանէին, մանաւանդ ի թանձրութենէ դիականց մօտ առ մօտ խտացեալ իրու զփայտահարս մայրաւորաց:

Անդ էր տեսանել զբեկումն նիզակացն և զխորտակումն աղեղանց. վասն այնորիկ և ոչ կարէին կալ ճշմարտիւ ի վերայ սուրբ մարմնոյ երանելեացն. և սաստիկ խուճապ տագնապի էր կողմանցն երկոցունց անկելոց: Եւ որք մնացեալքն էին՝ վատնեալք և ցրուեալք լինէին ի լեռնադաշտս ամուր ձորցն. և յորժամ պատահէին միմեանց՝ դարձեալ միւսանգամ զմիմեանս սատակէին: Եւ մինչև ի մուտս արեգականն անդադար լինէր գործ դառնութեանն:

Եւ քանզի գարնանային էր ժամանակն, ծաղկալից գաշտքն գառնային յորդահոսանս արեանց բազմաց: Մանաւանդ յորժամ տեսանէր ոք զբազմակոյտ դիականցն անկելոց, սիրոն բեկանէր և աղիքն գալարէին՝ լսել

զմնչիւն խոցելոցն և զմոնչիւնս բեկելոցն, զթաւալզլոր խաղալ սողալ վիրաւորացն, զփախուստ վատացն, զթաքուստ լքելոցն, զսրտաթափումն զանարի արանցն, զճիւն կանացեացն, զողքս սիրելեաց, զաշխարումն մերձաւորաց, զվայ և զաւաղ բարեկամացն: Քանզի ոչ եթէ կողմ էր որ յաղթեաց, և կողմ էր որ պարտեցաւ, այլ քաջք ընդ քաջու ելեալ՝ երկոքին կողմանքն ի պարտութիւն մատնեցան:

Բայց քանզի անկեալ էր մեծ սպարապեան չայոց ի պատերազմին, ոչ ոք գոյր այնունետե ի մէջ զլխաւոր՝ յոր յեցեալ ժողովէին գունզն մնացելոցն: Թէպէտ և բազում այն էր որ ապլեցան՝ քան թէ որ մեռանն, սակայն ցանեալ ցըռւեցան, և հասեալ անկանէին ի տեղիս տեղիս յամուրս աշխարհին, և բոնանային ի վերայ բազում զաւառաց և բերդից, զոր և ոչ առնուլ իսկ ոք կարէր:

Եւ այս անուանք են քաջ նահատակացն՝ որ անդէն ի տեղւոյն կատարեցան.

Յազգէն Մամիկոնէից ՔԱԶՆ ՎԱՐԴԱՆ հարեւը երեսուն և երեք արամբք.

Յազգէն Խորխոսունեաց ԽՈՐԻՆՆ ԿՈՐՈՎԻ իննետասն արամբք.

Յազգէն Պալունեաց Արին ԱՐՏԱԿ յի-
սուն և եւթն արամբք.

Յազգէն Գնթունեաց ԶԱՐՄԱՆՍԼԻՆ ՏԱ-
ՇԱՏ իննևտասն արամբք.

Յազգէն Դիմաքսենից ԻՄԱՍՏՈՒՆՆ ՀՀ-
ՄԱՅԵԱԿ քսան և երկու արամբք.

Յազգէն Քաջըերունեաց ՀՐԱՇԱԿԵՐՏՆ
ՆԵՐՄԵՀ եւթն արամբք.

Յազգէն Գնունեաց ՄԱՆՈՒԿՆ ՎԱՀԱՆ
ԵՐԻՎՔ արամբք.

Յազգէն ԸՆՃԱՅՆՈՂ ԱՐԴԱՐՆ ԱՐՄԷՆ
Եւթն արամբք.

Յազգէն ԱՐՈՒՆԱՆՏՈՎ ՅԱՌԱԶԱԴԵՄՆ
ԳԱՐԵԳԻՆ երկու հարազատօքն և ութու-
տասն արամբք:

Այս երկերիւր ութսուն և եւթն նահա-
տակք, ընդ ինն մեծամեծ նախարարսն ան-
դէն ի տեղւոջն կատարեցան: Եւ յարքունի
տանէն և ի տանէն Արծրունեաց և յիւրա-
քանչիւր նախարարաց տանէն. թող զայս
երկերիւր ութսուն և եւթնս, և այլ ևս եւթն
հարեւր և քառասուն այր, որք զանուանս
իւրաքանչիւր ի դպրութիւն կենաց գրեցին
ի նմին. աւուր ի մեծ պատերազմին: Եւ միա-
համուռ լինի ամենայն հազար և երեսուն և
վեց:

Իսկ ի կողմանէ ուրացելոցն և հեթանո-
սաց անկանէր յայնմ աւուր երեք հազար
հինգ հարեւր քառասուն և չորք այր: Ինն
այր ի նոյցանէ ի մեծ պատուաւորացն էր,
վասն որոյ և կարի յոյժ ի խոր խոյցեցաւ
Մուշկան Նիսալաւուրտ: Մանաւանդ իբրև
ետես զանհնարին հարուածան եռապատիկ
զիւրոյ գնդին քան գհայոցն, բեկաւ անկաւ
զօրութիւն ուժոյն իւրոյ, և ոչ հանգարտէր
կալ ի վերայ խորհրդոց մտացն. քանզի ոչ
որպէս կարծէր զպատերազմն՝ կատարեցաւ:
Մանաւանդ իբրև հայէր տեսանէր զբազմու-
թիւն անկելոց իւրոյ կողմանն, և թիւ հա-
մարոյ ևս առնէր, և իբրև այնչափ յոլով
գտանէր զիւր անկեալսն քան գհայոց գըն-
դին, ևս առաւել վասն երեկի արանցն՝ զորս
յականէ յանուանէ զիտէր թագաւորն, ի մեծ
տագնապի լինէր այրն յանձն իւր: Արդա-
րութեամբ զիւրն զրել և ցուցանել՝ ի թա-
գաւորէն երկնչէր. դարձեալ և թաքուցանել
ևս ոչ կարէր, քանզի ոչ ծածկէր այնպիսի
մեծ կոփւ:

Եւ մինչդեռ յայսմ մտաց խորհրդի էր
յանձն իւր և նեղէր ի միտս իւր, ուրացեան
վասակ՝ որ զանձն իւր ի մէջ գազանացն
թաղուցեալ ապրեցուցանէր՝ միսիթար մա-

տուցանէր մտացն լքելոց, և ուսուցանէր նմանարս նենգութեամբ, թէ որպէս կարասցէ մարտնչել ընդ ամուրան խարէութեամբ։ Երդմունս կնքէր արքունի հրամանաւ և վկայութեամբ անձին իւրոյ և խարերայ երիցամբքն որ ընդ նմայն էին. պատգամաւորս ասնէր զնոսա, և երեեցուցանէր զթողութիւն ապստամբութեանն առ ի շինութիւն եկեղեցւոյ շնորհել անդրէն, և զամենայն կարգս անզրէն յարմարել ըստ առաջին սովորութեանն։ Թէպէտ հրաման թագաւորին հաստատութեամբ էր տուեալ—վասն զի յոյժ բեկաւ զօրութիւն նորա, որպէս զի երկոքին կողմանք նորա հարան—սակայն զօրքն Հայոց վասն նենգութեանն Վասակայ, որ բազում անգամ հասեալ էին ի վերայ ստութեան նորա, վասն այնորիկ և հրամանի թագաւորին վաղվաղակի ոչ կարէին հաւատալ։



ԵՐԳԱԿԾՔՈՐԴՔ ՅԵՎԱՆԵՍՊ

ՅԵՐԿԱՐՈՒԽՄՆ ԻՐԱՅՑՆ ԽՈՌՎՈՒԽԹԵԱՆ

Արդ գարձեալ յայնժամ գրդեաց զՄուշկան նիսալաւուրտ և զամենայն աւագանին Արեաց. առեալ զզօրսն հասանէր ի վերայ ամբոցին՝ յոր անկեալ էին գունդ մի ի զօրացն Հայոց հանդերձ սուրբ քահանայիւքն, և մարտ եղեալ կոռուէին շուրջ զբերդաւն։ Եւ իբրև ոչինչ կարացին ազդել նոցա, գարձեալ յերդմունս ապաստան եղեալ, զի ուխտիւ իջուցեն զնոսա առանց գաւինչ գործելոյ, և երկիցս և երիցս անգամ ետուն տանել զաւետարանն։ Թէպէտ և քահանայքն յանձն առնուին զիջանելն կալ առաջի, բազումք ի զօրականացն ոչ կարէին հաւատալ սուտ ուխտին Վասակայ. քանզի սկսաւ երթալ Մուշկան նիւսալաւուրտ զնեաշար խրատուն Վասակայ։

Մի ոմն ի քաջ զօրականէն Հայոց, որ
անկեալ էր ի բերդն վախստեամբ՝ Բակ ա-
նուն, ելեալ ի պարիսպն թշնամանս դնէր
անօրինին, և ցուցանէր առաջի Պարսից
զօրագլխին զամենայն չարիսն զոր անցու-
ցեալ էր նորա ընդ աշխարհն Հայոց։ Զոր
և բազումք լուեալ՝ արդարացուցանէին զամ-
բաստանութիւնն, ոչ միայն ի Հայոց կող-
մանէն, այլ ևս առաւել զօրքն Պարսից։
Սոյն այրս այս ի նմին գիշերի եւթն հա-
րեւր արամբք ել զնաց ի բերդէ անտի, և
ոչ կարացին ձեռն արկանել ինա:

Իսկ որ ի ներքս յամրին մնացին, թէ-
պէտ և գիտէին ճշմարտիւ զխարեբայ երդ-
մունս նոցա, ոչ ունէին համբար ի ներքս։
Իբրև ոչ կամաւ իջեալ կացին առաջի,
հրամայեաց սպանանել ի նոցանէ երկերիւր
և երեքտասասն այր։ Աղաղակեցին ամենե-
քեան և ասեն։ «Գոհանամք զքէն Տէր
Աստուած մեր. մինչդեռ շէն են եկեղեցիք
և անքակ տաճարք վկայից և միաբան սուրբ
ուխտ եկեղեցւոյ և առաքինացեալ, ար-
ժանի արարեր զմեզ կոչմանդ երկնաւորի։
Հաւասարեցէ մահս մեր ընդ մահ քաջ
նահատակացն, և խառնեսցի արիւնս մեր
ընդ արիւն անկեալ վիրաւորացն, և հա-

Ճեսցի Տէր ընդ եկեղեցիս իւր՝ բազմու-
թեամբ կամաւոր զուարակացն որ ելանեն
ի վերայ սուրբ սեղանոյս։ Զայս ասելով ի
տեղւոջն կատարեցան երկերիւրքն և երեք-
տասանք։

Իսկ սուրբ քահանայքն՝ որ անդ դիպե-
ցան յամուրսն, երանելիքս այս Յովսէփ և
Ղեոնդ՝ բազում ընկերակցօքն իւրեանց, մա-
տուցին և նորա զպարանոցս իւրեանց առաջի
սրոյ գահճապետին, ասելով զնոյն բանս՝ զոր
խօսեցան երկերիւրքն։ Քանզի ոչ եթէ
ակնկալութիւն ինչ էր երանելեացն ըստ մար-
մնաւոր կենացն, այլ իմաստութեամբ հնարս
խնդրէին լինել փոխանակ ամենայն աշխար-
հին շինութեան։ Վասն որոյ և բողոք ի
Դուռն կարդացին, և զամենայն ամբաստա-
նութիւն արկանէին զանօրէնն զվասակաւ։
Զայս իբրև լուաւ Մուշկան Նիսալաւուրտ,
ոչ իշխեաց ի նոսա ձեռն արկանել մահու-
ամբ. այլ զՅովսէփ և զՂեոնդ գան հարեալ,
հրամայեաց պահել զգուշութեամբ, քանզի
բողոք ի Դուռն կարդացին։ Իսկ զայլ քահա-
նայսն արձակեցին յիւրաքանչիւր տեղիս,
հրաման տուեալ վասն շինութեան և խաղա-
դութեան աշխարհին։

Այլ մարդիկն Հայոց, որ հասեալ էին ի

վերայ յեղյեղուկ հրամանաց թագաւորին և ուրացեալ չարիմացին Վասակայ, ոչինչ հաւատային սուտ թողութեանն. այլ քաջալերէին զմիմեանս և ասէին. «Զի՞ պիտոյ է մեզ բնաւ կեանք անցաւոր աշխարհիս, և կամ ընդէր տեսանեմք զարե յետ մերոց սիրելեացն: Զի եթէ քաջ նահատակին մեր անկան ի մեծ պատերազմին, և բազում վիրաւորք տապալեցան յարիւն յապաժոյժ ի մէջ դաշտին, և ամենեցուն մարմինքն եղեն գէշ թռչնոց և կերակուր գազանաց, և պատուական նախարարքն մեր հասին յանարդութիւն թշուառութեան, լրին զիւրաքանչիւր իշխանութիւն և են ի հալածանո նեղութեան, որ և ամենայն փափկութիւնն չայոց ենաս ի վիշտս վտանգի և յանհարին ապականութիւն, ոչ անսամք խարեբայ հրամանացդ և ամկանիմք ի ձեռս անօրէն իշխանացդ»:

Թողին այնուհետեւ իւրաքանչիւր ըդգեւզս և զաւանս և զագարակս: Ելին հարսունք յառագաստից և փեսայք ի սենեկաց, անկան ծերք յաթոռոց և տղայք ի զրկաց. երթային երիտասարդք և կուսանք և ամենայն բազմութիւն արանց և կանանց, հասեալ ունէին զամուրս անապատին և զան-

խաբ տեղիս բազում լերանց: Լաւ համարէին զգազանաբար բնակութիւնն աստուածալաշտութեամբ ի քարանձաւս կելոյ, քան ուրացութեամբ փափկանալ յիւրաքանչիւր շինուածու: Առանց արտնջելոյ համբերէին խոսաբուտ կերակրոցն, և ոչ յիշէին զսովորական խորտիկն: Համարեալ էին նոցադարափրքն իբրև զյարկս բարձրաբերձ շինուածոց, և գետնանկողինքն իբրև զնկարեալ պատշգամմա:

Սաղմոսք էին նոցա մրմնջունք երգոց, և ընթերցուածք սուրբ գրոց կատարեալ ուրախութիւնք: Ամենայն մարդ յանձն իւր եկեղեցի էր, նոյն ինքն քահանայ, մարմինք իւրաքանչիւր՝ սուրբ սեղան, և ոգիք նոցունց՝ պատարագ ընդունելի: Քանզի ոչ ոք ի նոցանէ ողբայր յուսահատութեամբ զանկեալմն ի սրոյ, և ոչ ոք հեծեծելով հառաչէր ի վերայ մերձաւոր սիրելեաց իւրոց: Խնդութեամբ ընկալան զյափշտակութիւն ընչից բազմաց, և ոչ յիշէին ամենին՝ եթէ եղեալ իցեն նոցա ստացուածք: Համբերութեամբ ճգնէին և մեծաւ առաքինութեամբ տանէին զքաջ նահատակութիւնն: Զի եթէ ոչ բացաւ աչօք տեսանէին զյոյն

լնդալից, և ոչ կարէին գործել զայնպիսի
մեծ առաքինութիւն:

Քանզի բազումք յազգէ ի մեծ նախա-
րարացն էին, և եղբարք և որդիք և դըս-
տերք, հանդերձ ամենայն սիրելեօք իւր-
եանց ի մէջ ամրական վայրացն, ոմանք յան-
լոյս երկիրն Խաղտեաց, և այլ բազումք ի
կողմանս հարաւոյ՝ յանմատոյց ամուրսն Տմո-
րեաց, և կէսքն ի թանձրախիտ մայրիսն
Արցախոյ, և այլ ոմանք անդէն ի միջոց
աշխարհին բռնացան ի վերայ բազում ամ-
րոցացն: Եւ ամենեքին մեծաւ համբերու-
թեամբ տանէին զբազում նեղութիւնն վասն
սիրոյն Քրիստոսի, և զայս միայն աղաչելով
խնդրէին յԱստուծոյ, մի՛ տեսանել նոցա զա-
ւեր եկեղեցեաց:

Այլ որպէս ցուցաք բազում անդամ՝
զամբարշտին չարութիւն, յորդորէր և ստի-
պէր զզօրմն Պարսից ի մօտաւոր կողմանց
աշխարհին, զի հրամանաւ արքունի զօր
եկեսցէ յօգնականութիւն նոցա: Եւ հասեալ
բազում այրուձի յաւելոյր ի թիւ անկելոցն,
և լինէր գունդ բազմութեան իւրեւ զառաջինն:
Եւ յառաջ խաղային ի միջոց աշխարհին,
մարտ եղեալ կոռւէին ընդ մեծ ամուրա կա-
պոյտ լերին: Իսկ որ ի ներքմն էին՝ քաջու-

թեամբ մարտուցեալ հարկանէին զբազումն
ի գնդէն Պարսից, և զմնացեալսն փախստա-
կան փ բանակն արկանէին: Իսկ նոքա դար-
ձեալ յողոքանս մատուցեալ, նուաճել խա-
բէութեամբ կամէին:

Իբրև ոչ ոք հաւատաց իջանել առ նոսա,
զի մի մատնեսցին չարաչար ի ձեռս թշնա-
մեացն, սակայն վասն երդմանցն հարկ եղեւ
քահանայի մի իջանել առ նոսա, որում ա-
նունն էր Արշէն: Խօսէր ընդ նոսա յաղերս
ընտանութեամբ, և ցուցանէր զանկնաս փա-
խուսատ անմեղացն, արկանէր գուլթ առաջի
ուրացելոյն Վասակայ, և պաղատելով յիշե-
ցուցանէր նմա զառաջին կարգ ուխտին
քրիստոնէութեան, զի թերես սակաւիկ մի
քաղցրացի յանհնարին դառնութենէն: Այլ
նա ոչ ինչ լոււաւ և անսաց բազում բանիցն
նորա, կապեաց և խաղացոյց զերանելին և
որք ընդ նմա իջեալ էին:

Մանաւանդ իբրև ետես եթէ երթայ զօրա-
վարն զհետ խրատու կամաց նորա, սկսաւ
այնուհետեւ ի բազում տեղիս արձակել
զասպատակաւորն, և զոր արտաքոյ քան
զամուրսն գտանէր զբազմութիւն մարդկանն՝
վարեցին ի գերութիւն. և զամբար ի ձեռն
առեալ հրձիգ առնէին զբազում տեղիս:

իսկ որք էին յամուրս Տմորեաց, իբրև լուսն զայս ամենայն չարիս զոր զործեցին զօրքն արքունի, ոչինչ շահ օգտի համարէին զկախ ի մէջ ամրականացն: Քաջութեամբ երեալյարձակեցան օգնականութեամբ ամրականացն, և հասեալ ի մօտաւոր աշխարհն Պարսկաց, յանխնայ կոտորելով՝ նախճիրս արեան զործէին, և զմնացեալսն գերի առեալ տանէին, և անդէն յամուրմն արկանէին, և զշինուածն աշխարհին՝ զամբար ի ձեռն առեալ հրոյ ճարակ տային:

Դարձեալ և որք էին ի լերինս Խաղաքեաց, իբրև տեսին եթէ յանդինաբար զօրքն Պարսկաց յաներկեւզս իջանէին յամուրս աշխարհին Հայոց, յարձակեցան և նոքա մեծաւ զօրութեամբ ի ձորագաւառն Տայոց: Եւ գտին անդ գունդ բազում ի զօրացն արքունի, որ գերի առնուլ կամէին զամբականս աշխարհին. դարձեալ և կարծէին ևս եթէ դանձք նախարարացն անդ իցեն, վասն այնուրիկ և յանխնայ յուղէին զվայրմն:

Նա և տեսին ևս անդ ի գեւզս երկուս, որ գեկեղեցին այրեցեալ էր. առաւել ևս վասն այնը ի նախանձ բրդեցան բարկութեամբ: Յարձակեցան, հարան ի դիմի միմեանց, և կամակարութեամբ յաղթեալ, բե-

կեալ արկին զզօրութիւն գնդին Պարսից, և կոտորեցին զբազումս ի նոցանէ, և զմնացեալսն փախստական հանէին յաշխարհէն:

Եւ յայնչափ յանդուզն յարձակմանէն՝ միայն երանելին Հմայեակ, եղբայր սպարապետին Հայոց Վարդանայ, յանխնայ քաջութեամբ մարտուցեալ՝ կատարեցաւ նահատակութեամբ ի վերայ սուրբ ուխտին միաբանութեանն: Եւ այլքն ամենայն ողջանդամ ապրեալք երթային զնետ փախստականին:

Եւ իբրև այս այսպէս կատարեցաւ, դադարեցին զօրք թագաւորին խառնամուխ լինել յամենայն տեղիս անխտրութեամբ, և ևս առաւել ձեռնալահ լինել յեկեղեցեացն: Դարձեալ միւսանգամ անդրէն հարցանել սկսան յարքունիսն:

Նա և որ յԱրձախայ մայրինս անկեալքըն էին փախստականք, ոչ ինչ լոեալ դադարեցին խաղաղութեամբ. այլ հանապազ յղէին յաշխարհն Հոնաց, շարժէին և յորդորէին զգունդն Հոնաց, և յիշեցուցանէին նոցա զուխտն զոր եղեալ էր ընդ Հայս և անսուտ երդմամբ հաստատեալ: Հաճոյ թուէր բազմաց ի նոցանէ լսել զբանսն քաղցրութեամբ: Նա և մեղագիր ևս յոյժ լինէին նոցա, եթէ «Ի կոիւն ընդէր ոչ եկիք պատ-

բաստութեամբ»։ Եւ իբրև յառաջնումն ինչ ոչ հնարեին զմիմեանս հաւանեցուցանել, ապա գունդ բազում գումարէին՝ և անդէն յարձակեալ հասանէին ի սահմանս տէրութեանն Պարսից. և զբազում գաւառս հարեալ, բազմագոյն ևս գերի առեալ տանէին յաշխարհն իւրեանց, և յայտնի ցուցանէին թագաւորին զմիաբանութիւն զոր ունէին ընդ գնդին Հայոց։

Իսկ իբրև այս ամենայն ազդումն հասանէր առ զօրավարն Պարսից, սրտմտեալ զայրանայր, և մեծաւ բարկութեամբ կուտէր զվասսն ի վերայ անօրինին Վասակայ. իբր թէ նա իցէ սկիզբն և առաջնորդ ամենայն չարեացն որ գործեցան։ Եւ անդէն չու արարեալ զնայր, խաղայր հասանէր յաշխարհն Պարսից. գրէր և ցուցանէր յարքունիս զամենայն ստուգութեամբ, և զվասս գործոյն արկանէր գուրացելով։

Իբրև լուաւ թագաւորն զամենայն աւեր աշխարհին, և ստուգեաց զիրս մեծի պատերազմին, բեկանէր անկանէր ի մեծ խրոխտալոյն, և լոեալ դադարէր ի հանապազորդ և ի խարերայ խորհրդոցն. յուզէր և քննէր զվրիպումն անհանձար գործոյն, և կամէր տեսանել՝ ասելով. «Ո՞ ոք իցէ որ

զիս ճշմարտութեամբ ի վերայ իրացդ հասուցէ»։ Իսկ որ էր զիտակ անօրէն գործոյն, անդէն ի Դրան արքունի, նոյն հազարապետն Միհրներսէն, յառաջ մատուցեալ ասէ ցթագաւորն. «Զայդ ես ասեմ քեզ, արքայ քաջ. Եթէ կամիս ստուգութեամբ լսել զարդարն, որք զլխաւորք քրիստոնէիցն են ի Հայոց՝ տուր կոչել, և գան յօժարութեամբ և ասեն քեզ զամենայն արդարութեամբ»։

Յայնժամ զմի ոմն յաւագ նախարարացն՝ Աարորմիզդ անուն, որոյ իշխանութիւնն իսկ խառն էր ընդ Հայոց աշխարհին և գործակից էր զօրավարին ի նմին պատերազմի, գրէր և յանձն առնէր նմա զաշխարհն Հայոց մարզպանութեամբ։ Եւ զՄուշկան Նիսալաւուրտ հանդերձ ամենայն մնացեալ զօրուն գումարէր յաշխարհն Աղուանից և Լինաց և Ճղբաց և ի Հեծմատակաց և ի Թաւասպարաց և ի Խիբիովան, և յամենայն ամրականն՝ զորս աւերեալ էր գնդին Հոնաց վասն ուխտին Հայոց։ Որպէս և յոյժ իսկ տրտմեալ էր թագաւորն, ոչ միայն ընդ աւեր աշխարհացն և ընդ անկանելն զօրացն, այլ ևս առաւել ընդ աւերել պահակին՝ զորի բազում ժամանակաց հազիւ ուրեմն կա-

բացին շինել. որ և յայնմ ժամանակի դիւրեաւ առեալ քանդեցաւ, որում և չէր իսկ ակնկալութիւն շինութեան: Իսկ զՎասակ հանդերձ գլխաւոր քրիստոնէիւքն ի Դուռն հրամայեաց կոչել:

Արդ եկն եմուտ մարզպանն Ատրորմիզդ յաշարհն Հայոց սիրով խաղաղութեամբ: Հրամանաւ արքունի կոչեաց առ ինքն ըզ-Սահակ սուրբ եպիսկոպոսն Խրշտունեաց, ուսանել ի նմանէ զիրացն ամբաստանութիւն: Բայց թէպէտ և նորա աւերեալ էր ատրուշան մի, և բազում չարչարանօք հարեալ էր զպաշտօնեայս կրակին, ոչ ինչ զանդիտեաց գալ յատեան հրապարակին:

Դարձեալ և ի տանէն Արծրունեաց բարեպաշտօն երէց մի Մուշէ անուն, որ առաջնորդէր աշխարհին Արծրունեաց, աւերեալ էր և նորա զկրակատուն մի, և կապանօք և տանջանօք բազում չարչարանանցուցեալ էր ընդ մոգսն. և սա ինչ ոչ զանդիտեաց, այլ կամաւ եկն և յանդիման եղել մարզպանին:

Եւ երկու ևս այլ քահանայք երանելիք, որոց անուանքն են Սամուէլ և Արքահամ. քանդեալ էր և սոցա զատրուշանն յԱրտաշատ, և յառաջագոյն ըմբոնեալ էին ի կա-

պանս յուրացեալն Վասակայ. ածին և զնոսա յառաքինի ընկերուն:

Եւ ժողովեցին ևս ի նոյն տեղի զմեծն Յովսէփ և զՂառնդ և զՔաջաջ և զԱրշէն: Եւ իբրև ուսաւ և տեղեկացաւ յամենեցունց մարզպանն, զրեաց և եցոյց յարքունիս զամենայն ճշմարտութեամբ որպէս զիարդ լուաւ ի բերանոյ նոցա:

Բայց Վասակ թէպէտ և յառաջագոյն հասեալ էր ի Դուռն, ըստ կամաց իւրոց այլ ընդ այլոյ երթեալ պատմէր զամենայն ստութեամբ, սակայն ի միտս թագաւորին՝ ոչ կարէր զանձն արդարացուցանել. այլ պատասխանի արար նմա և ասէ: «Յորժամ քրիստոնեայքն ևս եկեսցեն՝ հասարակ լուայց յատենի»:

Իսկ զսուրբ քահանայսն՝ վասն զի կապանօք տանէին, յետ երկուց ամսոց և քսան աւուր հասանէին ի ձմերոցն արքունի: Իբրև լուաւ մեծ հազարապետն՝ եթէ ածին զնոսա ի քաղաքն, ինքնին իսկ ականատես լինէր նոցա: Բայց թէպէտ և տեղեկութեամբ լսէր ի նոցանէ զամենայն, ոչ կարէր ձեռն արկանել և չարչարել զնոսա. քանզի բազումք ի նախարարացն Հայոց գեռ ևս բռնացեալ ունէին զամուրս աշխարհին, և դեռ ևս

մարզպանն յերկիւղի էր։ Վասն որոյ զգուշութեամբ հրամայեաց պահել զսուրբսն, և զաշխարհն հրամայէր սիրով նուաճել. վասն որոյ և ինքն իսկ շրջէր և ժողովէր և շինէր ուխտիւ հաստատութեան։

Եւ եպիսկոպոսացն հրաման տայր ունել զիւրաքանչիւր իշխանութիւնս, և ըստ առաջին սովորութեանն պաշտել յայտնութեամբ, և համարձակ ևս գալ ի հրապարակ։ Նա և ընծայից և պատարագաց արժանի առնէր զառաջեաւ կոչելով։ Եւ քանզի բազում գաւառս առեալ և աւերեալ էր զօրականին, թողուլ հրամայէր զհարկս աշխարհին. և զայրուձին ևս զարքունի թեթևացոյց առժամանակ մի։ Եւ միայնակեացք որք ելեալ և կորուսեալ էին՝ հրամայէր գալ և ունել զիւրաքանչիւր տեղիսն։

«Զամենայն կարգս աստուածպաշտութեանն, որպէս զիարդ և ունէին յառաջ ժամանակաւ առ նախնեօքն, նոյնպէս և այժմ, ասէ, կալցին։ Եւ եթէ ոք ի հեռի աշխարհ ուրեք գնացեալ իցեն, ունիմ իշխանութիւն յարքունուստ, եթէ յազատաց իցեն, եթէ ի շինականաց իցեն, եթէ յեկեղեցւոյ, զինչ կեանս և թողեալ իցէ, եկեսցեն և կալցեն զիւրաքանչիւր զարարս»։

Զայս ասէր և երդմունս կնքէր և առաքէր ի կողմանս կողմանս։ Որ և բազումք իսկ եկին և ժողովեցան, և կալան զիւրաքանչիւր կալուածաւ։

Նա և որ մեծն է քան զամենայն, որ ի բոնութենէ ոք ակամայ կալեալ էր զմոգութիւնն, հրովարտակս առաքէր յարքունուսո՛ անդրէն ունել զքրիստոնէութիւնն։ Եւ յանդիման խօսէր թագաւորն, որք էին ի տաճն արքունի, եթէ «Որք ոչ սիրով ունին զօրքէնս դենի մազգեզն, այնպիսեաց և աստուածքն են ցասուցեալ, և ես ոչ ինչ եմ շնորհակալ. և այսօր զնոյն հրաման տաճ ամենեցուն, ի կամս մարդոյն թողեալ ըստ իւրաքանչիւր մտաց. որպէս զինչ և կամի պաշտել՝ պաշտեսցէ. ամենեքեան իմ ծառայք են»։ Զայս ասէր, և զրով հրաման տայր ամենայն աշխարհին։

Իբրև զայն լուան և տեսին բազումք՝ որ էին ցանեալ և ցրուեալք ի հեռաւոր տեղիս, գային և ունէին զիւրաքանչիւր արարս։ Իսկ նախարարքն որ էին յամուրս աշխարհին և կամ ի հեռաւոր օտարութեան, իբրև տեսին զշինութիւն երկրին, մանաւանդ զեկեղեցւոյն հաստատութիւն, քաջալերեցան համարձակեցան և նոքա յանդիման լինել

արքային։ Վասն որոյ և պատգամ յզեցին առ մարզպան աշխարհին, զի ի Դուռն ցուցցէ զբանս նախարարացն։ Իսկ նա վաղվազակի յարքունուստ գիր ողոքանաց և ուխտ հաստատութեան տայր տանել առ նոսա հրամանաւ արքունի։ Բայց թէպէտ և գիտէին նոքա զդառնութիւն տէրութեանն՝ թէ սուտ են յամենայնի, կամեցան չարչարակից լինել սրբոցն։ զի եթէ մահ ևս առաջի կայցէ՝ ոչ ինչ զանգիտեսցեն երկիւղիւ։

Եւ զայս լուեալ թագաւորին, ոչ կապանօք՝ այլ արձակ ոտիւք և արձակ ձեռօք հրամայեաց առ ինքն կոչել։ Ածին վաղվազակի գկին և զորդիս, և զինչս իւրաքանչիւր ետուն ի ձեռս մարզպանին, և ինքեանք փութանակի զնացին ի ձմերոցն արքունի։

Եւ մինչ դեռ անդէն ի ձմերոցին էր թագաւորն, ատեան հարցափորձի ի մէջ նոցա հրամայէր լինել։ Եւ նստաւ հազարապետն՝ զի լուիցէ կողմանցն երկոցունց։ Եւ իբրև յերկարեցաւ ամբաստանութիւնն զաւուրս բազումս, պարտաւորեցաւ կողմ ուրացելոյն։

Քանզի ցուցանէին զթուղթսն՝ զոր տըւեալ էր Վասակայ ամենեցուն որ ընդ նմա յուխտ ապստամբութեանն։ թուղթ մի ի Վըաց աշխարհէն, և թուղթ մի յԱղուանից աշ-

խարհէն։ սոյնապէս և թուղթ մի յԱղձնիս, և հրովարտակ մի առ թագաւորն Յունաց, և թուղթ մի առ մեծ սպարապեան Անտիոքայ։ Եւ ի բոլորեսին յայսոսիկ թուղթսն վաւերականն մատանի Վասակայ եղեալ էր։ Սոյնապէս խառն էր նա և ի մահ մոգուցն ի Զարեհաւանի։ Եւ զբագում բերդս՝ զոր հանին ի Պարսկաց, յայտ առնէին զնորա առ այն թուղթսն և զիրամանն։ Քանզի նա էր մարզպան ի ժամանակին։

Որպէս և հրեշտակութեամբ իսկ զոր յդէր առ Յոյնս նախարար մի, որում անունն էր Ատոմ՝ յազգէն Գնունեաց, սա մատուցեալ յանդիմանէր զնա առաջի մեծի ատենին հրովարտակաւն իսկ զոր առւեալ էր նորա իւրով մատանեաւ։

Նա և ի մէջ իսկ բերէր զամբաստանութիւն նորա Մուշկան Նիսալաւուրտ, և յայտ առնէր պատերազմակից ընկերօքն իւրովք, որ և յետ վճարելոյ պատերազմին բազում արիւն ետ հեղուլ Վասակ։ թէ նրապէս սուտ երդմամբք խարէր և իջուցանէր յամբոցաց անտի։ Էր զոր կոտորէր, և էր զոր գերի տանէր զծառայս և զաղափնայս արքունի։ Եւ ի վերայ այսր ամենայնի վսասու, և գող

ևս գտանէր հարկի աշխարհին՝ որ յարքունիքն երթայր:

Նա և յուրացեալ ընկերացն նորա բազումք էին որ յայտ արարին՝ զշարիս նորա՝ զոր գործեալ էր ընդ աշխարհն Հայոց: Եւ ի մնացեալ մոգացն և ի փշտիպանացն՝ որք ի կապանան ապրեալ էին և ապա ածին յարքունիս, հարցին և ցնոսա վասն նորա և ասեն. «Դուքք ինչ տեղեակ վասն չարութեան նորա»: Ետուն պատախանի և ասեն. «Ամենայն անցք չարչարանաց որ անցին ընդ մեզ, և բազում հարուածք որ եղեն ի գօրսն արքունի, և աւեր և գերութիւն աշխարհին Հայոց, և կորուստ հարկացն արքունի, սկիզբն և առաջնորդ չարեաց այրդ այդ եղեւ»:

Եւ մինչդեռ այս ամենայն ամբաստանութիւն գնմանէ կուտէր զայնչափ բազում աւուրս, յառաջ մատեան և իւր ազգականքն, որ ևս յառաջագոյն դատախազ լեալ էին զնմանէ առաջի արքային, սկսան կարգաւցուցնել և յայտ առնել, որպէս զի բարեկամացեալ էր նա ընդ Հեռանայ Հոնի միաբանութեամբ Բաղասական արքային, ի ժամանակին՝ զի կոտորեաց Հեռանն այն զգօրսն Պարսից յԱղուանս, և ասպատակաւ ենաս

յերկիրն Յունաց, և բազում գերի և աւար խաղացոյց ի Հոռոմոց և ի Հայոց և ի Վրաց և յԱղուանից, որպէս զի ի վերայ իսկ ենաս խորհրդոցն ինքն իսկ թագաւորն, և սպան զիաղասականն արքայ: Եւ Վասակ մարզպան էր Հայոց ի ժամանակին, և թշնամեացն արքունի խորհրդակից գտաւ: Յուցին և յայտ արարին ազգականքն նորա, որպէս զի հմուտ և տեղեակ իսկ էին չար խորհրդոցն նորա. զամենայն ցուցանէին և յայտ առնէին առաջի թագաւորին. և զայլ ևս բազմագոյն խարդախութիւնն, որ ստութեամբ վարեր զկեանս իւր՝ ոչ միայն առ ընկերս, այլ և առ թագաւորն ինքնին գլխովին. զի ոչ երբէք արքարութեամբ վաստակեալ էր ի մանկութենէ:

Յայնմ ժամանակի հրաման ետ հազարապեան և ասէ. «Ածէք այսր և ի կապելոցն, որք են ի բանտի անդ»: Լուծին և ածին յերանելեացն զՍահակ եպիսկոպոս Խըշտունեաց, և զսուրբն Յովսէփ և Ղեռնդ երէց:

Եւ իբրև մերկացան ամենայն բանք տտենին առաջի նոցա, ետ պատախանի Սահակ եպիսկոպոսն և ասէ. «Որ յայտնի ուրացեան են ի ճշմարիտն Աստուծոյ, ոչ զիւեն զինչ գործեն և կամ զինչ խօսին. քան-

զի խաւարեալ է խորհուրդք նոցա. զտեալր պաշտեն սուտ պատճառանօք, և ընդ ընկերս մտանեն յուխտ ստութեան: Եւ են նոքա դարանք սատանայի, զի նոքօք իսկ կատարէ զդառնութիւն կամացն իւրոց, որպէս երկի իսկ ի դոյն յայդ վասակ: Քանզի մինչ ունէր զանուն քրիստոնէութեան, վերին երեսօք կարծէր ծածկել և թագուցանել զամենայն չարութիւն իւր առաջի ձերոյ անդէտ տէրութեանդ, և զամենայն նենդութիւնն իւր քրիստոնէութեամբն ծածկէր: Ուստի և ձեր իսկ կարծեցեալ՝ մեծապէս պատուեցէք զդա առաւել քան զարժանն իւր: Հաւատացէք դմա զաշխարհն Վրաց. լուարուք յազգականաց այտի դորա, զի՞նչ պատմեն ըզդմանէ: Արարէք զդա մարզպան Հայոց. դոր նախնեացն ձերոց մեծաւ աշխատութեամբ գտեալ էր, դա ի միում ամի կորոյս զերկիրն ամենայն: Տեսեր, իբրև բարձաւ ի դմանէ պատուական անունն Աստուծոյ՝ զոր ունէր ստութեամբ, մերկ երեցաւ ամենայն չարագործութիւն դորա: Զի եթէ առ Աստուծն իւր սուտ գտաւ, առ ո՞ք ի մահականացուաց աստի դա արզար գտանիցի:

«Արդ ամենայն ամբաստանութիւն՝ որ այժմ յայտնի եղեւ զդմանէ, ոչ ահա ձեր իսկ յառաջագոյն լուեալ էր. բայց յոր դէմս ծածկեցէքն՝ դուք ձեզէն իսկ քաջ գիտէք: Ինձ այսպէս թուի, եթէ սուտ յուսով դա զձեղ խնդացոյց: Այլ ոչ դուք և ոչ դա, և ոչ որ զինի ձեր գալոցն է՝ զայն ի մեզ ոչ կարէ տեսանել: Արդ արարէք ընդ դա որպէս և կամիք. ցմեզ զի՞ հարցանէք»:

Զարմացաւ մեծ հազարապեան ընդ միտքս իւր, և ի խորհուրդս իւր քննէր զամենայն բանս ատենին: Քանզի հասեալ էր ի վերայ՝ եթէ յիրաւի դատապարտեցաւ այրն ըստ արժանի գործոցն իւրոց, եմուտ և եցոյց զամենայն բանս ատենին յարքունիս: Եւ իբրև լուաւ թագաւորն և ստուգեաց ի հազարապեալն զառնն պարտաւորութիւն, բարկացաւ յոյժ և ի խոր խոցեցաւ. բայց միայն երկայնմասութեամբ կամեցաւ հասուցանել զնա ի մեծ անարգութիւն: Լուռ եկաց աւուրս երկոտասան, մինչ ի զլուխ չոգաւ փուրսիշ ամբաստանութեանն:

Եւ եղեւ յաւուր միոյ մեծի զամենայն երեկի և զպատուականսն հրամայէք յընթրիս կոչել: Կոչեցին և զուրացեալն. և նա ըստ առաջին կարգի օրինացն արքունի արկանէր

պատուական հանդերձն զոր ունէր ի թագաւորէն. կապէր և զպատիւ վարսին և ըդխոյցն ոսկեղէն դնէր ի վերայ, և զկուանակուռ ձոյլ ոսկի կամարն ընդելուզեալ մարդարտով և ակամքք պատուականօք ընդ մէջ իւր ածէր, և զգինգն յականչան, և զգումարտակն ի պարանոցին, զսամոյրան զթիւկամբն, և զամենայն օրէնս պատուոյն զանձամբ արկեալ՝ երթայր յարքունիս. շքեղ և երեկի քան զամենեսեան երեէր բազմութեանն:

Իսկ նախարարքն որք կամօք ի Հայոց չոգան՝ անձամբ տուեալ զսնձինս ի փորձութիւնն, և սուրբքն որ յառաջազոյն հասեալ էին, կապանօք ունէին զամենեսեան առ Դրանն արքունի: Իբրև տեսին զնա զարդարեալ և շքեղացեալ, և բազմամբոխ զնդաւ դայր յարքունիս, ի միտս իւրեանց սկսան այպանել և ասել. «Ով անմիտ վաճառական, զանմահ և զանանց պատիւ ետուր, և զանցաւորդ գնեցեր, զոր և զայդ ևս ընդ մօտոյ աւուրս կորուսանելոց ես»:

Եհաս և նստաւ ի ներքին դահլիճմն, որ էր հրապարակ մեծամեծացն: Արդ եկն ել սենեկապանն յարքունուստ, հարցանէր ցնա և ասէ. «Արքայ յդեաց առ քեզ, յորմի՞»

դաեալ է քո զայդ ամենայն պատուական պատիւդ, ասա վազվաղակի, վասն որոյ արդար վաստակոց»: Եւ յուշ առնէր նմա զամենայն բանս ատենին յորում դատապարտեցաւն. նա և զոր ոչ ևս անդ խօսեցաւն՝ զայն ևս յայտնէր նմա: Զի ոչ ըստ կարգի ունէր նա զտէրութիւնն Սիւնեաց աշխարհին, այլ նենցութեամբ և քսութեամբ ետ սպանանել զհօրեղբայր իւր զՎաղինակ, և յինքն տարաւ զտէրութիւնն իբրև քրաֆիկեար յարքունիս: Նա և այլ ևս բազում բանիւք դատապարտեցին զնա, որում ամենայն աւագանին վկայ դային: Պապանձեցաւ ամենեին, և չփառաւ բան ձշմարիտ ի բերան նորա: Իբրև կրկնեցին և երեքկինեցին ցուցանելով ի ներքս յարքունիսն, հատաւ վճիռ մահու ի վերայ նորա:

Արդ եկն ել դահճառպեան, և մատեաւ առաջի ամենայն մեծամեծացն, մերկեաց ի նմանէ զպատիւն զոր ունէր յարքունուստ, և զգեցոց նմա հանդերձ մահապարտի: Կապեցին զոտս և զձեռս, և կանանցարար նստուցին ի ձի մատակ տարան և ետուն յայն զլնդան՝ ուր կային մահապարտք ամենայն:

Իսկ նախարարքն Հայոց և սուրբ եպիս-

կոպոսքն հանդերձ երիցամբքն, թէպէտ և էին ի մեծի պատուհասի, ոչինչ յիշէին գնեղութիւնսն որ անցեալ էր ընդ նոսա, և կամ որ այլ ևս ակնկալութիւն էր գալ ի վերայ. այլ զարմացեալ էին ընդ մեծ յայտնութիւնն որ եղել յԱստուծոյ: Միիթարէին զմիմեանս և ասէին. «Քաջութեամբ պատերազմեցաք, առաւել ևս համբերութեամբ ճգնեցուք: Լուեալ է մեր ի սուրբ հարցն մերոց՝ եթէ գլուխ ամենայն առաքինութեան համբերութիւն է, և իմաստութիւն երկնաւոր՝ կատարեալ աստուածպաշտութիւն. և զայս ոչ ոք կարէ գտանել առանց չարչարանաց: Իսկ չարչարանքն յորժամ ընդերկարանայ ի վերայ՝ յայնժամ բազմանայ վարձ հատուցմանց պարզեցն: Ապա թէ այդ այդպէս է, զայս միայն աղաչեցուք զԱստուած՝ զի համբերել կարացուք ամենայն փորձութեանց. և Տէր ինքնին արասցէ հսարս մերում փրկութեան:

«Լուեալ է մեր զդատաստան քառասուն զինուորացն Քրիստոսի, որք բազում հարուածըս տանջանաց ընկալան: Մինն ի նոցանէ փութացաւ ի բաղանիսն, և վրիպեաց ի պատկէն. իսկ երեսուն և ինն համբերութեամբ կատարեցան, և հասին այնմ աւե-

տեացն, որում ցանկացեալն էին: Իսկ մեր ընկերակիցն աւանիկ՝ որ յառաջագոյն որոշեցաւ ի մէնջ, ահա եղեգործակից սատանայի: Մինչ դեռ ոգիքն ի մարմինն են՝ ընկալաւ զառհաւատչեայ գեհենին տանջանաց, որ ոչ միայն սրբոց է ողբալի, այլ և ամենայն գաղանաբարոյ մարդկան»:

Զայս ասէին, և բազում արաստուս ի վերայ կորուսելոյն հեղուին, և անդէն զերզս հոգեւորս ի բերան առեալ ասէին. «Բարի է յուսալ ի Տէր քան յուսալ ի մարդիկ. բարի է յուսալ ի Տէր քան յուսալ յիշխանս. ամենայն ազինք շրջեցան զինեւ, և անուամբ Տեառն յաղթեցի նոցա»: Քաջալերէին զմիմեանս և ասէին. «Զայս գիտելով, եղբարք, մի երկիցուք յանաստուած ազգէս հեթանոսաց, որ քան զմեղուս վատթարագոյն ևս են ի զայրանալն իւրեանց, զի և նոցա ցասումն ի սատակումն անձանց իւրեանց լիցի, այլ մեք զանուն Տեառն կարդասցուք և վանեսցուք զամենեսեան»:

Իսկ ուրացեալն Վասակ հայէր ի միաբանութիւն սուրբ կապելոցն, որք մեծաւ խընդութեամբ ընդունէին զչարչարանսն, և զուարթագոյն և պայծառք երկէին որպէս

յառաջազոյն յարքունիսն, հայեր և կարօտէր, և ոչ ոք խառնեաց զնա ի նորա, այլ ուրոյն նովին կապանոք պահէին։ Եւ օր ըստ օրէ բերէին իբրև զգէշ ընկենուին ի մեծ հրապարակին, ձաղէին և այպահնէին, և տեսիլ ամենայն կարաւանին զնա առնէին։ Կողոպատեցին հանին և ոչ ինչ թողին զոր ընդ իւրն ունէր. այնպէս ձաղեցին աղքատութեամբ, մինչ հայ մուրանային և բերէին նմա իւր ծառայքն։ Եւ այնպէս սաստիկ արկին զպարտերս հարկաց աշխարհին ի վերայ տան նորա, որ մինչև զհարց և զհաւուց և զիւր արարս և զզարդս կանանց ևս եղ ի վերայ, և ետ և տուժեցաւ, և ոչ կարաց հասուցանել զպարտան արքունի։ Եւ յան տեղի հասուցին՝ մինչև հարցանել նմա «Եթէ կայցէ ինչ գանձ ի գերեզմանս նախնեացն մերոց»։ Եւ եթէ գտեալ էր նորա, հանէր և տայր ընդ իւր և ընդ ընտանեացն տուզանս. որպէս զի բազում մարդիկ իսկ չողան ի տուժի։

Եւ իբրև այսպէս յամենայն կողմանց հարեալ վատթարացաւ, անկաւ յախտս զժընդակս անդէն ի կապանոն։ Զեռաւ փոր նորա, և հարան և արորեցան զողք նորա, և քամեալ մզեցաւ թանձրամսութիւն նորա։ Եւ

ոային որդունք ընդ աչս նորա, և ի վայր սորեցին ընդ ոնդունս նորա. Խցան լսելիք նորա, և ծակոտեցան չարաչար շրթունք նորա. լուծան ջիլք բազկաց նորա, և յետ կոյս կորացան կրկունք ոտից նորա։ Բղխեաց ի նմանէ հոտ մահու, և փախստական եղեն ի նմանէ ձեռնասուն ծառայք նորա։ Լեզուն միայն կայր կենդանի ի բերան նորա, և ոչ գտաւ խոստովանութիւն ի շրթունս նորա։ Ճաշակեաց զման հեղձամղձուկ, և էջ ի դըժոխս անհնարին դառնութեամբ։ Ոտնհար եղեն նմա ամենայն սիրելիք նորա, և ոչ յագեցան սաստիկ հարուածովք ամենայն թշնամիք նորա։

Եւ այն որ կամէրն թագաւոր լինել մատնութեամբ՝ Հայոց աշխարհին, և ոչ գերեզմանի նորա տեղի երեկոցաւ ի նմին. քանզի իբրև զշուն մեռաւ և իբրև զէշ քարշեցաւ։

Ոչ յիշեցաւ անուն նորա ի մէջ սրբոց, և ոչ մատեաւ յիշատակ նորա առաջի սուրբ սեղանոյն յեկեղեցւոջն։ Ոչ ինչ եթող չարիս՝ զոր ոչ զործեաց ի կեանս իւր, և ոչ ինչ մնաց ի մեծամեծ չարեաց՝ որ ոչ անցին ընդ նա ի մահուան նորա։

Գրեցաւ յիշատակարանս այս վասն նո-

ըա, առ ի կշտամբումն յանդիմանութեան
մեղաց նորա. զի ամենայն՝ որ զայս լուեալ
գիտացէ, նզովս ի հետ արկցէ, և մի՛ լիցի
ցանկացող գործոց նորա:

ԱԽԱՏԵՑՄԱՆ

ԵՒԹՆ ՅԵՂԱՆԱԿԻՔՆ

Ա. Պ Տ Ա. Ք Ո Յ

ԵՒԹՆ ՅԵՂԱՆԱԿԻՔՆ

ՈՒԹԵՔՈՒՔ

ՎԱՄՆ ԶԱՐՋԱՐԱՆԱՅ

ՍՈՒՐԲ ՔԱՀԱՆԱՅԻՑՆ ԵՒ ՆԱՀԱՏԱԿՈՒԹԵԱՆ

Արդ ի վեշտասաներորդի ամի տէրու-
թեան նորին թագաւորի՝ դարձեալ
անդրէն խաղայր գնայր յաշխարհն Քուշա-
նաց մեծաւ սրտմտութեամբ ի գործ պա-
տերազմի: Եւ գնացեալ ի Վըկանէ, և ելեալ
յԱպար աշխարհ, նովին կապանօք զնախա-
րարսն և զքահանայսն հրամայեաց պահել ի
գղեալ քաղաքի ի Նիւշապուհ. և զերկուս
յերանելի կապելոցն ընդ իւր խաղացոյց: Ահ
արկանէր ամենայն քրիստոնէութեան ընդ
որ անցանէր:
Իբրև զայն տեսանէր Հոն մի, որ էր

յաղեկ թագաւորացն ի Խայլանսպրաց աշխարհէն, Բէլ անուն, և ի ծածուկ խոնարհէր առ քրիստոնեայսն, և սիրով յօժարութեամբ ուսանէր ինոցանէ զճշմարտութիւնն, և կամօք իւրովք նուածեալ էր ընդ իշխանութեամբ թագաւորին, և կարի յոյժ դառնանայր ի միտո իւր յորժամ տեսանէր չարչարեալ զսութբսն: Եւ իբրհ այլ ոչ ինչ էր ձեռնհաս, փախստական անկանէր առ արքայն Քուշանաց: Երթայր և պատմէր նմա զամենայն անցս չարչարանացն, զոր անցոյց թագաւորն ընդ աշխարհն Հայոց. տեղեակ ևս առնէր զնա վասն խրամատութեանն պահակին Հոնաց. ցուցանէր և զերկպատակութիւն զօրացն, որ բագում ազգք բաժանեցան ի սիրոյ թագաւորին. ազդէր նմա և զտրտունջ զԱրեաց աշխարհին:

Զայս իբրհ լուաւ թագաւորն Քուշանաց, ոչ ինչ երկմտութեամբ թերանայր յառնէն, և ոչ կարծիք լրտեսի անկանէին ի սիրա նորա: Քանզի սակաւ մի յառաջազոյն նորա լուեալ էր, դարձեալ իբրհ ստուգեաց ի Բելայ զայն ևս եթէ խաղացեալ զայ ի վերայ աշխարհին Քուշանաց, փութացաւ վաղվազակի զօր ժողովէր, զունդ կազմէր՝ ելանել նմա ընդ առաջ հզօր ձեռամբ: Զի թէսկտ

և ոչ կարէր յանդիման տաք պատերազմ ընդդէմ նորա, այլ ի վերջայս թեւոցն անկեալ՝ բազում հարուածս հասուցանէր ի վերայ զօրացն արքունի: Եւ այնպէս նեղեալ շտապէր՝ զի անձուկ լաշկարաւ վատախտարակ արարեալ՝ այսրէն դարձուցանէր, և ինքն ասպատակաւ զհետ մտեալ աւերէր զբազում գաւառս արքունի, և ողջանդամ անդրէն յերկիրն իւր գառնայր:

Եւ թագաւորն իբրհ եաես եթէ անարդանօք և վատթարութեամբ դարձեալ եմ ի պատերազմէս, զիջաւ փոքր մի ի հպարտութենէն, և զիտաց եթէ յերկպառակութենէ զօրացն եղեն չարիքն ամենայն: Եւ առ մղձկել սրտին՝ չզիտէր թէ յն թափէր զթոյնս դառնութեանն: Իսկ մեծ հազարապետն յոյժ էր յերկիւզի, քանզի ինքն էր պատճառք ամենայն չարեացն որ գործեցան:

Ակսաւ բանս ի բերան զնել մոգպեախն և մոգացն, որք մատուցեալ յանդիման ասէին ցթագաւորն. «Արքայ քաջ, մեք ի գենէ իսկ զիտեմք, զի ոչ ոք ի մարդկանէ կարէ կալ առաջի քոյոյ մեծի զօրութեանդ. այլ վասն քրիստոնէից — որ են ընդդէմ օրինաց մերոց — բարկացեալ են մեզ աստուածքն, զի մինչև ցայսօր կենդանի պահեցեր զնոսա»:

Եւ յիշեցուցանէին ևս նմա, որպէս նոքա ի բանտի անդ անիծանէին զքեզ։ Եւ բազում և այլ հայհոյութիւնս խօսէին գորբոցն, և զօր հանապազ զնոսա յաչաց հանէին, և զմիտս թագաւորին ածէին ի ցասումն բարկութեան. մինչև փութացաւ վաղվազակի հեղուլ զարիւն անմեղացն։

Ետ հրաման վասն երկուցն որ անդէն ի կարաւանին առ իւրն էին—Սամուէլ և Աբրահամ—զի գաղտ կորուցեն զնոսա։ Խակ որք էին ի դղեկ քաղաքին, հեռի էին ի կարաւանին իբրև օթիւք հնդետասան։ Հրամայեաց համբարակապետին, որում անունն էր Դենշապուհ, զի յառաջ քան զնա երթիցէ ի քաղաքն, ուր էին սուրբ քահանայըն Տետոն, և չարաչար տանջանօք իշխեցէ դատել և հարցանել, և սրով վախճանել։

Այլ զնոսա մոգպետին յառաջագոյն—որում յանձն արարեալ էր—բազում անդամ աւելի քան զհրամանն արքունի չարչարեալ էր. քանզի իշխան դենպետ էր Ապար աշխարհին, և առաւել ջերմագոյն էր ի մոգութեանն. քան զբազում զիտունն ևս տեղեակ էր զբագեցական օրինացն։ Նա և զոր մեծ պարծանս համբարէին ըստ իւրեանց մոլորութեանն կարգին, չամակդեն անուն

էր. զիտէր և զԱմպարտքաշն, ուսեալ էր և զԲոզպայիան, ունէր և զՊալհաւեկին և ըզՊարսկադենն։ Քանզի այս հինգ կեշաք են որ զբաւեալ ունին զամենայն օրէնս մոգութեանն. բայց արտաքոյ սոցա է մեւս ևս այլ վեցերորդ, զոր Պետամոգն կոչեն։

Թուէր իմն անձին՝ եթէ կատարեալ իցէ ամենայն զիտութեամբ. հայէր ընդ երանելինն, եթէ առ տգիտութեան մոլորեալ են ի մեծ զիտութենէս մերմէ։ Եղ սնոտի կարծիս ի մտի՝ անդագար չարչարել զնոսա, զի թերես առ չժուժալ մարմնոյն նեղութեանց՝ լուայց ի նոցանէ բանս ինչ ողոքանաց։ Վասն որոյ զատ և որոշեաց ի նախարարացն զբահանայսն, և հեռացոյց ի նոցանէ բացագոյն, և արկ զնոսա ի ներքնատուն մի գէճ խաւարչտին։ Եւ հրամայէր վեց առն երկու քաշկէնս ժամէ ի ժամ, և զորակ և կէս ջուր. և ամեննեին ոչ զոք թողոյր մօտ երթալ ի դուրս բանտին։

Եւ իբրև աւուրս քառասուն այսու նեղէր զնոսա, և ոչ լուաւ ի նոցանէ բան թուլութեան, այլ իմն ած զմտաւ, որպէս թէ ոք յիւրոց ծառայիցն զադտ եղիտ ինչ ի նոցանէ և ի ծածուկ տայցէ նոցա կերակուր։ Ինքն երթեալ կնքէր զերդ և զդուռն

բանդին, և զկարգեալ ոռճիկն տայր յիւր հաւատարիման տանել նոցա. և արար զայս աւուրս հնգետասամն:

Սակայն և այնպէս երանելիքն ոչ ինչ շտապեալ տագնապեցան. այլ մեծաւ համբերութեամբ տանէին գճգնութիւնն, և անդադար սաղմոսիւք կային ի հանապազորդ պաշտամանն. և ի կատարել աղօթիցն զուարթագին գոհանանալով, սակաւիկ մի հանգչէին ի գետնախշտի յանկողինան:

Իսկ պահապանքն որ ի վերայ կապելոցն կային՝ յոյժ էին զարմացեալ ընդ առողջութիւն անհիւանդութեան նոցա, իբրև լսէին զանգագար հնչումն ձայնիցն: Վասն այնորիկ պատմեցին յականջս մոգպետին և ասեն. «Ոչ են արքն այն լոկ առանց մեծի զօրութեան. զի եթէ պղնձի մարմինք ունէին նոքա, արդ լուծեալ էր ի գէճ խոնաւոյ անտի: Բազում ժամանակը են մեր՝ զի յանձն է մեզ պահպանութիւն բանտիս. ոչ յիշեմք՝ եթէ ի կապելոց ոք ամսօրեայ ժամանակ կեցեալ իցէ ի տանդ յայգմիկ: Արդ մեք ասեմք քեզ. եթէ առեր հրաման մահու նոցա և սպանանես՝ գու գիտես. ապա թէ ոչ, պահել յանձն արարաւ քեզ և ոչ դատել զնոսա՝ չարաչար վտանդ է կապելոցն: Նա և

մեք զահի հարեալ եմք և յոյժ երկնչիմք, յորժամ տեսանեմք զսոյնպիսի ամհնարին նեղութիւնս»:

Եւ իբրև զայս լուաւ մոգպետն, յարուցեալ ինքնին երթայր ի մէջ զիշերին յերդ բանտին: Եւ հայեցեալ ի ներքս ընդ մութ գիշերոյն, այն ինչ լինէր նոցա ի պաշտամանէն հանգչել, և տեսանէր զանձն իւրաքանչիւր կապելոցն՝ զի իբրև զկանթեղ անշիջանելի վառեալ բորբոքէր: Զահի մեծի հարաւ, և ասէր ընդ միտս իւր. «Զի՞նչ է այս մեծ սքանչելիքս. աստուածք մեր ուրեմն եկեալ իջեալ են ի բանտս, և նոցա փառաւորութիւնն լուցեալ բորբոքի: Եւ եթէ նոքա առ սոսա ոչ մերձենան, մարդոյ լոկոյ անհնարին է զայսպիսի պայծառութիւն լուսոյ զգենուլ: Իմ այսպէս լուեալ էր վասն կեշտիս այսորիկ՝ եթէ առ յոյժ յիմարութեանն մոլորեալ են, և ստութեամբ կերպարանին ի յաչս տպէտ մարդկան. թերևս և այս տեսիլ այնպէս ինչ երևեցաւ ինձ»:

Եւ ոչ կարէր համօրէն կալ ի վերայ իրացն երկաման: Եւ մինչդեռ յայսմ մտաց խորհրդի էր, դարձեալ սուրբքն յիւրաքանչիւր խշտեկացն կանգնեցան կացին ի սովորական պաշտամանն: Յայնժամ ձշմարտեալ

գիտաց մոգպեան, եթէ ոչ այլ ընդ այլոյ տեսանէր՝ որ երկեցաւն նմա, այլ ի նոցունց յանձանց փայլէր լուսաւորութիւնն: Յայնժամ կը կին անզամ զահի հարաւ և ասէ. «Ո՞ւմ ի կապելոցն եղեւ այսպիսի յայտնութիւնն. ես և ոչ զմի ոք ոչ գիտեմ, և ոչ լուեալ է իմ ի հարցն յառաջնոց»: Եւ քանզի անհնարին շարժեցաւ ի մեծ սքանչելեացն, և դողացին ամենայն մարմինքն, և թըմբը բեալ կիսամեռ լինէր ի վերայ տանեացն մինչև յառաւօտն. և ի ծագել լուսոյն իբրև զբազմօրեայ հիւանդ յարուցեալ երթայր ի վանս իւր, այլ և ոչ ումեք իշխեաց ամենին պատմել զոր ինչ ետեսն:

Կոչեաց առ իւր զպահապանսն և ասէ յնոսա. «Երթայր հանէք զկապեալն ի վերնատուն մի ցամաքազոյն, և անդ պահեցէք զնոսա զգուշութեամբ, որպէս և ասացէքն»: Մի ոմն ի գահձաց անտի իբրև լուաւ զիրամանս մոգպեատին, փութով ընթացեալ երթայր, իբրև մեծ իմն աւետիս տանէր նոցա: «Հրամայեաց ձեզ, ասէ, ելանել ի ցամաք վերնատուն մի. արիք վաղվաղակի, և մի հեղգայր, քանզի և մեք իսկ պաղատեցաք վասն ձերոյ տառապանացդ»:

Իսկ սուրբն Յովսէփ հեղաբար սկսաւ

խօսել ընդ դահճապետին և ասէ. «Երթ և ասա ցյիմար առաջնորդն ձեր. չէ լուեալ քո վասն հանդերձեալ գալստեան Տեառն մերոյ և կամ վասն մերոյ հրաշակերտ շինուածոցն՝ որք մեզ կան պահին ի սկըբանէ պատրաստութեամբ, վասն որոյ դիւրաւ համբերեմք մեծի նեղութեանս առ. սէր այնր յուսոյ զոր տեսանեմք: Դու բարուք արարեր, զի արգահատեցեր մեծի նեղութեանս մարմնոյ, այլ ոչինչ եմք ձանձրացեալք իբրև զանաստուած ոք՝ որ չիք այլ ինչ յոյս ի միտս նորա քան որ երկինս: Այլ մեք առ սէր Քրիստոսին մերոյ՝ ընդ այս յոյժ եմք խնդացեալ. և կատարեալ պարզես զսա իսկ համարիմք, զի ժամանակեայ վշտօքս զանժամանակ երանութիւնսն ժառանգեացուք:

«Եթէ շինուածոց իցեմք ցանկացեալք, ունիմք շինուածս յերկինս առանց մարմնաւոր ձեռագործի, որ ոչ երկին ձեր արքունիքդ առ նոքօք: Նոյնպէս և հանդերձից և փառաց և անախտ կերակրոց. զոր եթէ ոք կամեացի ասել ձեզ, չհանդարտէ լսել ձեր տկարութիւնդ. վասն զի կուրութեան հնութեամբն չտեսանէք և ոչ լսէք և ոչ իմանայք, յայն սակս զմեզ զուր և անիրաւ և առանց յանցանաց անողորմն դատիք: Այլ մեր

թագաւորն առաստ է և բարերար, և բաց է դուռն արքայութեան նորա. եթէ կամեսցի ոք դիմել՝ դիմեսցէ համարձակ. ի դարձելոց յապաշխարութիւն չնախանձի և ոչ ընդ ուժեք երբէք:

«Բայց վասն դիւրութեանս որ դու հրամայեցեր առնել մեզ, էր մեր իշխանութիւն անդրէն յաշխարհին մերում չանկանել մեզ ի ձեռս թագաւորիդ. որպէս և այլքն՝ զի ապրեցան յայսպիսի փորձանաց. այլ որպէս կամօք և յօժարութեամբ եկաք, իբրև թէ դիտէաք զվիշտա վտանգիս, ոչ ինչ զանգիտէաք յայսպիսի ճգանց, սոյնպէս և կամիմք՝ զի և այլ ևս ծանրացուցես ի վերայ մեր, մինչեւ քո չարութիւն կամացդ յագեսցի ի մեզ: Զի թէ Աստուածն մեր, որ է արարիչ երկնի և երկրի և ամենայն երեելեաց և աներեւութից, և առ սէր իւրոյ բարերարութեանն խոնարհեցաւ առ ազգս մարդկան, և զգեցաւ մարմին չարչարելի, և անց ընդ ամենայն հանդէս առաքինութեան, և կատարեաց զամենայն գործ անտեսութեան, ի կամս իւր մատնեցաւ ի ձեռս խաչահանուացն, մահու մեռաւ և եղաւ ի գերեզմանի, և զօրութեամբ աստուածութեանն իւրոյ յարուցեալ երեւեցաւ աշակերտացն և այլոց բաղմաց.

և վերացաւ առ Հայր յերկինս, և նըստաւ ընդ աջմէ հայրենի աթոռոյն, և չնորհեաց մեզ զօրութիւն երկնաւոր, զի ըստ նորա անմահութեանն՝ և մեք մերով մահկանացու մարմնովս կարիցեմք չարչարակից լինել անմահ մեծութեանն, և նա ոչ ևս իբրև զմահկանացու համարի զմեր մահն, այլ իբրև անմահակից հատուցանէ մեզ զվարձո վաստակոց մերոց: Արդ փոքր համարիմք մեք զչարչարանս զայս առ սէր փոխարինին զոր էարկ առ ազգս մարդկան»:

Իբրև լուաւ զայս ամենայն բանս մոդպեան ի դահճապեաէ անտի, խոռվեցաւ, պղտորեցաւ ի միտս իւր, և հատաւ քուն յաչաց նորա զբազում գիշերս: Իսկ յաւուր միոջ յերեկուն պահուն յարուցեալ երթայր առ նոսա միայնիկ լոիկ, և ոչ զոք առնոյր ընդ իւր ի սպասաւորացն: Եւ իբրև եհաս ի գուրս տանն, հայէր ընդ ծակ մի ի ներքս և տեսանէր ըստ տուաջին տեսլեանն. բայց նոքա ի քուն կային խաղաղիկ: Հեղաբար կարդաց յանուանէ զեպիսկոպոսն, քանզի քաջ իսկ գիտէր պարսկերէն: Եկն ի գուրս և հարցանէր. «Ո՞վ ես գոււ: — Ես ինքն իսկ եմ, ասէ. կամիմ ի ներքս մտանել և տեսանել զձեզ»:

Եւ իբրև եմուտ ի մէջ սրբոցն, ոչ

և երեքը նմա այլ նշանն. և պատմեաց նոցա զերկիցս երեւան սքանչելեացն։ Ետ պատասխանի Դևոնդ երէցն և ասէ. «Աստուած, որ ասաց ի խաւարի լոյս ծագել, որ և ծագեաց և լուսաւորեաց իմաստութեամբ զաներևոյթ արարածս, նոյն զօրութիւն և այսօր ծագեաց ի խաւարեալ միտս քո, և բացան աչք կուրացեալ ոգւոյդ, և տեսեր զանշիջանելի լոյս շնորհացն Աստուծոյ. փութա, մի հեղգար. գուցէ դարձեալ կուրացեալ ընդ խաւար գնայցես»։

Եւ զայս իբրև ասաց, յոտն կացին ամենեքեան ասելով ի քառասներորդ երկրորդ սաղմոսէն։ «Առաքեա, Տէր, զլոյս քո և զՃշմարտութիւն քո, զի նորա առաջնորդեցեն և ածցեն զմեզ ի լեառն սուրբ և ի յարկս քո։ Արդարի ճշմարտիւ, Տէր, առաջնորդեցեր և ածեր զմոլորեալս զայս յանանց ուրախութիւնդ և յանմերժելի հանգիստդ։ Ահա նմանեալ է օրս այս սուրբ չարչարանացն քոց. որպէս ապրեցուցեր զմահապարտ աւազակն յերկրորդ մահուանէն, և նովաւ բացեր զաղիսեալ դուռն Աղենայ, այսպէս գտեր և զայս կորուսեալս. որ էր պատճառք մահու բազմաց, արդ արարեր զսա պատճառք կենաց մեզ և անձին իւրում։ Գոհա-

նամք զքէն, Տէր, զոհանամք և ձայնակիցք լինիմք սուրբ մարգարէին։ Մի մեզ Տէր, մի՛ մեզ, այլ անուան քո տուր փառս վասն ողորմութեան և ճշմարտութեան քո. զի մի՛ երբէք ասացեն ի հեթանոսս, թէ ուր է Աստուած նոցա. որպէս և այսօր իսկ յայտնի եղև զօրութիւն քո մեծ ի մէջ ապարան խաւարազեստ ազգիս»։

Իսկ որ ձրին եգիտ զաստուածատուր շնորհան, սկսաւ և նա առանձինն ասել. «Տէր լոյս իմ և կեանք իմ, ես յումմէ՞ երկեայց. Տէր ապաւէն կենաց իմոց, ես յումմէ՞ դողացայց։ Քանզի զիտեմ ճշմարտիւ՝ եթէ բազում են այսուհետեւ թշնամիք իմ, և կամին մերձենալ և ուտել զմարմինս իմ. այլ դու, Տէր ամենայնի, եկիր վասն ամենեցուն կենաց, զի դարձին և կեցցեն առաջի քոյոյ մարդասիրութեանդ։ Մի որոշեր զիս ի սուրբ գառանցս յորս խառնեցայ, զի մի՛ ըստ քո փարախդ արտաքս ելեալ՝ չար զազան դարձեալ բեկանիցէ զիս։ Մի հայիր, Տէր, ի բազմամեայ ամբարշտութիւնս իմ, զի մի՛ մոլորեալ ի ճշմարիտ կենացդ՝ զբազումն անզրէն ի կորուստ աշակերտիցեմ, այլ որոց եղէ պատճառք մահու՝ նոցին եղէց և պատճառք կենաց։ Սատանայ՝ որ ինեւ խրոխ-

տացեալ պարծէր ի մէջ մեծի կորստականացս, ինև կորացեալ ամաչեսցէ ի մէջ իւրոց աշակերտացն»:

Եւ զայս իբրև ասացին, նմին իսկ ետուն կատարել զաղօթսն, և զաղարեցին նովառ հանդերձ մինչև ի պահն երրորդ, և այնպէս խաղաղացեալ կացին ի քուն ամենեքեան մինչև ի ժամ առաւօտուն:

Իսկ նորա յոտն կացեալ, և ի քուն ոչ մտանէր, այլ զձեռան իւր ի վեր համբարձեալ՝ կայր յաղօթս: Եւ մինչդեռ ընդ երդ պշտոցեալ հայէր յերկինս, յանկարծակի տունն լի եղե լուսով. և երեեցան նմա սամնդուղք լուսեղէնք՝ որ կանգնեալ էր յերկրէ ի յերկինս. և զունդք գունդք զօրաց ելանէին ի վեր. և էր ամենեցուն տեսին նոր և չըքնաղ և ահաւոր և սքանչելի իբրև զտեսիլ հրեշտակի: Ունէր և զթիւ համբարոյ ի միտո իւր զիւրաքանչիւր զնդիցն զոր տեսանէր. էր որ զհազարի, էր որ զերեսուն և վեցից, էր որ զերկերիւրոց և զերեքտասանից: Եւ այնպէս մօտագոյնս մերձենայր, մինչև ճանաչել նմա զերիս ի նոցանէ, զվարդան և զԱրտակ և զՄորէն: Եւ ունէին ինն պսակ ի ձեռին. խօսէին ընդ միմեանս և ասէին. «Ահա եկն եհաս ժամ, զի և սոքա խառնեցեր ի դասս ընտրելոց քոց: Ոչ միայն

ցին ի գունդս մեր. քանզի և մեք սոցա իսկ մնայաք, և առհաւատչեայ պատիւ սոցա բերաք: Եւ որում ոչ ևս մնայաք՝ եկն երեեցաւ և խառնեցաւ, և եղե իբրև զմի ի զինուորացն Քրիստոսի»:

Այս երիցս անգամ երեեցաւ չքնաղ տեսիլս առն երանելոյ: Զարթոյց զսուրբսն ի քնոյ անտի, և պատմեաց նոցա զամենայն տեսիլն կարգաւ:

Իսկ նոքա յարուցեալ կացին յաղօթս և ասէին. «Տէր Տէր մեր, զի սքանչելի է անուն քո յամենայն երկրի. համբարձաւ մեծ վայելչութիւն քո ի վերոյ քան զերկինս. ի բերանոց մանկանց տղայոց ստնդիացաց հաստատեցեր զօրհնութիւն, զի եղծցի թըշնամին և հակառակորդն: Զի ոչ ևս է այսունետե ասել, եթէ «Տեսից զերկինս զգործս մատանց քոց», այլ թէ տեսից զքեզ Տէր երկնի և երկրի. որպէս երեեցար իսկ այսօր ի ձեռն սուրբ զօրականացն քոց հեռաւոր օտարիս, որ անցեալ էր ըստ ակնկալութիւն կենաց իւրոց:

«Ահա դու, Տէր, ողորմութեամբ քով պսակեցեր զսիրելիս քո, և զթութեամբ քով ելեր ի ինդիր կորուսելոյս, դարձուցեր և խառնեցեր ի դասս ընտրելոց քոց: Ոչ միայն

ետես սա զերկինս՝ զգործս մատանց քոց, այլ ետես զերկինս և զբնակիչս նորա, և մինչդեռ է յերկրիս՝ խառնեցաւ ի գունդս բիւրաւոր հրեշտակաց քոց: Ետես և զողիս արդարոց կատարելոց, ետես և զնմանութիւն փառաց աներևոյթ պատրաստութեանցն, ետես և ի ձեռին նոցա զանշուշտ ուարունայն՝ որ հանդերձեալ պահի ի ձեռն ճարտարապետին: Երանի՛ սմա վասն սուրբ տեսլեանս, և երանի՛ է մեզ վասն սորա մերձաւորութեանս առ մեզ. քանզի հաստատեալ գիտացաք սովաւ, եթէ որում այսպիսի սքանչելիք յայտնին՝ մեծ մասն ընկալաւ սա յանսպառ քոց բարութեանցդ: Անսպառ են պարգեքն քո, Տէր, և առանց ինդրելոյ տաս ում և կամիս քոյով յորդ և աննախանձ առասութեամբք: Եւ եթէ որ ոչն ինդրեն՝ չարգելուս ի նոցանէ, բաց մեզ, Տէր, զգուռն ողորմութեան քո, որ ի մանկութենէ մերմէ ցանկացեալ եմք բարեմանութեան սրբոց քոց: Զնորագիւտ դաստակերտս քո բարեխօս առնեմք վասն անձանց մերոց. մի՛ ընկդմեսցի նաւ հաւատոց մերոց ի մէջ ալէ-կոծեալ ծովու մեղաց»:

Եւ այսպէս յերկար կատարելով զաղօթսն, յորդ և առատ արտասուս հեղուին ի վերայ

անձանց իւրեանց: Գութ ողոքանաց արկանէին առաջի բարերարին՝ զի լսելի լիցի ձայն պաղատանաց նոցա, և հաստատուն կացցեն ի վիշտս ճգանցն, զի մի՛ զրկեսցին ի ցանկալի պսակացն զոր ունէին սուրբքն ի ձեռս իւրեանց, որպէս և ազդեցաւ իսկ նոցա ի չողւոյն սրբոյ՝ զի մերձեալ էր ժամանակ կոչման նոցա. որպէս զի երթիցեն և աներկեւղ գաղարեսցին ի կասկածելի ակնկալութենէն. որում համբերէին բազում տառապանօք, զի առհաւատչէիւ փոքու հասցեն երկնաւոր մեծութեանն, որում ի վաղնջուց իսկ էին ցանկացեալք:

Եւ քանզի ինքն ինկ մողպետն իշխան էր աշխարհին, և նմա յանձն արարեալ էր զկապեալն քաղաքին, վասն այնորիկ և համարձակութեամբ ընդ առաւօտն հանեալ տանէր յապարանսն իւր: Լուսնայր և սրբէր զնոսա ի չարչարանաց բանտին, առնոյր զջուր լուացման սրբոցն և արկանէր զիւր մարմնովն: Ուզդէր ի տան իւրում աւագան, և ընդունէր ի նոցանէ զսուրբ մկրտութիւնն, հաղորդէր ի կենդանարար մարմինն և ի քաւիչ արիւնն Տեառն մերոյ Յիսուսի Քրիստոսի: Բարձր բարբառով աղաղակէր և աւէր. «Մկրտութիւնս այս լիցի ինձ ի լուտ-

ցումն մեղաց իմոց, և ի ծնունդս նորոգութեան վերստին Հոգւոյն սրբոյ, և ճաշակումն անմահ խորհրդոյս ի ժառանգութիւն երկնաւոր որդէքրութեանն»։ Դնէր և ըստ մարմնոյ առաջի նոցա սեղան կերակրոյ, և մխիթարութեան բաժակ մատուցանէր նոցա, և միաբանէր ընդ նոսա հացին օրհնութեան։

Այլ թէպէտ և ինքն եհաս յերկնաւոր բարիսն, և աներկեւդ էր ի մարդկանս հարուածոց, սակայն վասն ընտանեացն յոյժ ունէր կասկած, զի մի՛ իբրև վնասակարք մատնեացին յիրս արքունիի։ Վասն այնորիկ ի ծածուկ կոչէր ի զիշերի և զնախարարսն՝ որ ի նմին քաղաքի էին ի կապանս, և առնէր ծախս մեծամեծս։ Եւ էին ամենեքեան ի մեծի ինդութեան վասն սքանչելեացն որ երևեաւ նոցա։ Ոչ յիշէին ամենեին եթէ վիշտք ինչ անցեալ էին ընդ նոսա։

Բայց ի ժամ բազմականացն կարծիք իմն եղեն ի միտս սրբոցն վասն երիցու միոյ՝ որ էր ընդ նոսա ի սուրբ կապանսն. զի ի մէջ շինական մարդկան կեցեալ էր, և տգիտագոյն ևս էր ի գորոց մխիթարութենէ։ Հրամայեցին ունել զգլուխ բազմականին. ետ պատասխանի երանելին և ասէ. «Զի՞նչ է այդ զոր դուքդ գործէք. և կամ յինէն զի՞»

թաքուցանէք զծածուկս խորհրդոցդ։ Ես քան զկրսերս ձեր խոնարհագոյն եմ, և քան զեւս փոքունս յաշակերտաց ձերոց տգիտագոյն եմ. զիարդ կարացից այդմ տանել։ Այս իսկ մե՛ծ էր ինձ, զի սուրբ կապանաց ձերոց հաղորդեալ եմ այսօր։ Եթէ արժանի համարիք ձերում սեղանոյդ, կալարուք դուք զիւրաքանչիւր տեղի բազմականիդ, և հրամայցէք ինձ զիմ տեղին»։ Եւ բոնադատեաց մեծ եպիսկոպոսն Յովսէփ միաբանութեամբ ամենայն սրբոցն, և ի վերոց քան զամենեան բազմեցուցին զնա։

Եւ իբրև բոլորեցաւ ակումբ բազմականին, և հաղորդեցան ամենեքեան ի կերակուրն զուարթութեամբ, յոտն եկաց սուրբն Յովսէփ, և սկսաւ զուրախութեան նուագն մատուցանել և ասել այսպէս.

«Ուրախ լերուք ամենեքեան ի Քրիստոս. քանզի վաղիւ այս ժամ իցէ՝ ահա մոռացեալ իցէ մեր զամենայն նեղութիւնս և չարչարանս զոր կրեցաք։ Եւ փոխանակ սակաւ աշխատութեանս մերոյ՝ բազմապատիկ հանգիստ ընդունելոց եմք, և փոխանակ խաւարային արգելանի բանտիս՝ մտանելոց եմք յերկնից քաղաքն լուսաւոր, որոց քաղաքի քաղաքապետ ինքն Քրիստոս է, և

հանդիսապետ ասպարիսին՝ յորումնախ ինքն առաքինացաւ առնելով զնշան յաղթութեան։ Եւ այսօր նոյն Տէր է որ յաջողէ մեզ զնոյն նշան ընդունելով ի փրկութիւն անձանց մերոց և ի պարծանս մեծափառ սուրբ եկեղեցւոյ։ Եւ զոր օրինակ տեսէք դուք զեղբայրս զայս ի գլուխ բազմականիս մերոյ՝ սոյնպէս սա նախ ընդունելոց է վաղի զպսակն ի ձեռն կատարմանն իւրոյ։ Զի ահաւասիկ նեկն եհաս և մերձեցաւ առ մեզ թշնամին կենաց մերոց և պսակիչ սուրբ չարչարանաց ծառայիցս Քրիստոսի։

Զայս իբրև ասաց, լուաւ ի նմանէ բանս պնդութեան, որով յոյժ միմիթարեցան ամենեքեան։

Ասէ. «Ի սուրբ աղօթից ձերոց այլպէս արասցէ ինձ Քրիստոս, և կատարեսցէ զելս վախճանին իմոյ յաշխարհէս ըստ բանի քում։ Եւ ահա ընդ ասելի՛ քո ազգումն եղեւ հոգւոյս իմոյ, և յիշեցի ես զմարդասիրութիւնն Քրիստոսի, որոյ և գալուստ իսկ նորա յաշխարհս վասն մեր մեղացն եղեւ։ Գթասցի իս որպէս և յաւազակն ի ժամ խաչին. զոր օրինակ նովաւ զգրունս վակեալ դրախտին երաց, և յառաջեցաւ լինել կարապետ այնոցիկ՝ որ անդրէն ի նոյն տեղի դառնալոց

էին յուրախութիւն, արասցէ և զիս այսօր Տէր Յիսուս Քրիստոս սպասաւոր ձերում մեծաշուք գնդիդ։

«Աւանիկ վասն միոյ մեղաւորի որ դառնայ յապաշխարութիւն՝ անվախճան լինի ուրախութիւն հրեշտակաց յերկինս. որպէս զի զիտեն իսկ զկամս Տեառն իւրեանց։ Քանզի վասն միոյ կորուսելոյ ոչխարին եկն ի ինդիր, վասն այնորիկ և նոքա խնդակիցք լինին վասն միոյ դարձելոյ յապաշխարութիւն։ Թերես վասն իմ եկեալ էր մեծ զօրավարն Հայոց բազում սուրբ ընկերակցօքն իւրովք. զպսակն վասն ձեր բերեալ էր, այլ զուրախութեան աւետիսն հասարակաց տայր։ Եւ առաւել ևս ընդ իս էին զարմացեալ. զի ոչ ճանաչէին զիս ի կեանս իւրեանց, ահա ի սուրբ մահն իւրեանց՝ կամէին զի և ես մասն ընկալայց ընդ երանելիսն։

«Աղաչեմ զձեղ, տեարք իմ և հարք, աղօթս արարէք ի վերայ անարժանութեանս իմոյ, զի արժանի եղէց մեծի աւետեացն հասանել՝ որ յանսուտ ձերոց բերանոցդ բարբառեցաւ ի լսելիս իմ։ Արդ փութամ տեսանել զօքն, և յաւուր անդ զժամն եկեալ հասեալ ի վերայ մեր։

«Ե՞րբ իցէ զի ելից ի թանձրադանդաղ

ձանձրալի մարմնոյս այսորիկ. Ե՞րբ իցէ զի տեսից զքեզ Տէր Յիսուս. Ե՞րբ իցէ զի տպիտութիւնս իմ հասցէ ի կատարեալ գիտութիւն։ Օգնեա ինձ, Տէր, օգնեա ինձ, և կարկառեա զամենազօր աջդ յօդնականութիւն. զի ըստ խոստման բանիցս իմոց և գործք արդեամբք կատարեսցին ի վերայ իմ. և փառաւոր լրցի յիս ի մեղաւորս անուն Տեսոն մերոյ Յիսուսի Քրիստոսի»։

Զայս իբրև ասաց երանելին՝ յոտն կացին ի բազմականացն անդ, գոհանային ասելով. «Փառք քեզ, Տէր, փառք քեզ թագաւոր, զի ետուր մեզ կերակուր ուրախութեան. լցո զմեզ Հոգւովդ սրբով, զի գոտցուք առաջի քո հաճոյք և մի՛ ամաչեցեալք, զի դու հատուցանես իւրաքանչիւր ըստ գործս իւր»։

Ի նմին ժամու եղե խորհուրդ մեծ ի մէջ նոցա, թէ զի՞նչ օրինակաւ կարասցեն ապրեցուցանել զմոգպետն, զի մի՛ լուեալ յարքունիսն՝ իբրև զհուր բորբոքեսցի ի վերայ մնացելոցն։ Իբրև ոչ ինչ կարացին ի ժամուն վճարել, միաբանութեամբ ազօթս արարեալ՝ յԱստուած ապաստան առնէին զկեանս առնն հաւատացելոյ։

Իսկ նախարարքն հրաժարեցին ի սրբոցն

յորդառատ արտասուօք, և ողբալից ուրախութեամբ անկեալ յոտս նոցա աղաչէին մեծաւ պաղատանօք՝ յանձն առնել զնոսա Հոգւոյն սրբոյ. «Զի մի ոք ի մէնջ, ասեն, թուլացեալ և ելեալ արտաքս ի հաւատար միաբանութենէս, կերակուր լիցի չարաբարոյ գագանին»։

Իսկ երանելիքն միաբան քաջալերէին զնոսա և ասէին. «Զօրացարուք, եղբարք, ի Տէր. միսիթարեցարուք ի մարդասիրութիւնն Աստուծոյ, որ ոչ թողու զձեզ որբս, և ոչ ի բացէ առնէ զողորմութիւնն իւր ի մէնջ հաւատով ի Քրիստոս. բազում բարեխօսիւքն զոր ունիմք առ նա, ոչ շիջանի վառումն կանթեղաց ձերոց, և ոչ ուրախ լինի խաւարասէր թշնամին կենաց ձերոց։ Այլ նոյն Տէր է որ զօրացոյց զառաջին նահատակն՝ խառնելով զնոսա ի գունդս հրեշտակաց իւրոց. նոցուն սուրբ ոգիք և ամենայն դասք արդարոց հասցեն ձեզ յօդնականութիւն համբերութեան, զի ընդ նոսին նոցունց պսակացն արժանի լինիջիք»։

Զայս խօսէին ընդ նոսա, և զգիշերն ամենայն սաղմոսիւք ի զլուխ տանէին. իսկ ի ժամ առաւոտուն ասէին ամենեքեան. «Ծագեա, Տէր, զողորմութիւնս քո՛ ոյք

ճանաչեն զքեզ, զարդարութիւնս քո՛ ոյք
ուղիղ են սրտիւք։ Մի եկեսցէ ի վերայ մեր
ուսն ամբարտաւ անից, և ձեռք մեղաւորաց
մի՛ զողացուսցեն զմեզ։ Անդ անկցին ա-
մենեքեան որ գործեն զանօրէնութիւն,
մերժեցան, և այլ մի՛ կարացեն հաստատել։

Եւ անդէն վազվաղակի հասին դահիճքն
ի դուռն բանտին, մտին ի ներքս և տեսին՝
զի որ յառաջ մողպեան էր, և նմա իսկ
յանձն արարեալ էր պահել զնոսա, նստէր
ի մէջ նոցա և լսէր ի նոցանէ, նա և քաջա-
լերէր ևս զնոսա չերկնչել ի մահուանէ։
Իբրև տեսին զմեծ սքանչելիսն դահիճքն՝
յոյժ զարմացան ընդ իրսն, այլ ոչ ինչ իշ-
խէին հարցանել ցնա. բայց չոքան և պատ-
մեցին Դենշապհոյ, որում յանձն արարեալ
էր զչարչարանս սրբոցն։

Իսկ նա իբրև լուաւ ի դահճացն արքունի,
դահի մեծի հարաւ ի միտո իւր, թէ գուցէ
և ինքն անձամբ ի ներքս լիցի, քանզի և
ծանօթագոյն ևս էր առնն։ Հրամայեաց հա-
նել ի բանտէ անտի զամենեսեան կապանօքն,
և հեռացուցանէր ի քաղաքէ անտի երկո-
տասան պարսիկ հրասախաւ։ Եւ ի ծածուկ
խօսէր ընդ մողպետին՝ եթէ զի՞նչ պատ-
ճառք իցեն զառանցանաց նորա։ Ետ պա-

տասխանի այլն և առէ ցնա. «Մի խօսիք
ընդ իս ի ծածուկ, և մի՛ լսեր զխորհուրդս
լուսոյ ի մէջ խաւարի, զի բացան աչք իմ
արդ, քանզի տեսի զլոյմն երկնաւոր։ Եթէ
կամիս լինել խորհրդակից կենաց, հարց ցիս
յանդիման, և պատմեմ քեզ. զի տեսի զմե-
ծամեծմն Աստուծոյ»։

Եւ իբրև լուաւ ի նմանէ զամենայն, և
ստուգեաց ևս վասն իւրոյ միաբանութեանն,
եթէ ոչ քակտի ի սրբոցն հաւանութենէ, ոչ
իշխեաց ձեռն արկանել ի նա, թէպէտ և
ունէր հրաման յարքունուսու։ Այլ փութա-
ցաւ, և ինքն երթեալ պատմէր թագաւորին
ի ծածուկ զամենայն որպէս զիարդ լուաւ
ի նմանէ։

Ետ պատասխանի թագաւորն և առէ
ցԴենշապուհ. «Մի ոք ամենեին լուիցէ
զայդ ի քէն, մանաւանդ վասն տեսլեանն
մեծի որ երկնեալ է նմա. զի մի՛ տգէտ
մարդիկ երկմտեալ՝ բաժանեսցին ի մեր
հաստատուն օրինաց։ Մինչ մեք զայլ
կամէաք հնազանդեցուցանել՝ թերևս զոգիս
գտցեն, իբրև նոցա ոչ ինչ կարացաք առ-
նել, մեր որ վարդապէտ օրինացդ էին՝
զինի նոցա մողորութեանն խոտորեցան»։

«Նա և այն եւս չար է մեզ քան զա-

մենայն, զի ոչ դուզնաքեայ ոք խոտորեցաւ
ի նոցա օրէնսն, այլ այր մի Համակղեն,
երևելի ընդ ամենայն վերին աշխարհու: Եթէ
փայքարիմք ընդ նմա, նա տեղեկագոյն է
քան զամենայն վարդապետ աշխարհիս.
դուցէ ի հիմանէ խարխարեալ աւերէ զօրէնս
մեր: Եւ եթէ դատիմք զնա ընդ այլ չարա-
գործն. նա և այնպէս հռչակեալ ելանէ
համբաւ քրիստոնէութեան նորա, և մեծ
անարգանք զինի դենիս ձգին: Եւ եթէ սրով
ևս վախճանեսցի, բազում են քրիստոնեայք
ի կարաւանիս, ընդ ամենայն երկիր ցանեալ
ցրուեսցեն զոսկերս նոցա: Սակաւիկ ինչ
էին մեզ անարգանք առ ամենայն մարդիկս,
ուր մեծարեալ պատուէին ոսկերք նածրաց-
ւոցդ. իսկ եթէ մողացդ և մողպետաց զնոյն
պատիւ կրեսցեն, մեք մեզէն լինիցիմք քակ-
տիչք օրինացն մերոց:

«Այլ այժմ իմ է քեզ երդումն տուեալ
յանմահ դիսն. նախ զգառնացեալ ծերն կո-
չեա առաջի քո. եթէ հաւանեսցի սիրով, և
զղջացեալ ապաշաւեսցէ զկախարդութիւնս
նոցա, մեծարեսջիր զնա սիրով՝ պատուվ
ըստ առաջին կարգին. և մի՛ ոք դիտասցէ
զթշնամանս նորա ամենեին: Ապա թէ ոչ
հաւանեսցի, և ոչ կամենցի անսալ բանից

իմոց, յարուսջիր ի վերայ նորա բազում
ամբաստանս յաշխարհէ անտի, զի ինասակար
գացի յիրս արքունի, և աշխարհաւ փուր-
սիշն ի վերայ յարուսջիր, և շկօթակ արաս-
ջիր յայնկոյս քան զկուրան և զՄակուրան.
և անդ ընկեցեալ զնա ի վիրապ մի, և ըն-
կալցի զմահ թշուառութեան: Եւ զայլաղենան
փութանակի կարձեա ի կենաց աշխարհիս,
զի մի՛ զգրդեսցեն զօրէնս մերոյ աշխարհիս:
Զի եթէ զճարտար մողպետն այնպէս արագ
աշակերտեցին, տղէտ մարդիկի զի՞մրդ կա-
րացեն կալ առաջի նոցա պատիր խարէ-
ութեանն»:

Արդ ել նստաւ Դենշապուհ արտաքոյ
բանակին յատենի, որպէս ասացաք, հեռի
երկոտասանն հրասախաւ: Հարցանէր ցմող-
պետն և առէր. «Իշխանութիւն առի վասն
քո, ոչ միայն բանիւ հարցանել, այլ և ամե-
նայն հարուածովք տանջանաց: Մինչչ ձեռն
արկեալ է իմ իքեզ, ընկալ զմեծարանս և
արհամարհեա զանարգանս, և ինսայեա ի
պատուական ալիսդ: Թող անդր ի բաց
զքրիստոնէութիւնդ՝ զոր ոչ ունէիր ի բնէ,
և զարձիր անդրէն ի մողութիւնն, որպէս
զի փարդապետ էիր բազմաց»:

Ետ պատասխանի երանելին և առէ.

«Աղաչեմ զքեղ, տէր, որ յառաջ իբրհ ըզ-
հարագատ եղբայր համարեալ էիր յաչս իմ,
և այսօր թշնամի կատարեալ. մի՛ ըստ առա-
ջին սիրոյն զթար դու յիս, այլ կատարեա-
լի վերայ իմ զկամս չարութեան թագաւորին
ձերոյ. և որպէս առեր իշխանութիւն ի վե-
րայ իմ՝ դատեա զիս»:

Յայնժամ իբրհ ետես Դենշապուհ՝ եթէ
առ ոչինչ զապառնալիսն արքունի համարե-
ցաւ, և ոչ ողոքանացն երեսս ինչ արար, և
քան ի ծածուկ՝ յայտնի ևս կամէր զի խօ-
սեցի, կատարեաց ի վերայ սորա ըստ խրա-
տուն արքունի։ Եւ գաղտագողի ընկեցաւ ի
հեռաւոր օտարութիւն. որպէս զիարդ և
ուսաւ ի վարդապետէն՝ և արար։

Եւ հրամայեաց ևս Դենշապնոյ երկուս
ևս ընկերակիցս օգնականս յաւագ գործա-
կալացն. զԶնիկանն, որ էր մարզպետ ար-
քունի, և զՄովան հանդերձապետ՝ ի ձեռանէ
Մովպետան մովպետի։

Երդ երկոքեան սոքա իւրաքանչիւր ըս-
պասաւորօք առին զսուրբսն յայնմ անա-
պատէ, և փոխեցան նոյնչափ ևս հեռագոյն
ի մեւս ևս դժնդակ տեղի ի նմին զիշերի։
Եւ զոք ի կարաւանէ անտի ոչ թողին տե-
սանել, ոչ ի չայոց և ոչ յամենայն քրիստո-

նէից, և ոչ բնաւ յարտաքին հեթանոսաց:
Եւ սպասաւորքն որ էին ի վերայ կապելոցն
անդէն իքաղաքին, հրամայեցին պահել զգու-
շութեամբ, զի զիետս նոցա մի՛ ոք զիտացէ՝
ընդ որ տանիցեն ի մահու տեղի, մի՛ նոքա
և մի՛ ամենեին ոք ի մարդկանէ։

Բայց այր մի Խուժիկ սնուն ի զօրացն
արքունի—որ ի ծածուկ ունէր զքրիստո-
նէութիւնն, և վիճակեալ էր ի դասս դահ-
ճացն, և կայր ի սպասու օրապահացն հան-
դերձ գործիական տանջանարանօքն, եկն
եմուտ ի մէջ զիշերին և խառնեցաւ ի դասս
նախարարացն։ Առաջին դասն ի միջնոյն
կարծէր զնա, և միջինն երրորդին, և երե-
քեանն միմեանց համարէին զնա. և ոչ ոք
ի նոցանէ եհարց՝ եթէ «Դու ով ես ընդ
մեղ», ոչ ի տերանցն և ոչ ի սպասաւորացն։

Իբրև հասին ի տեղի անապատին՝ որ
ամենեին անբոյս էր ի դալարւոյ, և այնպէս
էր ապառաժ զմնեայ՝ զի և ոչ նստելոյ
անգամ տեղի դտաւ անդ նոցա, իջին հե-
ռագոյն նախարարքն երեքեան, և հրամա-
յեցին դահճացն իւրեանց կապել զոտս և
զձեռս նոցա։ Եւ արկին պարանս երկայնս
յոտս նոցա, և երկու երկու լծեցան և առին
ի քարշ։ Եւ այնպէս ձգեցին և ձողքեցին

ընդ ապառաժ տեղիսն քարշելով, զի ամենկին խայծ ոչ մնաց ի մարմինս երանելեացն։ Եւ ապա լուծին և ածին ի մի տեղի։

Եւ թուէր իմն նոցա այսպէս՝ եթէ կակեցաք զիստութիւն նոցա, և հնագանդեցուցաք զբիրտ ապստամբութիւն նոցա։ և արդ զինչ և խօսիցիմք՝ անսայցեն բանից մերոց, և առնիցեն զկամս թագաւորին, և ապրեալ լիցին յանհնարին տանջանացն։ Եւ զայն ոչ կարացին քաջ իմանալ՝ եթէ իբրև զքաջ զինուորս վառեցին զնոսա, և ի հրահանգս կրթութեան վարժեցին զնոսա, և իբրև զգագանս վայրենիս արիւնախանձս ուսուցին զնոսա։ Եւ եթէ ունէին սակաւինչ կասկած յառաջագոյն, հայեցեալ նոցա ի չարաչար վէրս մարմնոյն իւրեանց՝ զառաջին երկեւզն ի բաց մերժեցին։ Սկսան իբրև արբեալք անզգայք զմիմեամբք ելանել ի բանից պատասխանիս, և փութային իբր ծարաւիք յաղբեւք՝ եթէ ո՛ նախ վաղ զիւր արիւնն հեղցէ յերկիր։

Եւ մինչդեռ յայսմ պատրաստութեան էին սուլրբքն, խօսել սկսաւ ընդ նոսա Դենշապուհ և ասէ. «Արքայ յղեաց զիս առ ձեզ. ամենայն աւեր աշխարհին Հայոց, ասէ, և կոտորածք զօրացն՝ որ հասին ի վերայ, ի

ձէնջ եղեն վնասքն ամենայն. և բազում նախարարք՝ որ այժմ կան կապանօք չարչարեալ, վասն ձերոյ յամառութեանդ եղե այդ ամենայն։ Այլ և արդ եթէ կամիք ինձ լսել՝ ասեմ ձեզ, որպէս եղերուք պատճառք ամենայն չարչարանաց մահուն՝ այսօր լերուք պատճառք կենաց ձերոց։ Եւ նախարարքն՝ որ կան ի կապանս, ի ձեռն ձեր է իշխանութիւն արձակել զնոսա. և աւեր աշխարհին ձերոյ ձեւք շինի, և բազումք որ վարեալ են ի գերութիւն՝ անդրէն դառնան։ «Ահա դուք ձերոյին աչօքդ տեսէք այսօր, եթէ զորպիսի այր տոհմիկ, զոր թագաւորն ինքնին յականէ յանուանէ ճանաչէր վասն մեծի գիտութեան օրինացս մերոց, և կատարեալ էր յամենայն ի դենիս և ամենայն մեծամեծաց սիրելի, և զրէթէ բոլոր աշխարհս կախեալ էր զնմանէ. և վասն զի անարգեաց զդենի մազգեզն, և պատրեցաւ ի ձեր տիսմար գիտութիւնդ, ոչինչ ինսայեաց թագաւորն ի մեծ պատիւ նորա, այլ իբրև զգերի մի զանաշխարհիկ շկօթակ արարի զնա յայնչափ օտարութիւն հեռաւոր, զի ընդ երթալն իսկ ոչ ժամանէ ի տեղի պատուհասին իւրոյ։

«Արդ եթէ ի բուն դայեկութիւնն վասն

պատուական օրինացն ոչ խնայեաց ի նա, որչափ ևս առաւել ի ձեզ յօտարաշխարհիկոդ, որ մահապարտ իսկ էք յիրս արքունի: Եւ չիք ինչ ձեզ այլ հնար կենաց, բայց եթէ երկիր պագանիցէք արեգական, և կատարիցէք զկամս թագաւորին, որպէս և ուսոյց զմեզ մեծն Զրադաշտ: Եւ եթէ զայդ առնէք՝ ոչ միայն արձակիք ի կապանացդ և ապրիք ի մահուամնէ, այլ և մեծամեծ պարգեւօք յուղարկիք յաշխարհն ձեր»:

Յառաջ մատուցեալ Ղետնդ երէց և թարգման կացոյց զՄահակ եպիսկոպոս. «Զի՞րդ լուիցուք, ասէ, երկդիմի հրամանացդ քոց. ահա զերկրպագութիւնդ նախ ետուր արեգական, և զկատարումն երկրպագութեան ի կամս թագաւորին ձգեցեր. մեծարեցեր զարեգակն՝ յառաջ ձայնելով զանուն նորա, և մեծացուցեր զթագաւորն աւելի քան զարեգակն. և յայտ արարեք՝ եթէ առանց կամաց իւրոց սպասաւորէ արեգակնն արարածոց, իսկ թագաւորն ի կամս ազատութեանն իւրոյ՝ զոր կամի աստուածացուցանէ, և զոր կամի ծառայեցուցանէ. և ինքն ի ճշմարտութեանն վերայ չեւ է հասեալ: Մի խօսիր ընդ մեզ իբրև ընդ տղայս, զի հասակաւ կատարեալս եմք, և զիտութեան ոչ եմք

անտեղեակ: Ուստի սկսար դու, այտի տաց քեզ պատասխանի:

«Ապաքն զմեզ եղիր պատճառս աւելրածոյ աշխարհին մերոյ և հարուածոց զօրացն արքունի. մեր օրէնքն զմեզ այդպէս ոչ ուսուցանեն, այլ յոյժ պատուել հրամայեն զերկրաւոր թագաւորս, և սիրել զնոսայամենայն զօրութենէ մերմէ, ոչ իբրև զմարդոք դուզնաքեայ ի մարդկանէ, այլ իբրև Աստուծոյ ճշմարտի կալ ի ծառայութեան. և եթէ զրկիմք ի նոցանէ, փոխանակ ընդ երկրաւորիս զերկնիցն խոստացաւ մեզ զարգայութիւն: Եւ ոչ միայն զարբանեկութիւն հպատակութեան պարտիմք հարկանել նոցա, այլ և մահու չափ զանձինս ի վերայ դնել սիրոյ թագաւորին: Եւ որպէս յերկրի ոչ ունիմք իշխանութիւն փոխանակել զնա ընդ այլում տեառն, նոյնապէս և յերկինս չունիմք իշխանութիւն փոխանակել զճշմարիտ Աստուծութիւն մեր ընդ այլում, որ չիք Աստուծքաց ի նմանէ:

«Բայց ասեմ քեզ՝ որում սակաւիկ մի տեղեկագոյն ես: Ո՞վ ի քաջ զօրականէն զկնի մտանիցէ ի պատերազմ. և եթէ զայս արասցէ, ոչ քաջ անուանի նա, այլ յոյժ վատ: Եւ կամ ո՞յ յիմաստուն վաճառականաց զպա-

տուական մարդարիտն վորսանակիցէ ընդ
անարդ թրուշայի, բայց եթէ յիմարեալ իցէ
տղիտութեամբ, որպէս և ձեր մոլորութեան
առաջնորդքդ:

«Միայն գտեր զմեզ ի բազում՝ յառա-
քինեացն մերոց, և կամիս գողութեամբ
աւերել զամուրս խորհրդոց մերոց. չեմք
մեք միայն՝ որպէս և դուդ կարծես. չիք
տեղի ունայն, ուր չիցէ Քրիստոս թագա-
ւորն մեր. բայց միայն այնոքիկ են թափուր
ինմանէ՝ որ իբրև զբեզ և զչարադի իշխանն
քո, որք ուրացեալ էք ինմանէ։ Զի և զի-
նուորք աշխարհին մերոյ—որ աշակերտեալքն
էին մեւք ի Քրիտոս—առ ոտն հարին զա-
հագին հրամանս թագաւորին ձերոյ, և զմե-
ծամեծ պարզես առ ոչինչ համարեցան, և
զհայրենի տէրութիւնն ի բաց կողոպտեցան,
չխնայեցին ի կին և յորդիս և ի գանձս մար-
մնաւորս կենաց աշխարհիս։ Նա և ոչ զա-
րիւնն իւրեանց ածէին զմտաւ ինչ վասն
սիրոյն Քրիստոսի, այլ զերկպագուս արե-
գականն—որ ձեր վարդապետք էին—չարա-
չար հարուածովք սատակեցին զնոսա, և
մեծամեծ չարիս հասուցին ի վերայ զօրացն
ձերոց, և բազումք ի նոցանէ անկանէին ի
նմին պատերազմի, և այլք մատնեցան ի պէս

պէս փորձութիւնս, և կէսքն ընկեցան ի
հեռաւոր օտարութիւն, և ևս բազմագոյնք
վարեցան ի գերութիւն։ Եւ ամենեքին նոքա-
յառաջեցին քան զմեզ յարքայութիւնն Աս-
տուծոյ, և խառնեալ են ի գունդս վերին
հրեշտակացն, և ցնծան ի պատրաստեալ յու-
րախութիւնս, յոր հասեալ խառնեցաւ երա-
նելի այրն զոր դու ասես շկօթակ արարի:
Երանի տամ նմա, և երանի երկրին՝ ընդ որ
նայն անցանիցէ, և տեղւոյն՝ ուր նայն վախ-
ճանեսցի. ոչ միայն զարքունեօք ձերովք
անցանէ պատուականութեամբ, այլ և զերկ-
նից լուսաւորօքդ՝ որում դուքդ երկիր-
պագանէք»։

Ետ պատասխանի Մովան հանգերձապետ
և տաէ ցնոսա. «Աստուածքն բարերար են,
և երկայնմտութեամբ ջանան ընդ ազգի
մարդկան, զի գիտացեն և ծանիցեն զիւ-
րեանց փոքրկութիւնն և զնոցա մեծութիւն,
և վայելեսցեն ի պարզես աշխարհիս, զոր
տուեալ է յիշխանութիւն ի ձեռս թագաւորի,
և ի բերանոյ նոցա ելանեն հրաման մահու
և կենաց։ Եւ ձեզ ոչ է իշխանութիւն այդ-
պէս ընդդիմանալ կամաց նոցա և ոչ առնուլ
յանձն զերկըպագութիւն արեգական,, որ
ճառագայթիւք իւրովք լուսաւորէ զամենայն

ախեղերս, և ջերմութեամբ իւրով հասուցանէ զկերակուր մարդկան և անասնոց. և վասն հասարակաբաշխ առատութեանն և անաչառ մատակարարութեանն անուանեցաւ Միհր աստուած, զի չիք ինմա նենգութիւն և անիմաստութիւն. Վասն որոյ և մեք երկայնամիտ լինիմք ի վերայ տգիտութեան ձերոյ. Քանզի չեմք մարդատեացք իրրե զգազանս շաղղակերս և արիւնարբուս: Խընայեցէք յանձինս ձեր, և մի՛ խառնէք զմեզ ակամայ յարիւնդ ձեր: Թողէք անդր զառաջին յանցանս ձեր, և զառաջիկայ իրս ուղեցէք, զի և այլոցն վասն ձեր լիցի ողորմութիւն ի մեծ թագաւորէն»:

Առ այս ետ պատասխանի Սահակ եպիսկոպոս և ասէ. «Իրրե ուսեալ և յոյժ խրատեալ՝ զգեղեցիկ հոգ յանձին ունիս շինութեան աշխարհի և փառաց թագաւորին. բայց զայս կարի տգիտաբար ուսուցանես, զի աստուածս բազումս խոստվանիս և զմի կամս ոչ ասես ամենեցուն: Եթէ վեհքն առ միմեանս մարտուցեալ են՝ մեք խոնարհագոյնք քան զնոսա զիարդ կարացուք հաւանել բանից քոց: Միաբանեա զջուր և զկրակ, զի ուսցուք ինոցանէ զիազաղութիւն. կոչեա զարեգակն ի տուն որպէս կրակ, և եթէ

նմա ոչ մարթի կալ՝ զի մի՛ աշխարհ ի խաւարի մնացէ, յղեա զդա առ նա, զի ուսցի ինմանէ զանկարօտութիւնն:

«Եւ եթէ մի՛ է բնութիւն աստուածոցն քոց, հաւասարեսցեն առ միմեանս զուգութեամբ. լիցի անկերակուր կրակ իրրե զարեգակն, և մի՛ խափանեսցին ծառայքն արքունի ի ծախս ոռճկաց սորա: Արդ մինդ անյագ ուտէ, և հանապագ մեռանի. և մինն որ չուտէ, առանց օգոյն նուազի լոյս ճառագայթից իւրոց. ցրտանայ ձմերայնի, և սառուցանէ զամենայն բոյսս դալար խոտոյ. տօթանայ յամարայնի, և հրակէզ առնէ զամենայն կենդանիս: Եւ որ ինքն յար ի փոփոխման կայ, ոչ կարէ հաստատուն կեանս ումեք շնորհել: Եւ քեզ ոչ կարեմ մեղաղիը լինել, որոյ ոչ տեսեալ է զմեծ թագաւորն, պատուաւրացն մատուցանէ զերկըպազութիւն. իսկ եթէ ոք զայս ի հմուտ զիանոցն արացէ, վաղվազակի մահ ի վերայ հրամայեն:

«Այլ վասն արեգական, եթէ կամիցիս ուսանել, զգմարիտն ասացից քեզ: Մասնէ նա աշխարհիս արարածոց, ի բազում մասնոց մի մասն որոշեալ է. կէսքն ի վերոյ են քան զնա, և կէսքն ի ներքոյ նորա: Ոչ է նա առանձին սուրբ յստակ լուսով, այլ ի

ձեռն օդոյն հրամանաւն Աստուծոյ տարածանէ զճառագայթո իւր, և հրային մասամբ ջեռուցանէ զամենայն գոյացեալս ի ներքոյ իւրոյ կայանին: Իսկ վերինքն ոչ ինչ մասն ունին ի նորա ճառագայթիցն, քանզի իբրև յաման ինչ արկեալ է զլոյսն ի գունդ նորա, և ի վայր կոյս հեղու բերանացեալ՝ առ ի պէտս ներքնոցս վայելչութեան: Եւ զոր օրինակ նաւ մի թոռուցեալ ի վերայ ծովային ջուրցն բազմութեան, անզիտութեամբ գնայ զուղկորութիւնն ի ձեռն հմուտ և ճարտար նաւապետին, այսպէս և արեգակն ի ձեռն կառավարին իւրոյ ունի զփոփոխմունս շըրջանին իւրոյ տարեսը ժամանակին:

«Եւ որպէս այլ մասունք աշխարհիս հաստատեալ են վասն մեր կենացն, և զնա իբրև զմի յայլոց մասանց տուեալ է մեզ յառաջնորդութիւն լուսոյ, որպէս զլուսին և զատեզս և զօդս յարածուփս և զամպս անձրեաբերս. նոյնպէս և յերկրիս մասանց զծով և զգետս և զաղբեւրս և զամենայն պիտանացու ջուրս, նոյնպէս և զցամաքայինս ամենայն պիտոյիւք իւրովք: Աստուած՝ և զմի ոք ի սոցանէ չէ արժան անուանել. և եթէ ժպրիցի ոք ասել՝ զանձն տղիտաբար կորուսանէ, և աստուած անունն մե-

ծարելով գնոսա՝ նոքա ոչ ինչ օգտեցան: Միոյ իշխանութեան երկու թագաւորք ոչ լինին. և եթէ մարդ զայդ քեզ յանձն ոչ առնու, քանի ևս հեռի է յԱստուծոյ բնութենէն՝ այդպիսի կարգ շփոթեալ:

«Արդ եթէ կամիս ուսանել զՃմարիան, քաղցրացո զգառնութիւն սրտիդ, և բաց զաչս մտացդ, և մի՛ յարթնութեան կուրութեամբ ընդ խաւար զնայցես. որ անկեալ ես ի խորխորատ. և զամենեսեան կամիս առ քեզ ձգել: Եւ եթէ քոյքն գան զկնի մոլար վարդապետութեանդ՝ որ ոչ տեսանեն և ոչ իմանան, մի՛ և զմեզ կարծեր դոյնօրինակ. քանզի բաց են աչք մտաց մերոց և սրատեսիլ եմք: Մարմնոյս աչօք զարարածութեամբ, և իմանամբ զսա յայլմէ արաբեալ. և ամենեքեան են ընդ ապականութեամբ: Իսկ արարիչն ամենեցուն աներեսոյթ է ի մարմնաւոր աչաց, այլ մտաց իմանի զօրութիւն նորա:

«Եւ վասն զի ետես զմեզ ի մեծի տգիտութեան, և ողորմեցաւ մերում անուսումնութեանն, յորում և մեք իբրև զծեզդ երբեմն զերևելիսս կարծէաք արարիչ և գործէաք զամենայն անառակութիւնս, վասն այնորիկ առ սէր իւր եկն մարմնացաւ ի

մարդկանէ, և ուսոյց մեղ զաներկոյթ առտուածութիւնն իւր։ Այն զի բարձրացոյց զինքն ի խաչն կախաղանի, և զի մարդիկ գհետ լուսաւորացդ մոլորեցան, մերկեաց յարեգակնէ զլոյս ճառագայթիցն իւրոց, զի եղիցի խաւար սպասաւոր մարդկութեան նորա. զի որ իբրև զձեղ անարժանք իցեն, մի՛ տեսցեն զկեանս իւրեանց ի մեծի անարդութեան։ Որպէս և այսօր, որ ոչ խոստովանի զխաչելեան Աստուած՝ նոյն խաւար մածեալ է զոգւով և մարմնով նորա. որպէս և դու իսկ այսօր ի նմին խաւարի կաս, և զմեղ գեռ ևս չարչարես։ Պատրաստ եմք ըստ օրինակի Տեառն մերոյ մեռանել. որպէս զիարդ և կամիս կատարեա զկամս դառնութեան քո»։

Յայնժամ իբրև հայեցաւ ի նոսա անօրէնն Դենշապուհ, և ետես ի մեծի ուրախութեան զուարթագին զամենեսեան, զիտաց եթէ ոչ գնան առ նոսա բանք սպառնալեաց և ողոքանաց։ Հրամայեաց զմի ոմն ի կրսերագունիցն յառաջ մատուցանել, երէց մի Արշէն անուն, վասն որոյ յառաջ կասկածն իսկ եղև որբոցն։ Կապեցին զոտսն և զձեռսն, և մեծաւ ուժով պրկեցին, մինչև ճարճատիւն

հատաւ ամենայն ջղացն. և այնպէս կայր մեծ ժամս յանհնարին պրկոցն։

Երաց սուրբն զբերան իւր և ասէ. «Անա շրջեցան զինև շունք բազումք, և ժողովք չարաց պաշարեցին զիս. ծակեցին զոտս իմ և զձեռս իմ, և փոխանակ բերանոյ իմոյ աղաղակեցին ամենայն ոսկերք իմ։ Լուր ինձ, Տէր, և յուր ձայնի իմում, և ընկալ զոգի իմ ի ժողովս սուրբ գօրականին քո, որ երկեցաւ նորակերտ դաստակերտին քոյ։ Ես որ կրսերս եմ յամենեսեան, ողորմութիւն քո գթացեալ յառաջեցոյց զիս»։

Եւ զայս իբրև ասաց, ոչ ևս կարէր բանալ զբերանն յանհնարին պրկոցաց զելարանին։ Եւ անդէն վաղվաղակի դահիճքն հրաման առեալ յերից նախարարացն՝ որով հատանել զպարանոց երանելւոյն, և ընկեցին զմարմինն ի խորխորաս մի ցամաք։

Եւ անդէն ի տեղւոջն սկսաւ խօսել Դենշապուհ ընդ եպիսկոպոսին և ասէ. «Յորժամ եկի ես յաշխարհն Հայոց՝ գտարի մի և վեց ամիս եհաս շրջել ինձ անդ. ոչ յիշեմ ես ամենեկին՝ եթէ բան մի տրատւնջ յումեքէ լուայ վասն քո, նոյնպէս և առաւել վասն Յովսեփայ. զի դա իսկ էր իշխան ամենայն քրիստոնէից, և հաւատարիմ յա-

մենայն իրս արքունի՛: Նա և որ մարզպան աշխարհին լեալ էր յառաջ քան զիմ երթալն՝ մեծապէս գոհ էր զառնէս զայսմանէ, և ես ինձէն աչօք իմովք տեսի, զի որպէս հայր հաստատուն համարեալ էր ամենայն աշխարհին, և անաչառութեամբ սիրէր զմեծասեծս և զփոքունս:

«Արդ փոխանակ ընդ ձեր՝ ես աղաչեմ՝ զձեզ. խնայեցէք ի պատուական անձինս ձեր, և մի մատնիք ի մահ չարչարանաց ըստ առաջնոյն կարգի, զոր տեսէք աչօք ձերովք: Քանզի թէ ի դոյն միտս յամառութեան կայք, և իմ եղեալ է ի մտի իմում բազում չարչարանօք կարձել զձեզ ի կենաց ձերոց: Ես գիտեմ, զի ի հրապոյր առնդ այդորիկ ելեալ էք դուք. քանզի ինքն ախտացեալ է մարմով, և ձեռնարկութեամբ բժշկաց չիք դտեալ առողջութիւն. և հիւանդու կենօք ձանձրացեալ է, և փափազէ ի մահ քան ի կեանս»:

Առ այս ետ պատասխանի սուրբն Յովսէփ և ասէ. «Գովութիւնդ՝ զոր ետուը դունախ եպիսկոպոսիդ և ապա ինձ, յիրաւի արարեր և ըստ կարգի պատուեցեր վասն ալեացդ. այդպէս իսկ արժան է: Այլ ճշմարիտ ծառայից Աստուծոյ ոչ է օրէն դիմա-

դարձ լինել երկրաւոր իշխանաց, և ոչ զոք ի ժողովրդոց արտունջ առնել վասն մարմնաւոր զօշաքաղութեան. այլ ցածութեամբ և հեղութեամբ ուսուցանել զպատուիրանս Աստուծոյ, և առանց խարդախ իմաստութեան խաղաղասէր լինել առ ամենեսեան, և անաչառ վարդապետութեամբ առ մի Տէրն արարածոց առաջնորդել բոլորեցունց:

«Այլ վասն առնս այսորիկ հրապուրանաց՝ զոր ասացեր, և զայդ ոչ ստեցեր, այլ կարի զճշմարիտն ասացեր: Զի ոչ իբրև զօտար ոք հրապուրէ զմեզ, և ոչ իբրև զպատրող ոք խարեբայ մոլորեցուցանէ զմեզ, այլ յոյժ սիրէ: Քանզի մի է մայր մեր եկեղեցի՝ ոք երկնեացն զմեզ, և մի է հայր մեր սուրբ Հոգին՝ որ ծնաւ զմեզ. զիարդ համահարք և միոյ մօր որդիք երկպառակք լինիցին, և ոչ միաբանք: Որ քեզ թուին՝ թէ հրապոյրք իցեն, մեր ի տուէ և ի գիշերի դոյն խորհուրդ էր՝ զի անքակ ունիցիմք զկենաց միաբանութիւնս: Իսկ եթէ ոս ձանձրացեալ իցէ ելանել յախտալից մարմնոյս, առաւել ևս մեք ամենեքեան. զի չիք ոք ամենեին ի ծնունդս կանանց՝ որ ունիցի զմարմինս առանց ցաւոց չարչարանաց»:

Ետ պատասխանի Դենշապուհ և ասէ.

«Զայդ ոչ գիտէք, որչափ երկայնամիտ լինիմ ես ի վերայ ձեր. այս ոչ հրամանաւ արքունի է այսչափ երկայնաբան լինել ընդ ձեզ պայքարաւ, այլ յիմէ քաղցրութենէ թողացուցի ձեզ. զի չեմ իբրև զձեզ անագորոյն, զի անձանց ատելի էք և այլոց թըշնամիք: Իմ զի աղ և հաց կերեալ է յաշխարհին ձերում, գութ և սէր ունիմ ընդ աշխարհն ձեր»:

Ետ պատասխանի Ղևոնդ երէց և ասէ. «Որ առ արտաքինան գութ և սէր ունի, զպատուիրանան Աստուծոյ կատարէ, այլ պարտի և լիւր ոգիսն խնայել. զի չեմք անձանց տեարք, այլ է որ համարս խնդրնոց: Այլ որ ասացեր՝ յինէն անսամ ձեզ և ոչ հրամանաւ թագաւորին, եթէ գուք սովոր էք անցանել զհրամանաւ թագաւորին ձերոյ, զայդ բարիոք առնէք, զի աւերիչ աշխարհի է և սատակիչ անմեղ մարդկան, բարեկամ սատանայի և թշնամի Աստուծոյ: Այլ մեք ոչ կարեմք անցանել զհրամանաւ մերոյ թագաւորին, և ոչ զանանց կեանսն մեր կարեմք փոխանակել ընդ ապականացու պատրանս աշխարհիս:

«Այլ վասն իմ զի ասացեր՝ չպտեալ

զառողջութիւն ի բժշկաց, սիրէ զման քան զկեանս, այդ բանք ոչ այնոցիկ են որ տեսանեն զամենայն չարչարանս աշխարհիս: Աղէ ցածո զքեզ սակաւիկ մի ի զայրագին սրտմտութենէդ, և եկ զհետ ճշմարիտ բանից իմոց, և հայեաց կարգաւ ընդ իրս աշխարհիս: Ո՞ ոք ի մահկանացուացս ունի կեանս անտրտունջս. ոչ ահա ամենայն լի են ախտիւք, է որ իներքոյ և է որ արտաքոյ. ցուրտ և տօթ, քաղց և ծարաւ և ամենայն աղքատութիւն կարօտութեան: Արտաքոյ՝ անիրաւութիւն, յափշտակութիւն, գէճ պղծութիւն անսուակ յարձակմամբ. ի ներքոյ՝ ամբարշտութիւն, ուրացութիւն, տղիտութիւն, անդարձ մոլորութիւն ի կամաւոր ազատութենէն:

«Բայց դու որ զբժիշկս խոտեալ անարգեցեր, թէ չիք իմ ինոցանէ զտեալ զառողջութիւն, չեն ինչ զարմանք. վասն զի մարդիկ են նոքա. է ցաւ որում զտանեն հնարս առողջութեան, և է որ ապատամբէ ի հնարից նոցա. վասն զի ամենեքեան եմք մահկանացուք, այն որ բժշկէն և որ բժշկին: Այլ երանի թէ և դուք ըստ բժշկական արուեստին քերէիք զնմանութիւն. զի ոչ փոքր է ճշմարտութիւն նոցա բժշկութեանն:

Քանզի յորժամ տեսանեն նոքա զոք հիւանդացեալ, ոչ յապաղեն երթալ առ նոսա, այլ փութացեալ հնարին մատուցանել զառողջութիւն։ Մանաւանդ եթէ յարքունիս մի ոք ի սիրելեաց թագաւորին ախտանայցէ, և հասեալ ի մեծ հրապարակն՝ տեսանիցէ ըզբազմութիւն պատուաւորացն և զառողջութիւն գեղեցիկ երիտասարդացն, և ևս ի ներքս մատուցեալ ի սրահն արքունի, և անդ տեսանիցէ զամենայն սպասաւորացն զշքնաղ և զաքանչելի տեսին, ոչ ինչ զարմանայ ընդ հրաշակերտ տեսին։ Նա և եթէ գահոյք ականակապք իցեն և համակ ոսկեղէնք՝ յորոց վերայ հիւանդն անկեալ գնիցի, չէ ինչ նմա փոյթ զայնմ ամենայնէ. այլ ի բաց հրամայէ առնուլ զոսկեհուռ վերարկուան, և ձեռն ի ներքս տարեալ՝ զննէ զամենայն մարմինն, եթէ ջերմ իցէ բնութիւնն, և եթէ սիրտն ի տեղուջն հանդարտ կայցէ, և կամ թէ լեարդն կակռւղ իցէ, և կամ թէ շարժք երակացն յարմար իցեն. և ըստ նմին զդարման բժշկութեանն առնիցէ՝ շնորհելով նմա զառողջութիւն։

«Իսկ արդ եթէ մարդկային բժշկութիւնն այսպիսի գիտէ քամահել զամենայնիւ, և միայն գիւր արուեստն յառաջ մատուցեալ՝

զգործն կատարէ, ո՞րչափ ևս առաւել ձեզ արժան էր, որ զբոլոր աշխարհս ունիք յիշխանութեան մեծի, հոգ յանձին տանել՝ նախ զհողիսդ բժշկել յամենայն ախտալից մոլորութեանց աշխարհիս, և մարմնովք իսկ կային ամենեքեան ձեզ ի ծառայութեան։ Արդ այժմ զի դուք տղիտացարուք, և զանմահ հոգիսդ մահկանացու արարէք յանշէջ հուր գեհենին, մարմնովդ՝ եթէ կամիք և եթէ ոչ կամիք՝ ախտացեալ էք յախտաւորութիւն անառողջութեան։ և զմեզ նախատէք մարմնոյ ցաւովք, որ ոչ ի կամս մերոյ ազատութեան է, այլ որպէս գիպեցաւ ի բնութեանս մարմնոյ իւրաքանչիւր մարդոյ։

«Եւ Քրիստոս ճշմարիտ Աստուած կենդանաբար՝ ի կամս իւրոց բարերարութեան եղև բժիշկ հոգւոց և մարմնոց. և նախ ի ցաւս չարչարանաց իւրոց բժշկեաց զամենայն ազգս մարդկան։ Եւ ևս խանդատագոյն զթացեալ, վերստին ծննդեամբն ծնեալ զմեզ յառողջութիւն՝ անցաւս և անվերս, և ի ծածուկ հարուածոց զին ծակոտուածմն վիշապին ողջացոյց, և արար զմեզ անսպիս և անարատ հոգւով և մարմնով, զի իցեմք բանակակից հրեշտակաց և զօրք երկնաւոր թագաւորին մերոյ։ Եւ քո զայս

ոչ զիտացեալ, և ոչ վայելեալ յերկնաւոր պարզեան Աստուծոյ, և ոչ ևս այլ կամիս ուսանել ի մէնջ. այլ և զմեզ ևս վրիպեցուցանել կամիս, որում չիք հնար, և մի՛ այլ լիցի, և ոչ կարես իսկ առնել:

«Այլ վասն իմոյ ախտալից մարմնոյս ասացից քեզ կարճառօտա: Խնդամ և ուրախ եմ յորժամ տեսանեմ զմարմինս իմ չարչարեալ. զիտեմ զի զօրանայ յիս առողջութիւն հոգւոյս իմոյ: Մանաւանդ զի ունիմ ինձ զբաւական զմեծ վարդապետն հեթանոսաց, որ ի ցաւս մարմնոյ անձին միխթարէր, և ի կոփումն սատանայական մարմնոյ պարծէր, և ասէր. «Զի եթէ տնկակիցք եղաք նմանութեան մահու նորա, որչափ ևս առաւել լիցուք հաղորդք յարութեան նորա»: Այլ դու որ ունիս իշխանութիւն ի վերայ մեր, դատեա զմեզ ըստ չարութեան կամաց քոց: Զեմք ինչ զանդիտելոց յահագին յահաւոր սպառնալեացդ քոց: և ոչ երկիւղած ի դառն մահուանէն՝ զոր ածելոց ևս ի վերայ մեր»:

Յայնժամ մեկուսացոյց սակաւիկ մի գերանելիսն ի միմեանց, և միայն ասէ ցսուրբ եպիսկոպոսն. «Քովութիւն զոր ետու քեզ յառաջ, ոչ իմացար պատիւ անձին քոյ: Յիշ-

շեցուցանեմ քեզ զչարիսն զոր դործեցեր դու, զի անձամբ զանձն քո արասցես մահապարտ: Արդարեւ դու աւերեցեր զատրուշանն յիշտունիս, և կամ զկրակն դու սպաներ. նա և որպէս լուայ և ստուգեցի, թէ և զմոգն դու չարչարեցեր, և զսպաս պաշտամանն դու տարար. արդ եթէ արդարեւ դու առեր, պատմեա ինձ»:

Ետ պատասխանի սուրբն և ասէ. «Ա՞րդ կամիս ուսանել զայդ յինէն՝ եթէ յառաջագոյն զիտէիր»:

Դենշապուհ ասէ. «Այլ է համբաւ, և այլ է ձշմարտութիւն»:

Եպիսկոպոսն ասէ. «Որպէս կարծեսդ ասա ինձ»:

Դենշապուհ ասէ. «Իմ լուեալ էր՝ եթէ զամենայն վնասն յիշտունիս դու արարեր»:

Եպիսկոպոսն ասէ. «Եւ զի այդպէս հաւաստեաւ ի վերայ հասեր, կրկին զի՞ հարցանես»:

Դենշապուհ ասէ. «Զձշմարիտն ի քէն կամիմ ուսանել»:

Եպիսկոպոսն ասէ. «Ոչ զօդուտ կենաց քոց կամիս ուսանել յինէն, այլ արեան իմոյ ցանկան միտք քո»:

Դենշապուհ ասէ. «Զեմ զազան արիւ-

նախանձ, այլ վրէժինդիր եմ աստուածոցն անարգութեան»:

Եպիսկոպոսն ասէ. «Զտարերս համերս աստուածս անուանես, և զպատկերակիցս քո մարդիկ խողխողել կամիս. տալոց հատուցանելոց ես վրէժ թագաւորաւն քով յանկաշառ ատենիս Աստուծոյ: Եւ զոր քո չար կամօքդ կամիս լսել յինէն, զայդ ես ասեմ քեզ: Զտունն արդարեւ ես աւերեցի, և զմոզմն չարչարեցի գանիւ, և զկահ պըղծութեան որ ի տանն էր՝ ի ծովս ես ընկեցի: Այլ զկրակ ով կարէ սպանանել. քանզի ամենիմաստ արարիչն արարածոց հոգ խնամոյ տարեալ յառաջագոյն՝ անմահս հաստատեաց զբնութիւն չորից նիւթոցս: Աղէ սպան դու զօդ՝ եթէ կարես, և կամ ապականեա զհող՝ զի մի՛ բուսուցէ զդալարի, փողոտեա զդետ՝ զի մեոցի: Եթէ զայդ երեսին կարես առնել, ապա և զկրակ կարես սպանանել:

«Ապա եթէ ճարտարապետն մեր միաբանեաց զչորից տարերացդ զանքակութիւն, ահա և գտանի բնութիւն հրոյ ի քարինս և յերկաթս և յամենայն տարերս զննելիս, ընդէր ստութեամբ զըպարտես զիս՝ թէ դու զկրակ սպաներ: Աղէ դու սպան զջերմութիւն արեգական, զի ունի նա մասն հրոյ,

և կամ տուր հրաման՝ զի մի՛ թափեսցի հուր յերկաթոյ: Մեռանի այն որ շնչէն և շարժի և գնայ և ուտէ և ըմպէ. երբ տեսեր դու զկրակ գնայուն կամ խօսուն կամ գիտուն: Արդ զոր կենդանի քո չէ տեսեալ՝ մեռեալ խոստովանիս: Քանի անթողիլ է ամբարշտութիւնդ ձեր քան զամենայն հեթանոսաց, որ զիտնագոյնք են քան զձեզ, որ թէպէտ և ի ճշմարիտն Աստուծոյ մոլորեալ են, զանխօս տարերս աստուած ոչ խոստովանին: Արդ եթէ դու անդիտութեամբ կորնչելի ասես զբնութիւն հրոյ, ոչ առնուն քեզ յանձն արարածքս. քանզի խառն է դա յամենեցունց»:

Դենշապուհ ասէ. «Ոչ ինչ մտանեմ ես ընդ քեզ ի պայքար քննութեան վասն բնութեան արարածոցս. այլ խոստովանեա ինձ, եթէ դու անցուցեր զկրակն՝ եթէ ոչ»:

Պատասխանի ետ երանելին և ասէ. «Որովհետեւ ոչ կամեցար լինել աշակերտ ճշմարտութեանն, ասացից զկամս հօրն քո սատանայի: Ես ինձէն մտի ի կրակատունն ձեր, և տեսի զի կային պաշտօնեայք ամբարշտութեանն սնոտի կարծեացն ձերոց. և կրակարանն լի հրով առաջի նոցա բորբոքեալ այրէր: Հարցի ցնոսա բանիւ և ոչ զանիւ, թէ զի՞նչ համարիք ի միտս ձեր գանիւ, թէ զի՞նչ համարիք ի միտս ձեր

զկրակ պլաշտամանս այսորիկ: Ետուն պատասխանի և ասեն. Մեք ինչ ոչ գիտեմք. բայց այսչափ ինչ իմանամք, զի սովորութիւն է նախնեացն և հրաման բուռն թագաւորին:

«Ասեմ դարձեալ ցնոսա. Եւ զբնութիւն կըակիդ զի՞նչ իմանայք. արարիչ կարծէք, թէ արարած: Ասեն միաբան ամենեքեան. Արարիչ մեք զդա ոչ գիտեմք, նաև ոչ հանգուցիչ աշխատելոց: Զեռք մեք փապարեալ են ի կացնի, և ողունք մեք տեռեալ են ի փայտակրի. աչք մեք զիջացեալ են արտասուօք ի կծութենէ ծխոյ դորա, և երեսք մեք մըոտեալ են ի խոնաւութեանց թանձրութենէ նորին ծխոյ: Եթէ շատ մատուցանեմք նմա զկերակուրն, յոյժ քաղցնու. և եթէ բնաւ չտամք, ամենեին անցանէ. և եթէ մօտ երթամք և երկիր պագանեմք, կիզու զմեզ. և եթէ ոչ երթամք մօտ ամենեին, մոխիր լինի: Մեք այդպէս հասեալ է ի վերայ բնութեան դորա:

«Ասեմ դարձեալ ցնոսա. Իսկ լուեալ է ձեր՝ եթէ ոյր ուսուցեալ է ձեզ զայդպիսի մոլորութիւն: Ետուն պատասխանի և ասեն. Զի՞ ի լսելոյ հարցանես զմեզ, այլ հայեաց ընդ առաջիկայ իրադ. զի օրէնսդիրքն մեք

հոգւովք մտաց միայն կուրացեալ են, այլ թագաւորն մեր մարմնով միով ակամքն կոյրէ, այլ ոգւոյն բնաւ չիք իսկ աչք:

«Վասն այնորիկ և ես իբրև լուայ զայս ի մոգուցն, յոյժ ողորմեցայ. զի տղիտութեամբ զարդարն խօսեցան: Սակաւիկ մի չարչարեցի զնոսա գանիւ, և նոցուն իսկ ետու զկրակն ի ջուրն ընկենուլ, և ասացի այսպէս. Աստուածք որ գերկինս և զերկիր ոչ արարին՝ կորիցեն իներքոյ երկնից, և ապա զմոգմ ի բաց արձակեցի»:

Զայս ամենայն իբրև լուաւ Դենշապուհ ի բերանոյ սուրբ եպիսկոպոսին, անհնարին զահի հարաւ ի թշնամանաց թագաւորին և յանարդանաց գենին: Վասն որոյ և երկեաւ իսկ մատուցանել զնա ի տանջանս հարուածոց, թէ գուցէ այլ ևս մեծ անարդանս զթագաւորէն տացէ ասել յատենին, և ինա ձգիցին կարծիք թշնամանացն, զի երկայն մտութեամբ պայքարեցաւ ընդ նոսա:

Եւ քանզի սուսեր ընդ մէջ ածեալ նըստէր յատենի ահ արկանելով սրբոցն, գոչեաց իբրև զառեւծ զայրագին, և հանեալ զսուսերն՝ զազանաբար յարձակեցաւ ի վերայ երանելեացն, և եհար եպիսկոպոսին զաջ ուսն, թիկամքն հետ և զձեռն ի վայր

ընկեց։ Եւ նորա յահեակ կողմն յերկիր անկեալ, և դարձեալ անդրէն պատսպարէր, առնոյր զաջ ձեռն ի վեր. աղաղակեաց մեծածայն և ասէ. «Ընկալ, Տէր, գկամաւոր պատարագ»՝ որ ինձէն զիս քեզ մատուցի բոլորովիմ, և խառնեա զիս ի գունդս սուրբ զինուորացն քոց»։

Դարձեալ քաջալերէր զընկերակիցն իւր և ասէր. «Հապա առաքինիք, եհաս ժամ կատարման մերոյ. խցէք զաշս մարմնոյ վայր մի, և այժմ տեսանէք զյոյսն մեր Քրիստոս»։ Եւ թաւալելով ընդ արիւնն անձինն իւրոյ ասէր. «Օքնեցից զՏէր յամենայն ժամ, հանապազ օքնութիւն նորա ի բերան իմ. Ի տէր պարձեսցի անձն իմ, լուիցեն հեզք և ուրախ եղիցին»։ Եւ առելով զսաղմոսս զայս կատարէր մինչև ցայս տեղի. «Քազում նեղութիւնք են արդարոց. յամենայնէ փրկէ զնոսա Տէր և պահէ զամենայն ոսկերս նոցա»։

Եւ մինչդեռ կայր յուժի մարմնոյն սակաւիկ մի, իւրովք աչօք իսկ հայեցեալ՝ տեսանէր յերկնից եկեալ գունդս բազում հրեշտակաց և վեց պսակ ի ձեռին հրեշտակապետին։ Դարձեալ և լաէր ևս բարբառ ի վերուստ, որ ասէր. «Քաջալերեցարուք,

սիրելիք իմ. զի ահա մոռացայք զվշտալի կեանսգ, և հասէք երանելի պսակացդ՝ որ ձերով ճարտարութեամբդ կազմեցէք. առէք դիք յիւրաքանչիւր զլուխ։ Զի նիւթ պատրաստական ի ձէնջ հիւթեցաւ, իսկ ճշմարտութիւն գործոյդ յամենասուրբ ձեռացն Քրիստոսի կազմեցաւ. զոր ի սպասաւորաց այտի իսկ ընկալեալ՝ ընդ Ստեփանոսի լինիք պսակակից»։ Նա և զայն ևս քաջապէս տեսանէր, զի գեռ ևս շողայը սուրն ի վերայ պարանոցի երանելեացն։

Զոր իբրև ետես սուրբն Ղեռնդ, եթէ ոչ ևս զմի մի կամին հարցանել և դատել, այլ միանգամայն հրաման եղև մահու, ասէ ցերանելին Յովսէփ. «Մատիր, յառաջեա ընդդէմ սրոյն, զի դու աստիճանաւ ի վեր ես քան զամենեսեան»։ Եւ զայս իբրև ասաց, կարգեցան կացին մի ըստ միոջէ. և առ ճեպ տագնապի ստիպելոյ դահճացն՝ միանգամայն հատին ընկեցին զպարանոցս երանելեացն առաջի սուրբ եպիսկոպոսին. և նորա ընդ հանել ոգւոյն աղաղակեաց և ասէ. «Տէր Յիսուս, ընկալ զոգիս մեր ամենեցուն, և խառնեա զմեզ ի գունդս սիրելեացն քոց»։ Եւ միանգամայն կատարեցան ամենեքեան ի նմին տեղւոջ։

Եւ եթէ զմոգպետն ևս՝ որ հաւատաց ի Քրիստոս՝ կամիցիս ընդ նոսա ի համար արկանել, թուով են եւթն. թող զերկուսն ևս որ ի Վարդէն կատարեցան, և մեւս եպիսկոպոսն ԹԱԹԻԿ անուն յասորեստանի: Բայց անդէն ի տեղւոջն վեցեքին, որոց անուանքն են այսոքիկ.

ՍԵՎԱԿ Եպիսկոպոս յՌշտունեաց.

Սուրբն ՅՈՎԱՆԻՓ ի Վայոց ձորոյ՝ ի գեղշէ Հողոցմանց.

ՂԵԽՈՆԴ երէց ի Վանանդայ՝ ի գեղշէ Իշաւանից.

ՄՈՒՇԵ Երէց յԱղբակոյ.

ԱՐՇԵՆ երէց ի Բագրևանդայ՝ ի գեղշէ յԵղեգեկայ.

ՔԱԶԱԶ սարկաւագ՝ ուստի Եպիսկոպոսն էր Ռշտունեաց:

Իսկ երանելի ՄՈՒՊԵՑՆ ի Նիւշապուհ քաղաքէ.

ՍՍՄՈՒԻԷԼ Երէց յԱյլարատոյ՝ ի գեղշէ յԱրածոյ.

ԱԲՐԱՀԱՄՄ սարկաւագ ի նմին գեղշէ:

Արդ զեց զայս սուրբս յանապատին՝ ուր կատարեցին, ԴԵՆՉԱՊՈՒՆ, մոգպետն և ԶՆԻԿԱՆՆ և մայպեսն անդէն ի տեղւոջն պահապանս ընտրեցին յիւրաքանչիւր սպա-

սաւորացն, և պահել հրամայեցին գմարմինս երանելեացն ցաւուրս տամն կամ ևս աւելի, մինչև կարաւան արքունի անցեալ գնայցէ. զի մի՛ այլադենքն եկեալ բառնայցեն զուկերս դոցա, և բաշխեալ սփռեսցեն ընդ աշխարհս ամենայն, յոր և մարդիկ ևս առաւել յորդորեալ մոլորիցին զկնի նածարացւոց աղանդին:

Իսկ Խուժիկն, զոր յառաջագոյն ասացաք, զինու հանդերձ մնայր անդէն ընդ պահապանսն որպէս զմի ի նոցանէ, այր լի իմաստութեամբ և կատարեալ աստուածային գիտութեամբ, սպասէր և գէտակն ունէր՝ եթէ որով օրինակաւ հնարս դոցէ զոսկերս սրբոցն զողանալ ի նոցանէ:

Եւ իբրև աւուրբ երեք անցին ի վերայ, արհաւիրք մեծ անկանէին ի վերայ ամենեցուն, և իբրև թմբքեալ և կիսամեռք անյարիրք անկեալ զնէին զերիս աւուրսն: Իսկ ի չորրորդում աւուրն՝ երկուք ի պահապանցն չարաչար լկեցան ի դիւէ: Դարձեալ հասարակ գիշերաւ չափ՝ ձայնք ահեղք հընչէին, և թնդիւնք որոտածայնք ի ներքուստ՝ որպէս դղրդումն գետնաշարժի. Երկիրն դողայր ի ներքոյ նոցա, և շողիւնք սուսերաց փայլատակունս արձակէին շուրջ զնոքօք:

Եւ զամենեսեան գդիակունսն կանդնեալ տեսանէին, և զնոյն բանս ատենին ահագինս բարբառէին ի լսելիս նոցա. մինչև խուճապել նոցա ընդ միմեանս, դեռ ևս զիրեարս սատակէին: Եւ այսպէս տագնապեալք և ցնորեալք, մինչև այր զընկեր ի փախուստ չգիտէր ընդ որ երթայր: Եւ եկեալ պատմէին մեծաւ զարմացմամբ զամենայն անցս չարշարանացն զոր կրեցին:

Ի խորհուրդ մտին նախարարքն երեքեան, և սկսան զարմանալով ասել ցմիմեանս. «Զի՞նչ զործեսցուք, զի՞նչ արասցուք վասն անքնին աղանդոյն քրիստոնէից. քանզի մինչդեռ կենդանի էին, զարմանալի էր կեանք նոցա. ընչատեացք էին իբրև զանկարօտս, սրբասէրք էին իբրև զանմարմինս, անաչառք էին իբրև զարդարադատս, աներկեւղք էին իբրև զանմահս: Եթէ զայս ամենայն ասեմք իբրև զտղիտաց և իբրև զյանդգնելոց, իսկ զայն զի՞ առնիցեմք՝ զի ցաւոտք ամենայն ի կարաւանի աստ նոքօք առողջանան: Եւ կամ որ մեծս է քան զայդ ամենայն, ոյր ուրուք զի կանգնեալ երկեցաւ ի կենդանեաց, կամ բարբառ բանից ոք լուաւ ինմանէ:

«Զի սուտ չեն մեր սպասաւորքն. մեր մեղէն իսկ հասեալ է ի վերայ ստուգութեան

սոցա: Եւ եթէ կամեցեալ էր սոցա մարմնաւոր ինչ ագահութիւն ի ներքս խառնել, սակաւ մի ակնարկէին քրիստոնէից ի կարաւանիս, զկշիռ իւրաքանչիւր մարմնոց նոցա ոսկի առնուին: Դարձեալ և արքդ, որ ի գիւէ չարչարեցան, զի յայնժամ ցաւոտք չէին՝ և մեք զիտեմք. յայտ է եթէ այսօր նշան մեծ երկեցաւ: Եթէ լուռ լիսկմք այսպէս, մեզ և անձանց մերոց կասկած իսկ է. և եթէ տանիմք զդոսա առաջի թագաւորին, լսելով նորա ի դոցանէ զայդ ամենայն մեծամեծ սքանչելիս, գուցէ և օրինացս մերոց քակտումն ինչ հասանիցէ»:

Ետ պատասխանի մոգպետն և ասէ ցնուսա. «Ո՞չ զիս ոստիկան արարին ի վերայ ձեր երկոցունցն. զի՞ այդչափ նեղեալ տագնապիփ յանձինս ձեր. դուք զգործ ձեր կատարեցէք, և զհրամանն արքունի ի գլուխ տարայք: Արդ եթէ համբաւդ այդ յայտնեսցի, և հարցափորձ ինչ լինիցին առաջի արքային, այդ խնդիր մեր մոգաց է. դուք անհոգ լերուք, և մի՛ ինչ ածէք զմտաւ: Եւ եթէ զարհուրեցայք ինչ յոզիս ձեր, վաղագոյն առաւօտուցն ի դարիթիք եկայք. զի վաղիւ անդ Մովկեան մովկետ ոատ՝ յազէ. և նոյն հաճեալ հաւանեցուացէ զմիտս ձեր»:

իսկ Խուժիկն իբրև լուաւ զայս ամենայն, և գիտաց՝ եթէ փոյթ ինչ ոչ է նոցա յայնմհետէ սուրբ սպանելոցն, փութացաւ վաղվաղակի էառ տասն այր, որոց զչափ գիտէր զքրիստոնէութեանն, և հասեալ ի տեղին՝ շէն եզիտ զամենեսեան: Եւ քանզի կասկած ունէր տակաւին ի նոցուն ի դահճացն, դարձեալ փոխեցին անտի զսուրբոն յայլ տեղի բացագոյն իբրև երկու հրասախօք: Եւ իբրև յանհոգս եղեն, սրբեցին կազմեցին զոսկերս երանելեացն. բերին ի բանակն և ունէին ի ծածուկ. և առ սակաւ սակաւ յայտնեցին նախ զօրականին Հայոց, և ապա բազում քրիստոնէիցն որ էին ի կարաւանին: Եւ զառաջին պտուղ ընծային մատուցանէին կապեալ նախարարացն. և անդէն վաղվաղակի արձակեցան նոքա ի կապանաց իւրեանց, և սպառնալիք մահուանն անցին զնոքօք, և հրովարտակք թողութեան առաքեցան յաշխարհն Հայոց:

Արդ երանելի այս Խուժիկս, որ արժանի եղեւ ի ծածուկ սպասաւոր լինել սրբոցն, որ ինչ ի մահուանէն և այսր ասացաւ դատակնիք վճռիս այսորիկ՝ սա երկրորդեաց մեզ զամենայն կարգաւ. զչարաչար քարշումն, և զհարց և զփորձ դատաւորացն, և

զիւրաքանչիւր անձանց սրբոցն զպատասխանիսն, և զկատարումն մահուան նոցա, և զահագին արհաւիրսն որ ի վերայ պահապանացն անկաւ, և զիեծեծումն քննութեան՝ նախարարացն երեցունց, և զամփոփումն սուրբ ոսկերաց նոցա ոչ խառն ի խուռն ի մի վայր ժողովելով, այլ զմի մի ի նոցանէ ուրոյն ի վեց տապանս ժողովէր, և զանուանս իւրաքանչիւր ուսեալ և ի վերայ տապանացն նշանակեալ էր: Եւ զկապանսն երկաթիս ընդ իւրաքանչիւր ոսկերսն եղեալ էր, քանզի դահճացն ի բաց ընկեցեալ էր: որպէս և զհանդերձս զիւրաքանչիւր տապանակի նշանակեալ էր:

Եւ կատարեցան սոքա վեցեքեան սուրբ և ցանկալի մահուամբն իւրեանց որ օր քսան և հինգ էր հրոտից ամսոյ՝ ի մեծ անապատին յԱպար աշխարհի ի սահմանս Նիւշապուհ քաղաքի:

Վ Ա Մ

ԽՈՍՏՈՎԱՆՈՂԱՅՆ ՀԱՅՈՅ

ԽՈՐԵՆԱՅՅԻ ԵՒ ԱԲՐԱՀԱՄՄՈՒ

Իսկ աշակերտք երանելեացն ի կապանս կային ի ներքս ի քաղաքին, եկն դահճապետ մի արքունի և եհան զնոսս ի քաղաքէ անտի արտաքս:

Եհան ի նմին քաղաքէ ասորեստանեայս քրիստոնեայս արս հինգ, քանզի և նոքա ի կապանս էին վասն անուանն քրիստոսի, եհարց ցնոսա բանիւք, և ոչ հաւանեցան երկիր պագանել արեգական: Զարչարեաց զնոսա գանիւ, և նոքա ևս առաւել ի նոյն միտո պնդեցան. կտրեաց զնոցա ունչս և զականջս, և ետ տանել յԱսորեստան, զի կայցեն ի մշակութեան արքունի: Երթային մեծաւ յօժարութեամբ, իբրև այն՝ թէ մեծ պարզիս գտեալ ի թագաւորէն:

Արդ եկն դարձեալ նոյն դահճապետն առ աշակերտոս սուրբ սպանելոցն, ընտրեաց երկուս ի նոցանէ որ համեստագոյնք էին, առեալ մեկուսի յայլոցն և առէ ցնոսա. «Զի՞նչ անուանք են ձեր»:

Ետ պատասխանի մին և ասէ. «Առ ի ծնողաց ինձ Խորէն, և գմա Աբրահամ. իսկ ըստ չնորհատուր կարգիս՝ ծառայք Քրիստոսի եմք, և աշակերտք երանելեացն զոր սպանէք»:

Ետ պատասխանի դահճապետն և ասէ ցնոսա. «Իսկ արդ զի՞նչ դործ է ձեր, և կամ բնաւ ո՞յը իսկ ածեալ է զձեզ այսր»:

Առ այս ետ պատասխանի Աբրահամ և ասէ ցնոսա. «Զայդ ձեզ ի վարդապետաց մերոց արժան էր ուսանել. զի ոչ դուզնաքեայք ոք էին նոքա, այլ ունէին ստացուածս հայրենիս ըստ արժան բաւականին, ըստ նմին և սպասաւորս, էր որ իբրև ըգմեզ, և էր որ լաւագոյն քան զմեզ. որոց մնուցեալ և ուսուցեալն էր, ընդ նոսա եմք եկեալ: Քանզի և պատուէր իսկ ունիմք յաստուածատուր օրինացն մերոց՝ սիրել զնոսա իբրև զսուրբ ծնողս, և սպաս տանել նոցա իբրև հոգեոր տերանց»:

Յասեաւ դահճապետն և ասէ. «Իբրև

զանխրատ և զաներկիւղ ստամբակս խօսիս:
Մինչդեռ ի խաղաղութեան և յաշխարհի էիք,
բարիոք էր. յորժամ գլուան եղեն նորա
յիրս արքունի և մահապարտ գտան ըստ
գործոց իւրեանց, ձեզ չէր արժան ամենեին
մօտ երթալ առ նոսա: Ո՞չ տեսանէք ի մեծ
կարաւանիս. յորժամ ոք ի պատուաւորացն
ի գիպահոջն արքունի լինիցի, սպոյ հանդերձ
ազանի, և զատեալ որոշեալ ի բացէ նստի
միայնիկ, և ամենեին հուալ ոչ ոք իշխէ եր-
թալ առ նոսա: Եւ դու այդպէս իբրև զան-
յանցի աշակերտ պարծելով խօսիս»:

Առ այս ետ պատասխանի Խորէն և ա-
սէ. «Ոչ ձեր կարգդ անիրաւ է և ոչ մերս
ստութեամբ. նախարարն յանցաւոր՝ ուստի
զպարգեն գտեալ էր, այնպէս պարտ էր նմա
նպատակ լինել, զի ի պատուոյն վերայ և
այլ ևս պարգես մեծամեծս գտանէր ի նմանէ:
Արդ փոխանակ զի գայն չարար, ձախողակի
յետո ընդդէմքն պատահեաց նմա: Եւ մեր
վարդապետքն եթէ առ Աստուած յանցու-
ցեալ էին, և կամ առ թագաւորն մեղուցեալ
ինչ էին, նոյն օրինակ և մեք առ նոսա
առնէաք. ոչ յաշխարհի մօտ երթայաք, և ոչ
ի տար աշխարհ այսր զհետ նոցա գնայաք:
Բայց քանզի առ երկոսին կողմանսն արդա-

բութեամբ կեցեալ են, և դուք զուր տա-
րապարտուց սպանէք զնոսա, մեք արդ ևս
առաւել սպասաւորեմբ սուրբ ոսկերաց
նոցա»:

Ասէ ցնա դահճապետն. «Ես յառաջա-
դոյն իսկ ասացի՞ եթէ կարի ստամբակ ոմն
ես դու. ահա յայտ եղեւ աւաղիկ, եթէ յա-
մենայն վկաս նոցա խառն էք դուք»:

Աբրահամ ասէ. «Յոր վկաս»:

Դահճապետն ասէ. «Առաջին ի մահ մո-
գուցն, ապա և յայլս ամենայն»:

Աբրահամ ասէ. «Այդ ոչ միայն ի մէնջ
է, այլ ըստ կարգի և ձերոց օրինացդ. թա-
գաւորք ձեզ տան հրաման, և դուք ի ձեռն
ձերոց սպասաւորացդ գործէք»:

Դահճապետն ասէ. «Ի Միհր աստուած
երգուեալ իմ. խստագոյն ևս խօսիս քան
զվարդապետն քո. յայտ է եթէ վնասակա-
րագոյնք ևս էք դուք: Արդ ոչ է ննար ձեզ
ապրել ի մահուանէ, բայց եթէ երկիր պա-
գանէք արեգական, և կատարիցէք զկամս
օրինաց մերոց»:

Խորէն ասէ. «Յայժմ իբրև զմարդ շա-
րախօսէիր, և արդ իբրև զշուն անպիտան
ընդ վայր հաջես: Եթէ գոյր արեգական ա-
կանջք, դու տայիր նմա թշնամանս դնել.

արդ նա բնութեամբ անզգայ է, և դու չա-
րութեամբ անզգայագոյն քան զնա: Յի՞մ
տեսեր զմեզ պակասագոյն քան զհարսն մեր.
մի՛ բանիւք զփորձ առնուլ կամիս զմեր,
այլ հանդէս արա քում չարութեանդ և մե-
րում բարութեանս, և ամաչեցեալ դասնի
հայրն քո սաստանայ, ոչ միայն ի մէնջ՝ որ
կատարելագոյնքս եմք, այլ և որ կարի փոք-
րիկն թուի քեզ՝ նա դիցէ վերս սաստիկս
յոգիս և մարմինս քո»:

Զայս իբրև լուաւ դահճապեան, սըրտ-
մտեալ բարկացաւ ի վերայ նոցա: Ետ քար-
շել չարագոյն քան զառաջինսն. և այնչափ
սաստիկ քարշեցին, մինչև բազմաց կարծիք
եղեն՝ թէ մեռան:

Իսկ իբրև ժամք երեք ի վերայ անցին,
դարձեալ խօսել սկսան երկոքեանն և ասեն.
«Փոքը համարիմք զանարդանս զայս և առ
ոչինչ զցաւս մարմնոյս առ մեծ սէրն Աս-
տուծոյ, որով կատարեցան հարքն մեր հո-
գեորք: Հապա մի՛ դար և մի՛ դադարեր,
այլ զոր ինչ առ նոսայն արարեր՝ զնոյն և
առ մեզ կատարեա: Եթէ չարագոյն թուին
քեզ գործքն նոցա, կրկն և զմերս համա-
րեսջիք. զի նոքա բանիւք հրամայէին, և
մեք գործովք զարդիւնսն կատարէաք»:

Յայնժամ ևս առաւել զայրագնեցաւ ի վերայ
նոցա, և հրամայեաց զմանու գան հարկա-
նել: Եւ առ մի մի ի նոցանէ փոխեցաւ վեց
վեց այր ի դահճացն: Եւ մինչդեռ կիսամեռք
յերկիր անկեալ դնէին, հրամայեաց զերկո-
ցունց ականջս մօտ կտրել: Եւ այնպէս բրե-
ցին՝ որպէս թէ չիցէ լեալ ի տեղւոջն:

Զարթեան որպէս ի քնոյ ի սաստիկ հա-
րուածոյն, սկսան աղաչելով պաղտատանս
մատուցանել, և առեն. «Աղաչեմք զքեզ,
քաջ զինուոր թափաւորին. կամ կատարեա
զմեզ իբրև զհարսն մեր մահուամք, և կամ
արա զպատուհասդ ըստ օրինակի վերջնոցս:
Զի ահա լսելիք մեր առողջացան զանախ-
տաւորութիւն երկնաւոր, իսկ հոտոտելիքս
դեռ ևս աստէն ի տեղւոջ կան յանցս չար-
չարանաց. մի՛ կիսապարզէ առներ զմեզ
յերկնից բարութենէն: Սըրեցեր զմարմինս
մեր քարշելով, և զլսելիս մեր կտրելով.
որբեա և զոնգունս մեր հատանելով. քանզի
որչափ տգեղս առնես զմեզ երկրաւորաւս,
գեղեցկագոյնս առնես զմեզ երկնաւորաւն»:

Ետ պատասխանի հեզութեամբ դահճա-
պեան և ասէ. «Եթէ և այլ յամեմ ևս առ
ձեզ մօտ կալով, կարծեմ՝ եթէ և աշակերտէք
զիս ի ձեր յամառութիւնդ: Զի ահա արդ և

զիսորհուրդս արքունի ի վեր հանեմ ձեզ:
Յայդ վայր եղև հրաման պատուհասիդ ձե-
րոյ, և ի վերայ գորին պատուհասի՝ երթալ
ձեզ յԱսորեստան, և լինել ձեզ մշակ յար-
քունիս. զի որ ընդ ձեզ հայեսցի՝ մի՛ ի դմին
յամառութեան պնդեսցի ընդդէմ հրամանաց
թագաւորին»:

Ասեն ցնա երանելիքն. «Դու զմեր եր-
կիրս կիսագործ թողեր. մեք յարքունի եր-
կիրն կէս մարմնովք մերովք ոչ վաստակեմք»:

Իբրև զայս լուաւ դահճապետն, աղա-
չեաց զզինուորսն որ տանէին զնոսա, և
ասէ. «Միայն աստի դուք առէք դնացէք,
և հասեալ յԱսորեստան՝ ուր կամ իւրեանց
է և շրջեսցին»:

Այս են չայոց խոստովանողք, որ ըգ-
խեղութիւնն և զչարչարանսն խնդութեամբ
ընկալան յանձինս իւրեանց: Եւ վասն զի
վրիպեցին ի սուրբ մահուանէն, սգով և
տրտմութեամբ երթային զերկայնութիւն ճա-
նապարհին: Ոչ ծանր թուեին նոցա կապանք
ոտիցն և ձեռացն, իբրև զայն՝ թէ ընդէր
ոչ եղաք արժանի հաւասարել ընդ քաջ
նահատակմն:

Եւ իբրև տարան հասուցին զնոսա յեր-
կիրն Բաբելացւոց, ի գաւառ մի զոր Շա-

հուզն անուանեն, թէպէտ և էին յարքունի
պատուհասին, սակայն և յայտ և գաղտ մե-
ծապէս ընկալեալ եղեն ի բնակչաց աշխար-
հին: Սակայն երանելիքն և յայնմ յոյժ
արտմագին էին, իբր այն՝ եթէ սակաւ վաս-
տակեցաք և մեծապէս հանգչիմք. և հանա-
պազ ի նմին զեղջի կային:

Եւ անդէն թեակոխէին տեսանել ըգ-
սուրբ կապանսն նախարարացն, լինել ըս-
պասաւոր մարմնաւոր պիտոյից նոցա: Իմա-
ցուցին զայս մեծամեծաց աշխարհին, որք
էին ի նմին սուրբ ուխտի քրիստոնէու-
թեանն: Եւ հաւանեալ ամենեցուն մեծա-
մեծաց և փորունց՝ ազդ առնել ամենայն
երկրին, զի հաճոյ թուեսցի ամենեցուն՝ ի
ձեռն մարմնաւոր պիտոյիցն կցորդ լինել
սուրբ կապելոցն ի հեռաւոր օտարութեանն:

Եւ այսպէս ամ յամէ ժողովէին՝ ըստ
իւրաքանչիւր կարի մարդկանն, ոմն սակաւ
և ոմն շատ, ոյր զինչ և ի ձեռս պատրաս-
տութիւն լինէր, եթէ դրամոց և եթէ դա-
հեկանաց, ժողովէին կազմէին տային յե-
րանելիմն՝ տանել նոցա: Եւ այսպէս յար-
քանեկութեան կային՝ մինչև տասն ամն լցաւ
սպասաւորութեանն:

Եւ վասն զի յոյժ խոտագոյնս պահէին

ի ջերմոջ աշխարհին, և անդադար էին ի ճանապարհորդութեանն ընդ նոյն Շահուղ, ընդ Մեշովն և ընդ Քաշկար և ընդ ամենայն Ասորեստան և Խուժաստան, սաստիկ տապով հարեալ ի խորշակէ մեռանէր սուրբըն Խորէն, և աւանդեալ լինէր ի բնակչաց աշխարհին ընդ սուրբ վկայմն:

Իսկ երանելին Աբրահամ կայր ի նմին առաքինութեան անդադար, և զամենայն տուրս հաւատացելոցն շրջէր ժողովէր և տանէր ի մեծ հեռաստանն, և ինքն մատակարարէր ըստ իւրաքանչիւր կարօտութեան: Եւ այնպէս յերկարեցաւ մինչև յերկոտասաներորդ ամի պատժաւորացն, մինչև աղաչել զնա միաբան ամենեցուն, զի հաւանեսցի երթալ յաշխարհն Հայոց. զի ընդ մտանել նորա առ նոսա՝ ի նմա տեսցեն և զքաջ նահատակն որք կատարեցան սրով, ի նմա տեսցեն և զսուրբ կապանս չարչարանացն:

Եւ յորժամ մարտիրոսք և խոստովանողք և կապեալք նովաւ տեսանին, նովաւ օրհնի աշխարհն ամենայն, նովաւ օրհնին և տղայք նոցա յաճումն, նովաւ զգաստանան երիտասարդք նոցա ի սրբութիւն, նովաւ համեստանան ծերք նոցա յիմաստութիւն: Նովաւ ուսանին իշխանք նոցա զմարդասիրու-

թիւն, նովաւ անկանի գութ յԱստուծոյ ի սիրտ թագաւորին՝ շնել և խաղաղութիւն առնել բոլոր աշխարհին: Նովաւ եկեղեցիքն պարծին իբրև քաջ և կատարեալ զինուոր, նովաւ վկայարանքն զարդարին, նովաւ և վկայքն ցնծացեալ բերկրին: Նովաւ և դաշտըն Աւարայրի պայծառացեալ ծաղկալից լինի, ոչ անձրեաբեր ամպոց, այլ ի սուրբ և յարիւնաբուխ վկայից ցանեալ և ցրուեալք սպիտակութիւնք սուրբ ոսկերացն: Յորժամ կոխեսցեն ամենավաստակ ոտք խոստովանողին զլայնատարած տեղիս պատերազմին, յորժամ կենդանի մարտիրոս ընդ նա շրջեսցի, կենդանի առ կենդանիս երթեալ՝ ամենայն աշխարհին կրկին լինի կենդանութիւնն:

«Գիտեմք, ասեն, յորժամ տեսցեն զսա ամենայն միայնակեայք աշխարհին Հայոց, սովաւ յիշեսցեն զհոգեոր գունդս պատերազմողացն, որ փոխանակ մեր, ասեն, ետուն զանձինս ի մահ, և հեղին զարիւնս իւրեանց ի հաշտութեան պատարագ Աստուծոյ: Սովաւ յիշին սուրբ քահանայքն, որք խողիսողեցան յօտարութեանս և ցածուցին զսրտմտութիւն բարկութեան թագաւորին: Սովաւ թերես զի զմեր կապանս յիշեսցեն, և աղօթս առնելով խնդրեսցեն յԱստուծոյ

զի գերէդարձ լիցի մեղ անդրէն ի հայրենի
երկիրն մեր:

«Քանզի յոյժ անձկացեալ եմք՝ ոչ միայն
ըստ մարմնոյ կարօտութեան, այլ առաւել
տեսանել զուրբ եկեղեցիսն մեր և զսրբա-
սէր պաշտօնեայսն մեր, զոր ի նմա կարգեալ
հաստատեցաք: Եւ եթէ միւսովս յաջողեսցէ
մեզ Աստուած երթալ և նուլ զկարօտու-
թիւն մնացելոցն, զիտեմք զի և մեզ բանայ
Աստուած զգուռն ողորմութեան իւրոյ՝ ընդ
նոյն ճանապարհ երթալ, ընդ որ ոտք սըր-
բոյս կարապետեն»:

Զայս խորհուրդ խորհելով աստուածա-
շնորհ նախարարացն, մեծաւ թափանձանօք
ածէին զխոստովանողն ի հաւանութիւն: Եւ
վասն զի ոչ էր սովոր երբէք բարւոյն ընդ-
դէմ դառնալ, ըստ առաջին սովորութեան
և յայսմ վայրի փութացաւ վաղվաղակի կա-
տարել զրամանն զմիաբան հաւանեցելոցն
յաստուածային առաքինութիւնն: Եկն եմուտ
յաշխարհն Հայոց:

Փութացան և ելին ընդ առաջ նորա
վաղվաղակի արք և կանայք, մեծամեծք և
փոքունք, և ամենայն բազմութիւն ազա-
տաց և շինականաց: Անկանէին և փարէին
զոտիւք և զձեռօք առաջի սրբոյն և ասէին.

«Օրհնեալ Տէր Աստուած ի բարձունս, որ
առաքեաց մեզ հրեշտակ յերկնից՝ բերել մեզ
աւետիս յարութեան, զի լինիցիմք ժառանգք
արքայութեան: Զի ահա ի քեզ կերպարա-
նեալ տեսանեմք զամենեսեան զհրաժա-
րեալսն յուսով յարութեամք, և զկապեալսն
ակնկալութեամք արձակելոյ: Ի քեզ տեսա-
նեմք և զաշխարհիս շինութիւն խաղաղու-
թեամք. քե եկեղեցիքն մեր ցնծացեալ
բերկրին, և քե սուրբ վկայքն մեր անդա-
դար լիցին մեզ ի բարեխօսութիւն առ Աս-
տուած: Օրհնեա զմեզ, սուրբ հայր մեր, դու
ես բերան հանգուցելոցն, խօսեաց ընդ մեզ
յայտնի օրհնութեամք, զի յոգիս մեր լուփ-
ցուք ի ծածուկ զօրհնութիւնս սրբոցն:

«Հորդեցեր ճանապարհ այնոցիկ՝ որ
անձկացեալ էին գալ յերկիր իւրեանց.
Խնդրեա յԱստուծոյ զի ստէպ եկեսցեն ըզ-
նետ սուրբ կարապետիդ: Եւ որպէս հորդե-
ցեր զարգելեալ ճանապարհ երկրի, բաց և
յերկինս զգուռն աղօթից մերոց, զի և մեր
մեղաւորաց մտցեն պաղատանք առաջի Աս-
տուծոյ ի բարեխօսութիւն նոցին կապելոց.
և մինչդեռ եմք յելանելի մարմինս, որպէս
տեսաք զքո երանելի սրբութիւնդ, տեսցուք
և զսիրելի անձկալիսն մեր, որ ի բազում

ժամանակաց հարեալ և պաշտեալ եմք յուզիս և մարմինս մեր: Արդ հաւատամք յանսուտ յոյսն, զի որպէս լցեալ կատարեցաւ ի քեզ տեսիլս ի սուրբ սէր քո, այսպէս և ընդ մօտոյ ունիմք տեսանել զճշմարիտ վկայսն Քրիստոսի, որ հանապազ խանդակաթ եմք ի տեսիլս երկնաւոր գեղոյ նոցա»:

Բայց երանելի խոստովանողն, թէպէտ և այսպէս սիրով ընկալեալ եղեւ յամենայն աշխարհէն, ոչ ինչ կամեցաւ ամենեին մերձենալ առ ոք ըստ մարմնոյ կարօտութեան. այլ ընտրեաց իւր տեղի մի զատ յամենայն բազմամբոխ ժողովրդոց, և առաքինի եղբարբք երիւք կատարեաց զկեանս իւր մեծաւ ճգնութեամբ:

Զոր եթէ կամիցի ոք ի կարդ արկանել, դժուարաւ կարասցէ ասել զվարս առաքինութեան նորա: Զի եթէ զտքնութիւնն ասիցես, իբրև զկանթեղ անշէջ կայր զամենայն գիշերս. և եթէ զսակաւապիտութիւնս կերակրոցն, համարեաց՝ եթէ զանկերակուր հրեշտակացն բերէր. զնմանութիւն: Եթէ զհեզութիւն ցածութեանն կամիցիս ասել, ոչ զոք ի կենդանեաց կարիցես զտանել նման նմա. և եթէ զանընչասիրութիւնն կամիցիս ասել, դարձեալ զոր օրինակ չպատրի մե-

ռեալ ի կարասի, զնոյն օրինակ ճշմարտութեամբ և առ երանելին իմասջիր:

Անյագական ձայնիւ հանապազորդեալ էր ի պաշտաման, և անհատ աղօթիւք միշտ ընդ Աստուծոյ ի բարձունս խօսէր: Աղ եղեւ նա անհամելոց, և խթան ընդուսուցիչ ամենայն հեղզացելոց: Դսրովեցաւ նովաւ ագանութիւն, և կարի յոյժ ամաչեաց նովաւ շուայտութիւն որկորամոլութեան: Առողջութիւն եղեւ նա աշխարհիս Հայոց, և բազում վիրաւորք ի ծածուկ նովաւ գտին զառողջութիւն: Եղեւ նա վարդապետ կատարեալ վարդապետաց իւրոց, և սուրբ հայր խրատու հարանց իւրոց: Ի լուր համբաւոյ նորա իմաստնացան տգէտք, և ի տեսիլ մերձաւորութեան նորա զգաստացան լկտիք: Բնակեալ էր ըստ մարմնոյ ի նեղ խցկան, և ահ սրբութեան նորա արկեալ էր զհեռաւորօք և զմերձաւորօք: Զարհուրեցան դեք և փախեան ի նմանէ, իջին հրեշտակք և բանակեալ էին զնովաւ:

Յոյնք երանի ետուն վասն նորա աշխարհին Հայոց, և բազում բարբարոսք փութացան տեսանել զնա մարմնով: Սիրելի եղեւ նա սիրելեացն Աստուծոյ, և զբազումն ի թշնամեաց ճշմարտութեանն ած ի հաւա-

Նութիւն սուրբ սիրոյ: Սկիզբն արար առաջքինութեանն անդստին ի տղայ տիոց իւրոց,
և նովին առաքինութեամբ կատարեցաւ ի
վախճան կենաց իւրոց: Որպէս ոչ խառնեցաւ ի կարգս սուրբ ամուսնութեան աշխարհիս,
այսպէս չեմուտ ընդ մարմնաւոր պիտոյիւք ամենայն ապականացու իրաց աշխարհիս: Եւ եթէ պարտ է պարզաբար ասել, որպէս փոխանակեաց զպէտս մարմնոց ընդ պիտանացու հոգեոր իրաց, այսպէս փոխադրեալ եղել յերկրէ ի յերկինս:

ԱՆՈՒԱՆՔ ՆԱԽԱՐԱՐԱՅՆ

Որք կամօք յօժարութեամւ վասն սիրոյն քրիստոսի հտուն գանձինս ի կապանս արքունի:

Յազգէն Ախւնեաց երկու եղբարք ԲԱԲ-Գէն և ԲԱԿՈՒԲ.

Յազգէն Արծրունեաց ՆԵՐՇԱՊՈՒՀ և ՇԱԽԱՍՊ և ՇՆԳԻՆ և ՄԵՀՇՐՈՒԺԱՆ և ՊԱՐԳԵՒ և ՏԱՃԱՏ.

Յազգէն Մամիկոնէից ՀԱՄԱԶԱՍՊԵԱՆ և ՀԱՄԱԶԱՍՊ և ԱՐՏԱԿԱԶԴԻ և ՄՈՒՇԵՂ.

Յազգէն Կամսարականաց ԱՐՇԱԿԻԲ և ԹԱԹ, ՎԱՐՉ, ՆԵՐՄԵՀ և ԱՇՈՏ.

Յազգէն Ամատունեաց ՎԱՀԱՆ և ԱՌԱՆ-ԶԱՐ և ԱՌՆԱԿ.

Յազգէն ԳԱՆՈՒՆԵԱՑ ԱՏՈՄ.

Յազգէն Դիմաքսենից ԹԱԹՈՒԼ և ՍԱ-ՏՈՅ, ԵՐԿՈւ ևս այլովք ընկերօք.

Յազգէն Անձեացեաց ՇՄԱԿՈՆ և ԶՈՒԱ-ՐԷՆ և ԱՌԱԽԱՆ.

Յազգէն Առաւեղենից ՓԱՊԱԿ և ՎԱ-ՐԱԶԴԻՆ և ԴԱՏ.

ՅԱՐԺՐՈւՆԵԱԳ ՄՈՒՋԵՆ ԱՊՐՍԱՄ.

Ի ՄՈՒՋԵՆ ՄԱՆԴԱԿՈՒՆԵԱԳ ՍԱՀԱԿ և
ՓԱՐՍՄԱՆ.

ՅԱՂԴԵՆ ՏԱՂՐԱցԵԱԳ ՎՐԵՆ.

ՅՌԱՎԱԾՈՆԵԱՆ ՄԱՆԷՆ ԲԱԲԻԿ և ՅՈՀԱՆՆ:

Այս ԵՐԵՄՈՒՆ և հինգ արք, են որ յաւագ
ՆԱԽԱՐԱՐԱԳՆ, և են որ ի կրսերագունիցն,
սակայն ամենեքեան ըստ մարմնոյ են նա-
խարարագունք, իսկ ըստ հոդեոր առաքի-
նութեանն ամենեքեան երկնային քաղաքա-
ցիք: Եւ բազում ևս այլ ազատ մարդիկ.
Են որ յարքունի տանէ, և են որ ի տանէ
ՆԱԽԱՐԱՐԱԳՆ իսկ նոցուն, նիզակակիցք և
մարտակիցք քաջ նահատակացն: Եւ ամե-
նեքին սոքա կամօք մատնեցան ի սուրբ
կապանս չարչարանացն:

Այլ մեք առ այժմ ոչ ընդ այս եմք զար-
մացեալ միայն՝ զի կամօք չոգան մտին ի
փորձութիւնն, այլ առաւել ընդ այն եմք
սքանչացեալ, զի մարդիկ փափուկ իբրև
զնոսա՝ ընդարձակասուն բնակիչք ձիւնեղէն
լերանց՝ եղեն բնակիչք խորշակաբեր դաշ-
տաց: Որ զօրէն ազատ էրէոյ շրջէին ի մէջ
ծաղկաբեր լերանց, ընկեցան ի բոցակէզ
աշխարհն արևելից կապեալ ոտիւք և կա-
պեալ ձեռօք: Հաց նեղութեան և ջուր կա-

բօտանաց, խաւարարգել ի տուէ և անլոյս ի
գիշերի, անվերարկուք և անանկողինք, գա-
զանաբար գետնախշափ լինէին զինն ամ և
զվեց ամիս: Եւ այնպէս մեծաւ խնդութեամբ
տանէին զնեղութիւնն, զի ամենենին ոչ ոք
արտունջ հայհոյութեան ի բերանոյ նոցա
լուաւ, այլ յորդառատ գոհացողութիւն ըստ
նմանութեան բարեկեցիկ մարդկան, որ են
յաստուածպաշտութեան:

Եւ մինչդեռ էին յայնպիսի նեղութեան,
կարծիք եղեն ի միտս թագաւորին՝ թէ առ
յոյժ վշտին ձանձրացեալ են դառնութեան
կենօքն իւրեանց: Յղեաց առ նոսա զմեծ
հազարապետն և ասէ. «Փոնեայ յայսմ հետէ
զգաստացայք յանձինս ձեր, և մի՛ կայք ի
նոյն յամառութեան. երկիր պագէք արեգա-
կան, և արձակիք ի չարաչար կապանացդ,
և ունիք անդրէն զիւրաքանչիւր հայրենի
կեանս ձեր»:

Ետուն պատասխանի երանելիքն և ասեն.
«Առ փորձ ինչ եկեալ հարցանես ցմեզ, եթէ
արդարե թագաւորն իսկ յղեաց զքեզ»: Եր-
դուաւ հազարապետն և ասէ. «Զիք այդր
բան աւելի կամ պակաս՝ որ ոչ ի բերանոյ
նորա ելեալ է»: Ասեն ցնա անդրէն. «Որք
միանդամ աշակերտեալ են ճշմարտութեանն,

ոչ երբէք փոխին ի նմանէ. այլ որ են՝
նոյն կան։ Միթէ յայնժամ առ չիմանալ ինչ
պնդեցաք, և այսօր նեղութիւնս իմաստնա-
ցոյց ինչ զմեղ. ոչ այնպէս։ Այլ զղջումն
մտաց մերոց այս է, եթէ ընդէ՞ր ընդ առա-
ջինսն չկատարեցաք զկեանս մեր։ Բայց
արդ աղաչեմք զքեղ և քեւ զթագաւորն ձեր,
մի՛ այլ վասն այդպիսի իրաց հարցանէք
ցմեղ. այլ զինչ եղեալ է ի մտի ձերում վասն
մեր՝ կատարեցէք»։

Իբրև լուաւ զայս մեծ հազարապետն,
յոյժ գովեաց ի միտս իւր զպնդութիւն հաս-
տատութեան նոցա. և յայմ հետէ սկսաւ
արկանել սէր ընդ նոսա՝ իբրև ընդ սիրելիս
Աստուծոյ։ Եւ բազում բանիւք ողոքանօք
ածէր զթագաւորն ի հաւանութիւն, զի թո-
ղութիւն արասցէ նոցա. ի կապանացն իւ-
րեանց։ Զի թէպէտ և փոխեցաւ նա ի գոր-
ծոյ հազարապետութեանն արքունի, և ի
բազում իրա գտաւ վասակար, ինքն իսկ
յանձն իւր կրթէր զաւեր աշխարհին Հայոց.
վասն որոյ և մեծաւ անարդանօք յուղարկե-
ցաւ ի տունն իւր, սակայն զկապելոցն ոչ
երբէք չարախօս կամէր լինել մինչև ցօր
վախճանի կենաց իւրոց։

Իսկ յերանելեացն բազումք ի նոցանէ որ

մանկագոյնքն էին՝ ուսան զպալրութիւն հայ-
րենի աշխարհին իւրեանց, և եղեւ նոցա
այն կերակուր հոգեոր, որով զանձինս քա-
ջալերէին և զընկերան մխիթարէին։ Եւ այն-
պէս զմայլեցան ի միտս և յոգիս իւրեանց,
զի և որ ծերագոյնքն էին ի նոցանէ՝ փափ-
կացան մատաղացան մանկացան։ Զի թէպէտ
և դպրութեան ժամանակքն անցեալ էին,
սակայն բազում սաղմոս ի բերան առեալ՝
հոգեոր երգակից լինէին մատաղերամ բազ-
մութեան մանկուոյն։

Եւ այնպէս բարձրացուցանէին զպաշտօնն
սրբութեան, մինչև ոմանք ի գառն գահճացն՝
մեծապէտ քաղցրութիւն անկանէր ընդ լսելիս
նոցա, և որչափ ի ձեռս իւրեանց էր՝ ար-
տաքոյ արքունի հրամանին դիւրութիւն առ-
նէին նոցա, և սէր ինսամոյ ունէին առ ա-
մենեսեան, և բազում անգամ զմարմնաւոր
պէտս նոցա լնուին նոքա։ Մանաւանդ զի
նշանք ևս բժշկութեան յԱստուծոյ յաջողեալ
լինէր ի ձեռս նոցա. որպէս զի բազումք ի
դիւահարաց սրբեցան ի նմին քաղաքի՝ ուր
կապեալքն կային։ Իբրև ոչ ոք զոյր առ նո-
սա քահանայ, զիմէին առ նոսա հիւանդք և
ախտաժետք քաղաքին, և ընդունէին ի նո-
ցանէ զիւրաքանչիւր ցաւոց զառողջութիւն։

Նա և որ մեծ իշխանն էր աշխարհին, զոր և Հարեշղում Շապուհ անուանէին, և նմա իսկ յանձն էին ամենայն պատժաւորքն, մեծապէս գութ սիրոյ էարկ առ ամեննեսեան։ Զծերս ի նոցանէ առ հարս ունէր, և զմանկագոյնս ի նոցանէ իբրև զսիրելի որդիս գգուէր։ Բաղում անգամ գրեաց և եցոյց յարքունիս զվիշտս նեղութեան կապելոցն, և զառն առն իւրաքանչիւր զբարս ազնուականութեանն ցուցանէր նոցա. առաջի մեծամեծացն տառապէր ջանայր ազգի ազգի ննարիւք, մինչև բազում բարեխօսիւք ածին ի հաւան զթագաւորն։ Հրամայեաց լուծանել զկապանս նոցա, և բառնալ ի նոցանէ զսուգ պատուհասին, և ագանել նոցա հանգերձ զօրէն նախարարութեանն. կարգեաց նոցա ոռծիկ, և զպատրաստութիւն սպառազինութեանն հրամայեաց յարքունուստ։ Գրեաց և յանձն արար մեծ սպարապետին, զի ընդ զօրս արքունի երթիցեն ի գործ պատերազմի։

Եւ իբրև այս այսպէս կարգեցաւ, և կազմեցաւ նոր հրաման թագաւորին, ի բազում տեղիո՞ւր և հասին՝ առաւելեալ զտան ի գործ արութեան, մինչև գովութեան հրովարտակ վասն նոցա ի Դուռն տային։ Որպէս զի քաղցրացաւ իսկ մտաց թագաւորին,

հրամայեաց զամենեսեան ածել զառաջեաւ։ Եկին և յանդիման եղեն Յազկերտի արքայից արքային։ Ետես զնոսա զուարժութեամբ, խօսեցաւ ընդ նոսա բանիւք խաղաղութեամբ, և խոստացաւ տալ նոցա զիւրաքանչիւք իշխանութիւն ըստ կարգի հայրենի պատւոյն, և արձակել զնոսա յաշխարհն օրինօք քրիստոնէութեանն, յորոյ վերայ և մեծապէս էին չարչարեալ։

Եւ մինչդեռ անդէն մեծաւ խնդութեամբ շրջէին ի կարաւանին առաջի թագաւորին, ի նմին ժամանակի հասանէր վախճան կենաց թագաւորին՝ յիննկտաններորդ ամի թագաւորութեանն իւրոյ։ Եւ ընդ հակառակս ելեալ երկու որդիք նորա ի վերայ տէրութեանն կոռուէին. սաստկանայր գործ գառնութեանն պատերազմին զերկուս ամս։

Եւ մինչդեռ նորա յայնմ խոռվութեան էին, ապստամբեաց և Աղուանից արքայն. վասն զի քեռորդի էր նոցա, և ըստ կարգի հայրենի հաւատոցն՝ քրիստոնեայ էր յառաջ, և Յազկերտ արքայից արքայ բոնի մող արար։ Եւ նորա գտեալ ժամանակ անձինն պարապոյ, հարկեցաւ զանձն ի մահ դնել. լու համարեցաւ մեռանել ի պատերազմի, քան ուրացութեամբ ունել զթագաւորու-

թիւնն: Վասն այսը ամենայնի յապաղումն եղև արձակելոցն նոցա յաշխարհն:

Իսկ կրտաեր որդւոյն Յազկերախի դայեակն, Ռահամ անուն ի Միհրան տոհմէն, թէպէտ և ետես զգունդն Արեաց ընդ երկուս բաժանեալ, սակայն կիսով գազանաբար յարձակեցաւ ի վերայ երէց որդւոյ թագաւորին. հար, սատակեաց զգունդն, և ձերբակալ արարեալ զորդի թագաւորին՝ անդէն ի տեղուջն հրամայէր սպանանել: Եւ զմնացեալ զօրսն ածէր հաւանեցուցանէր, և առնէր միաբանութիւն ամենայն Արեաց գնդին. և թագաւորեցուցանէր զիւր սանն, որում անուն էր Պերոզ:

Զի թէպէտ և Արեաց աշխարհին առնէր մեծապէս խաղաղութիւն, սակայն Աղուանից արքայն ոչ կամէր նոււաճել անդրէն ի ծառայութիւն. այլ խրամատեաց զպահակն ձորայ, և անցոյց յայս կոյս զգօրսն Մասքթաց. միաբանեաց զմետասան թագաւորս զլեառնորդեայսն, և ընդդէմ եկաց պատերազմաւ Արեաց գնդին, և բազում ֆնասս արար զօրացն արքունի: Թէպէտ և երկիցս և երիցս ետուն հրովարտակ աղաչանաց, ոչ ինչ կարացին ածել զայրն ի հաւանութիւն. այլ զրով և պատգամաւ յանդիմանէր գնոսա՝

վասն զուր աւերածի աշխարհին Հայոց: Յիշեցուցանէր նոցա զման նախարարացն և զչարչարանս կապելոցն: «Ի վերայ այնչափ սիրոյ և վաստակոց, վոխանակ կեանս առնելոյ՝ զարև հատեք, ասէր: Լաւ լիցի ինձ, ասէ, զնոցա չարչարանսն յանձն իմ առնուլ, քան թողուլ գքրիստոնէութիւնն»:

Եւ իբրև տեսին, թէ ոչ բռնութեամբ և ոչ սիրով կարացաք ածել ի հաւանութիւն, զանձս սաստիկս ետուն տանել յաշխարհն Խայլանդրաց, բացին զգրունս Ալանաց և հանին գունդ բազում ի Հոնաց, և կոռեցան տարի մի ընդ Աղուանից արքայի: Թէպէտ և թօթափեցան և ցրուեցան զօրքն իւր ի նմանէ, սակայն զնա ոչ կարացին հնագանդել. այլ և հարուածք ևս մեծամեծք հասին ի վերայ նոցա, էր որ կոռուվ և էր որ ախտիւ չարչարանօք: Եւ յայնչափ ժամանակաց ընդ երկարել պաշարմանն, մեծ կէս աշխարհին աւերեցաւ, այլ ոչ ոք ի նմանէ երկմտեալ բաժանեցաւ:

Ցղեաց առ նա դարձեալ թագաւորն Պարսից. «Զքոյրդ իմ, ասէ, և զքեռորդիդ ի բաց տուր ածել, զի ի բնէ մոգք էին և դու քրիստոնեայ արարեր, և աշխարհդ քեզ լիցի»: Իսկ սքանչելի այրն ոչ ի տէրութեանն

վերայ կռուէր, այլ յաստուածնպաշտութեանն: Զմայրն և զկինն ետ տանել, և զաշխարհն բովանդակ իքաց եթող. և ինքն զաւետարանն առ և յաշխարհէն իքաց կամէր գնալ:

Զայս իբրև լուաւ թագաւորն կարի զեղջ և ապաշաւ անկանէր ի միտս նորա, և զամենայն վնասու իրացն զհարբն իւրով արկանէր: Սնուուաւ երդումն կնքէր և տայր տանել առ նա, եթէ յաշխարհէդ միայն մի գնար, և զինչ տաես առնեմ: Խնդրեաց ըգմանկութեան սեպհականն, զոր հօր իւրոյ շնորհեալ էր նմա ի տղայութեանն հազար երդ. առ. զայն ի թագաւորէն, և նստաւ ի նմա միայնակեցօք հանդերձ: Եւ այնպէս հանապազորդեաց զինքն յաստուածային պաշտամանն, զի և չյիշէր ամենելին թէ և թագաւոր լեալ իցէ յառաջ:

Եւ այս ամենայն յերկար խռովութիւնք, որ եղեն մինչեւ ի հինգերորդ ամին Պերոզի արքայից արքայի, պատճառք եղեն չարձակելոյ նախարարացն Հայոց. այլ ոռոճկաւ և իտաճար. մտանել յարքունիս մեծապէս առաջացոյց քան զամաց սովորութիւնն:

Եւ ի նմին հինգերորդ ամին զբազմաց նոցա անդրէն զկեանս շնորհեաց, և այլոցն

առ յոյմն խոստացաւ՝ յամն վեցերորդ միշ անդամայն աղձակել զամենեսենան կենօք և պատուով:

Բայց ի տեղի այսր ինձ դարձեալ գալ պիտի: Իսկ կանայք երանելի առաքինեացն և կապելոցն և անկելոցն ի պատերազմին՝ լնդ ամենայն աշխարհն Հայոց համօրէն համարել ես ոչ կարեմ. զի բազում այն են զոր ոչ զիտեմ, քան թէ զիտեցեմ: Զի հինգ հարիւրով չափ յականէ յանուանէ ձանաչեմ. ոչ միայն որ աւագագոյնքն էին, այլ զբազումն ի կրսերագունաց անտի:

Ամենեքեան միահամուռ զերկինաւոր նախանձ բերելով, ոչ ինչ ընդհատ երեւեցան յայնցանէ՝ որ ոչ ճաշակեցին զաշխարհ: Բանզի եթէ աւագագոյնք էին, և եթէ մանկագոյնք, զմի առաքինութիւն հաւատոյ ըգեցկեցն: Ոչ ինչ յիշեցին ամենելին զանուն փափկութեան մայրէնի ազատութեանն՝ այլ իբրև մարդք՝ որ վշտամբերք լեալ իցեն անդստին ի շինական սովորութեանցն տանչելով վարեալ զկեանս աշխարհիս, անդրագոյնք ևս քան զնոսա յանձն առին զհամբերութիւն վշտաց:

Ոչ միայն յոգիսն միսիթարեալ կացին առ աներեսոյթ զօրութիւն յուսոյն յաւիտե-

նից, այլ և մարմնոյ նեղութեամբք առաւել ևս բարձին զբեռն ծանրութեան։ Զի թէ-պէտ և ունէին զիւրաքանչիւր ձեռնասուն սպասաւորս, ոչ ոք երևէր ի նոցանէ՝ թէ որ տիկինն իցէ և կամ որ նաժիշտն. մի հանդերձ էր հասարակաց, և միապէս գետ-նախշալիք երկոքեան։ Ոչ ոք ումեք անկող-նարկ լինէր. քանզի և ջճանաչէին իսկ զիու-տեղէնսն ընտրել ի միմեանց. մի գոյն թխու-թեան փախրայիցն, և մի գոյն սեւութեան մնարից բարձիցն։

Ոչ գոյր նոցա համեմ խահամոքք անու-շարար առանձինն, և ոչ հացարարք որոշեալ ի պէտս սպասու ըստ ազատաց կարգի, այլ հասարակաց էր։ Շաբաթամուտն ըստ կար-գի միայնակեցաց, որ յանապատի բնակեալ են։ Ոչ ոք ումեք ջուր ի ձեռս արկանէր, և ոչ կրտսերք աւագաց դաստառակս մա-տուցանէին. չանկաւ օշնան ի ձեռս փափ-կասուն կանանց, և ոչ մատուցաւ եւդ ի զուարթութիւն խրախութեան։ Զեղան ա-ռաջի սուրբ սկտեղք, և ոչ անկան բաժա-կակալք յուրախութիւն. չեկաց ուրուք նոցա նուիրակ առ գուրս, և ոչ կոչեցան պա-տուականք յարանց ի տաճարս նոցա. չյի-շեցան նոցա՝ թէ գուցէ ոք ամենեին ի

բնակասնունդ դայեկաց և կամ բնաւ ի սի-րելի հարազատաց։

Փոշոտեցան և ծխոտեցան սրահակք և սրսկապանք նորեկ հարսանց, և սարդիու-տայնք ձգեցան ի սենեակս առագաստաց նոցա. կործանեցան բարձրագահք տաճարաց նոցա, և խանգարեցան սպասք երախանաց նոցա. անկան կործանեցան ապարանք նո-ցա, և տապալեալ աւերեցան ամուրք ա-պաստանի նոցա. Չորացան ազագեցան բու-րաստանք ծաղկոցաց նոցա, և տաշտախիլ եղեն որթք զիներեր այգեաց նոցա։

Աչօք իւրեանց տեսին զյափշտակութիւն արարոց իւրեանց, և ականջօք իւրեանց լուան զչարչարամս վշտից սիրելեաց իւրեանց. առան գանձք իւրեանց յարքունիս, և ոչ մնացին ամենեին զարդք երեսաց իւրեանց։

Տիկնայք փափկասունք Հայոց աշխար-հին, որ գրգեալք և գգուեալք էին յիւրա-քանչիւր բաստեռունս և ի գահաւորակս, հա-նապաղ բոկ և հետի երթային ի տունս ա-ղօթից, անձանձրոյթ խնդրեալ ուխտիւք՝ զի համբերել կարասցեն մեծի նեղութեանն։ Որ ի մանկութենէ իւրեանց սնեալ էին ուղ-դովք զուարակաց և ամճովք էրէոց, խոտա-բուտ կենօք իրրե զվայրենիս ընդունէին

զկերակութն մեծաւ խնդութեամբ, և ոչ յիշէին ամենեին զսովորական փափկութիւնն: Սևացեալ ներկան մորթք մարմնոյ նոցա. վասն զի ցերեկ արևակէզք էին և զամենայն գիշերան գեանաբեկք:

Մաղմոսք էին մշտնջենաւորք՝ մըմունջք ի բերանս նոցա, և մխիթարութիւնք կատարեալք ընթերցուածք մարգարէիցն: Միաբանեցին երկու երկու իբրև ամոլք հաւանք և հաւասարք՝ ուղիղ տանելով զակօսն արքայութեան, զի առանց վրիպելոյ հասցեն ի նաւահանգիստն խաղաղութեան:

Մոռացան զկանացի տկարութիւն, և եղեն արուք աւարինիք ի հոգեոր պատերազմին. մարտ եգեալ կառւեցան ընդ մեզն կարեորս, հատին կտրեցին և ընկեցին զմահաբեր արմատս նորա: Միամտութեամբ յաղթեցին խորամանկութեան, և սուրբ սիրով լուացին զկապուտակ ներկուածս նախանձուն. հատին զարմատս ագահութեան, և չորացան մահաբեր պատուզք ոստոց նոցա: Խոնարհութեամբ կռփեցին զամբարտաւանութիւն, և նովին խոնարհութեամբ հասին երկնաւոր բարձրութեանն: Աղօթիւք բացին զփակեալ կը ունա երկնից, և սուրբ խընդրուածովք իջուցին զիրեշտակս ի փրկութիւն:

լուան աւետիս ի հեռաստանէ, և փառաւորեցին զԱստուած ի բարձունս:

Սյրիք որ ինոսա էին՝ եղեն վերսալին հարսունք առաքինութեան, և բարձին յանձանց զնախատինս այրութեանն: Իսկ կանայք կապելոցն կամօք կապեցին զմարմնաւոր ցանկութիւնս, և եղեն կցորդ չարչարանաց սուրբ կապելոցն. ի կեանս իւրեանց նմանեցին քաջ նահատակացն մահուամբ, և ի հեռաստանէ եղեն վարդապետք մխիթարիչք բանտարգելեցին: Մատամբք իւրեանց վաստակեցին և կերակրեցան, և զկարգեալ ոոճիկ նոցա յարքունուսո՞ ամյամէ թոշակ առնէին և աային տանելնոցաի մխիթարութիւն: Անարիւն ձիպուանց նմանեցին, որ երգոյն քաղցրութեամբ առանց կերակրանաց կեան, և կենդանի են միայն զօդն ծծելով, զանմարմնոցն բերեն զնմանութիւն:

Բազում ձմերաց հալեցան սառնամանիք. եհաս գարուն և եկին նորեկ ծիծեռունք. տեսին և խնդացին կենցաղասէր մարդիկ, և նոքա ոչ երբէք կարացին. տեսանել զանձկալիսն իւրեանց: Ծաղիկք գարնանայինք յիշատակեցին զպսակասէր ամուսինս նոցա, և աչք իւրեանց կարօտացան տեսանել զցանկալի գեղ երեսաց նոցա: Սպառեցան

բարակք որսականք, և խցեալ կուրացան
արշաւանք որսորդաց: Բնագրօք յիշատակե-
ցան նոքա, և ոչ մի տօնք տարեկանաց ոչ
ածին զնոսա ի հեռաստանէ. ի ճաշակատեղս
նոցա հայեցան և արտասուեցին, և յամենայն
յատեանս յիշեցին զանուանս նոցա: Բազում
արձանք կանգնեալ էին յանուն նոցա, և ա-
նուանք իւրաքանչիւր նշանակեալ ի նոսա:

Եւ իբրև այսպէս յամենայն կողմանց
ալէկոծ լինէին միտք նոցա, ոչ ինչ կասեալ
թուլացան յերկնաւոր առաքինութենէն: Ար-
տաքնոցն երևէին իբրև այրիք սպաւորք և
չարչարեալք, և յոգիս իւրեանց զարդարեալք
և միխթարեալք երկնաւոր սիրով:

Ոչ ևս սովորեցին հարցանել գեկեալ ոք
ի հեռաստանէ, եթէ երբ լինիցի մեզ տեսա-
նել զսիրելիսն մեր. այլ այն էին իղձք ա-
ղօթից նոցա առ Աստուած եթէ որպէս
սկսանն՝ քաջութեամբ ի նմին կատարեսցին
լի երկնաւոր սիրովն:

Եւ մեք և նոքա հասարակ ժառանգես-
ցուք զքաղաքամայրն բարեաց, և հասցուք
խոստացելոց սիրելեացն Աստուծոյ ի Քրիս-
տոս Յիսուս ի Տէր մեր:

Գիւն է 20 կող.

2606
2607
2608
2609
2610
2611

2613

